

**PHILIPPI  
BONAMICII OPERA  
OMNIA: 3.  
CASTRUCCII  
BONAMICII...**


---

Castruccio Buonamici





Q. 8.



*Sic propriis  
etis* *consuluit  
Anno 1787*





**CASTRUCCII BONAMICII**

***OPERA OMNIA.***







QUEM TABULA ISTA REFERT MAGNVS BONAMICIVS ILLE. EST  
ORATOR VATES MILES ET HISTORICVS  
SED QVI FLAGRANTES OCVLOS EXPRESSIT ET ORA  
EXPRIMERE INGENIVM NON. POTVISSE. DOLET

CASTRUCCII BONAMICII  
SCRIPTORUM

*PARS PRIMA*

QUA

DE REBUS AD VELITRAS GESTIS, ET DE BELLO  
ITALICO COMMENTARII

CONTINENTUR.

ADCEdit AUCTORIS VITA.



LUCÆ MDCCLXXXIV.

---

Typis JOSEPHI ROCCHII  
CENSORIBUS ADPROBANTIBUS.

6-9-K-16

03

# JOSEPHI ROCCHII TYPOGRAPHI

## P R Æ F A T I O.

**N**ON ego illorum hominum errorem sequutus videbor, qui patrias res nimio studio conſeclantur, ſi optimos noſtrorum temporum latinos hiſtoricos ab Urle Luca maximè prodiſſe dixerò. Nam ut omittam Bartholomæum Beverinium, qui anteaſto Sæculo Lucenſem Hiſtoriam ita latine conſcripſit, ut Livium, quem potiſſimùm imitabatur, præclare expreſſerit; ut omittam Joannem Vincentium Luccheſinum, qui Patrum noſtrorum memoriâ Hiſtoriam ſui temporis conſcribens, egregius Taciti exſtitit imitator: certè **CASTRUCCIUS BONAMICIUS** ita omnes ſuperavit, ita ad principes illos antiquitatis Scriptores, præſertim verò ad Cæſaris Commentarios ſuis Commentariis acceſſit, ut vix quidquam ſpatii cæteris reliquiſſe videatur, quo propius accedere poſſint. Quoniam itaque hi Commentarii hac Volumine comprehenduntur, non eſt cur ipſius Voluminis laudes ego pluribus perſequar. Sed antè habetur Commentariolum ipſius **CASTRUCCII BONAMICII** Vitæ exhibens nunquam antehac editum. Sanè deſcripſit illam, ut alibi diximus, Philippus Frater. Sed, quod maximè ad rem pertinet, libellum, qui nunc primùm in lucem aſſertur, ipſi **CASTRUCCIO** magnâ ex parte tribuendum putamus.

Caſtr. Bor. P. I.

a

De-



*Delitescere enim apud Philippum in arca scriptorum, atque ad certum locum, quem innuendum curavimus, hæc habebat adscripta verba: Hactenus Castruccius. Reliquorum haud parvam partem referendam censemus Fideli Bonamico CASTRÜCCII Fr. F. quem excellenti ingenio præditum, bonisque artibus egregiè institutum mente jamdiu laborare dolemus. Quæ deerant, ut opus integrum exstaret, addidit Jo. Bapt. Montecatinius, qui hæc dictabat. Jam vero Commentarios sequitur Index tam Populorum, Urbium, Fluviorum, locorumque, quam militarium officiorum, armorum, & machinarum belli, quo nomine latinè olim, betruscè modò nuncupantur, quammaximè ille quidem hac Editione ausus. Postremò habetur Index Rerum Memorabilium a Viro docto perque diligenti Fabio Cenamio comparatus, ne quid omnino nova hæc Editio Eruditis Viris desiderandum relinquat.*

---

DE

*DE VITA*  
**CASTRUCCII**  
**BONAMICII**  
*COMMENTARIUS.*





**P**ETRUS JOSEPHUS BONAMICIUS Luca  
natus est liberâ Hetruriæ Civitate, im-  
primisque nobili. Parens ei Franci-  
scus Bonamicius fuit singulari vir morum in-  
tegritate. Hic filium suum iis disciplinis, ac  
literis, quibus puerilis imbui ætas solet, in am-  
plissimo Patriæ suæ Seminario diligenter insti-  
tuendum curavit. Erat autem in puero ferocia  
quædam aliena a suæ, communisque vitæ con-  
ditione. Itaque quum ea, quæ de Arte Gram-  
maticâ ab Præceptoribus tradita minutis adhæ-  
rere ingeniis solent, ne subauscultando quidem  
excipere ipse posset sine fastidio, habitus est  
ad studia durior. Ubi verò per ætatem veteres  
cognovit Auctores, statim ingenium ejus aspe-  
ctum, & probatum est. Optima enim quæque  
celeriter comprehendebat, & nunquam obli-  
viscebatur. Itaque Auctores nisi optimos non  
probabat, & quos probaverat, facilè imitaba-  
tur. Qua de causâ earum ignarus rerum, in  
qui-

quibus tota pueritia, atque adolescentia vulgò in Scholis consumitur, multò elegantius scribebat, & melius, quam ii faciunt, qui eas percalluerint. Una est enim, eademque compendiaria ad rectè scribendum via, si clarorum Auctorum similes in scribendo conemur esse. Ipse ut erat avidissimus legendi, Scriptores cursim legebat quoscumque; habitabat autem, & pernoctabat cum optimis, qui paucissimi sunt.

Poeticen attigit, multaque exstant ejus hetrusco, latinoque sermone conscripta carmina. In hetruscis puram a Petrarca, cæterisque ejus ætatis Scriptoribus dictionem arripiebat, eamque distinguebat ipse quasi luminibus latinorum. Nam hoc deesse arbitrabatur iis, qui principes numerantur hetruscæ poësis, ut quemadmodum ex Græciâ latini, sic ipsi adscitis ex Latio coloribus poemata illustrarent sua. Quod quum illi neglexissent, habuerunt illud quidem, quod erat temporum, ut purè scriberent, quod autem perfectæ eruditionis fuisset, ut

ut variè, copiosè, magnificeque scriberent, non potuerunt assequi. In latinis faciendis carminibus studuit ipsis ex optimis Poetis, quibus mirificè delectabatur, diligenti imitatione excerpere meliora. Ita Lucretii, Catullique suavitatem, Virgilii sine tumore granditatem, & non furentem Propertii audaciam versibus expressit suis, idque adeò concinnè, ut, quum multos & dissimillimos imitetur, unum fundere videatur, & æquabile genus orationis. Quæ etiam Horatii Flacci elegantissimam in condens sermonibus negligentiam ita sequutus est, ut esse videretur assecutus; idque perspicere facillimè potest ex iis sermonibus, quos Horatiano more conscripsit. Ciceronem imprimis admiratus est, atque est imitari conatus in solutâ oratione. Hunc porrò penitus ut cognosceret, adolescentulus etiam animo contendebat, ejusque numquam libros dimittebat è manibus, in quibus omnem verborum, sententiarum, temporum, atque hominum inesse cognitionem arbitrabatur, maximasque habere se,

totamque debere Italiam Midletonio gratias dicebat, qui omnium Italorum ingenio, & eloquentiâ principis non solum vitam, & mores, sed etiam ingenium, & scripta diligentissimis literis homo Britannus illustraverit. Quamquam ex hac unâ Insulâ, quæ quondam habitata est domicilium barbariæ, omnium jam sunt doctrinarum ab Italis exempla petenda. Bonamicius certè Britannorum semper hominum virtutem suspexit, quod ingenio essent in literis maximo, iidemque fraudis inimici, & fugientis libertatis propè jam soli custodes.

Baconii Verulamii de Scientiis librum vocabat aureum, eoque effici posse dicebat orbem illum doctrinæ, quem Græci Encyclopædiam appellarunt.

Interim quum annum ageret..... Patris voluntate Pisas se contulit, daret ut ibi operam juri civili, & legibus. Erat Academia Pisana tunc plena eorum hominum studiis, qui vetera despicientes nova in omnibus doctrinis quærere se, atque afferre prædicabant. Neque  
id

ad efficiebant tamen. Tantummodo coacervabant insignia quædam ex nostris plerumque, & Gallis Auctoribus iis, qui novare aliquid in literis sibi persuaferant; atque illi ejusmodi adventitiâ, & recenti sublata sapientiâ veteribus bellum indixerant, quorum nunquam scripta fortasse legerant.

His Doctoribus non assentiebatur Bonamicus; neque tamen Scriptores eos, si qui ex recentioribus excellere ingenio, & doctrinâ dicebantur, non sibi penitus cognoscendos putabat. Galilæum, Gassendum, Cartesium, Newtonium, & Lockium pervolutavit imprimis, qui humanæ intelligentiæ vim nosse omnem, & plurimum adjuvisse visus est. Tam multis autem in Philosophia, tamque diversis jactatus sententiis, tamquam in aram confugit ad familiam Academicorum, quæ satis in disputando elegantiae, & nihil habere videtur in judicando temeritatis. Inter illos autem veteres, quorum quidem scripta nobis nota sunt, & hos novos Sapientes hoc maxime interesse Bonami-



micius arbitrabatur, quod quum utrique eodem præstarent ingenii acumine, non idem tamen sequerentur scribendi genus, atque illi ad illustrandas res magnificas, atque graves lumen adhiberent eloquentiæ, hi ad nobilissimarum rerum causas explicandas linguâ & ratione uterentur quasi plebejâ. Nam simiolos illos, de quibus supra diximus, novitatis amatores ineptos, qui neque novorum sapientiam, neque eloquentiam tenent antiquorum, repudiandos planè, atque irridendos putabat.

Præceptorem habuit juris civilis Olmetam Corsum hominem in docendo satis eruditum. Audivit præterea in græcis latinisque literis Politum, in mathematicis Grandium, qui tum in suo quisque genere princeps numerabatur. Quamquam enim geometricis institutionibus bonam fingi mentem negaret Bonamicius, sed naturâ effici, consuetudine adjuvari, atque Auctorum perfici imitatione, qui prudentius scripserint & melius; adhibendam tamen Geometriam censebat, ad earumque rerum usum  
re-

revocandam, quæ utiles sunt ad vitam hominum, cultumque civilem. Quum igitur juris civilis studio non contentus in omnium ferè doctrinarum meditatione versaretur Bonamicius, domum revocatur a Patre, ut ad scientiam juris civilis consuetudinem adjungeret Fori Lucensis. Sed quum ineptias hominum, quæ sunt Causidicis devorandæ, non facilè ferret, simulque antiquorum lectione commotus, acerrimà teneretur cupiditate Romam videndi, qua in Urbe claros illos, memoriæque dignos viros acceperat esse versatos, Romam ut contenderet, petiit a Patre, atque impetravit.

Quo tempore ad Urbem Bonamicius accessit, erat in Pontificatu Clemens XII. Florentinus, apud quem unus omnia poterat Nereus Corsinius Cardinalis Fratris Filius. Itaque Bonamicius nosci ipse, colere Nereum non destitit, neque tamen servili gratari obsequio, sed ingenii famà, bonarumque artium studio. Latinas inde edidit Orationes duas, de laudibus

bus Pontificis unam, & pro Latii Academiâ nuper Melchiorre Polignachio Auctore institutâ alteram. In iis autem Orationibus impetus licet esset ingenii, & inchoata quædam a naturâ eloquentiæ imago, non verò perfecta, atque ex multarum rerum cognitione efflorescens; laudabant tamen docti in Urbe homines, atque indolem adolescentis ad magna surgentis excitandam esse arbitrabantur Principis liberalitate \*.

Sed quum Romæ progressum in eo expectarent ætatis, ipse ut erat naturâ impatiens, parumque constans, ut de se se in carmine quodam italicè scripto de Inconstantiâ profitetur, relicta Urbe magnaque Italiæ parte peragrata Patavium venit. Ibi quum Dominicum Lazzarinum, qui Patavii sanioris eloquentiæ studium

---

\* Hic in MS. adscripta erant hæc verba: *Hactenus Castruccijs*. Atque in iis manus agnosci videtur Fidelis Bonamicij, Castrucci Fr. F., cui reliquorum haud parva pars referenda est.

dium renovaverat , bonasque artes sæculo XVII. depravatas primus restituerat , diem nuper obiisse suum audivisset , incredibilem animo cœpit dolorem , ejusque in morte latinas edidit Elegias duas satis elegantes. Quum verò eà in Urbe permulti florerent omni doctrinâ , ac literarum genere præstantissimi homines , in horum amicitiam , familiaritatemque se se innuavit Bonamicius , quotidieque legendo , commentando , & scribendo quum exerceretur , animum excoluit exquisitâ rerum cognitione plurimarum.

Lazari ibi Bonamici Gentilis sui famâ permotus , fuit qui Leonis X. P. M. ætate scriptor politissimus , publiceque Patavii docuit tantâ doctrinæ famâ , ut æneam statuam insigni ejus Urbis loco Senatus Venetus decreverit , ejus de moribus , studiisque scripsit Commentarium , quem literarum detrimento interuisse dolendum sanè est.

His Doctoribus , & artibus variis , atque multis ita erat deditus Bonamicius , ut præcipue

puè tamen versaretur in veteri, & recentiori cognoscendâ Historiâ. Noverat enim magistrâ dici vitæ, & plurimum inde in mores, & scientiam civilem adjumenti redundare. Historiam verò non ut plerique strictim, & leviter, sed absolutè penitusque tenuit, totamque perspectam habuit, diligenter rerum, & temporum momenta perpendens: unde varia exstitit, & minimè vulgaris in Bonamicio eruditio. Qua de re sacræ, prophanæque Historiæ facta ita mente, & cogitatione assequebatur, ut Romanorum præsertim res gestas quum legeret, iis videretur quasi interfuisse. Atque hinc factum est, ut altè semper, & præclarè & cogitaret, & sentiret, animoque quum esset aperto, & simplici, & cum virtute, tum etiam Orationis genere liber, mediocris homines ingenii, quorum est maxima ubique copia, respueret iracundius, sive morosè, ut putabatur, sive ingenuo, liberoque fastidio. Haud mirum ergo debet videri adversâ plerumque usum fortunâ, vario, ac pertumultuoso vitæ genere plu-

plurimorum in se odium, & invidiam concitasse. Nonnullos tamen amicitia, & consuetudine sua sibi devinxit, ut iis perpetuò fuerit amicissimus. Imprimis autem familiaris fuit Cajetano Fortio Præsuli doctissimo, ad quem etiam Sermonem misit de Amicitia, & Orationem pro Guimbardio milite.

Interim frequens Historiæ lectio, quæ plerumque in præliis, pugnisque exponendis versatur, Bonamicium majoris gloriæ cupidine incensum ad bellicas laudes abstraxit. Quum verò per eos fortè dies Regni sui tutandi causa arma sumpsisset, obviamque esset hostibus profectus Carolus Borbonius Neapolis & Siciliæ Rex, ejus Castra sequutus est Bonamicius, exindeque Castrucci dici voluit, ut tam præclari Ducis, & Civis sui memoriâ vehementius ad laudem, & gloriam incenderetur. Voluntarius primùm equo merere cœpit sub Sanctacrucio Morillii Comite, & in exercitu Neapolitano Tarraconensis Alæ Præfecto. Inde quum probata ejus esset virtus in prælio ad Velitras,  
in-

inter Custodes Corporis Regii relatus. Atque hic militaribus licet exercitationibus districtus, permultum tamen tribuit temporis literis. Edidit namque latino sermone Commentarium de Rebus ad Velitras Gestis, qui plurimum statim per universam Europam commendationis habuit non tam genere ipso latinè scribendi nitido, perpolito, vereque aureâ Augusti ætate dignissimo, quam quod multa in eo libro doctrina appareat, multa rei militaris scientia, quam certè diligenter habuisse \* cognitam factis etiam declarant Orationes duæ, quas hetrusco sermone habuit Neapo'li in Conventu clarissimorum Ducum: Alterà enim novam quandam bellandi rationem suadendam suscepit; alterà militarem Academiam recèns institutam collaudavit. In his etiam quantum hetruscam calleret eloquentiam ostendit; quod si qui homi-

---

\* Hic finem habent quæ a Fideli Bonamico scripta putantur. Quæ sequuntur a Jo. Bapt. Montecatinio scripta sunt.

mini in Hetruria nato, educatove facile factu putat, vehementer is mihi errare videtur; nam sine multo studio, multoque labore fieri haud potest, ut quis copiose, ornate, ac splendide eloqui possit ne maternâ quidem linguâ. Eam porro aliâ Oratione uberrimè collaudavit. Quantum verò hetruscâ polleret eloquentiâ vel maximè demonstravit Oratione, qua Neapoli Com-militonem suum Jo. Bapt. Guimbardium reum Capitis egregiè defendit: quam etiam ad Cajetanum Fortium, uti dictum supra est, missam typis edidit. Pro militibus item Vincentio, & Joanne Avilianiis graviter, & copiose verba fecit. Sed Guimbardiana Oratio, si quid judico, præstantior haberi debet. Quum autem Commentarium illum de Rebus ad Velitras Gestis primò editum luculentâ Præfatione dicasset Trojano Aquævivæ Cardinali, hujus rogatu a Neapolis & Siciliæ Rege Præfectus Fabrûm extra ordinem atque in Oppido Barolo Quæstor Perpetuus fuit appellatus. Sed ipsum Com-mentarium iterùm editurus quum esset, fecit

*Castr. Bon. P. I.*

b

ma-



magnum nomen Maximi Pontificis Benedicti XIV. ut illi dicandum statueret Præfatione magnificentissimâ, qua sane nihil eloquentius, nihil ad Ciceronem accommodatius mihi videor legisse. Nam quamquam multi sunt, qui Ciceronem imitandum sibi proposuerint, tamen plerique id ita faciunt, ut verborum tantum imitatores sint, nervos autem, spiritum, ac mentem Ciceronis nec assequantur, nec unquam videantur agnovisse. Illa autem Bonamicii ad Benedictum XIV. Præfatio plena roboris, plena artificii, plena dignitatis divinam Pontificis majestatem, miram Scriptoris eloquentiam quaquaversus repræsentat. Et quoniam, ut mea fert opinio, tam illa Ciceronem, quam Commentarius de Rebus ad Velitras Gestis Cæsarem redolet, venit mihi in mentem quod ex nonnullis audiui, Bonamicius quum Res ad Velitras Gestas conscribere animum induxisset, consuluisse Jacobum Baccium, quo studiorum socio usus fuerat, quem potissimum ex veteribus imitaretur, addidisseque, se, si sapius

pius Ciceronis libros in manibus haberet, Ciceronem, si Cæsaris, Cæsarem imitaturum. Quod quidem effatum si magnam sui fiduciam, magnum etiam ingenium, magnum omnino animum in homine ostendit. Sed his peractis quoniam Hispanus Neapolitanusque Exercitus in Galliam Cisalpinam transductus fuerat, ibique Austriacos inter Borboniosque bellum longum, atque atrox exarserat, voluit Carolus Neapolis ac Siciliae Rex a Bonamico ea omnia, quæ gesta fuerant, coràm itinere arrepto cognosci, ac perscribi. Ortum inde habuerunt tres Libri de Bello Italico, quod ab Austriacorum a Velitris receptu initium ducens Aquisgranensi Pace finem habuit. Priorem Librum ad Carolum ipsum Regem, cujus jussu historiam conscripserat, alterum ad Philippum Borbonium Caroli Fr. eundemque Parmensem & Placentinorum Ducem, a quo Comes est appellatus, Tertium ad Genuensis Reipublicæ Senatum, a quo magnis præmiis est auctus, misit. Ego quidem historiam, quam quisque in manibus habet, mihi lau-

dandum non cenſeo; unum dicam, nihil haſtenus, doctorum hominum iudicio, in hoc genere ſcriptum fuiſſe, quod ad antiquitatem propius accedat, niſi ipſius Caſtrucci Commentarius de Rebus ad Velitras Geſtis; ut unus ſibi ipſe palmam præripuiſſe videatur, nemini in poſterum conceſſurus. Quum autem poſt annos non amplius ſex inter Gallos Britannoſque diſcordiarum initium factum, atque ad arma ventum eſſet, Gallique Minorem Balearem, quæ Britannis Inſula tunc parebat, cum claſſe obſediſſent, ac Civitatem Inſulamque ſubegiſſent, Rex Galliarum fertur ab Rege Neapolis petiſſe, uti ad ſe Bonamicium mitteret, qui bellum illud deſcriberet, idque in difficultates incidiſſe, propterea quod Rex Neapolis in neutram inclina-  
ret partem; Atque ex ea re Bonamicium magnâ moleſtiâ eſſe affectum: Erat enim gloriæ percupidus. Ac mehercules ſi bellum unquam fuit terrâ marique geſtum, quod ob potentiſſimorum Regum infinitas vires, ob exercituum multitudinem innumerabilem, ob prælio-

liorum frequentiam, ob rerum gestarum magnitudinem ab Historico omnium eloquentissimo posteritati transmitti debuisset, illud profectò fuit, quo septem ipsis annis nedum Europa, sed imprimis America, unde prior eruperat flamma, immò universus terrarum orbis miserrimè conflagravit. Sed sive ea, sive alia fuèrit caussa, valetudine Bonamicius incommodà uti cœpit. Quapropter in Patriam reversus, frustra Medico cumprimis docto ac diligenti Sebastiano Paulio usus, quem extremo Carmine collaudavit, aquà intercute oppressus est magnà literarum jacturà IV. Calend. Martias anno MDCCLXI. ætatis anno LI. natus enim erat an. MDCCX. Ingravescente morbo piè ac religiosè animum expiandum, ac præsidii divinitus constitutis confirmandum curavit, quò decedenti felicitis migrationis certissima spes affulgeret. Elatus est ad Vincentii & Anastasii, quo in Templo Philippus Fr. Sacerdotium gerebat, Sepulcroque curata est hæc Inscriptio:

## COMITI · CASTRUCCIO · BUONAMICIO

LUCENSI · FRANCISCI · F'

IN · EXERCITU · NEAPOLITANO

PRAEFECTO · FABRUM · EXTR · ORD'

ET · IN · OPPIDO · BAROLO · QUAEEST · PERP'

MAGNI · INGENJ · ET · NOMINIS · VIRO

A · CAROLO · BORBONIO

PRIMUM · NEAPOLIS · ET · SICILIAE

MOX · HISPANIARUM · REGE

ET · A · PHILIPPO · FRATRE

PARMENSIIUM · ET · PLACENTINORUM

DUCE

NECNON · A · GENUENSIUM · REPUBLICA

QUORUM · RES · ITALICO · BELLO · GESTAS

LATINIS · COMMENTARIIS · INLUSTRAVIT

SINGULARIBUS · BENEFICIIS · ORNATO

QUI · AMISSAM

DIUTURNO · MORBO · VALETUDINEM

IN · PATRIO · SOLO · CURATURUS

SUMMA · CONSTANTIA · ET · RELIGIONE

DECESSIT

AN · AB · REP · SAL · CIO IO CCLXI

SEXT'

SEXT' KAL' MART'

VIXIT ' ANN' L'

MENS' IV' DIES ' VI' HOR' II' P' M'

PHILIPPUS ' HUIUS ' TEMPLI ' RECTOR

ET ' RP' LUCENSIS ' NEGOTIORUM

APUD ' PONT' MAX' PROCURATOR

VINCENTIUS ' J' C' ET ' LUGIENSIBUS ' PRAEFECTUS

ANGELIUS ' INTER ' CUSTODES ' CORP'

REG' NEAPOL' ORD' DUCENS

' COMITES

FRATRI ' DESIDERATISSIMO

ET ' SIBI ' SUIQUE

POSTERISQUE ' EORUM

MM' PP'

QUI ' JACET ' HOC ' TUMULO ' MAGNUS

CASTRUCCIUS ' ILLE ' EST

ORATOR ' VATES ' MILES ' ET ' HISTORICUS.

Ipse verò Castrucci fertur parasse sibi al-  
teram hanc Inscriptionem:

HIC · JACET

BONAMICIUS · COMES

QUI · DUM · PERSONAM · LUDIT

MILITIS · DUCIS · ET · HISTORICI

INANES · REGUM · AMICITIAS

ET · CASTRA · SEQUITUS

CASTRUCCIUS · VOCABATUR

DEINDE · GRAVISSIMO · OPPRESSUS · MORBO

VALETUDINEM · QUAERENS

IN · PATRIO · CAELO

MORTEM · ET · VERITATEM · INVENIT

PETRUS · JOSEPHUS · MARIA

DICI · ET · INSCRIBI · VOLUIT

UT · QUEM · VULGUS

LUDUM · FORTUNAE · APPELLABAT

SCIRENT · OMNES · ESSE

DIVINAE · MISERICORDIAE · TROPHAEUM

OBIIT · XXV · FEBR · MDCCLXI ·

Cæterum fuit ille tum animo, tum sermo-  
ne liber ac simplex apertusque. Quocirca scri-  
psit

psit ipse \*, *se a gratia, atque odio multò etiam alieniorem esse, quam hominem oporteat, qui velit fortunæ velificari suæ: Quam quidem fortunam honestatis impendio quæsitam contemnebat.* Sunt enimverò ejusmodi sensus viro gravi, ac philosopho digni. Sed quoniam sæpe in conviviis, cæterisque colloquiis si quæ in sermonem inciderent sententiam aperiebat suam confidentius audaciusque quam oportuisset; idcirco apud potentiores offendeat, ob eamque rem *inclementiore*, ut ipse \*\* dixit, *utabatur fortunâ.* Inter scribendum, præsertimque in historia *libertatem* sibi videbatur \*\*\* *neque immoderate exercuisse, neque fregisse serviliter, idque unum conatus, ut omnia liberè, nihil contumeliosè scriberet.* Romæ, quo frequentius convolabat, ut Philippum amantissimum Fratrem, amicosque, ac præsertim Cajetanum Fortium inviseret, uxorem habebat, quæ eo vivo

---

\* In Præf. ad Trojanum Aquamvivam.

\*\* Loco citato.

\*\*\* In Præf. ad Senatum Genuensum.



vivo delituit, Viro autem demortuo a Philippo pie ac liberaliter dum vixit alebatur. Inter præclara ejus Scripta commemorandæ videntur Inscriptiones, quas dum Romæ Philippo V. Hispaniarum Regi parentaretur, jubente Trojano Aquaviva confecit. Sunt enim ad veram antiquitatis formam exarata. Carmen etiam memoratu dignum censemus, quod inscribitur: *L. Sectani Q. F. de Causis superiorum quattuor Sermonum Sermo Primus*. Quod autem ad ejusmodi carmen attinet, res ita se habet. Eruperant paullo ante quattuor illi L. Sectani Q. F. ad Gajum Salmorium Sermones de tota Græculorum illius ætatis literatura. Hi quidem multorum animos graviter offenderant, quod putarent sese iis versibus denotari. Itaque nonnulli scriptâ satyrâ vehementer in eos versus se incitaverunt. Eo tempore Bonamicius Carmen scripsit, de quo agimus. Simulat se esse eundem illum L. Sectanum suorum Sermonum causas referentem: re autem vera in Sectanum illum, ejusque socios invehitur. Nondum tunc tem-

temporis exierat in lucem L. Sestani Sermo Quintus, qui non adeo pòst in publicum prodiit. Suum Bonamicius Carmen nunquam publicum fecit, sed tantum amicis legendum dedit. Est verò cum propter poeticas laudes, tum propter sales & quendam leporem cum optimorum poetarum scriptis comparandum. Mens erat Bonamicio post ejusmodi Sermonem Primum alios etiam scriptitare: sed causam nescio, quare nihil aliud ea de re scripserit. Sed quando de Castrucci Bonamicii scriptis agimus, hoc tantum dicendum videtur, fuisse ab eo Commentarios De Rebus ad Velitras Gestis, ac De Bello Italico conscriptos, quod unum ad laudem famamque hominis sempiternam satis superque putandum est.

---



**CASTRUCCII BONAMICII**

**DE REBUS**

**AD VELITRAS GESTIS**

**COMMENTARIUS.**



( XXXI )

A D

TROJANUM AQUAVIVAM

A R A G O N I U M

S. R. E. CARDINALEM

MONTIS REGALIS ARCHIEPISCOPUM

ET PHILIPPI PATRIS REGIS HISPANIARUM, ET  
CAROLI PHILIPPI F. REGIS NEAPOLIS AC SI-  
CILIAE AD PONTIFICEM MAXIMUM, SEDEM-  
QUE APOSTOLICAM LEGATUM

P R A E F A T I O

PRIMÆ EDITIONIS.



*Osteaquam, Trojane Aquavi-  
va, ad Neapolitani Regis e-  
xercitum, atque in militia di-  
sciplinam profecti sumus, non  
bellicis usque adeo corpus, ani-  
mumque nostrum studiis exer-  
cere decrevimus, ut omnino  
illa optimarum artium pulcherrima, atque ad  
omnem hominem, omnemque locum accommoda-  
ta, & nunquam a nobis non exculpta studia  
relinqueremus. Legendo enim acceperamus, cla-  
riss-*

*ssimos Imperatores, non tam bellorum gloria, quam literarum præstantia enituisse, atque ab his literatos homines eductos esse in castra, quos & laborum, periculorumque socios non insuaves, & magnarum interdum rerum auctores idoneos haberent; experiundoque cognovimus, virtutis, consiliique militaris splendorem, ac vim non infuscari, ac minui, ut nonnulli perperam opinantur, sed illustrari contra hijsce artibus, atque augeri plurimum. Nam ut indecorum est, ubi a ferro atque acie discesseris, de iis ipsis rebus, quas fortiter gesseris, aut inepte loqui, aut turpiter obmutescere; sic præclarum debet videri, eruditionis ac scientiarum laude aliena quasi ac peregrina splendescere militem. Multo autem præstabilius est ad alendam animi fortitudinem, militiamque ipsam penitus cognoscendam, post equorum, armorumque exercitationes, tolerare hybernorum otium, ac præsidiorum fastidium nobilissimarum rerum cognitione, Mathematicarum præsertim, atque Historicarum, unde ars omnis militaris efflorescat ac redundet oportet, quam per desidiam, turpissimasque voluptates totum animi corporisque robur corrumpi sinere, ac quodammodo hebescere. Hanc consuetudinem si tenerent bonesto saltem loco nati, qui in regum atque imperatorum castra quotidie confluunt, & non prius irent ad arma, quam bonis antea essent artibus instructi; alacriores paulo ad pugnandum milites haberemus, peritiores quidem certe ad imperandum duces: & non vehementer doleremus, obscurari jam sensim,*

sim, atque evanescere splendidam illam, ac grandem belli gerendi rationem, qua veteres Græcos, ac Romanos tanta esse usos commendatione legimus. Quamquam ex hoc excellentium ducum, militumque numero & patrum nostrorum ætate fuerunt Eugenius, Turrena, Vobanius, Follardius, aliique nonnulli, & sunt nostra, quorum nos exemplum militiæ rudimenta ponere aggressos sequi neque pudeat unquam, neque pœniteat. Nemo certe jure reprehendat, si, quod tempus vacuum nobis datur a labore militari, consumimus in meditando, in legendo, atque in scribendo etiam aliquid, quod a militari disciplina ipsa non abhorreat. Velut id est quod in hoc Commentario præstare conati sumus, non perficiendi spe adducti, sed experiundi voluntate incitati. Latinis enim literis mandare instituimus eam Italici belli partem, cui Carolus Siciiliæ, ac Neapolis Rex non præfuit solum, sed etiam interfuit, & quam ab eo tempore exorsi, quo ille sui Regni tutandi causa arma sumpsit, obviamque hostibus est profectus, felici faustoque ejusdem victoris Regis reditu, ac Populis optatissimo concludemus. Quum vero hujusce belli partis impetus ac furor ad Velitras diutius confederit, eaque urbs a fortuna delecta fuerit quasi campus, ubi exercitus utriusque vires, atque artes palam ostenderentur, hunc propterea librum de Rebus ad Velitras Gestis inscripsimus. Ut autem latina istud potius, quam alia, persequeremur lingua, eo factum est, quod hoc nostrum, quale tandem cumque est, opus doctis præsertim, atque elegantibus: Bon. P. I. c gan-



gantibus hominibus probari volumus, quibus quidem latina præcipue oratio grata atque accepta esse debet; & quod speramus fore, ut ejusmodi rerum notitia latinis literis illustrata Italiae fines prætergrediatur fortassis, latineque propagetur; & quod demum bellorum, præliorumque narrationes, si latino sermone conscribantur, videantur mihi quidem quodammodo altius assurgere, & majorem inde assumere gravitatem, ac decus.

Ac si quis est, qui, quod sub Neapolitano Rege stipendia meruerim, ejusque sim benignitate honestiorem in militia ordinem adeptus, idcirco studio partium infectam sinceram hanc narrationem falsis quibudam coloribus oblinere me velle suspicetur; hunc ego ad eos reiicio, qui me probe norunt, sciuntque a gratia, odio, atque ab omni præsertim mendacio multo etiam alieniorem esse me, quam hominem oporteat, qui velit ac debeat fortunæ velificari juxta. Quam quidem fortunam, si modo ulla est, honestatis impendio quæsitam, contemniam semper; sin autem ingenio mihi, & bonis potius quam malis artibus emergere cupienti occurreret, amplectar libenter. Sed fortunæ nostræ, qua certe inclementiore usi hæcenus sumus, ut melius ominemur impostum, tua facit humanitas, Cardinalis amplissime. Cujusdam enim singularis felicitatis loco statuo potuisse me recipi in patrocinium ejus viri, quem natura, quem virtus, quem demum fortuna, mirifica certatim consensione decoraverint omni genere laudum, atque ornamentorum. Quæ ampla, illustria, ac singularia omnia habi-

bitant in omnium oculis, & non modo in totius Italiae, sed etiam Europæ auribus adeo personant, ut Historiam mihi tractanti, unumque propterea verum profitenti, verenda non esset, aut assentatoris, aut amplificatoris nota, si, quod neque temporis hujus est, neque loci, laudare ea vellem magnificentissime. Verum in communibus laudum, virtutumque tuarum præconiis celebrent alii quidem vetustissimam Aquaviviæ gentis nobilitatem, pluribus domi forisque facinoribus, facinorumque præmiis, plurimarum Orbium atque Oppidorum avita possessione, Regiis denique affinitatibus insignem; alii directam illam tuam, atque expeditam ad summos omnes honores sine ulla aut existimationis, aut dignitatis offensione viam; alii splendorem in publicis, alii moderationem in privatis, comitatem alii, alii gravitatem prædicent: Ego vero cum hæc omnia cum cæteris eximia, ac perpetua commendatione digna judico, tum illam tuam in primis admiror in rebus gerendis magnitudinem animi, ac prudentiæ vim, qua in sortem ipsam, constitutam a quibusdam tamquam rerum humanarum dominam, videris dominari. Qua excellenti, ac pene divina virtute tua allekti duo potentissimi Reges Philippus Pater, & Carolus Filius tot Regnorum, Provinciarum, ac Nationum negotia commendare tibi deliberarunt: eumque tantorum Regum deliberatio exitum habuit optabilem, ut quum omnia in te illi Familiamque tuam summa contulerint, haud sciamus tamen, utrum tu plus illis, an tibi illi debeant. Ne longius abeam; hoc proximo, ac difficillimo bello, de quo scribi-

c 2

mus,

mus, quodque Neapolis Siciliaque Regi, Regnisque, & Borbonio fortassis in omni Italia nominis, magnum aliquod malum portendere videbatur; quæ tua fuit auctoritas? quæ mens? Exercitum quidem nostrum tuis literis, tuis opibus, consilio potissimum viguisse tuo omnes sciunt, itque maxime, qui ex nostris, eque hostium copiis eo Romam tempore frequentes propter castrorum vicinitatem veniebant: quum te talem virum intuentes diverso diversarum partium homines sensus afficerentur, & victoriam cupiditate ac spe præoccupatam e suis abs te manibus ereptam esse illi mœrerent, nos letaremur. Quamobrem multo esse convenientius ducimus in tuo nomine Commentarium apparere, qui jam tuus est, propterea quod eorum factorum narrationem explicat, quorum, Aquaviva nobilissime, tu quamquam absens, maxima pars fuisti: multoque majore nos alacritate, atque etiam voluptate ad eas res scribendas aggredimur, quas ipsi nos vidimus, quibusque non sine vitæ discrimine interfuimus.

---

( XXXVII )  
CASTRUCCII BONAMICII  
DE REBUS  
AD VELITRAS GESTIS  
ANNO MDCCXLIV.  
COMMENTARII  
AD BENEDICTUM XIV.  
PONTIFICEM MAXIMUM

P R Æ F A T I O

SECUNDÆ EDITIONIS.



*Agnum ingenium tuum, BENEDICTE Pontifex Maxime, omnisque in omni scientiarum genere abs te cognita, explicataque doctrina, tum in latine scribendo numerosa quædam gravitas, & facultas admirabilis hortabantur me quidem, ut meum de Rebus ad Velitras Gestis Commentarium latine conscriptum, & , cum primum etiam divulgatus est, non ingratum nonnullis, & , quod a*

*multis expeteretur, iterum nunc in lucem prodeuntem Nomini tuo celebratissimo consecrarem; Neque, quominus id facerem, tenuitate operis deterrebar, quum sciant omnes, egoque ipse, & frater meus Philippus, qui Romæ, apudque te vivit, experti sãpe simus, eam esse in tantis opibus, tantaque Imperii altitudine humanitatem tuam, ut non solum summa quæque, atque insignia, quæ quodam jam, atque usitato fortune, virtutisque tuæ jure deberi tibi omnia videntur, sed etiam mediocria, & humilia benigne, comiterque exciperes; atque in illis perfectionem, conatum in his, perficiendique voluntatem laudares. Sed illud potius verebar interdum, ne ipsius argumentum libri, qui bella, præliaque, & imbutos, ut ita dicam, sanguine gladios asferret, non satis propterea accommodatum homini esset, ad quem liber mitteretur: Qui quidem & mitissimo esset animo, studiaque pacis privatus semper coluisset, & summam Christianæ Reipublicæ adeptus pacis auctor fuerit præcipuus, atque erumpentes jam Principum iras comprimere statim voluerit, multaque, posteaquam itum ad arma est, in eam rem cum scripserit ipse, tum per legatos suos egerit præclara, atque divina: Factumque fortassis esset tuo, Pontifex Piissime, studio, ac diligentia, ut componeretur, nisi Regum, temporumque arbiter Deus ob delictum aliquod nostrum non tam auctoritati tuæ, quam communi saluti viam obstruxisset. At vero intuenti mihi in dignitatem tuam amplissimam, sanctissimamque, & summi in ea Pontificis, & summi etiam Principis videri*

deri persona quum videatur, quumque Pontificatus doctrina, regnum autem prudentia illustretur maxime, ac regatur; nonne is liber, qui si non alias, at quia historiam continet, & doctrina esse instructus, & prudentia instruere legentes debet, eum potissimum virum deceat, qui Pontifex doctissimus, idemque Princeps sit, & habeatur prudentissimus? Neque si tantus vir quietem Pontificia lenitate maluit, at a bellorum causis, atque eventibus cognoscendis refugere debet; quum florentissimam, tamque late in Italia patentem ditionem obtineat, beneque noverit, regnandi artes non pacis semper ac togæ socias, sed interdum etiam belli, atque armorum esse. Ac doctrinam admirari facilius tuam possumus, quam laudare. Quibus enim verbis explicari ejus infinita vis potest? quum nihil illam prætereat, quod quidem sciri, discive oporteat. Nihil est in eloquentia magnificum, nihil in philosophia subtile, nihil in sacra, profanaque historia reconditum, non denique rerum, non verborum, non hominum, non temporum notitia ulla est, quam non Benedictus Decimus Quartus investigarit, scierit, illustrarit. Nam quid ego de juri prudentia dicam? in qua etsi unus excellis maxime, tamen minus admirandum est, ob eam autem causam minus admirandum, quod non tua tam est ejusmodi laus, quam familiæ tuæ nobilissimæ Lambertiniæ, cui civilis, ac pontificii juris peritia ingenerata esse videtur. Tantam autem doctrinæ præstantiam ille potissimum testantur doctorum hominum familiaritates, atque amicitie tam nobiles, tam vero frequentes, ut  
nub-

nullus ubique sit paullo notior eruditus vir, quin  
 ad te, aut de te scripserit, cuique non tu ipse  
 scripseris. Quo dubito magis, utrum major tibi  
 in hac re laus, an doctis viris gratulatio debeat-  
 tur; Quum tu in maximarum oppugnatione re-  
 rum non intermiseris studia literarum; neque,  
 quod magnum, rarumque est, passus sis, in tan-  
 ta exaggeratione fortunæ obrepere ad animum  
 tuum humanitatis neglectum, & veterum obli-  
 vionem amicorum: Docti autem viri eundem ha-  
 beant te & patronum, & æstimatorem, gaudeant-  
 que, a quo ornantur, labores ab eodem probari  
 suos; quorum mea sententia fructus hic est vel  
 jucundissimus: Ex eoque etiam fieri exiſtimo,  
 ut omnes ad te, ut antea dixi, aut de te scri-  
 bant; Nempe ut doctissimo Pontifici probati esse  
 videantur. Neque, cum id faciunt, laudare te  
 magis volunt, quam laudi inservire suæ, pro-  
 priamque ingenii gloriam in aliena prædicatio-  
 ne aucupantur. Quamquam neque laudatore ullo  
 eget, neque teste doctrina tua, quæ scriptis com-  
 mendata sapientissimis, ipsa de se, vel tacenti-  
 bus aliis, prædicat, atque testatur: Quibus in  
 scriptis habent præsentis, quod legant, posteri;  
 quod admirentur, omnesque ad institutionem sui  
 suscipiant, Ecclesiæque ipsa afferat ad ornamen-  
 tum dignitatis, atque ad præsidium stabilitatis  
 suæ. Hoc Pontificem, qui te Cardinalem, hoc  
 Cardinales, qui te Pontificem crearunt, spectaſ-  
 se cum primis arbitror. Ille enim, amplissimum  
 Collegium cohonestari doctissimi hominis honore  
 præclarum duxit; hi putarunt indecorum non  
 præponi omnibus in imperio, qui omnes in do-  
 ctri-

*Arina antecelleret. Itaque simul atque in illis Comitibus, in quibus ipse es Pontifex renunciatus, quæque dilata satis diu, multumque exagitata fuerant, tuum est nomen auditum, illæ continuo comitiorum undæ resederunt, incredibilis extitit Cardinalium omnium Pontificatum tibi mandantium consensus, eaque tamque perspicua ejusmodi nuncium consequuta est per orbem sine ulla varietate universum approbatio, ut non Cardinalis cujusdam, sed ipsius Doctrinæ, Sapientiæque nomen ad omnium accidisse aures videretur. Ac si tempus fuit ullum, quum accedere ad regnandum Pontifex debuerit ingenti doctrina, ingentique adeo prudentia instructus, tum profecto fuit, cum difficillimi temporis tempestas oborta est, & patrociniū pacis exclusum. Nam quum propter loci opportunitatem, finitimique regis potentiam ipsæ omnes Pontificis provinciæ, quamquam integræ essent a partibus, atque a bello otiosæ, exercituum nihilominus itineribus, & castris attentarentur, non fuit profecto recusandum, quin multa necessario quodam armatorum hominum impetu acciderent, quæ tamen prudentia corrigi, non frangi vi oportebat. Quæ quidem vis vel fuisset inutilis futura quieto, vel periculosa bellanti. Neque, propterea quod arma juste sumpseris, salutariter iccirco uti semper potes; Quum illi ipsi, qui exercitibus imperant, servire temporibus, in multisque connivere cogantur. Erant certe, qui ferociora Pontifici, eique, ut ipsi agebant, gloriosa suaderent. At ille, quod prudentis maxime principis, & moderati est, non gloriam in dominatu suam, sed eorum, quibus præerat,*



*tat, salutem, utilitatemque spectabat. Quibus  
 qui consulere rebus potuisset, si aut otiosas infi-  
 nita jactura copias alere, aut viribus pugnare  
 cum valentiore voluisset? Quorum erat alterum  
 populorum bonis, alterum vitæ, & totius for-  
 tasse imperii incolumitati gravissimum; utrum-  
 que certe ab ejus Principis prudentia alienum,  
 qui pacis bellicue momenta nosset, sciretque iis  
 sese præesse provinciis, quæ non gladiis, pilis-  
 que; sed consilio, atque auctoritate quæstæ Pon-  
 tificibus sunt, idemque intelligeret, iisdem re-  
 gna artibus retineri, quibus parta sunt. Et con-  
 silium quidem tuum laudari debet, quod tempo-  
 ribus; quod personæ, quod denique omnium ja-  
 luti accommodatum fuerit; neque fortuna repre-  
 hendi potest, quum asperrimis in rebus tenueris  
 dignitatem, atque auctoritatem tuam: De qua  
 tantum abest ut quicquam depêdideris, ut ipsis  
 ferocissimis legionibus sancta esset, mediisque et-  
 iam in tempestatibus extaret, tanquam aliquod  
 saxum, a quo illi armorum fluxus frangeren-  
 tur. Nam quum uterque inimico animo exercitus  
 sub ipsis Romanis mœnibus constitissent; quumque  
 in eo essent, manus ut consererent, concursu præ-  
 ter opinionem abstinuerunt verentes (uti tum o-  
 mnes confirmarunt quidem certe) ne victoris vis,  
 aut victi fuga eam violaret urbem, in qua tan-  
 tus vir, & parti propter insignem prudentiam  
 utrique Princeps admirandus verjaretur. Quam  
 etiam ob rem potentissimus Rex Siciliæ, ac Nea-  
 polis, summa fortitudinis, ac militaris scientiæ  
 laude hostibus rejectis, ingredi Romam voluit,  
 non tam ut urbem inviceret ad æternæ nomen  
 ma-*

magnitudinis, fato nescio quo, edificatam, quam ut coram eum adoraret Pontificem, de cuius tam multa virtutibus absens audierat, ab ejusque sapientia regnandi præcepta acciperet, a cuius auctoritate regni ipsius quodammodo nomen haberet. Sed quid ego piissimi Regis Caroli obsequium in te commemoro? Ipse Borussia Rex, cuius domi militiæque imperium illius a Xenophonte in Cyro descripti imperii effigies est, ut, quod olim historiæ fidem superare videbatur, fieri nunc posse ipsa in præstantissimo rege res declararet. Atque ipse, inquam, Borussia Rex, quamquam majorum suorum superstitione inductus a Sede Apostolica dissentiat, ea de te tamen sentit, ea prædicat, ea legatos tuos observantia coluit, ut heresis in eo quasi oblitum jux, tuæ tantum doctrinæ, sapientiæque miraculo vehementer illum commoveri appareret: Tu autem, Pater Beatissime, in peregrini obsequii lætitia illud dolores, regem tam præclarum, tamque nobilem non tecum de religione verissime sentire. Sed ut eo; unde me quasi quidam verissimarum tuarum laudum æstus abripuit, revertar, non certe a prudentissimo principe argumentum historiæ, non ipsa a doctissimo Pontifice historia abhorret: abhorrere illud potius ab amplitudine dignitatis tuæ videbatur posse, quod non, quum primum in lucem prodierit, dicata tibi extemplo fuerit. Prima enim quæque digna principibus, eoque ipsis jucundiora videntur, quod prima sunt. Ego vero, Pontifex Maxime, tibi primos, tibi postremos, tibi omnes labores meos acceptos, dicatosque velim esse. Etenim quid illis honorificentius, quid

*quid mihi potest optatius contingere? Sed quum nondum antea exploratum esset, quale de Commentario meo fuisset doctorum hominum iudicium futurum, multaque venirent in mentem, quare timerem potius scriptoris imperitiam, quam legentium sperarem facilitatem, equidem verebar, ut satis tibi placere, tuæque respondere magnitudini posset. Nunc, quum ea de illo opinio fuerit, quam maxime vellem, paullo factus audacior eum ad te si non meliorem, at probatiorem certe mitto: Qui quidem si, ut nomine commendatur tuo, ita iudicio probabitur, baud erit profecto, cur omnium, atque ipsius etiam posteritatis incorruptum jubire iudicium vereatur.*

---

D E R E B U S  
A D V E L I T R A S G E S T I S  
C O M M E N T A R I U S .



ELLUM Italicum a morte Caroli VI. Cæsaris Austriaci Borbonios inter, atque Austriacos conflatum ancipiti jam pridem Marte, variaque, ut fortuna, ita Principum Italiæ spe aut metu

ducebatur. Quartum jam annum hærebat ad Italiæ portas Philippus Borbonius Philippi Hispaniarum Regis F. & licet Gallorum auxiliares copię, novisque suæ delectibus auctæ, subacti Allobroges, superatæ Alpes, trajectus Varus, expugnatæ Niceæ, Montisque Albani arces maximam illi in Italiam tandem, Galliamque Cisalpinam erumpendi spem facerent; difficultates supererant tamen, plures etiam quam vellet. Obstabant quippe mari Austriacarum partium fautores Britanni, qui totum classibus Mediterraneum obsederant; commeatus auxiliaque ab Hispaniis demorabantur; ea suis omnia fociis subvehebant. Aditum terrâ intercludebat adhuc Sardinia Rex Carolus Emmanuel, locis arte, naturaque munitis, & populorum perspecta jam fide fretus,

*Castr. Bon. P. I.*

A

si-

simulque Theresiæ Austriacæ Hungariæ Regi-  
næ auxiliis, cujus in Cisalpina Gallia latum  
erat Imperium: Qui Sardiniaæ Rex, dum suum  
tutari Regnum, Regnique fines amplificare stu-  
debat, omnem se Italiam tutari prædicabat:  
eaque de causa magnis præmiis inductus cum  
Britannorum Rege, Hungariæque Regina cer-  
tis apud Vormaciam conditionibus convene-  
rat. Genuensium contra erant animi irritati:  
namque in eo conventu ablatum illis quasi  
pro imperio fuerat Finarium, opportunissimum  
ad Ligusticum mare oppidum: quodque ejus  
nationis hominum animis altius infederat, vi-  
debantur ad injuriam contemptui etiam habi-  
ti. Vicinum igitur jam gravem, laterique ni-  
mium adhærentem timere, & longinquæ so-  
cietatis spem, atque arma respectare cœpe-  
rant, parati, ubi se tempus daret, neque va-  
na sine viribus vis esset, pacificos, & cum  
cæteris Rebus Italiae publicis communes sen-  
sus exuere. At qui pacis consilia exuerat jam  
omnino, Mutinensium Dux is erat Franciscus  
Atestinus. Huic ab Austriacis, (quod majores  
quam consueffet, quamque alere posse vi-  
deretur copias habendo, in rerum novarum  
suspicionem venerat) denunciatum minaciter  
erat, uti aut voluntatem nudaret suam, aut  
ab armis discederet, & quia recusaverat utrum-  
que, confestim avito Imperio spoliatus, domo  
ejectus, coactusque ad Borbonios confugere fu-  
turos vindices dignitatis, Hispaniensi sese libe-  
ralitate tuebatur. Hetruria ab utrisque occulte  
ambita, petebatur a nemine palam, & Lotha-  
rin-

ringiæ permutatione potissimum secura quiescebat. Veneti armati ad fines, & nullis tamen partibus impliciti prudentis consilii ratione, veterisque Imperii auctoritate pacem servabant, eque tuto aliorum certamina & motus taciti spectabant; neque vero non vehementer dolebant ardere Italiam bello, propterea quod suæ in tanta propinquitate incendii, & communi etiam libertati inetuerent. Pontifex autem Maximus, qui satis se adversus omnes belli impetus Religione tutum arbitrabatur, re omnium gravissima, quæque magnam apud Populos, Regesque auctoritatem habere semper debet, armatorum nihilominus vim sustinebat inermis, & dum neutri parti nocere pro sua erga Christianam Rempublicam benevolentia videri volebat, incommodi ab utraque parte plurimum necessario ipse accipiebat. Jam vero Carolum Neapolis & Siciliæ Regem, Philippi Hispaniarum Regis Filium alterum, multa, diversaque sollicitabant. Exstimulabat enim cum vetus partium odium, tum recens adversus Britannos ira, quod putabatur illorum impulsu domum revocasse, quas paternis copiis legiones ad Scultennam usque flumen subsidio miserat: videbat ab Austriacis retorqueri identidem oculos ad Regnum Neapolitanum, tamquam ad prædam sibi ereptam; consilia eorum, conatusque perspexerat: quid sibi, si (quod in Vormacienli fœdere sancitum diserte erat) tota Borbonii Italia pellerentur, metuendum esset, cogitabat. Illa etiam cogitanti succurrebant, Regni novitas, non satis dum corrobora-

rata auctoritas, ambitiosæ Principum mentes, incerti Populorum animi, multoque incertior bellorum eventus. Igitur quid Populi, quid Principes molirentur, attente investigabat. Beneficio ut alii, nonnulli metu, omnes iusto sibi lenique imperio astringerentur, operam dabat. Præterea Portum Neapolis, eamque totam oram novis propugnaculis, munimentisque fucdingi, navale instrui, naves refici ædificarique, arma curari, Milites exerceri jubebat: singulas ex singulis Provinciis legiones conscribebat, easque veteranis admiscendo, militiæ artibus, laboribusque alluefaciebat; præfecerat iis ex Neapolitana Nobilitate fortuna, & genere principes. Quo facto res consequabatur duas, ut & milites in suo Regno paratos, instructosque haberet, & Principum sibi animos militaris honoris specie devinciret. Denique etsi nihil se Italiciis turbationibus interponere constituerat, quæ tamen ad bellum usui forent, iniqua tempora præmeditatus, enixe parabat.

Hic tum erat Italiæ Principum status, is habitus animorum. Interea bellum, uti dictum supra est, ab Austriacis, Borboniisque gerebatur. Quædam utrinque velitationes, aliquot etiam prælia commissa erant. Celebris illa apud Campum Sanctum pugna tanta concertatione, duobusque adeo exitu pugnata est, ut superiores ex ea utrique sese discessisse gloriarentur. Porro Austriaci, auctis post Campofanctense prælium copiis, & recenti Principis Lobcoviczii Imperio elati (quod novi semper Ducis adventu militum animi excitantur) premere acrius

crius Hispanos, atque audacius insequi cœperunt. Hispanorum autem erat exercitus, & eodem Camposanti prælio, & diutinis laboribus, itineribusque, tum etiam perfugarum frequentia attenuatus, neque celeriter redintegrari novis delectibus poterat; propterea quod & temporis oberat angustia, & mare, unde submitti illis auxilia poterant, a Britannis arctius custodiebatur. Itaque cum & propter militum paucitatem prælio contendere periculosam, & incommodum esset propter inopiam cibariorum iis, quibus jam inveteraverant, locis diutius immorari; simulque periculum illud esset, ne ab Austriacis, qui dimidio jam ferme majores copias haberent, ipsi circumvenirentur, neve obsessis (quod hostes conabantur) viis, com meatus, & receptus intercluderetur omnis: tutius Hispani consilium secuti, castris a Pisau-ro repente motis, quamquam extremum semper agmen carperent hostes, incolumes tamen, paucis in longo, difficilique itinere desideratis, cum omnibus impedimentis in Regnum sese Neapolitanum receperunt: estque in eo receptu collaudata admodum Comitis Gagii Hispanorum Imperatoris virtus, & scientia rei militaris.

Id ubi Neapolim literis, nunciisque perlatum est, & jam jamque adesse hostes, fama omnia semper in pejus augens, falso nunciaret, animi hominum pro cuiusque aut ingenio, aut fortuna varie afficiebantur. Erant (quod in omni civitate, atque in magna præsertim multitudine accidere necesse est) qui



odio præsentis status, insita quadam naturæ mobilitate, novis rebus studerent : & qui patriimonio naufragi desperatique spem magnam in rerum perturbatione ponerent, communique mallent, quam proprio casu interire : & qui demum, quod Austriacas olim partes arctius, atque apertius, quam privatum hominem deceat, essent amplexi, & jacere idcirco sibi, ac minus in præsentia valere videbantur, illorum propterea Regnum summe cuperent reviviscere, a quibus multa sibi, & magnifica pollicebantur. At horum omnium furor, partim populi totius mirifice pro Rege consentientis fide deterritus, partim severiori Magistratum diligentia, & novæ inter eos, qui dubiæ fidei habebantur, institutæ quæstionis metu compressus fractusque ad inania vota, atque ad incertissimam spem devolvebatur. Reliqui vero fere omnes, qui aut ministeriis, amicitiiisque Regiam attingebant ; aut optimi Regis moribus suavissimis illecti, justissimo ejus imperio delectabantur ; aut ab Hispanis oriundi pro sua gente acerrime stabant, parati erant quidvis perpeti ac facere potius, quam Germanorum iterum jugum subire. Nihilo tamen secius metuebant rerum humanarum vicissitudinem, & nonnulli ex iis rei militaris ignari ad belli nomen strepitumque horrescebant, & quæ ipsi sibi temere fingebant pericula, inepte miserabantur. Pars igitur trepidare, pars gaudere, alii nimium cedere, timere nimium alii, de Rege, ac Republica quidam, omnes de se cogitare. At  
Rex,

Rex, adhibitis summis viris, quibuscum maximis de rebus communicare consueverat, quid facto opus esset, quærere instituit. Censebat aliquis, Austriacos irritari tam alieno tempore non oportere, Hispanis nimium aperte iuvandis; recordabatur ancipitem martis fortunam; naturam populorum infidam, atque mobilem: hinc Siciliam ac Brutios pestis Mamertinæ metu laborare, illinc Veltinos, ac Marucinos hostium imminentium furore urgeri dicebat: certos homines ad defectionem spectare forsitan: quiescere nunc quidem, at commoveri posse ad belli, & fortunæ motum: nihil esse tam minimum, quod negligi in Imperio, atque in bello præsertim possit: magnum ubique, maximum intus periculum. Adversus quos casus tam multos, tam varios, tamque interdum repentinos, quæ spes? ubi belli nervus pecunia? ubi exercitus? auxilia ab Hispaniis aut advenire serius, aut prohiberi facile posse: superum inferumque mare esse clausum: mercaturis fatali hac Regum & Nationum discordia impeditis fidem concidisse: vestigalia deteriora in dies fieri: Ætærium pene exhaustum esse. Quod vero ad exercitum attinet, collectitios esse milites tantum, tyronum turbam, aut deserturos signa, aut etiam aggregaturos sese hostibus, ubi hostes viderint: Hispanos autem Austriacorum multitudine perterritos, tot detrimentis absumptos, tot itineribus defatigatos quietem potius, ac laborum periculorumque levamentum aliquod, quam prælia rursus, & castra spectare: etiam

atque etiam prospiciendum esse, ne temere progressis turpis impendeat exitus, neve dum amicis prodesse volumus, nos pereamus, & ipsi non serventur. Proinde nullam sibi nisi in otio salutem videri, & nisi in eo Rex consilio perseveret, quod constitutum jam cum Britannis habuerit, ut abstinendo armis, neutram hoc bello in partem inclinet: cunctandum, & rationem interim excogitandam esse aliquam, qua & cedentes Hispanos sublevemus, si possumus, & Austriacos insequentes non offendamus. Contra erat, qui Hispanorum exercitum libentissimis animis accipiendum, & cibariis, auxiliisque, omni denique re juvandum esse putaret, nulla Austriacorum habita ratione: non utile Regi, non esse honestum, Philippi Patris milites pro Patris ejusdem Philippi hostibus, & jam suis deferere; Austriacorum conatus omnes eo spectare, ut devictis ejectisque Hispanis, Regem deinde Neapolis, quietis simulatione deceptum, facilius conficiant, Italiaque omni potiantur. Eo Vormaciense fœdus omne, eo intimam illam cum Sardinia Rege armorum, consiliorumque omnium conjunctionem, tanto impendio quæsitam, pertinere: eodem etiam illud, quod per Britannos unum, idemque cum ipsis sentientes, ut supersederetur bello, utque Neapolitana ab Hispano exercitu auxilia avocarentur, tantopere contenderint: eodem pertinere, quod dum mediam Rex personam diligenter tuebatur, ipsi interea insidias moliri, Neapolitani populi fidem per literas, improbosque homines convellere nunquam desti-

stiterint: modò inimico animo cum exercitu in Regni finibus esse: expectandumne etiam, dum cunctantes, & vetera illa ac pervulgata de ancipiti martis fortuna, deque populorum natura mobili perpendentes, opprimamur? Quid tandem, inquit, veremur? aut cur de populi fide, de militum nostrorum virtute, de copiis, de pecunia denique desperamus? An non hic populus ille idem est, qui Proregum avaritiam, superbiamque nuper pertæsus, Regem cupidissime proprium appetiverit, deinde ejus benignitate captus adamaverit, a quo Rege magnis beneficiis ornatus, tantis commodis auctus fuerit? An non hujus ipsius populi constantia explorata tum maxime est, cum littori, portuique nostro Britannorum classis immineret minitabunda, & seditionis occasionem avida aucupari videretur? atque illis turbulentissimis diebus nemo in tanta sese multitudine commovit; quin fuere homines, qui maris cognitione freti audacter sanè, atque animose reciperent Regi, ituros sese ad Britannorum naves, easque incensuros. Quid tu igitur nobis, ut populo credamus, suades? Ego vero non modo non illi credendum, sed summo opere ab eo cavendum esse dicam sane, si vultis. Sed utrum diligentior cautio est in ejusmodi periculis pertimescendis, si falsa, an in vindicandis, si vera sunt? nam belli apparatus & quiescunt timidiore, & scelerati, si qui sunt, obstinatoque ad facinus animo, quum non timeri sese videant, timere ipsi incipiunt, neque audaciæ suæ locum ibi esse existimant, ubi

fa-

paratas offenderint ad defendendum vires. At credo de militum nostrorum robore, atque animis dubitamus: quos qui collectitios appellat, ignorare is mihi videtur, istorum militum magnam partem vigesimo jam stipendio functam esse: denique hos esse eosdem, qui in Africa apud Oranum cum ferocissima Maurorum gente, in Italia apud Butuntos cum hisce eisdem Austriacis congressi superiores discesserint; & qui in Siciliam deinde transgressi, Syraculis, & Messana, quæ ab hoc ipso Duce hostium Lobcoviczio præsidio tenebatur, in deditionem acceptis, duo celerrime Regna receperint. Tyrones autem qui sunt, ut in omni exercitu sunt, hi quidem juventutis vi, veteranorum exemplo, Ducum imperio & in officio continebuntur, & si non vetustatis, eandem certe exercitationis, & roboris opinionem assument; Illum vero exercitum, Gagio Imperatore, & Camposanctensi prælio nobilem, Hispanorum Belgarumque florem, & proximo hoc in Regnum receptu ab hostibus laceffitum, num tandem quærere otium, an congregiendi iterum cum Austriacis occasionem litire arbitramini? Neque me illa movent, quæ de Mamertina peste, deque utroque mari clauso jactantur. Nam Mamertina pestis Comitis Mahonii Legati diligentia, atque auctoritate, aut extincta jam fere est, aut ipsa diuturnitate ita relanguit, ut infrequentioribus præsidiis comprimere facile possit. Ut mare autem custoditum, & septum adeo esse concedamus, nulla ut omnino auxilia, & commeatus evadere possint, quid

quid externa requirimus, quum domesticis abundemus? An Siciliam, horreum quondam populi Romani, beatissimas Brutiorum Provincias, Campaniam præterea, Apuliam, Samnium non frumentum, non omnis generis commeatum, non equos, arma, milites subministrare largiter posse censetis? Nam pecuniæ ad stipendium satis, mea quidem sententia, est, ubi vectigalia fide redimantur, fide ac diligentia administrentur, neque auri pondus in non necessarias res effundatur. Hisce igitur copiis opibusque cum hostis ferox avidus impendeat, & nostris prope in faucibus urgeat, sedentes adhuc, bellandum necne sit, otiose consulimus? Bellum, bellum, inquam, gerendum est, vi vis quam maturrime repellenda, ne, quod turpissimum est, sero sapiamus; hostes autem socordiam nostram suam putent occasionem, & ad eorum conatus propulsandos aut animum nobis, aut vires defuisse suspicentur. Hac oratione inducti ad bellum plerique propendebant, utique Hispaniensis exercitus omni aperte rejuvaretur, & Neapolitanæ cum eo copiæ quam primum conjungerentur, decernere videbantur. Sed Rex satis in præsentia habens, Hispanos Regno, commeatuque non prohibere, quod salvis cum Britannorum Rege conditionibus facere poterat, nihil sibi ulterius progrediendum esse existimabat. Nam etsi vera esse, quæ dicerentur, videbat, tamen committendum non putabat, ut armis sumptis dici posset, turbandæ quietis initium a se fieri. Dicebatur etiam permotus Ducis Montallegrii consilio, qui apud  
eum

eum rerum usu, & ingenio solertissimo plurimum poterat. Is, uti ferebatur, vel quod naturâ prudentior esset, vel quod partem in pace auctoritatem imminui, suamque in bello operam minus probari vereretur, bellicis propterea consiliis adversabatur maxime, usque Regem, populumque sollicitari nolebat.

Dum hæc Neapoli consuluntur, Princeps Loboviczius cum equitatus, & peditatus parte Comitem Brounium Legatum miserat, qui Hispanos ad Truentum ulque amnem persequeretur, & vexaret, atque etiam exploraret, si quid ab Austriaci exercitus propinquitate motus in Vestinis, eaque circum loca oriretur. Ipse in agro Piceno iter represserat de summa belli admodum sollicitus, atque incertus, quo progrediretur. Namque a principio cogitaverat, pulsos fugatisque Hispanis, in Lunentem agrum descendere, ibique & Galiam Cisalpinam, Hetruriamque respicere, unde illi comitatus facile, atque abunde supportaretur omnis, & Genuenses continere, qui Vormaciensis fœderis injuria incitati tumescere jam ad bellum videbantur, simulque præsto esse ad occurrendum Hispanis, si forte vacuum nacti a Britannis mare, ad oram portumque aliquem Ligusticum improvise appellerent. Hispanorum enim auxilia mare jamdiu e Barcinonensi littore spectabant, confestim in Italiam, ubi fuisset occasio, avolutura; Britannorum autem claslis post navalem ad promontorium Sicientem pugnam in Magonis sese portum subduxerat, & diutius ibi morabatur, dum prælio, & longa maris, hyemil-

misque jactatione afflictæ naves, remigesque reficerentur, ac instruerentur. Nunc vero in Neapolitanum Regnum hostibus receptis, Lobcoviczius ex rei commutatione longe aliud sibi capiendum consilium, atque antea cogitaverat, intelligebat; neque adhuc tamen, quænam hoc allato nuncio Hungariæ Reginæ mens esset, quæve deliberatio, satis sciebat; & si Neapolitani belli fortuna tentanda esset, ut satis firmum, satisque magnum ad eam rem exercitum haberet, magnopere verebatur. Incertus itaque, uti diximus, quo se verteret, in Agro Piceno confederat, expectabatque anticipi cogitatione distractus, quoad sciret, quidnam Regina, audito Hispanorum receptu, decerneret, atque imperaret. At illam Neapolitani Regni invadendi cupiditas invaserat tanta, ut eorum, qui contra in Concilio sentirent, opiniones negligentius audirentur, neque profusus quidquam adversus proficerent socii atque amici Regis Sardiniaë obtestationes; quum ipse amissis locis plurimis munitissimis, patefacto in Imperii sui viscera aditu, salutis jam suæ diffidere inciperet, debitumque sibi ex Vormaciensi fœdere Austriacorum subsidium maxime necessario tempore imploraret: non distrahendas vires esse vociferabatur, non bella bellis ferenda: quum conjunctis copiis vix satis præsidii esset ad præsentis hostes reprimendos, quid ultro alios accerferet? quum sua retinere vix posset, quid alienis inhiaret? sese quidem timere detentis Neapolitano bello Austriacis, & sedentibus ad minorem Bailearem Britannis, ne ipse



ipse interea unus Hispanorum, & Gallorum impetus haurire, neve cogatur, tantis jam detrimentis acceptis fortunæ tandem succumbere: id si evenerit, denunciare antea sese, atque prædicere, non sine maxima ipsius etiam Reginæ perniciæ, & forsitan totius Italiæ jactura eventurum. Regina nihilominus in sua sententia perseverat, eorumque libentius consilio permovetur, qui Neapolim occupandam censent, & facillimi negotii rem esse demonstrant, dissipatis perterritisque Hispanis, quieto atque adeo imparato Rege, at paratissimis (ut sibi ipsi persuadebant) ad defectionem populorum animis: Sardinia Regem nihil non timendum nimium timere: satis in eo virium esse ad Italiam ex ea parte tutandam, eosque repellendos hostes, quorum magna pars difficultate itinerum, frigorum vi, crebritate præliorum, locorum expugnatione aut interierit, aut dilapsa jam sit: reliquis vero longe a domo in hostili, & non fructuosa terra, mari intercluso, bellantibus præsidii parum, periculi nimium superesse. Multum in Germania deperiisse, pace cum Borussia Rege necessariis magis, quam æquis conditionibus facta; magno in Italia stetit Sardinia Regis societatem: ea omnia duobus opulentissimis Regnis acquisitis, compensari facile posse. Erat Romæ Comes Tunius, Episcopus Gurcensis, Reginæ ad Pontificem Maximum Legatus. Ipse & rem a principio per literas proposuerat, & proclinatam nunc urgebat vehementissime. Hominem sua sponte officii ductum necessitate, quod Reginæ Legatus est.

esset, tum etiam præcipuo adversariorum odio incensum, incendebant etiam magis plurimi, qui Romæ Austriacis partibus ad infāniam usque fludebant, & nonnulli, qui ad eum ex Regno confluerant, exules damnatique. Hi dum a Regina aliquid Legatoque exprimerent egentes, perditī, nihil magnopere pensū habebant assentari, mentiri, fallere, jactare amicitias, & clientelas, comminisci seditiones, magna atque incredibilia polliceri, alere credulitatem. Hæc tamen omnia, atque uberiora etiam, ut suæ plerumque homines opinioni largius indulgent, ad Reginam Episcopus Gurcensis Viennam perscribebat; & Viennæ credebantur, vel quia facile credimus, enixæ quæ volumus, vel quia Comes Tunius, cujus prope in conspectu Neapolitanum Regnum erat, melius propterea videbatur posse illius Regni statum perspicere. His de causis, quas commemoravi, magno animo, majoreque spe bellum adversus Neapolis Regem decernitur. Imperatur Lobcoviczio, uti confestim cum exercitu suo in Neapolitanum Regnum irrumpat. Regni per Civitates, ac Provincias Reginæ Hungariæ nomine conscriptæ literæ disseminantur. Solicitantur veteres, atque occulti Austriacarum partium fautores, Hebræorum Mercatorum, qui commercii, atque industriæ causa Neapolim vocati erant, expulsio promittitur. Apparebat id populo dari, apud quem illa natio consuevit invidiā divitiarum, & Religionis perversitate offendere. Impunitates, immunitates, tabulæ novæ, præmia, honores ostentantur. Omnibus modis omnium homi-

minum, atque ordinum fides, ingeniaque tentantur. Comes Brounius Legatus, quem a Lobcoviczio missum ad insequendos Hispanos demonstravimus, de bello inferendo certior factus, Truentum celeriter transiit, quod flumen Neapolitanum a Pontificio Imperio dividit. Tumultuatur longe lateque; circumjacentes agros hostilem in modum devastat; occupat parva quædam in Vestinis loca; eorum Magistratui panem, hordeum, maximeque pecunias imperat: levibus etiam præliis cum Hispanorum equitum stationibus contendit. Quo quidem tempore res accidit non prætereunda silentio, & qua in ipso expeditionis initio periclitari hostes potuerunt, quid Neapolitani milites etiam gregarii possent, atque auderent. Namque Neapolitanus quidam inter Hispanos Dracones merens (genus id equitum est, qui in præliis ex equis interdum desiliunt, & pedibus præliantur) quum ab Hungaricis levis armaturæ equitibus circumventus esset, non sese hostibus dedit, non animo concidit, sed equo admissò, schythicoque ense elato in illos irruit audacissime, septem ex iis interfecit, quosdam vulneravit, reliquos coniecit in fugam: atque interfectorum spolia quum retulisset in castra, atque ad Imperatoris pedes projecisset, admiratus Imperator viri virtutem, ducentos fortissimo militi aureos numerari jussit, quos ille commilitonibus statim suis largitus est, una se facinoris gloria contentum esse dicens, ut non magis invicti, quam magni animi indicium daret. Lobcoviczium interim de bello  
jam

jam non dubium illa rursus dubitatio sollicitabat ; qua potissimum parte in hostium fines duceret agmen. Erant omnino itinera quatuor, quibus itineribus a Pontificis Provincia in Regnum Neapolitanum perveniri poterat. Tallacotienſe , & Rheatinum non admodum frequentia , & qua ire exercitus , hyeme præſertim , nequaquam poterat ; propterea quod loca aspera nimium essent , ac montosa. Eorum itaque cogitatio ne suscepta quidem est. Reliqua erant duo, quorum alterum mare superum confectatur , & per Potentiæ fluminis ostia , atque Aſculanorum fines in Veſtinos ducit , eoque ad inſequendos Hispanos Comes Brounius ierat : alterum porro Umbriam attingit , agrumque Romanum discriminat , & per Anagniam , ac Frusinonem in Campaniam illabitur. Hac erumpere in Regnum conabatur Lobcoviczius , & erupisse quondam ajunt Carolum Galliarum Regem illum , qui Ludovici Mauri Mediolanensis Ducis turbulentis , atque ambitiosis consiliis evocatus in Italiam descendit ; unde Ludovico exitium , Carolo fuga , Italiæ omni vastitas , & nunquam interitura Transalpinorum bella evenere. Atqui plerique existimant , si adhibita , Lobcoviczius , celeritate , transducto confestim exercitu flumen Truentum , eodem , quo Comitem Brounium præmiserat , itinere in Veſtinos venisset , indeque nactus Apuliæ fuisset opima , ac maritima loca , potuisse ab eo bellum majori cum sua utilitate , hostiumque damno administrari. Quæ res tamen plures recipiebat difficultates. Erat anni tempus du-

*Castr. Bon. P. I.*

B

rif-

risissimum altissima nive. Difficillimæ propter viarum ac locorum, a luto atque nive subfidentium, angustias, æneorum tormentorum, cæterarumque rerum subvectiones. Conflictabatur etiam rei frumentariæ, pabulique inopia, quæ ingravescere in dies posse videbatur, si per hostium agros, aut per quos hostis pene vastabundus incesserat, ipse nusquam præparatis commeatibus iter facere cœpisset. Quum vero tota in festinando res consisteret, maximo erat ad conficiendi negotii celeritatem impedimento Aterni arx objecta excurrentibus, quam præliis, ac propugnaculis munitam egregie, modò Hispano etiam exercitu succinctam, & tentare, & relinquere post se æque periculosum erat. Dum autem Reginæ mandata expectat, dum rem frumentariam expedit, atque auxilia e Gallia Cisalpina, auxilia e Germania conveniunt, multum effluxerat temporis. Interea accelerabant, ut sese cum Hispaniensibus jungerent, Neapolitanæ copiæ, & rei e vestigio gerendæ occasio, in bello præsertim occupanda, prætervolaverat. His rebus permotus Lobcoviczius illam superi Maris viam relinquit, & quum vernum jam tempus præcipitaret, revocato Comite Brounio, suisque omnibus in unum tandem coactis copiis via Flaminia per Umbriam, Agrumque Romanum in Campaniam, uti dictum est, constituit irumpere.

At quibus viribus Neapolitanum Regnum profectus sit oppugnatum, statuere difficile est. Pro studio enim partium alii amplificanc, alii ele-

elevant militum numerum ; & quum bella plerumque famâ, atque opinione constent ; ejusmodi rumores , varia in vulgus edendo , adaugere callide ipsi solent Imperatores , quo majorem suis fiduciam , hostibus iniiciant metum. Sed viginti millia peditum fuisse , sex equitum feruntur. Accedebant legionariis collecti ex Transilvania , Croatia , Illyricoque omni , & finitimis regionibus velites , quos e suis latibulis excitos , ad prædam , bellumque in Italiam Austriaci compulerant. Multi etiam capitis damnati , transfugæque convenerant , quos vitæ , veniæque desperatio , & rapinarum spes acrius ad arma concitabat. Ex his conflata centuriæ , quod nullo ordine , nullaque disciplina certa pugnarent , solutæ appellabantur. Erant præterea Hungaricorum equitum circiter millia duo , qui libere , atque audacter veteri Parthorum more vagari consueverunt ; itinera habent infesta , commeatus intercipiunt , loca explorant. Hunc exercitum ( quem majorem etiam fama esse nunciabat ) ad invadendum Regnum trahebat Lobcoviczius insignis ipse Dux , & primis apud clarissimum Imperatorem Eugenium stipendiis , & rebus in Boemia gestis , & quod ad Italicum bellum tantum , atque difficile haud nequidquam missus esse videbatur. Jamque Macerata moverat iv. Nonas Maii , quatruidique viam progressus , superatis saltibus , qui Picentes ad Umbris dividunt , atque ad Camertes pertinent , modicis ad Forum Flaminii itineribus pervenerat. Advolat eo continuo Româ Comes Tunius. Omnia , quæ Lob-

coviczio sæpius per literas inculcaverat, coram ipse agit multo vehementius. Excitat, hortatur, docet quantopere ad causam, Reginæque utilitatem interfit Neapoli confestim potiri: expeditionis gloriam, commodaque amplificat. Id in primis facillimum factu esse dicitur: per omne enim Regnum, atque in sinu urbis Neapolis esse ait summæ potentiæ, magnæque cognationis homines, qui fremant, præsentemque statum ægre patiantur, & sese Austriacis cupiant quamprimum adjungere: auctorem populis, non animum ad defectionem deesse: proinde iret, atque auderet, nullo negotio opprimi posse Regem in ancipiti positum discrimine, quum domestica simul cavere & externa propulsare pericula debeat. Hæc dum in castris cum Lobcoviczio Tunius agit, animadvertit Legatos, & plerosque copiarum Præfectos alieniore esse in Lobcoviczium animo, deque illo asperius loqui. Hominem esse dicere indiligentem, difficilem, & qui omnia revocet ad arbitrium suum, nihil de aliorum sententia agat. Id utrum invidia, ac malevolentia adducti, quod homines de his libenter detrahunt, eminere quos videant altius, an revera, quod ita esset, dicerent, ac quererentur, ambiguum cum valde sit, non videtur pro certo esse ponendum: præsertim cum qui Lobcoviczio usi sunt perquam familiariter, multa nobis, atque egregia de ejus facilitate morum, ingeniique præstantia retulerint. Sed Comes Tunius Romam celeriter reversus statim literas ad Reginam dedit, quæ illi accuratè significat-

ficarent, quæcumque ipse de Lobcoviczio, deque aliorum Ducum dissensione, & querelis, in castris quum esset, audierat, atque perspexerat. Regina, quod Regni repetendi occasionem corrumpi prolatando, ac disputando posse videret, severius ad Lobcoviczium scribit, uti bellum, iterque maturet, simulque (ut aliquid Legatis etiam daret) Legatorum in Concilio sententiarum rationem haberi majorem jubet, neque eorum negligi consilia, qui Austriacas Romæ res curabant; quorum ad bellum Neapolitanum opera, ac diligentia ob loci propinquitatem, & notitiam opportuna admodum esse videbatur. Lobcoviczius, hisce mandatis acceptis, tripartito copias dividit, itaut exercitus pars altera ab altera parte bidui via abesset: eo consilio, ut earum regionum hominibus, per quas transire copias oportebat, spatium daretur ad expediendos commeatus (erant enim eæ circum regiones frequentibus exercituum itineribus magnopere exhaustæ, atque attritæ) ac ut ipsæ etiam copię ejusmodi intervallo dispertitæ facilioribus vecturis, cæterisque necessariis rebus uterentur. Tali modo instructo exercitu, & re frumentaria ordinata a Foro Flaminii Lobcoviczius progressus per Spoletanorum, Interamnatum, & Narniensem fines ad Falerios Faliscorum pervenit. Castra ibi locat, Concilium advocat. Adiunt Legati, primique Ordines. Adest Alexander Albanus Cardinalis, qui Roma tum forte venerat, & qui, Sardinie primum Regis, deinde Hungarie Regine patrocinio suscepto, Austriacis

B 3

hac





hac de causa partibus interviebat; adest etiam Comes Tunius Episcopus Gurcensis, & Abbas Franchinius Tavianus Pistorienlis Magni Etruscorum Ducis Legatus, cum militaribus viris de bello togati homines consulturi. Variæ dicuntur sententiæ. Disputatur. Quum Legati, cæterique copiarum Præfecti, qui conventui intererant a Lobcoviczio cupidius dissentirent, quam tempus postularet, atque e Concilio indignantes consurgerent: comprehendit illos Alexander Albanus, & magnopere cohortatus rogat, dissensionum, & controversiarum finem faciant, neu privatis simultatibus publicam causam perditum eant: eadem agunt, atque orant Tunius atque Franchinius. Discessum tamen a Concilio est, ut tumultuatum potius, quam deliberatum aliquid sit.

Interea dum hæc ab Austriacis geruntur, Rex Neapolis ea spe lapsus, quod Austriacos aut æquitate permotos sua, aut Sardinia Regis periculo in alteram Italiae partem retractos, nihil quidem contra se in præsentia ausuros esse arbitrabatur, consilio omni quietis, & cunctationis abjecto, hostibus quam maturrime occurrere instituit. Itaque, nondum hyeme confecta, duas ex Hetruria sua legiones arcessit, reliquas ex hibernis deduci, armari, suppleri-que, & convenire statim jubet; quasdam continenter præmittit, quæ ipsa sui adventus fama hostem interim demorentur, si per causam insequendi Hispanos eruptionem in Regnum Theatensem versus facere contendant; quod collectis, junctisque ratibus ad efficiendos in Truente

to

to pontes, & præmillis nonnullis Hungaricis equitibus, conari identidem minabantur. Ipse equitatu studet, frumentum, milites, pecuniam imperat. Imperata libentissimis animis Neapolitani faciunt, atque hoc etiam majori diligentia, quod summopere cupiebant removere ab se infidelitatis suspensionem, quam fidelissimæ Civitati, temere multa Austriaci jactando conflaverant. Portum Neapolis, novis jam, ut diximus, extructis propugnaculis, ne quid a mari hostibus pateret, & dispositis præfidiis, tormentisque muralibus communire festinabat. Præterea naves bellicas duas, quinque-remes quatuor, totidemque biremes; & magnum actuariarum numerum expediri jubet, quæ pro Cajetæ littore, portuque in statione sint, & auxilia exercitui commeatusque, si opus fuerit, subvehant. Dat prudentissimis hominibus negotium, ut, absente se, Rempublicam suscipiant, atque administrent, idque Michaeli imprimis Retio clavis Præfecto commendat; ad quem non tam propter viri dignitatem, quam propter egregiam in moderando populo facilitatem totius urbani Imperii summam respicere Rex voluerat. Quum vero dubiæ fidei insinulati plures in vinculis haberentur, & tali in tempore lenienda potius, quam exagitanda populi vis videretur, solvi eos extemplo, liberisque abire jussit. Quo facto magnam a populo, cæterisque ordinibus gratiam iniit, improbosque ipsos, tantæ mansuetudinis admiratione obstupefactos, repressit ab omni conatu novorum consiliorum. Ipse ad hostem proficisci

constituerat, magnam Regium nomen in bello vim habere existimans, eoque & hoïles terri, & suos incitari, & Ducum usitatas æmulatione imperii minui controversias, intelligebat: simul, si quid durius domi, forisve accidisset, tutiorem multo inter armatos, atque apud suum exercitum fore sibi locum videbat. Accendebatur etiam Philippi Fratris exemplo, qui iisdem temporibus in Taurinis magno, fortique animo cum Rege exercitissimo gerebat bellum; & dicebatur per eosdem dies a Philippo Patre, militarium facinorum cupidissimo Rege, incitatus per literas ad bellicam fortunam; propriamque Borbonii generis laudem. Igitur domi rebus optime constitutis atque omnibus ad profectiorem comparatis, Civitatis Primoribus convocatis, Rex sese ad hostem iturum, & Reginam interea cum liberis Cajetæ quietiori in loco futuram pronunciat. Tum vero hoc audito procumbunt Regi ad pedes Neapolitanæ civitatis Principes, & multis precibus orant, atque obsecrant; si ipse abesse cogitur Reipublicæ causâ, Reginam quoque discedere ab ipsis ne patiatur: maximo hanc rem Neapolitanis hominibus non dolori tantum, sed etiam dedecori fore, quum videri possit aliquid Neapoli subesse, quod cavendum Reginæ, vitandumque fuerit. Enimvero Rex negat Conjugis suæ, quæ gravida sit, valetudinem pati, ut gravius etiam fatigetur Imperii occupationibus, iisque rerum incertis, quæ, turbata pace, in magna facilius multitudine accidere possint: bono essent animo, neve ad  
in-

injuriam interpretarentur facta, quæ alia omnino, iustaque de causa fierent. De eorum autem fide eo se minus dubitare dicit, quo magis perspicuam ipsorum erga se voluntatem videat; & videre ipsi possint, nullum sese pro eorum incolumitate periculum recusare. Hortatur denique, quando de ipsis non male meruerit, suum ut honorem ab hostibus defendant, & necessaria conferre ne graventur ad iustissimum bellum, quod non intulerit ipse, sed propulset illatum. Equidem quo mea me dignitas, & vestra salus vocat, ab eo, inquit: at quæcumque acciderit fortuna, utinam, Cives, saluti vestræ consulere possim, dignitati meæ certe consulam. Ad hunc orationis exitum flentibus omnibus, qui aderant, cum Coniuge, & liberis discedit Rex. Discedentem lacrymis, votisque prosequitur infinita hominum multitudo, quæ subitæ profectionis nuncio commota (emergebat enim tum maxime dubiis in rebus erga mitissimum Regem populi amor) jam ad Regiæ domus fores convenerat, & longo perpetuoque agmine suburbium usque, fora, viaeque omnes oppleverat, Regis discessum, suam mærens solitudinem. At Regni Principes, quibus major a dignitate metus erat, aut spes, eandem plerique cum Rege fortunam adire parati, in belli illum labores, ac pericula comitati sunt.

Neapoli VIII. Kal. April. profectus Capuam eodem die venit. Postridie Regina Legionis Italicæ, & Legionis Helveticæ Prætorianorum parte, & quinquaginta Custodibus

Cor-

Corporis stipata Cajetam cum liberis concedit. Rex Vulturnum annem non longe a Venafro ponte transgressus, quem ipse pontem jampridem e lapide extrui ad ornatum commodumque regionis jussit, Venafrum altero a Capua die pervenit. Apenninum inde superare instituit, qua id jugum, cujus dorso tota Italia dividitur, a Campaniæ finibus in Vestinos excurrit, & cum Apulia continens est ab ea parte, quæ spectat in orientem Solem. Loca erant ardua, aspera, præruptis rupibus confragosa, ipsoque anni tempore horridiora, & vere incipiente, plurimæ Cælo nives deciderant, quæ veteribus cumulatae iter impediabant usque adeo, ut quamvis discussa nive glacieque, incedere tamen sine casu, aut prolapsione aliqua miles non posset, & per præcipites sæpe, lubricasque altitudines provolverentur jumenta cum oneribus, intolerandaque frigorum vi vexarentur homines, & exanimarentur etiam aliquot. Tantis in difficultatibus nihil tam militibus faciebat animum, quam Regis exemplum, quem eadem a Cælo, locique asperitate perpeti, eosdemque alacri vultu excipere videbant labores, ad quorum patientiam assidue ipse venatu obduruerat, & regio animo pericula omnia minora ducebat. Maxime igitur difficili via per Rivi nigri, Montisque Vallonii saltus ad castellum Sangri proficiscitur. Oppidum est opportuno loco situm, nomenque a flumine habet, quod prope oppidum labitur; cui quidem oppido Rex non ita pridem Civitatis nomen, & jura dedit, ut Dominiæ loci  
fa-

Familiæ vetustissimæ Caracciolæ gratificaretur : utque perpetuo constaret , non invitum ipsum ibi Regem mansisse. Sed Rex partem jam copiarum præmiserat per latissimam , ut in montibus , planiciem ( quinque enim millia passuum in longitudinem patens , a mensura nomen accepit ) iisque imperat , ut , adventante hoste , Hispanis celeriter subsidio irent : ipse quum reliquis copiis , modico intervallo , suis Hispanisque auxilio futurus subsequebatur. Sed quum hostium impetus languescere videretur , atque ejusmodi languoris causa ignoraretur adhuc , Rex ad castellum Sangri subsistere interea constituit , hæc spectans ; Si Austriaci a Piceno sese in Vestinos effunderent , ipse ut Hispanorum exercitu statim conjuncto validior hostibus occurreret , ibique decertaret , ubi facilius coercere ipsos propter locorum iniquitatem posset , eademque ratione equitatum ipsorum , quo multum valebant , ad rem gerendam inutilem efficeret : sin regionis natura , oppositaque Aterni arce , & duorum exercituum conjunctione deterriti tenerent sese , neque progredi auderent , tum ipse quoque sedens , itinera hostium circumspiceret , quæque apud ipsos gererentur , cognosceret , & consilium pro tempore & pro re caperet. Interim certos homines circum finitima loca miserat , qui de re frumentaria providerent , vecturasque civitatibus describerent , curarentque , uti facile , & continenter necessaria ad exercitum comportarentur. Quidquid etiam Truentum , Lyrimumque amnes interjacet , atque Asculanorum , &  
Fre-

Fregellanorum fines attingit, id omne præsidii occupaverat, & maxime quacumque penetraturus hostis videbatur; atque ita militum manus per præsidia disposuerat, ut colligi, & signo dato convenire in unum extemplo possent. Hæc apud Regem belli ratio erat. At Romæ Trojanus Aquaviva Cardinalis, Hispaniarum, Neapolisque Regum ad Pontificem Maximum Legatus, quum bellum in vicinia arderet, & plurima, ad bellum quæ pertinerent, inter Austriacarum partium fautores in Urbe agitentur, impigre omnia prudenterque attendebat. Tantum autem poterat consilio, gratia, auctoritate, diligentia, opibus, nihil ut Austriaci Duces in castris, nihil Romæ Legati molirentur, quod ipsi lateret in tempore. Per hujus igitur viri literas Regi renunciatur, Lobcoviczio esse in animo, deposito his de causis, quæ supra demonstratæ sunt, invadendorum Vestinorum consilio, bellum in Cassinatem transferre, indeque commodiore itinere Neapolim petere maxima cum spe, quam vani etiam rumores alant, fore ut per occasionem, & propinquitatem exercitus sui Campania omnis, ipsaque arx, & caput Regni Neapolis ad rebellandum consurgat; qua in rerum perturbatione, inclinantibus nonnullis ad Austriacum nomen, novasque res, valde illum confidere probam sibi potiundi Regni occasionem dari posse. Hisce Rex cognitis rebus, copias omnes suas a Vestinis iter avertere, atque in Cassinate contrahi, eoque Hispanorum etiam exercitum per Cælanensem, Soranumque agrum con-

contendere jubet: ipse a castello Sangri Idibus Aprilis profectus in Campaniam regreditur, & quum Venafri propter rationem belli aliquot dies esset commoratus, eodem fere tempore, quo sese a Piceno Lobcoviczius commoverat, & jam per Umbriam suas copias transducere cœperat, ipse ad Sangermanum Cassinatis oppidum, & Marci quondam Varronis doctissimi hominis villam, pervenit. Quo quum in oppido Rex esset, Hispaniensis, ac Neapolitani exercitus Ductores primos, qui eodem venerant, consulere de bello cœpit, eique consilio interfuit etiam Mutinensium Dux constanti erga Borbonios fide clarus; neque abfuit Montallegrius, quem auctoritatem apud Regem habere diximus, & qui ex gravi morbo in itinere suscepto, tum primum convalescerat. Erant nonnullorum sententiæ, qui Regem ad Regni fines opperiri Austriacos arbitrabantur: nam Cassinatem saltum custodiri ob loci angustias facilius posse ajebant, & melius domesticis copiis rei frumentariæ ali exercitum, quam aut in aliena terra quæsitis, aut longe comportatis: populares autem, si quid intestini motus timeatur, vel nihil moturos Regis præsentia coercitos, vel acrius etiam pugnatueros pro patria in conspectu suorum. At Gagius, de quo supra diximus, Hispanorum Imperator, non expectandum esse dicebat, dum hostium irruptione domestica quies obturbaretur, & populares, quocumque animo essent, irritarentur agrorum populatione, cæterisque belli cladibus: quam longissime a finibus submovendum esse hostem,

tura



turbarum, & seditionum spe appropinquantem: neque de comitatibus desperandum, quorum eo majorem in dies copiam affuturam, quo magis integræ a belli vastitate Provinciarum opes fuerint: hostes ipsos multum animorum, atque audaciæ demissuros, quin videant exercitum nostrum non modo non cedere eorum adventu, sed etiam propius accedere; fortiores enim videri semper qui provocant. Tantum esse militum, tantum in militibus virtutis, ut non quærendis latebris, saltibusque, sed apertis viribus, atque acie dimicari possit. Postremo Regis dignitati consulendum, cui quidem magis ad gloriam conducere videatur obviam hostibus ire, quam domi sedendo eorum impetus excipere. Gagai oratio momenti habuit plurimum ad persuadendum & propter auctoritatem viri militari favore, longoque tot bellorum usu partam, & quia utilior Regi, atque honorificentior visa est; plerisque etiam, ut in bello, ferociora placebant. His agitatibus rebus, continuo Rex a Sangermano discedit, iustoque itinere Arpinum, atque inde Verulas, mox Anagninam pervenit. Anagnia Ernicorum in Latio oppidum est editiore in colle positum. Subiecta oppido planicies est satis magna, quam undique montes cingunt. Castra ibi Rex facit pulcherrimo, aptissimoque ad copias explicandas loco; atque ibi primum cum Neapolitano exercitu Hispaniensis conjungitur, unaque bellum administrari cœptum est. Erant Hispaniensis exercitus Legiones peditum undecim, equitum alæ tres, magis robore, quam numero præstant-

stantes, quippe quas admodum extenuaverant itinera, præliaque, & perfugarum frequentia. Erant præterea quingenti ferme excellenti virtute equites Regii, hisque adjecti erant tercentum, quos custodiæ suæ causâ Mutinentium Dux habere instituerat, & lecta Hungaricorum equitum turma, qui ad Hispanos superioribus annis transfugerant. Hispaniensi equitatu præerat Atrisci Dux, qui manu promptus, feroxque habebatur. Præcedebant agmen Montani pedites ferentarii, audax ad procurfiones genus, & nihil minus, quam hostem mortemque metuens. Neapolitanum exercitum duodeviginti peditum legiones, equitum alæ quinque conficiebant; si Provinciales legiones quinque modo conscriptas excipias, veteranæ omnes, expeditionibus, atque altero jam Italico bello ad Scultennam exercitatae, earumque plerasque omnes Regi Filio Hispaniarum Rex concesserat. Hujus exercitus imperium permissum erat Castropiniani Duci, quem e Gallica legatione accersitum propter bellicam laudem suis Rex copiis jampridem præfecerat. Erant etiam natchinæ castrenses, tormentaque omnis generis, quorum magnam partem summa adhibita celeritate adduxerat in castra Comes Gazola præfectus Fabrum Regis Neapolis, & qui inter arma, studiaque versatus, singularis erat propter Mathematices notitiam in re militari præstantiæ. Conjunctis copiis, lustrato exercitu, donativoque militibus dato, tanta exaruit alacritas, studiumque pugnandi, ut quum Rex equo circumveheretur castra læti omnes ad

alpe-

aspectum Regis conclamarent, expectari diutius non oportere, quin ad hosles iretur, utque ad hosles ducerentur magnis crebrisque vocibus peterent. Rex postquam suos tam egregie animatos cognovit, postridie ejus diei Anagnia profectus in Labicanum agrum venit, castraque ad Valmontonium, veteris Labici vestigiis insigne oppidum, locat. Quatriduum ibi moratur, dum cibaria ad exercitum subvehuntur, quibus non satis provisum esse dicebatur. Interea jubet, necessariis tantum retentis, reliqua impedimenta dimitti, quo milites ad præliandum expeditiores occurrant hostibus. Statuerat enim hosles adoriri & militum alacritate incitatus, & quod illos impari numero etiam negligentius agere sciret. Id si ea esset celeritate factum, quæ multum in bellis potest, opinio fuit, mari Austriacos exclusos, omnibus circa regionibus parti.n exinanitis, partim ab Hispaniensi, & Neapolitano exercitu præoccupatis, frumenti, pabulique inopia compulso aut iniquo & tempore, & loco decertaturos fuisse, aut sese, unde venerant, recepturos. Cujus tantæ rei occasio pulcherrima corrupta est paucorum dierum morâ, quibus diebus ad Valmontonium moratur Rex cibarium causa. Tam parvo sæpe tempore tantæ in bello commutationes fiunt. At Loboviczius, quem ad Falerios Faliscorum Concilium advocasse supra ostendimus, de Regis consilio conjecturâ judicans, & de itinere certior factus, omiſſa omni disputatione, maturandum sibi existimavit, & maritimis Romanisque com-  
mea-

meatibus timens, magnis Romam versus itineribus contendere cœpit. Iisdem diebus præmiserat Rex cum parte copiarum Atrisci Ducem, qui Tyberim cæteraque ad Urbem loca exploraret, frumentum, pabulumque omne, ne cui hostibus usui esset, aut aveheret, aut corrumperet, atque omnem alendi exercitus, & longius progrediendi, quantum posset, facultatem hostibus eriperet. Præmittit etiam explorandi causa Præneste Morillii Comitem Sanctacrucium Draconum Tarraconensis alæ Præfectum, omni virum & virtutis, & nobilitatis laude præstantem. Hoc vero magis Lobcoviczius properare, ut cum exercitu quamprimum ad Urbem esset, ne Roma, unde illi omnium rerum spes, marique, ac flumine Tyberi prohiberetur; neve horrea, quæ ad Eretum constituerat, occuparet hostis, aut perderet. Itaque Vogthernium Instructorem exercitus cum expedita Illyricorum peditum, atque equitum Hungaricorum manu misit, qui frumento, pabuloque, atque horreis confuleret, Antecursores hostium reprimeret, pontem ad transducendas copias in Tyberis efficeret; ipse cum exercitu statim subsequitur. Qua re cognita Atrisci Dux paulatim ad Regem sese recipere cœpit, quum plus Austriacis terroris, quam damni intulisset. Lobcoviczius, omnibus copiis Tyberim transductis, ad Eretum pervenit, castraque ibi idoneo loco ponit. Ereti paucos dies dum Lobcoviczius moratur allevandorum militum causa, quos continens iter defatigaverat, plures Roma omnis generis, atque ordinis homines confluxerant

rant in castra, propinquitate exercitus, & novitate rei invitati. Alii studio partium, alii bellorum inscitia depravati, communi etiam vitio naturæ, cui nova quæque potissimum arident, in maximam cujuscumque rei admirationem rapiebantur. Nonnulli ex barbaricis vestibus, immanique verborum sono militum vires, atque animum æstimabant. Omnes denique numerum copiarum, ordinem, robur mirari, laudare, nullum esse, dicere, nedum Neapolitanum exercitum, qui tantæ, tanque invictæ multitudinis aspectum modo ferre possit. Horum admiratione, atque vocibus mirifica accessit militibus, Centurionibusque, & cæteris copiarum Præfectis opinio victoriæ, & nostrorum contemptus, sic ut paucis diebus sese Neapoli futuros jactarent; atque Austriacarum partium aliqui Romæ, quasi debellatum jam foret, de belli præmiis cogitarent. Ipse Locoviczius, qui spei magis causam, quam spem ipsam attenderet, confirmator tamen in dies, atque alacrior videbatur, vel præsentium adulatione sublatus, vel ne aliquid militum fiducia non ita lætus Imperatoris vultus detraheret. Instructo igitur, & confirmato exercitu; recentitoque copiarum numero ab Ereto progressus, trajectoque Aniene binis castris ad oppidum venit, quod C. Marii septies Consulis suburbanum fuisse ajunt. Rex, comparata tandem re frumentaria, a Valmontonio cum omni exercitu profectus est eo, quo diximus, animo, ut suburbana præoccuparet, atque hostes, si ferret occasio, adoriretur; quumque millia passuum

suum quatuor fere processisset, nuntiatum est ei, non longe Austriacos abesse, fierique posse, ut in itinere dimicaretur. Id ne accideret, magnopere sibi præcavendum esse Rex existimabat; namque periculosum ducebat inter silvas atque intercisos vallibus colles, obicere prælio milites itinere, jejunio, imbre confectos. Acciderat enim repentinum imbris incommodum. Tormenta etiam ad prælium necessaria neque facile convectari, deterrima & lutulenta via, neque recte administrari per impeditos, sepibusque oblectos campos poterant. Ergo subitum pro tempore & loco consilium capit; retorqueri agmen a Tusculano, quo iter direxerat, Velitrasque occupari jubet. Velitris occupatis tumultuose confidet exercitus magis, ut temporis angustia, quam ut rei militaris ratio postulabat. Erat enim persuasum non manendi animo castra ibi fieri, sed ut aliqua militibus quies daretur; omnesque processionis postridie signum expectabant; neque de Tusculano speim, cogitationemque abjecerant. Interim Lobcoviczius ad Urbem quum esset, salutandi Pontificis causa, compluribus Tribunis militum, primisque ordinibus comitatus Romanam ingreditur, tota undique ad adventum ejus effusa Civitate. Certe multitudinis favore, & cupiditate visendi Imperatorem famam, & præsentem expeditionem clarum, celebratus adeo fuit ejus in Urbem introitus, ut nihil ei ad triumphum illo die, præter victoriam, defuisse videretur. At ille nihil rerum vanis occupatus ad exercitum eodem die rediit, moti-

tisque a Mariano castris, omnique hostibus suburbano exclusis ad Aricinum nemus processit, & validam manum ante misit, quæ loci naturam propter interjecti nemoris latebras difficilem cognosceret, & qua in regione hostes versarentur, quodve iter cogitarent, exploraret. Eadem qui cognosceret, atque exploraret, præmissus ab Rege fuerat, cum peditum atque equitum parte Joannes Ferreria Castrorum Præfectus. Hic quum hostium exploratores in ipso nemore, atque itinere offendisset, levi commissa pugna, & nonnullis utrinque vulneratis, interfectisque, maturius sese ad Regem in castra recepit; eodem omnino tempore, quo jam Pyrochitrophorum Centuriæ; stationesque exercitus omnes accelerabant, ut cedentibus auxilio succurrerent. Postero die Rex Draconum equitum, delectorumque peditum manum expeditam esse in armis jubet ad Tusculanum (& Tusculanum jam occupaverant Austriaci) eamque regionem omnem explorandam. Ecce autem dum hæc ab Rege administrantur, repente in supercilio montis, qui Velitris, castrisque Regis imminebat, apparere hostes incipiunt, horribilemque e superioribus locis speciem præbebant, longe lateque armis a Sole collucentibus, atque instructo agmine descendentes. Rex improviso hostium adventu nihil permotus, productis omnibus copiis, equitatu, & peditatu idoneis locis collocato, militibus, Ducibusque ad virtutem, & fidem incitatis, quid hostes consilii caperent, forti magnoque expectabat animo.

Lob-

Lobcoviczius propius summo e monte conspiciatus Regis copias, inviasque convalles, quæ inter suum, atque exercitum Regis intererant, perterritus tum demum difficultate rei, nihil existimabat committendum temere. Itaque tenebat sese. Quumque uterque utrique fuisset exercitus in conspectu sub armis continenter a prima luce prope ad meridiem; primi Austriaci abjecto, ut videbatur, rem prælio decernendi consilio, montem, quem infederant, præsidio, aggeribus, tormentisque munire cœperunt; qui mons inter duorum exercituum castra medio fere spatio eminebat. Rex ubi videt per Lobcoviczium stare, quominus pugna decertetur, castra & ipse communire instituit, quæ aberant a castris hostium circiter millia passuum quatuor. Castra autem hostium a lævo latere negligenter posita videbantur, dissipato potius, quam descripto per Aricini nemoris saltus exercitu. In dextro oppidum Lanvinum versus majorem equitatus partem Lobcoviczius collocaverat, quo facilius in agros excursiones faceret, pabulatores interciperet, & com meatibus, si posset, a mari Neapolique Regios intercluderet; ipse in oppido Nemoensi Prætorium constituerat.

Erant interea Italiæ totius animi, atque oculi in utrumque intenti exercitum: neque enim majoribus umquam copiis, majorique partium studio Neapolitanum Regnum oppugnatum, defensumque esse constabat: alique alio trahebantur homines, ut cogitarent quid Carolo Regi, quid Austriacis, quid Neapoli-



tānis, quid porro Italiæ omni accideret. Verum tanto discrimini, quod exercituum propinquitate admaturari videbatur, repugnabat natura loci, & eorum consilium, qui summæ rei præerant; innataque etiam mortalibus trepidatio, qui quo propius ad supremum rerum suarum certamen accesserint, eo longius a tanto fortunæ periculo abhorreere animo videntur. Namque Rex, ne hostium castris succederet, impediabatur editioribus locis a Lobcoviczio præoccupatis, Aricinique nemoris angustia: ne autem Lobcoviczius in Regis castra irrumperet, prohibebatur vallium altitudine, majoreque Regis exercitu, quem etiam a machinis castrensis, tormentisque omnibus multo esse paratiorem explorando cognoverat. Et locus, ut ad prælium committendum difficilis, ita erat opportunus utrique ad comineatus parandos, atque a copia cibariorum dimicandi irreplebat negligentia. Roma Lobcoviczio, & mare omnia subministrabant; nihil Regi deerat, quum Neapolim post se & Campaniæ haberet uberrimam illam oram. Regem præterea domestica aliqua seditione revocatum propediem iri confidebat Lobcoviczius, Regios item milites, ut Provinciales, & modo concryptos, periculorum metu & militaris disciplinæ tedio dilapsuros. Neque meliora Lobcoviczio futura esse sperabat Rex, quum apud ipsos Austriacarum partium homines ille ostenderet cunctatione, seditiosis consiliis adversaria maxime; quum de Sardinia Rege, deque Austriacis trans alpes, & in Gallia Cisalpina duriora in dies nun-

muntiarentur; quum pestilens in palustribus agri Romani locis Sextilis mensis instaret, qui Austriacum potissimum exercitum e saluberrimis Germaniæ regionibus valetudine tentaret, atque consumeret. Iis uterque de causis, commutata belli ratione; prælio abstinere velle videbatur, atque expectare beneficium temporis, quo alter ad alterum opprimendum uteretur.

Quoniam ad hunc locum perventum est, non alienum videtur notitiam asserre aliquam: Veliterni oppidi, atque agri, in quo & sua Rex castra habebat, & eas uterque exercitus res gessit, quas conscribendas suscepimus. Ipsum est oppidum in colle præcelso atque edito; utrinque convalles sunt difficiles, vitibus tamen, atque oleis convestitæ omnes pulcherrime. Summam occupat oppidi partem conversam ad Aquilonem Curia, pauloque infra Curiam Minoritarum Cœnobium est, quod ipso semiratorum murorum oppidi ambitu cingitur ab ea parte, quæ spectat inter occasum solis, & Septentriones. Totum autem oppidum multis transversis distinguitur viis, sed una præsertim paulo latiore, ac perpetua, quæ a porta incipit, quæ Neapolitana appellatur, in eamque definit, quam Romanam vocant. Propter hanc viam quatuor sunt plateæ, earumque maxime non longe a Romana porta distat. In ea & fons est ornatissimus, qui aqua ab Aricino usque nemore ducta, ubertim sanis fluit, & domus est Ginettiæ gentis, in qua ipse vivebat Rex. Additi domui horti sunt, per

quos patet ab una parte aditus ad viam Symonetam versus, ilque aditus, interjecta convalle diremptus, lapideo rursus ponte hortis adjungitur; pontique erat militum præsidium impositum. In altera hortorum parte, quæ item alteri, qua Valmontonium itur, viæ, ponte adjungebatur tignis, atque aggere extemplo constrato, cohortes erant duæ Prætorianorum legionis Belgicæ. Ipsorum autem e regione hortorum, Romanæque portæ, sub tumulto, cui Capuccinorum insidet Cænobium, constituti erant equites Regii, & Custodes Corporis Mutinensium Ducis; tormentorum præterea, machinarumque omnium bellicarum sedes. Dextrum Regis castrorum cornu, quod Artemisio ( sic enim nominant ) monti succedebat, legiones obtinebant prætorianorum, Hispaniensis, atque Italica, validissimum Regiæ militiæ robur; sinistrum autem Neapolitanæ portæ, muro, ipsique oppido conjunctum equitatus ferme omnis tenebat, & veterana, Hybernorum manus, Belgarumque prætorianorum cohortes quatuor, quæ in prima fronte constitutæ erant. Cæteræ copiæ dextro, sinistroque lateri, medioque agmini opportune interjectæ omnem undique locum ita compleverant, ut Regiis castris oppidum contineretur; oppidi autem situ castra munirentur. Quæ ad Velitras regio est inæqualis, atque intercisa foveis, ea non equitatus quidem, sed peditatus maxime idonea erat.

Non multo longius a Capuccinorum Cænobio Septemtrionem versus continuatio est quæ-

quædam montium, quorum alter altero editior allurgit, eorumque editissimus, qui ipse est Artemisius, cum Aricino nemore continens est; pulcherrimumque habet, & late patentem in omnem circa regionem prospectum. Qua vero ab Velitris longe millia passuum duo ejusmodi montium series assurgere incipit, duo sunt, quantum jaculum adiici potest, ad dexteram viæ, quæ Romana dicitur, paulo depressiores montes, quorum alter vergit in castra hostium, & appellatur Spina, alter vero propius Velitras est, eumque hostes primo insedisse diximus.

Hoc igitur Austriaci monte occupato, quem occupare nostri neglexerant vel propter loci distantiam, vel propter subitam, quam cogitabant, profectiorem, aliasve ob causas, quas commemorari non est necesse, illum illi e vestigio una fronte contra Regis castra communivere, dispositis aliquot tormentis, præsidioque hominum mille imposito. Huic præsidio, munitionique præerat Pistaluccius. Austriaci, ut erat e monte despectus in castra Regis, atque oppidum, quum facile copiarum nostrarum motus omnes, conatusque observarent, nihil in tanta propinquitate apud illos inexploratum, nihil apud nos tutum erat. Atque etiam frequentes fiebant excursiones, in quibus erat illis, uti loco superioribus, melior semper pugnandi conditio; stationes autem, excubiæque nostræ quotidie peragitabantur ictu telorum, quæ illi de munitione e tormentis identidem coniciebant. Simul nostris magis,

ac

ac magis in dies castris appropinquabant, & domum, quamdam propter viam Romanam quingentos non longe a Velitris passus, tumulunque occupaverant, stationeque inde Montanorum levis armaturæ peditum dejecta, ingentem jam in spem venerant, ita posse nos paulatim coarctari, ut vel loco excedere cogeremur magno cum periculo tam propinquis hostibus, tanque subito instantibus, vel si perstaremus, & assiderentur milites aquæ in maximis caloribus inopia, quod fontem, quem supra memoravimus, illi averterant, & perpetuis vigiliis misere conficerentur, quod esset nostris propter imminentem jam hostem continuo fere sub armis excubandum, quæ res & perfugas vulgo augeret, & morbos ipsi autem ulterius semper progredierentur, haberentque maximas a loco superiore ad exercitum Regium aut fatigandum, aut etiam pellendum opportunitates: idque futurum glorians apud suos Lobcoviczius dixerat, Romanque percriplerat. Quibus in difficultatibus quum versaretur Rex, consilia inibat, quemadmodum illos loco tam opportuno depelleret, ac ne ulteriora tentarent, reprimeret. Hæc deliberanti accidere visa est facultas rei bene gerendæ. Namque animadversum est, eam montium seriem, de qua paulo ante diximus, monti, qui a Pisaluccio tenebatur, impendentem, esse nudatam omni præidio; vel quod situm valde utilem minime cognoverint hostes, vel quod male parati ab omni genere tormentorum tantum loci opere complecti non poruerint.

rint. Illud etiam per exploratores cognitum est, montem ipsum a reliquo Lobcoviczii exercitu abesse nimium; adeo ut invadi prius posset, quam Lobcoviczius auxilium submitteret, aut etiam sentiret. His cognitis, datum totius rei negotium Gagio est, cujus etiam fuisse consilium fertur. Gagius, exquisito per venatores quosdam itinere, & delectis ad hominum millibus quatuor, quorum pars omnibus hostes viis circumveniret, eorumque munitioni succederet; pars montium seriem illam peteret, quæ hostium præsidio impendebat: multa nocte silentio e castris egressus est, quum omnem interim exercitum ad omnes casus sub armis vigilare iussisset. At hostes, occupata, uti supra demonstratum est, propter viam Romanam domo, direptaque, hoc successu feroces lætique nostros contemnebant, atque obruti vino, cujus magnam ibi copiam nacti fuerant, cujusque est gens avidissima, excubias obibant negligentius. Nostri autem quum, albente jam Cælo, in summum jugum, locaque iniqua virtute summâ enixi essent, tam subito a fronte, a tergo, atque ab omnibus partibus eminus, cominusque provolaverunt, ut hostibus ad arma capienda, telaque e tormentis explodenda tempus defuerit. Plures primo concursu in ipsis tentoriis ita, uti erant, jacentes, ac semilomnes interfecti, aut capti sunt: reliqui, dum præcipiti fuga densiores sylvas petunt, aut ad suos se recipere conantur, a Regiis circumventi, qui omnibus occurrebant itineribus, projectis armis, dediderunt sese.

U-

Unus etiam, qui fortissime resistebat, Tripsius tribunus militum legionis Pallavicinæ, debilitato tamen vulneribus, & contrucidato corpore captus est, quem paucis post diebus apud nos mortuum honorifice efferri curavimus, admirati virtutem, cui necessario irascebamur. Ipse Pistaluccius subito in domo oppressus, quam pridie expugnaverat, non se ex manibus irruentium militum eripere potuit. Omni Gagus hostium capto delectoque præsidio, quinque ablatis æneis tormentis, potitus & monte, pro quo certatum erat, & omnibus, qui monti impendebant, jugis; tum deinde stationes exercitus promoveri, equitesque a parte oppidi Lanuvini circumfundere sese, & procedere iussit; atque ea fuit nostrorum celeritas, ut antequam fere duo, tresve e prælio elapsi rem Lobcoviczio gestam renuntiarent, Lobcoviczius ipse omnia superiora loca nostrorum armatorum multitudine completa respiceret. Quare incertus & perturbatus, quo occurreret, auxiliumque ferret, quidque in quaque parte opus esset, vix cognoscere subito aut constituere dicitur potuisse. Jamque Regii, ingenti ubique illato terrore, Austriacorum castris appropinquare videbantur; & Comes Marianus Præfectus Fabrum Regis Hispaniarum, quippe qui montem occupaverat, quem appellari Spinam, inque hostium castra propius vergere diximus, tamquam e loco editiore impressionem jam facturus cernebatur. Tum vero turbatis Austriaci ordinibus totis trepidare castris, & concurrere cœperunt. Ca-

lo-

lones autem, lixæ, puerique diversi, dissipatique in omnes partes fugiebant, & mulieres, quarum erat in castris ex consuetudine Germanorum magnus numerus, loca omnia lamentatione, & fletu complebant. Nonnulli etiam cum impedimentis ad urbem usque Romam continenti impetu procurrerunt; & Romæ quidem trepidatum, occlusæque subitæ irruptionis metû portæ sunt: quum motis semel nimium in terrorem animis, & famâ rem, ut solet, augente, jam fugientium, jam insequentium pulverem videre sibi aliqui viderentur. Atqui potuisse eo die totum Loboviczii exercitum tum deleri, ne ipsi quidem Austriaci negant, si Hispani, Neapolitanique insitissent perterritis, atque ad fugam spectantibus, oblatâque ejus diei occasione usi fuissent. Sed nostri Duces, sive ipsi insidias veriti, locorumque angustias, quod saltus, vallesque intercedebant, sive quod fixum jam apud Regem & constitutum erat, summam rerum in nullum dari discrimen, consecuti id, quod animo potissimum proposuerant, receptui repente cani jusserunt. At milites præter opinionem revocati ægrius recipiebant sese, quum ad invadendos hostes, tantulo spatio interjecto, exardescerent, ipsumque Ducum imperium carpebant in colloquiis, quo imperio celerem, præsentemque victoriam interpellari dicebant. Hostes porro inopinato nostrorum receptu facultatem nacti colligendi sese Spinam subito, unde profugerant, montem recuperarunt, atque operola munitione circumvallarunt.



runt. Hunc nostri montem a Comite Mariano occupatum jam, nescio qua de causa, jussi erant deferere; tametsi teneri is propter loci opportunitatem omnium maxime oportere videretur. Neque enim hoc etiam a nostris oblecto monte, qui hostium castris tam ex propinquo imminebat, consistendi spatium illis fuisset. Postero die quum excelsiora etiam, cæteraque amissa loca recuperare, eruptione facta, tentassent, magno a nostris cum detrimento repulsi sunt. Lobcoviczius hac spe dejectus, & periculo coactus, ne suus exercitus nostris munitionibus, præditiisque subiectus, tormentorum vi vexaretur, castra paululum a lævo latere reduxit, ac contraxit; ipsumque prætorium longius ab oppido Nemorensi in Cynthianum post Triviæ lacum removit. Rex montem, qui a Pistaluccio tenebatur, atque occupata etiam Artemisii montis juga, tribus insideri stationibus, & munitionibus firmari jussit, advectisque deinceps a Cajeta majoribus tormentis, ollisque incendiariis offensari hostium castra, munitionemque Spinæ monti impositam labefactari imperavit, eique negotio Comitem Gazolam præfecit, qui adhibitis quingentis operariis, atque ipse ad opus excubans, celeriter, quod imperatum erat, facere instituit. Imperavit præterea Rex, Syrmonetam oppidum, quo in oppido faucii deponerentur, tormentis atque opere communiri, & Privernatem tractum continuis observari custodiis, ne infesto excursionibus itinere Neapolitano durior esset commeatum subvectio. Et sane omnium

mnium rerum copia terrâ, marique a Neapoli, atque a portu Antiæ in castra ad Velitras comportabatur. Aquæ autem inopiæ, qua nos illi, interrupto fonte, in extremas compelli angustias crediderant, occurrebatur, puteis subfossis, atque aquæ venis ubique diligenter exquisitis. Ita nostri satis tuto, ut videbatur, loco, atque ad omnia opportuno confederant.

Per idem fere tempus scripserat Lobco-  
viczius ad Præfectum Britannicæ clavis, quæ  
ad Insulas Stoecades, quæ sunt contra Olbiam  
in Gallia Narbonensi, stationem obtinere con-  
sueverat, aliquot a classe naves abduclas, cir-  
cumagi Capetam ac Neapolim versus juberet.  
Item Comitem Sororum in Vestinos, ac Mar-  
rucinos miserat, qui partem, quam illi attri-  
buerat copiarum, in eorum fines introduce-  
ret, eo consilio, ut tentato pluribus locis Re-  
gno, Regiæ vires distinerentur; simul sperans,  
populos navium, atque copiarum adventu vel  
perterritos, vel incitatos labi ad seditionem  
facilius posse. Quæ seditionis spes, toties licet  
irrita, Austriacorum tamen animos detinebat  
adhuc. Et viæ quidem ex continenti naves,  
quæ Cumanum littus legebant, inanem potius  
terroris speciem, quam tumultus causam præ-  
buerent. Erant enim a militibus, quos in terram  
ad turbandum eiicere oporteret, imparatæ o-  
mnino, atque omnem illam oram prælidus di-  
ligenter adseruatam, egregieque propugnacu-  
lis munitam ostenderant. Magdonelius præter-  
ea Legatus, missus eo ab Rege hac de causâ,  
omnes earum motus speculabatur, atten-  
te-

teque videbat, nequid ab ea parte Regnum detrimenti caperet. Neapoli vero quæta omnia & tranquilla erant. Neque enim ullus unquam populo acceptior Rex, neque Regi obsequentior populus, qui quo cupidius ad defectionem sollicitari videbatur, eo impensius suam Regi fidem præstare, omnibusque illum domi forisque rebus juvare studebat. Tanta est moderati, lenisque imperii vis. Interim Comes Sorous, in Vestinos, ac Marrucinos progressus, Theatem occupare conatus erat, atque Amiternum, Interamniumque, & quosdam ignobiliores vicos Reginæ Hungariæ Imperio minis, pollicitationibusque adjunxerat, ipsamque Amiterni arcem ad deditionem pellicere properabat, volitans in tota Provincia lætus, ac prædabundus. Sed ne hæc illi diutina esset lætatio, primum quidem Montani pedites effecerant non amplius quinquaginta, iique valetudinarii, qui præclare illum ab Theate rejecerant: & deinde Varga castrorum Præfectus, qui cum ducentis equitibus, & militibus aliquot Aterni præsidio deductis impetum ejus retardaverat; & postremo Dux Vievillæus Legatus militaris animi vir, qui Neapolitano equitatu præerat, & qui cum satis valida equitum, peditumque manu jussu Regis eo ab Veliternis castris venerat, ne illius Provinciæ malum, neglectum si videretur, longius facili semper ad pejora exemplo manaret. Atque hic omnem subito adveniens Provinciam pacavit, compluribus interfectis, reliquis pulsis, fugatisque hostibus, & nonnullis popularibus in  
vin-

vincula coniectis, qui in Regina Hungariæ verba celerius juraverant, quam ut coacti viderentur. Aliqui, dum sibi ex conscientia timent, aufugerant, in hisque Episcopus Interamnenlis, qui fatuo quodam, atque alieno a sanctitate muneris animo liberius adversus Regias partes locutus esse dicebatur.

Lobcoviczius erat interim vehementer perturbatus, quod multa, ac diversa quum esset expertus, nulla res successerat, & de concitandis populis, deque com meatibus intercludendis, & prohibenda omnino aquatione spem se fefellisse cognoverat. Profligato etiam Pistaluccii præsidio, & locis amissis editorioribus, tantam esse rerum factam conversionem videbat, ut qui premere nostros arctius de loco superiore cœperant, ipsi modo nostrorum tormentorum telis misere premerentur. Ipse autem Lobcoviczius insolens male audiendi valde angebatur, quod sua culpa, & negligentia damnum illud Austriacis illatum esse nonnulli dicerent; propterea quod & non satis firmo præsidio locum illum a Pistaluccio teneri jussisset, & laboranti auxilium non submisisset in tempore, & juga summa Artemisii montis indefensa reliquisset; suam insuper cunctationem omnibus jam irrisui esse ex ipsius rei judicio suspicabatur. Qui enim magno nostrorum contemptu, magnaue celerrime potiundi Regni expectatione venerat, is triginta millium ab urbe Roma itinere vix confecto circa unum modo montem tamdiu, tamque longe a Regno hærebat. His de causis, & quod de Rege

*Castr. Bon. P. I.*

D

Sar-

Sardinia, deque Gallia Cispina gravior in dies metus instabat, multaque trans alpes accidisse Aultriacis incommoda audierat, conandum sibi aliquid Lobcoviczius existimavit, quo & detrimentum sarciret acceptum, & sibi tandem in Regnum aditum patefaceret, & denique expeditionis suae jam senescentis famam vindicaret.

Erat, si vera tacere nolumus, nostrorum castrorum laevum latus neque ita diligenter positum, neque munitum satis, neque etiam custoditum, ut rei militaris ratio, & tam propinquus hostis postulabat. Nam equitatus, qui explicare se tam intercis, & angustis in locis non poterat, quique aliqua peditum manu contineri debuerat, continebat ipse Hibernicorum manum. Quae quidem manus inter oppidi muros, atque equitum alas collocata ad rem gerendam efficiebatur inutilis. Fanum autem Mariae, quam Flortensem appellant, quod unum esse poterat sinistro lateri propugnaculum ante ipsa castra substructum, sepire nostri munitionibus neglexerant. Accessuros enim hostes ad hanc partem non putabant, tam longo ab eorum castris, tamque difficili itinere, & impedito, si accessissent, receptu: atque ita sane videbatur. Omnis igitur illius exercitus partis salus in paucorum militum custodia requiescebat, qui noctu ad ipsum sese Fanum recipiebant, ibique excubabant, ut his oppressis facilis esse hostibus posset, brevis, atque inopinatus ad castra aditus, ut accidit. Ipse erat locus opportunus insidiis propter convalles, quae

quæ vitibus, uti demonstratum est, frondosissimæ arboribus convestitæ quamlibet militum manum occultare poterant. Atque hoc sinistraliter vitium in omnium oculos incurrebat, & ut deprehendi etiam posset, hæc forte acciderant. Primum quod per eos dies Comiti Sevio Legato per indicem falso nunciatum erat, bifariam partitis copiis, adesse hostem, ut sinistrum nostri exercitus latus invaderet, quo inani licet rumore admoniti non defuerunt, qui, quod non contigerat, facile tamen contingere posse animadverterent, & dicerent; tum etiam quod Hungaricorum equitum Vexillarius quidam non ita pridem captus ab nostris quum esset, palam dixerat, se esse cum undequadragesima equitibus missum protegendum Comitis Brounii Legati causâ, qui castra Regis ab ea parte exploratum una cum militari Architecto venerat. Quæ res etsi non levem nostris suspicionem inferre debuerint, & sermonibus omnium ferebantur, vicit tamen aut fortuna, quæ vel apertissimis in rebus prudentissimorum interdum hominum mentes obcecet, ut dominetur ipsa; aut eorum sententia, qui eam castrorum partem, tanto ab hostibus intervallo disjuncta quod erat, satis munitam, atque illis inaccessam arbitrabantur. Itaque quidquid illic munitionis desiderabatur, neglectum fuit. Accesserat huc, quod explorandi diligentia imminuta quodammodo videbatur, & diuturnitate ipsa, quæ plerumque remittit animos, & perpetua militum defatigatione, qui laborem aquandi ad quotidiana opera adde-

D 2

bant;

bant; neque ejusmodi diligentia necessaria admodum existimabatur, quum item propter aquæ inopiam a prima luce ad occasum usque Solis ducenti ferme Dracones ad fontem excubarent, qui Paganica dicitur, quique a lævo castrorum nostrorum latere tria circiter millia passuum aberat, atque unde observari facile poterant viæ, per quas Cynthianum itur. Hæc omnia plane nota erant Lobcoviczio, delata per exploratores, perque transfugas, & per quosdam sui exercitus minores Duces, qui captivi quum aliquot apud nos dies habitii essent indiligentius, data fide dimissi erant, & fortasse etiam per nonnullos oppidanos, qui sive odii, sive quæstus gratia omnia illi nostra indicabant. Lobcoviczius, his cognitis rebus, & consilio cum paucis primorum Ducum, ne res efferretur, communicato, lævam Regis castrorum partem, oppidum, atque ipsam propterea, in qua Rex diversatur, domum patere docet insidiis, & repentinæ incursioni. Quæ ipse certis nunciis, atque auctoribus comperit, ostendit. Tentanda etiam ab dextera Regis parte Artemisii montis juga, atque uno eodemque tempore in nostras munitiones irrumpendum esse demonstrat, quo facilius incauti, duplicique terrore distracti opprimamur. Audendum esse; omnia fore audentibus proclivia. Unum sese pro Imperatoris persona mone-re, orare eos pro gravitate negotii, ut quod fortuna consilium comprobare videatur, ipsi fide, ac diligentia adjuvent, sciantque in ejus dici eventu omnium laborum finem, victoriæque

que spem positam esse. Probatur res; tametsi primo dissenserit Comes Brounius, cujus supra mentionem fecimus, summi homo ingenii, & bellicas omnes a pueritia artes edoctus, qui neque satis virium ad tanta molienda suppetere, neque occultissime ad Regis castra iri, neque illinc receptum esse, præsentialibus Regiis, sine maximo detrimento posse dicebat, multoque commodius occupari posse arbitrabatur munitiones Regis, & montium culmina, si omnes in id unum copiarum incumberent. Post ipse quoque dedit Brounius manus aut obsequio erga reliquos, aut quod in asperis audacissimum quodque consilium optimum videretur. Igitur omnium, qui aderant, consensu totius rei ratio, & tempus constituitur.

Pridie illius dici, qui fuit dies ad III. Idus Sextiles, tam audacis incepti memoriâ celeberrimus, animadversum est a nostris speculatoribus partem quandam hostium copiarum ab dextero ipsorum cornu paulatim se movere, & progredi mare versus. Quod fieri ab iis comatus causa nostri suspicabantur. Jamdudum enim ad ostia Tyberina aliquot Britannicæ classis naves constiterant, ut hanc forte suspicionem augerent. Sed Lobcoviczius longe alio spectans latissimam pluribus, atque inter se connexis stationibus regionem complexus erat, ne quis ad nos index erumperet, neu Brounii Comitis iter dignosceretur. Qui una cum Novato Marchione consilii particeps, silentio, prima nocte progressus est, militibus ipsis, quoducerentur, ignaris, quorum delectorum equi-



tum, ac peditum erat numerus millium sex. Quum omni circa prospectu tenebris, ac vineis adempto clam pervenisset ad fontem, qui juxta Mariæ Hortensis Fanum in ima convalle est, necessario agmen subsistere jussit, dum equitatum expectat, qui aliam, ut eo perveniret, ingressus viam, ignorantia loci, longiore circuitu deflexerat; quod accidit incommode. Lux enim jam appetens opportunitatem illis, tumultum nostris deminuebat. Nunciatur etiam Brounio aufugisse militem. Quo ille nuncio vehementer permotus Novatum, nonnullosque adhibet militum tribunos, & quid agendum sit celeriter consulit; nam verilimile erat, tametsi non accidit (neque enim hic uspiam transfuga apparuit) comperito nostros per transfugam adventu hostium, in armis e vestigio futuros, insignemque ipsis illaturos cladem, quam imparatis nostris inferre illi cogitabant. Quum Novatus pedem referri, aliique alia censerent, neque satis quicquam, ut in subito casu, expedirent; tum Brounius, qui tantum incœptum tam parvo momento everti nollet, atque ardore quodam militari incitatus: Pergamus, inquit, jacta alea est: simul omnem militibus rem aperuit, eosque præmiis; ac pollicitationibus cohortatus, quum jam advenisset equitatus, & luceret jam fere, signum dat irruptionis. Accessere hostes illico trifariam divisas copiis: facile vigiles, castrorumque custodes obtruncant; quod eos adorti essent occupatos in equis contra militarem disciplinam inexplorato curandis. Statim in-

inde in nostrum lævum latus ab omni parte impetum faciunt. Nostri, vix cognita vigilum cæde, continenti hostium impetu & rei novitate, ac magnitudine perterriti, perturbatique passim cæduntur, passim fugantur. At Grimaus Barcinonensis, qui Reginæ Neapolitanæ Draconum alæ præerat, non amplius quinquaginta ex terrore, & fuga Dracones colligit. His imperat ut ad pedes desiliant, tentent extrema: excurrat interim aliquis, qui Hibernicorum manui denunciaret, ut celeriter subsidio advolet. Sed quum a frontè subire Austriaci non intermitterent, atque ab omnibus partibus circumfunderentur, & jacula acciderent creberrima; non imperio in tumultu, non virtuti in multitudine hostium locus esset, illi ipsi quinquaginta, qui amplius semihora, compluribus illorum vulneratis, atque interfectis audacissime repugnassent, pelluntur tandem; quum præsertim nullum aliud subsidium Hibernicorum manus submisisset, quam militum Provincialium centuriam, quæ neque paucos illos Dracones laborantes suo adventu confirmare potuit, neque ipsa hostium impetum rulit. Hac interim a quinquaginta Draconibus interjecta mora, equitum quidem turmæ recipere se ad lævam Romanæ viæ festinanter adeo cœperunt, ut plures, equis relictis, pedibus profugerent. Unus omnium ab hostibus circumdatus restitit Marinius Senensis, Hierosolymitani Ordinis Eques; qui quadam occupata casa cum quadraginta equitibus, qui & ipsi, amissis equis, pedibus præliabantur,

tantum animi fortitudine profecit, ut aë suæ pecuniam publicam, Præfectique impedimentum omne servaret. Hibernicorum autem manus adversus hostes constitit pro oppidi porta Neapolitana, quam qui in statione ibi erant, inconsulto occluserant. Eodem tempore cohortes quatuor Belgarum prætorianorum, quæ in prima lævi lateris fronte castra habebant, quum tumultuario equitatus receptu, flexuosisque tramitibus impeditæ ad Hibernicorum subsidium adniti non potuissent, in oppidum per dirutos muros ab ea se parte insinuarunt, in qua paulo infra Curiam Minoritarum esse Cœnobium demonstravimus. Ita Hibernicorum manus omni auxilio destituta, quum neque in oppidum intrare occlusâ portâ, neque per latera se recipere, circumventa, atque oppressa a multitudine hostium, posset; ferme omnis fortissime pugnans interfecta est. Ibi Magdonelius tribunus militum, atque ejusdem manus Centuriones undecim, alique complures minores Duces occiduntur, qui partam Campofandensi prælio, & vetustate militiæ bellicam laudem hoc honestissimo mortis genere cumularunt. Dum vero nostri Neapolitanam portam defendere, conferto illi agmine irrumperere conantur, eodem vestigio temporis Rex a Marchione primum Villafuertio castrorum Præfecto de repentina hostium incurfione certior factus est. Nam Decurio Custodum corporis aut periculum non præfenserat, aut in tanta re Regem, credo, interpellare verebatur. Rex confestim gladio succinctus, prosequenti-

bus

bus Purpuratis nonnullis, & Custodibus corporis stipatus, qui ad cubiculum ejus excubabant, postico egreditur domo. Quumque ab ea parte, qua Valmontorium itur per adjacentes domui hortos, quinquaginta vix passus pedibus progressus esset, equum nactus, primum equites Regios prætervehitur, iisque ad sui defensionem jam exardescantibus clare, ut nemo non exaudiret: Recordamini, inquit, vestri Regis, vestræque pristinae virtutis, & ne quid durius accidat, diligenter providete. Mox ad Capucinorum tumulum evadit. Illum Dux etiam Mutinensium, & Marchio Hospitalius Galliarum Regis Legatus, & in exercitu Regis Neapolis voluntarius castrorum Præfectus prosequabantur. Qui quidem de quarta vigilia ad Artemisium montem una profecti, audita hostium irruptione, in oppidum properantes redierant de Rege solliciti, ad eumque sese in itinere aggregaverant, omni jam militari instrumento, quod apud se in oppido habebant, adempto ab Austriacis velitibus, distractoque. Utriusque eo die & in adeundis periculis, & in suarum jactura rerum fortis, constansque animus apparuit. Sed Rex ad dextrum cornu profectus, atque in media Hispaniensium prætorianorum legione consistens, quid ubique opus sit, forti; atque erecto animo circumspicit, atque imperat, nullum eo die scitissimi Imperatoris officium prætermittens. At hostes, Hibernicorum manu deleta, dissipato equitatu, equis suffossis, & captis plurimis, sinistrique cornu tentoriis omnibus direptis,  
at-

atque incensis, impetu facto, portam effringunt, custodibus nequidquam obnitentibus, & Nicolao in primis Sanseverinate Bisiniani Principis fratre nobilissimo, qui dum fugientes milites alios increpat, alios manuprehendit, & consistere jubet, plurimis ipse vulneribus confectus jacuit, & pro occiso relictus est. Illi, extracta porta, captisque militaribus signis novem, quæ ibi congesta raptim in unum repperant, tripartito iterum copias dividunt, quarum dextera pars in illam se viam immittit, quæ ad Ginnettæ gentis domum pertinet; sinistra ad Curiam Septentrionem versus contendere cœpit; per latiore autem, ac perpetuam illam viam, qua totum oppidum distinguimus, media acies processit. Tali instructo agmine, & malleolis, quos secum ad Velitras incendendas tulerant, in proxima quaque versum tecta coniectis, magna strage, majore tumultu oppidum invadunt. Oppidanorum multitudo insolens belli, abdita in penetralibus, aut ingenti terrore perculsa obstupescit, aut quem esse illum putat ultimum Patriæ, suarumque fortunarum diem misera detestatur. Discurrunt illi ubique cum ferro, & facibus, obvios omnes armatos, atque inermes occidunt. Scrutantur domos, nulloque discrimine nostrorum, atque oppidanorum bona diripiunt. Qui ex nostris forte in domibus erant, & prius intra parietes versari hostes viderant, quam venisse cognoverant, ad unum omnes aut trucidantur, aut capiuntur. Ardens podagræ doloribus Comes Marianus consurgere de le-

lēsto statim jubetur, atque in equum illatus abducitur. Atrisci Dux ex semiusculata, ac diruta domo vix elapsus ad equites Regios, quorum erat Præfectus, equo citato contendit. Et jam majorem oppidi partem ignis, atque hostis, cætera omnia tumultus, ac terror compleverat, adeo ut nemo esset tam fortis, quin tanta rerum perturbatione moveretur; quum præsertim, qui timorem plerumque consequitur, vanus deleti exercitus rumor percrebesceret. His tantis malis hæc fuere subsidio, quominus extrema acciderent: quod nostri tametsi a fortuna deferi videbantur, animum omnino tamen non demittebant; illi autem effusi in rapinas magis de præda, quam de reliqua victoria cogitabant.

Gagius quum primo mane vigilias circumiret, & tum forte ad Virtzianam manum, quæ in medio exercitu collocata erat, pervenisset, cognito lævi lateris tumultu, conclamari primo ad arma, deinde Virtzianam ipsam manum illuc celeriter subsidio jubet accurrere. Ipse fore id, quod accidit, suspicatus, ut ab dextero etiam latere Artemisii montis juga, munitionesque hostes tentarent, eo properat, satis in Castropiniani Duce præsidii esse existimans ad defensionem oppidi. Austriaci ubi jam suos in nostrorum castrorum lævum latus, ipsumque oppidum irrupisse ex incendiorum fumis cognoverunt, quod tempus inter eos irrumpendi etiam ab altera parte convenerat, statim cum audacissimorum peditum millibus III. bifariam distributis montem oc-  
cu-

cupant editissimum illum, quem cum Aricino nemore continentem esse supra docuimus, & qui in statione ibi erant, Montanos pedites facile inopinantes deturbant. His deturbatis, eadem vi alteram, atque inde tertiam stationem adoriuntur; quarum milites, communicato vicissim terrore, & disiectis ordinibus, regredi cœperunt. Quum jam haud multum abesset, quin nostris illi munitionibus potirentur, resque hoc etiam in loco ad extremum deducta casum videretur; Gagius veteranam legionem, quæ a Corona nomen accepit, & Campanam legionem Provincialem, cohortesque alias nonnullas eo statim occurrere, & auxilium ferre iussit. Tum vero atrox oritur prælium. Fit magna utrinque cædes. Ipse, qui toti negotio præerat, ejusque auctor præcipuus fuisse creditur, Dux hostium Andreasius vulneratur: aliqui ex nostris, aliqui ex hostibus comprehenduntur, suos quisque milites hortatur, atque excitat: unum illud esse tempus, quo maxime contendendi oporteat: nostri, nisi rem obtinuerint, de omni salute desperant: illi, si nostras occupaverint munitiones, se omnino vicisse existimant. Hic cognosci potuit, quantum ad incitandos milites, eorum, qui præsumunt, valeat exemplum. Nam Campanæ legionis milites modo conscripti, primum quidem deterriti hostium multitudine, qui acrius de superiore loco instabant, ipsiusque loci iniquitate, quæ maxima erat, & quo eniti vix quisquam sine armis, sineque ulla dimicatione posset, paulum cellere, parumque abfuit, quin

or-

ordines perturbarentur. Postea quum ad tribunal militum Ariciæ Principem, & Centuriones, suosque alios Duces ora convertissent, qui omnes, gravibus licet debilitati vulneribus, acerrime pugnabant; horum ipsi exemplo erecti jacula exceperunt, immiseruntque fortissime. Idem quum veterana legio tribuno militum Alphonso Savallio & ipso vulnerato faceret, ne a tyronibus virtute vinceretur, hostium paulisper impetus tardatus est. At Rex, qui singula ex propinquo attendebat diligenter, quum suos premi animadvertisset, Joannem Paciacum opportunissime misit, qui cum legionis, quæ Regina Hispaniensis appellatur, cohortibus duabus inclinantes restitueret; eodemque tempore Gagus una ex parte Macedonicam legionem, quæ veterem eo die Macedonum gloriam æmulata est, unaque Parmensis manus centurias aliquot procurrere: Ex altera vero Castellanam manum, quam Hispaniensium prætorianorum cohortes sequebantur, signa inferre iussit. Quo facto tantus hostibus terror injectus est, quod circumveniri sibi videbantur, ut complures, armis projectis, sese per rupes præcipitarent, atque ita allisis ad saxa membris interirent: reliqui vero omnes pedem, qua possent ratione, referrent; desperatis præsertim subsidiis, quæ submittere illis Lobcoviczius nequaquam e re judicaverat. Nostri autem, Macedonica potissimum legio, & Parmensis manus Pyrochitrophorum centuriæ, plus tertia hostium parte interfecta, tam audacter insecuti sunt fugientes,



tes, ut omnia juga Artemisii montis citissime recuperaverint, quæ illi suorum passim constrata cadaveribus reliquerant.

Quæ dum illic geruntur, Castropiniani Dux, qui oppido defendendo præerat, comperto Regem, cujus magnopere periculo commovebatur, exiisse jam ad dextrum cornu, ut quæ ibi opus essent, administraret cum Gagio: Ipse cohortes Belgarum prætorianorum quatuor, quas a Minoritarum cœnobii parte sese in oppidum insinuassee antea diximus, adversus hostes eodem subeuntes ire jubet. Huc evocat Virtzianam manum a Gagio jam submissam initio tumultus, atque Helvetiorum prætorianorum partem. Reliquas Belgarum prætorianorum cohortes duas Klacico Sangrio Legato imperat, uti a Ginettia domus hortis in oppidum deductas mediæ ingruentium hostium aciei opponat. Harum partem, atque una Flandrorum manum, quæ in proximo erat, & castrenses machinas duas Facardo castrorum Præfecto adtribuit. Cum his mandat, uti eam teneat viam, quæ ad Ginettiam pertinet domum, & qua etiam hostes progrediebantur. Regionum equitum turmam subsidiariam in maxima oppidi platea instruit. Sic nostris quoque copiis tripartito divisus, tribus locis concurritur. Minoritarum Cœnobium, Curiam, omnemque illam oppidi partem summam ad Aquilonem conversam, obtinere hostes conabantur, & succedebant insolenter. Attamen a nostris, qui cætervatim per compita, ut a viris fortibus in extrema spe salutis pugnari debet, acriter pugna-

gnabant, loco tandem pelluntur; & multis utrinque interfectis, ex iis autem captis centuriis integris duabus, pedem coguntur referre. Eandem ab altera parte fortunam ii tulere, quos Ginettiam petentes domum urgebat Facardus, & consistere nusquam patiebatur. Sed longe vehementissime in latiore oppidi via ad mediam aciem laborabatur. Namque hostium pars domos ingressa e fenestris, ac tectis jacula in nostros coniiciebat, suosque reliquos per viam audacter progredientes, & eadem facientes maximam protegebat; quumque nostris nocerent plurimum, quod nullum e fenestris jaculum frustra mitteretur, noceri autem ipsis, qui a muris ædificiorum defendebantur, vix posset, eo jam ventum erat, ut triginta non amplius passus a maxima oppidi platea hostes abessent. Quorum audacia, præliique angustiis permoti ipsi Belgæ prætoriani, etsi nullam dabant fugæ suspensionem, lente procedebant tamen. Eo tum advenit Comes Bosfortius Legatus, qui in eadem Belgarum prætorianorum legione ordinem ducebat, singularis animi vir. Hic videns imminere hostem, suosque ægre procedere: quid cunctamini, inquit, commilitones, aut quod tempus probandæ virtutis vestræ expectatis? hic dies maxime nostrum nomen illustrabit. Hæc eloquutus, districto gladio, præcurrit ante omnes. Sequuntur hunc redintegratis animis milites, centurionesque. Ipse adhortans, & pugnans Bosfortius graviter in adversum pectus jaculo vulneratur. Non tamen desistit, quoad jam semiani-

nimis per manus tractus extra aciem refertur. Tum vero tanti viri casu irritati Belgæ prætoriani in hostes ardentissime irrumpunt; nonnulli, allatis securibus, domorum portas excindunt, atque omnes ibi repugnantes interficiunt.

Mutatur belli fortuna. Illi, qui in spem potiundi oppidi certissimam venerant, fugantur a nostris, qui celsissime videbantur. Capitur Novatus, antea oppressus, quam nihil tale suspicari posset, & qui diutius dum moratur in domo, quæ Mutinensium Duci habitandi causa erat attributa, fugam non sentit suorum. At Brounius, qui agmen cogebar, neque in oppidum intraverat adhuc, ubi captum Novatum, cedentes suos, nostros insequentes videt, receptui confestim cecinit, maxime, ut dicebatur, timens ne a latere circumveniretur; quum præsertim Lobcoviczius, qui idoneum nactus locum omnia speculabatur, non sibi submittendis subsidiis nudanda castra, atque exercitus fortunas omnes devocandas in dubium existimaverit. Simul videbantur subsidia, quæ ille, inclinata jam re, submisisset, implicata præcipiti suorum receptu tumultum potius, quam præsidium allatura cedentibus.

Receptis Velitris, Castropiriani Dux ad custodiendam in præsentia oppidi portam Neapolitanam cum iis copiis, quæ in eam partem ex tribus viis, repulsi hostibus, confluxerant, & cum machinis castrensibus duabus, & præterea nostris Hungaricis equitibus circiter centum Lessium castrorum Præfectum reliquit: ipse ad dextrum cornu profectus de rebus gestis

stis certiore[m] facit Regem. Rex, qui uno eodemque tempore & a montanis munitionibus, & ab oppido fugatos hostes cognoverat, imperat Castropiniani Duci, si recte atque exercitus commod[o] fieri possit, recipientem se Brounium adoriatur: descendat interim Gagi[us] ab Artemisio monte, atque irrumpat in castra hostium, quæ imparata fere a militibus esse constabat. Sed controversia illata de itinere, quo maxime hostem, sicuti Rex imperaverat, persequi placeret, & nostros ad insequendum tardavit, & quietiorem illis receptum dedit. Neque enim satis erant nota nostris loca tam multis transversisque tramitibus divisa, neque oppidanorum ad eâ commonstranda fidelis opera videbatur: & multa in utramque partem disputabantur, quum alius vestigiis hostium insistendum, alius breviori itinere occurrendum putaret. At Vallishermosæ Comes, qui omnia eo die ducis, ac militis officia præstiterat, & mirifica tum ulciscendi hostes cupiditate flagrabat; fidenter sane, ac libere, quid, inquit, consultando tempus conterimus? Hostes impune in conspectu nostro elabi non est ferendum; manu opus est, & celeritate. Simul se itineris ducem profitetur: (omnem enim circa regionem, adjutore usus Ambrosio Hurlierio præstantis ingenii homine, & Borboniæ Draconum alæ Propræfecto, quod est in administrando bello præcipuum, accurate cognoverat) sese ait ab ea parte, qua pons est, qui appellatur Mela, prope oppidum Lanuvium copias adducturum, ubi & equites no-

*Cast. Bon. P. I.*

E

stri

stri manus possint conferere, & hostes circumventi a latere, atque omni ad Cynthianum intercluso itinere, præsentes insignis audaciæ pœnas luant. Hæc vicit sententia. Sed ipsa jam disputatio multum extraxerat temporis, atque aliquid etiam moræ addiderant Helvetiorum prætorianorum cohortes, dum accersuntur, dum veniunt; eo quidem consilio accersitæ, ut majori peditum numero septus equitatus ex angustiis tutius emergeret, atque in agro Lanuvino locum nancisceretur æquum atque apertum. Tandem procedere nostri incipiunt eodem itineris Duce, qui fuerat auctor sententiæ. Sed jam effugerant hostes; quod ubi rescivit Rex, intercludi illos receptu posse desperans, & militum labori parcendum existimans, quod valde eo die defatigati fuerant, Castropiniani Ducem, Gagiumque ulterius progredi vetat, & copias reducere jubet in castra. Sic quum prima luce prælium cœpisset, hora fere nona resederant omnia ab tumultu, & in sua se utrique castra receperant: Regii quidem feroces, atque alacres, quod quum omnium judicio oppressi, ac deleti pene viderentur, animum tamen non despondissent, & collectis viribus terga hostes subitovertere cœgissent, magnâque eorum cæde novem militarium signorum jacturam compensassent. Austriaci autem magis præda onusti, quam laude insignes ferebantur; nam latrocinandi aviditate corruperant gloriam facinoris, quod laudari poterat, si peractum fuisset.

Po-

Postero die Rex, collaudatis nominatim Comite Gagio, & Castropiniani Duce, quorum in repellendis hostibus opera fuerat usus forti, ac diligenti, omnibus generatim gratias agit; Hispanis, quod tantis subito objectis difficultatibus, tamen a consueta virtute non discessissent; Neapolitanis, quod veteranorum virtutem fide atque amore erga suum Regem adæquassent. Atque incitandæ honestandæque virtutis causa, militaribus nonnullos præmiis auget, cum primis Nicolaum Sanseverinatem, atque Ariciæ Principem, qui periculose ex vulneribus decumbebant; quorum alterum ab inferiori gradu ad tribunum militum se traducere pronunciat, alterum in amplissimum Divi Januarii equitum ordinem cooptat. Totum denique exercitum bona spe complet, hortaturque, ne, quæ fortunæ quodam jure acciderint, graviter ferant; & quoniam in bello omnia cedere secunda non possint, lætentur potius, quod hostes pene victores tanta fuerint cum eorum cæde a castris rejecti, quam doleant, quod ad castra accesserint, & partem aliquam abduxerint impedimentorum. Cogitur etiam in unius oppidani supplicium contra suam naturam Rex jure belli, & maximo militum concursu, quod multa oppidanorum perfidiæ detrimenta accepta referebantur, uti tamen magis fama, quam re compertum videbatur. Conversus deinde ad reliquas belli cogitationes, proximi diei casu admonitus, firmari castra diligentius, & custodiri vigilantius jubet. Porta oppidi Neapolitana, & Mariæ

Hortensis Fanum, atque omnis castrorum læva pars, imposito Virtzianæ manus præsidio, collocatis æneis aliquot tormentis, opposito Ericio, extructo aggere, fossa & vallo comuniuntur; omnia opere tam properato, ut diebus duobus quidquid a peritioribus rei militaris desiderabatur, celerrime perfectum fuerit. Armantur, ac vestiuntur, qui, amissis equis atque armis, a repentina hostium irruptione refugerant. Certus Provinciis militum numerus, singuli singulis Regni Principibus equi imperantur. Prolixè in eo populi, ac Principes respondent. Neapolitana civitas pecuniam ad usum belli ultro etiam non imperatam confert. Revocatur a Vestinis Dux Viavillæus Legatus, qui, represso jam ac remoto Comite Soroo, adducat statim ad Velitras in castra, quam secum habeat, peditum atque equitum partem. Adducit. Etiam fortuna ipsa per eos dies facere quodammodo cum Rege visa est. Nam quæ ne expectabantur quidem ab Hispaniis auxilia, de repente opportunissimo tempore inter medias Britannorum classes Cajetan, ac Neapolim appulerunt. His rebus celeriter id, quod ad III. Idus Sextilis in nostris castris ad Velitras deperierat, expletur, resque ad pristinam belli rationem redigitur.

Lobcoviczius eo consilio depulsus, quod extremo veluti conatu susceperat, & cui grandi licet accepto detrimento, speciem victoriæ ostentationis, uti videbatur, causâ imponebat, receptui aliquandò tandem consulere cæpit. Communitis enim nostris castris, atque amissio  
sua-

suarum copiarum robore, nullum jam insidiis, nullum prælio relinqui locum videbat. Milites autem, quos belli casus fecerat reliquos, partim vulneribus ac cæli vitio conflictati, partim diuturno labore, atque infelici expeditione intabescentes ægre vix necessariis militiæ muneribus fungebantur. Dissidebant inter se Duces, quod plerumque accidit in adversis, summumque Lobcoviczii imperium carpere videbantur atque abnuere. Erat equitatus omnis macie prope enectus. Erat omnis circa regio defessa, & consumpta commoratione exercitus tam longa. Adventabat etiam Autumnus, grave maritimis com meatibus tempus. Pecunia deerat. Lobcoviczius ipse, qui valde subsidiis indigebat, subsidia compellebatur submittere Sardinia Regi tum laboranti, & quiritanti maxime. Erat denique in summis angustis res, & secundum ea multa Lobcoviczium hortabantur, quare sibi loco excedendum putaret. Nihilo tamen secius menses ipsos duos castris Regiis castra collata habuit, adeo ut obtorpuisse inops consilii videretur; sive ille erat pudor abiiciendi incepti, sive spes, quæ ultima solet homines deferere. Quo quidem tempore nostro exercitui carissimum atque invictum bellis virum Atrisci Ducem morbus extinxit: Hungarici autem equites circiter centum impetum in Valmontonium oppidum improvise fecerunt, & quæ ibi indiligentius versabatur, nostrorum centuriam una cum Tortocarrero Duce conciderunt omnem, atque ipsum deinde oppidum habuerunt prædæ loco. Neque postea



quidquam magnopere accidit, quod memoria dignum prætermittendum non videatur.

Interim Regi Sardiniaë qui auxiliarentur, ad mille Illyricorum milit, & legionem Pallavicinam mutilatam admodum superiore prælio; atque eadem Lobcoviczius de profectioe cogitans, quæ jam antefenserat, ægrorum, atque impedimentorum partem dat Andreasio, mari transducendam in Hetruriam, partem itinere terrestri ad Falerios Faliscorum præmittere incipit, quo expeditius, in ipso receptu rapiat agmen. Mittit etiam ad hominum centum, qui junctis ratibus pontem in Tyberi ad traiciendum exercitum juxta pontem Milvium faciant, præsidioque ibi sint. His explicatis rebus, quum equitum alam pridie Kal. Novembris mane misisset, qui ad lævam nostrorum castrorum adequitarent, & quasi munitiones explorare vellent, nostros prælio etiam, si opus esset, commisso detinerent: Ipse noctu silenti agmine subsequutus, quas interdiu præmiserat sensim legiones, celeriter e conspectu Velitrarum discessit. Neque vero hoc audito moram ullam ad insequendum intulit Rex, antea jam suspicatus, huc necessario descensurum Lobcoviczium; & præmisso equitatu, qui novissimum hostium agmen male haberet, & receptum demoraretur, ipse cum universo exercitu instabat, atque imminebat. Illi unam noctem ad locum, qui mediæ viæ Turris appellatur, commorati, qua nocte nostri in Albana valle confederant, expedito itinere antecesserunt: quumque ante ipsa Urbis mœnia iter face-

ce-

cerent, Romanorum oculis mutabilis fortunæ exemplum objecerunt, non eodem certe vultu, neque iisdem animis recedentes, quibus venerant. Extremum hostium agmen vix præcesserat, quum subito apparere nostri, & se ostendere cœperunt: assequi vero illos, aut non potuerunt, quod major illorum fuerit in fugiendo, quam nostrorum in persequendo celeritas; aut noluerunt, uti tum vulgo jactatum est, quo vires magis integras asserrent ad earum copiarum conjunctionem, quæ percusso jam cum Genuensibus fœdere, in Galliam Cisalpinam, Philippo Regis Fratre Duce, influebant. Parva tamen inter nostri exercitus antecursores, & novissimos eorum dimicatio facta est ad pontem Milvium, dum pontes illi rescindunt, quo nostrorum incursum reprimant. Nonnulli utrinque vulnerantur, atque interficiuntur. Sed rescillis pontibus Lobcovizius celerem sibi fugam per difficiliora itinera, atque Eugubinos montes quæsitum ivit, sibi non omnino displicens, quod expeditionis exitum fœdissimum multo ante præsenferat, alieno autem judicio vexatus, & eorum potissimum, qui fortunam convertunt in culpam, & quod male cecidit, male consultum putant. At Rex quum in Suburbano Patricio pernoctaret, ibi eum ex Romana nobilitate Principes, & Cardinales multi convenerunt, quos ille omnes perbenigne excepit, maxime vero Aquavivam Cardinalem, quem ut vidit complexus, & gratulans salutem se Regni videre dixit. Postridie mane equo Romam investus Pon-

tificem Maximum BENEDICTUM hujus nominis XIV. salutatum venit, præstantem doctrina, prudentiaque virum, cujus consilio, atque auctoritate tum maxime Romana Respublica fletit. At Sanctiss. Pater tantum Regem, maximi ipsum Regis Filium, genibus advolutum suis quum videret, tanta est voluptate perfusus, ut difficillimi temporis acerbiter in genti consolatione leniret. Lustrat deinde Rex celeberrima Urbis loca, circumfluente omnium ordinum multitudine, quæ tum primum soluta propinqui belli metu, alacrior prosequetur Regem, incredibili plausu, atque acclamatione. Statim inde a convivio, quo magnifico, ac splendido acceptus in Vaticano fuit, Roma proficiscitur, quum partem Neapolitani exercitus Gagio ad insequendos hostes attribuisset, partem se subsequi jussisset in Regnum. Ipse, receptis Liberis, & Conjuge præstantissima, quæ illi ad Regni usque fines obviam processerat, Cajetam primum, mox Neapolim pervenit. Advenienti tota obviam Neapolitana civitas longissime prodiit Regem suum, Liberatorem suum videre gestiens, & præteriti periculi recordatione lætior. At victor Rex dignum victoriæ, ac virtutis suæ fructum tulit, benevolentiam populorum, quos ille admodum a bello revertens exhilaravit: hostes autem docuit, non leve negotium esse Regnum invadere, non tam militum armis, quam optimi Regis præsentia communitum.

COM-

**COMMENTARIORUM  
DE BELLO ITALICO**

*LIBER I.*



CASTRUCCII BONAMICI

COMMENTARIORUM DE BELLO ITALICO


LIBRI PRIMI

AD CAROLUM

BORBONIUM

NEAPOLIS ET SICILIE REGEM

P R Æ F A T I O.



DIFFICILE profecto est, atque arduum, CAROLE BORBONI REX, eorum, quæ ætate contigerunt sua, scribere historiam; propterea quod non ingenii solum ea scribenti, sed etiam capitis interdum, atque, id quod ego plurimi facio, existimationis discrimen adeundum sit. Etenim quum illud maxime propositum historico esse debeat, ut nihil non audeat veri dicere, periculum sane est, ne certarum explicatio rerum necessaria potentiorum possit animos offendere, qui assentatorum depravati blanditiis, si quid male gesserunt, non redargui memoriâ scriptorum, sed defendi volunt oblivione, & silentio: adeo ut vel fides

*fides in historico, si tempori obsequatur, vel prudentia desiderari possit, si veritati serviat. Quamobrem melius sibi, suisque prospexisse monumentis mihi videntur ii, qui res a temporibus suis longe remotas perscribendas susceperunt. Nam qui dominabantur, extinctis, rebusque commutatis, nulla scriptori mentiendi, nulla est cuiquam causa succensendi, licetque spe, ac metu vetustate sublatis mortuorum facta & laudare sine invidia, & vituperare sine periculo. Quod item nobis facillimum factu fuisset, magnaue liberati cura videremur, nisi gravis jam causa impulisset nos, ut res ad Velitras gestas conscriberemus, & tua nunc auctoritas, CAROLE REX, accessisset, qua mandatum nobis etiam atque etiam esse voluisti, ut eam italicæ belli partem, quæ res consequitur illas, commentariis nostris persequeremur, iterque in Cisalpinam usque Galliam susciperemus, ut & locorum, ubi majore ex parte bellum illud gestum est, & hominum, qui aut eidem interfuere bello, aut præfuerunt, explorata cognitione, naturaue perspecta, historiæ nostræ non minus diligentia, quam veritati consuleremus.*

*Ac veritatis quidem præferendæ eo vel maxime dissolutas extenuatur, quod ad REGEM scribimus, qui præclara iustentatus virtutum suarum conscientia historiam non horret, æliorum indicem humanarum, quique eadem animi magnitudine, qua mendaciis repugnare adulantium solet, vera scribentem tutabitur; neque patietur unquam necessariam historico eri-*

pi libertatem, qua, ipso regnante, fruuntur omnes: quum piissimo, justissimoque Regi jervire nihil aliud sit, quam gratissima, omnibusque bonis cumulata libertas.

Quamquam præsentis temporis conscribendæ historiæ ita posse rationem temperari arbitror, ut neque fides, neque prudentia in scribendo desideretur. Magna est enim orationis vis in utramque partem, ut neque assentatio placeat sine quodam artificio dicendi, neque sit odiosa veritas, quæ lenitate sermonis aspersa in animos illabatur; nisi quis est, aut natura ita asper, ut nullam ab acerbitate sejunctam veritatem probet, aut ingenio ita aëlicatus, ut ne honestam quidem, & quasi legitimam historici libertatem ferre possit. Quorum ego hominum fastidium atque insulsatem adeo non moror, ut prudentis contra, & gravis esse historici putem ejusmodi opinionibus a recta scribendi ratione non deterreri.

Sed neque mihi audiendum est aliud genus hominum, qui militari institutioni contrariam esse dicunt scientiam rerum pulcherrimarum, negantque tantum in scribendo operæ, ac temporis ponere militem oportere. Nam quid hos requirimus leves & ineruditos, quum veteres illos Romanos auctores habeamus præclarissimos? qui ab humanioribus disciplinis adeo non abhorruerunt, quum bellicis porcerent laudibus, ut iidem res agerent scriptione dignissimas, iidem scriberent. Romanorum ego industriam imitari præ me fero: utinam æque virtutem possem! Tunc enim non obrectationem



nem deprecarer, sed præmium postulare: atque a Te postulare, CAROLÉ REX, qui nunquam profecto jobolem militum, nova instituta Academia, meque ipsum insigni beneficio ad optimas artes excitasses, nisi armorum hanc, literarumque conjunctionem valde probares, maximeque regale duceres, iis potissimum Patrocinii Tui quasi lucem porrigere, quorum armis Regnum defendi, illustrari literis potest. Neque vero existimare aliter potes, quum & quibus hominibus imperes, & a quibus ortus sis, & quos denique in lucem edideris ipse Tecum sæpissime cogites. In totius enim Italiæ parte beatissima collocatus a Deo, ut regnares, versari Te profecto vides in eorum hominum vestigiis, qui magni semper in omni ætate fuerunt scriptores, actoresque rerum; Tuque ipse, CAROLÉ REX, difficillimo tempore expertus es, non domi fidem, & consilium, non fortitudinem foris, atque armorum vim Siculis, Neapolitanisque acesse. Quorum quidem hominum regiones amœnitate celi, bonitate agrorum, civium nobilitate, nostris, vetustisque temporibus celebrata ideo mihi Græciam quodammodo respexisse, ideo Latium videntur attigisse, ut eo, in unam veluti sedem, & Græcorum elegantia, & virtus immigrasse Romanorum videatur. Quare mirandum non est si Græcorum, Romanorumque artibus excultæ, & nativo quodam sensu, atque insita felicitate Reges semper bello, paceque insignes aut acceperint, aut ipsæ fecerint: minujque etiam mirandum est, si Tu, Optime Maximeque  
ad

*ad eos imitandos Reges, & superandos etiam commoveris. Quæ enim possederunt ipsi, regna obtines eadem, eodemque sanguine ortus. Abavum præterea habes Magnum LUDOVICUM Galliæ Regem, & Patrem PHILIPPUM Hispaniæ Regem præstantissimum. Quod igitur a LUDOVICO Gallia, Hispania a PHILIPPO habuit, ut bonarum artium Parentes, atque illustrium virorum Patroni haberentur, & essent, id a Te Italia Tuis, Tuorumque Majorum peragrata victoriis, atque ornata legibus, & Tua in primis postulare Neapolis jure optimo videbatur, seque assequutam esse summopere gaudet. Testantur id cum moles illæ objectæ fluctibus, atque hostibus, portusque manufacti, tum omnium disciplinarum domicilium magnifico abs Te opere exornatum: quæ duo, ut omittam cætera, quoties Neapolitani vident, toties securitatem ipsam, & beneficium necesse est Tuum videant, lætenturque nihil esse abs Te prætermisum, quod ad pacis, bellique artes in civitate excolendas pertineat.*

*Quanta vero gaudii accessio ex eo facta est, quod gloriari possunt editos esse apud se Regios Liberos Tuos, qui mihi jam ab incunabulis salutem innuere videntur Italiæ, & gentium fugam barbararum. Quo autem in majorem Imperiorum, magnorumque facinorum spem nati sunt, eo diligentius solidæ virtutis præceptis, & veterum Romanorum exemplis imbuedi sunt, ut ad maximas res conficiendas accedant paratiores. Atque haud scio, an hoc ideo fortuna tulerit, ut eo potissimum tempore nasce-*

scerentur Liberi Tui, quo plurima, ac vetustissima illorum hominum monumenta in eodem littore e tenebris eruuntur, ubi in lucem ipsi suscepti sunt. Nam eorum facta summo sibi studio imitanda esse statuent, quorum levissima quæque a doctis viris tanta cura conquiri, explicarique videant. Et sane ejusmodi antiquitatis studia nisi ad historiam cognoscendam, clarorumque adeo virorum imitationem persequendam referantur, curiositatis cujusdam plenissima, sapientiæ autem inanissima reperientur. Quamquam non magnopere illi quidem vetera requirent, quum domi habeant ante oculos omnium exempla virtutum. Parentes enim habent eos, qui quum regibus abundent virtutibus, justitia, beneficentia, magnitudine animi, privatis non carent, continentia, probitate, suavitate morum, quæ licet reconditæ, atque interiores sint, emanant tamen, multaque de iis narrantes egomet audiivi homines nobilissimos, qui propter generis præstantiam verjari familiarius cum Regibus consueverunt, propter familiaritatem autem eas facilius nosse virtutes, & quasi reducto majestatis velo perspicere possunt. At illæ alteræ, quæ appellantur regie, propterea quod in publica utilitate, & luce verjantur, majoribus, ut ita dicam, theatri propositæ non egent testificatione cujusquam. Quominus vereor, ne quis gratiæ me causa quicquam in scribendo mentiri putet, quum eo mandante Rege scribam, qui laudibus cumulatus verissimis nullis falsis delimiri potest. Ad alienam vero gratiam, quid ego respiciam, qui Tibi,

CA-

CAROLE REX, debeam uni omnia? sin autem moveri gratia non possumus, metu certe non debemus. Ejusmodi enim ingressi sumus vitæ rationem, ut quæ vere, atque honeste dici possunt, fortiter, ac libere dicere ne vereamur, nihilque præter dedecus metuendum nobis esse statuerimus. Quapropter omni metu, & cupiditate vacui; eaque libertate, quæ militem decet, atque historicum, qui nihil temere scribat, nihil astute prætereant, Tuæque sit, CAROLE REX, testis auctoritate, eam Italici belli partem latinis mandare literis aggredimur; quæ ab Austriacorum a Velitris receptu initium ducens Aquisgranensi pace, & Nicæensi in Italia conventu terminatur.

Opus sane memorandum, & fortunæ varietate adeo insigne, ut victores interdum desperaverint, sperare victi nunquam desierint, ferocissimique extiterint, qui imbelles videbantur, omniaque fortia passi pro libertate, atque ausi sint. Fugati, caesi,que exercitus, Ducesque nobiles, expugnatae urbes, direptæ Provinciæ leguntur etiam alibi, & exitus sunt communes bellorum omnium. Illud bujuscæ belli, de quo scribimus, præcipuum est, quod tot præliis, tot claudibus tantorumque Regum viribus nihil fere perfectum est, quod rerum gestarum magnitudini responderit, non Principum ambitio sedata, non Populorum constabilita felicitas: bellum denique vehemens, atque atrox. pax repente concluserit otiosis magis optanda, & defatigatis necessaria, quam cuiquam opportuna, aut gloriosa bellantium.

Castr. Bon. P. I.

F

To-

*Totum autem opus tribus Libris complectemur , quorum hic primus in Tuo , REX , nomine apparet. Scriptionis enim nostræ fructus aliquis ad neminem prius , quam ad eum pertinere debet , a quo accepimus , ut scriberemus.*

---

COM-

# COMMENTARIORUM DE BELLO ITALICO

## LIBER PRIMUS.



Epulsis Austriacis, CAROLUS quidem Rex, ita uti in Commentario de rebus ad Velitras gestis diximus, Neapolim victor revertebatur. At Mutinensium Dux, Gagiusque cum Hispanorum copiis, & auxiliaribus, quas e suo delectas exercitu illis Rex attribuerat, se se recipientem Lobcoviczium insequuntur, effectisque ea de causa duobus in Tyberi pontibus, exercitum iv. Non. Nov. traducunt. Lobcoviczium, missis jam antea, qui idoneum prope Viterbium castris locum deligerent, in ea se castra septimo a Velitris die contulit, quæ quidem egregie loci natura, objecto monte satis edito, nemoreque denso, atque aspero muniebantur. Hæc Gagius animadvertens, qui hostes Roncilionem erat usque persequutus, ad Falerios Faliscorum, Spoletumque subito se convertit, atque ex iis locis in Umbriam erumpere meditabatur, sperans si prior Perusiam occupasset, Lobcoviczium receptu, & comœtu posse omni intercludi. Sed Lobcoviczium, cognito consilio ejus, motis extemplo a Viterbio castris, per Urbevetanum agrum iter

arripiens, & silvas inter, ac saltus properans antecesserat tam opportuno tempore, ut simul ipse Perusiam attingeret, & Hispani, Neapolitanique in Assisienti agro cernerentur. Erat enim ex oppido Perugia propinquus despectus in pulcherrimam Umbriæ vallem.

Gagius in ea planicie, quæ inter Assisium, Forumque Flaminii interest, castra facit: cohortes aliquanto latius porrigi, simul plures noctu ignes accendi jubet; quo ex tam late productis ordinibus, dispersisque ignibus amplioris speciem exercitus hostibus ostentaret. Sux enim copix, quanquam e Neapolitanis, ut diximus, auxiliis, atque his, qui ex Hispaniis per eos dies ad oram Romanam, Centumque cellas appulerant, refectæ; infrequentiores tamen adhuc, vixque. lxxx. millia numero erant. Lobcoviczii autem ne xlii. quidem millium numerum explebant, insigni morborum, & perfugarum frequentia, quod in omni fere receptu accidere consuevit: multis etiam ad Aricinum nemus absumptis, & nonnullis cohortibus, quæ Regi Sardinix auxiliarentur, in Galliam Cisalpinam summissis. Quapropter quum suorum paucitatem videret, hostium numerum multo etiam majorem ex castrorum amplitudine arbitraretur, profectiorem fugæ similem circumspectabat vehementer timens, ne intercluderetur. Itaque ne celeritati quidem satis confisus suæ, Comiti Soroo, qui suis, exercitusque impedimentis præsidio ibat, magnopere mandat, uti aliquam insequenti Gagio moram inferat; dum ipse per Eugubinos

nos montes, superato Apennino, secundum Adriaticum mare in Flaminiam descenderet, inque ejus regionis oppida exercitum in hiberna deduceret. Hisce mandatis acceptis, Comes Sorous, converso itinere, Nuceriam occupat, ibique consistit. Erant cum eo non-genti ferme projecta audacia milites ad omne facinus, atque discrimen impunitate diuturna, crebrisque certaminibus obdurati, perfugæ omnes, eoque acriores, ne, si in potestatem Hispanorum venirent, ad ultimum supplicium progredi cogerentur. Et jam Hispanorum, ac Neapolitanorum primum agmen a Foro Flaminii profectum instabat, & occupatis circa Nuceriam collibus imminebat universum. Neque ob id Sorous a proposito deterrebatur. Insanire hominem oppidani dicere, qui ab omnibus rebus flagitiose imparatus tam parvulis copiis, nullis munitionibus, adversariorum exercitui obsistere velit; monere, ut sibi, suisque, subito discessu, consulat. Enimvero ille animo feroci, minacique vultu negat, universum adversariorum exercitum tanti esse, ut ipse fugiat; & memor eorum, quæ paulo ante Lob-coviczio Imperatori suo confirmaverat, milites cohortatus, ut nullam nisi in armis salutis spem ponerent, urbem, suburbiumque, pro loco, ac tempore communit, portas obstruit, transversas trabes viis inducit, denique nihil reliqui ad defensionem audacissime facit. At Hispani, Neapolitanique primo impetu in suburbium irrumpunt, portamque oppidi unam incendunt, neque tamen ulterius progredi au-



dent loci difficultate, fuorum cæde, hostium furore deterriti. Quibus rebus factum est, ut, in foro, ubi mercatum habere oppidani solent, aggere extructo, & tormentis quatuor, quæ a Foro Flaminii advexerant, collocatis, quate-re oppidum, ac diruere instituerint. Tum vero atrocitate rei oppidani commoti Sororum circumstant, unum universi orant, atque obsecrant, ne sua pertinacia ipsorum fortunas omnes deleri funditus patiatur. Ille omni re desperata, quum jam nec jacula militibus, nec vires suppetere, simul Lobcoviczium effugisse jam sciret, colloquium petit, paratumque se dedere ait, si modo incolumitatem transfugis, veniamque impetret. Non impetratâ, tamen ad deditionem compellitur. Deditione facta, ipsa e vestigio ab Gagianis militibus Nuceria diripitur, Pontificis Maximi oppidum; adeo nihil in bello sanctum, nihilque tam opportunum injuriæ, quam medium, & quietum sine armis imperium. Gagus, conservato Comite Soroo, in cæteros, uti in transfugas, lege agi jubet. Injecta continuo omnibus vincula unum querentibus, quod vitam, quam proicere in prælio per virtutem poterant, supplicio, atque ignominia reservassent. Statim inde in castra ad Forum Flaminii abripiuntur, ibique in eos, toto inspectante exercitu, paulo severius animadversum esse videbatur, propterea quod non forte decimus quisque, uti militari consuetudine receptum est, sed quintus quisque lectus ad supplicium sit, illique ipsi milites, qui fortium beneficio suppli-

plicium vitaverant, tamen illuvie obfiti, catenatique longo, ac miserabili agmine Cajetam ulque perducti fuerint, ubi qui honestioris in militia ordinis erant, compingerentur in carceres, reliqui ad opus, atque ad triremes damnarentur. At ii, quos extremum sequi supplicium damnatos oportebat, pars arboribus suspensi, pars jaculis confossi fœdissime perierunt. Perhorruere milites, populi que præsertim lenissimo Pontificis imperio assueti tantam subito stragem, non reputantes ea severitate militarem disciplinam contineri, & reipublicæ interesse vehementer punire transfugas. Iustissimo igitur supplicio affectis transfugis, Gargius assequendi hostis spe dejectus, cum summa jam hiems instaret, distributis circum agri Romani municipia legionibus, ipse Viterbii hiemare constituit. Quo in oppido quum cæteri copiarum Præfetti otiosum ab hoste tempus ludis, scœnisque contererent, ille tacitus plerumque totius Italici belli molem animo agitabat. Itaque maturius paulo, quam tempus postulabat, deducto ex hibernis exercitu, quasi incertus qua progrediretur, ut sua hostibus consilia occultaret, modo se Flaminia viæ dare, interdum Hetruriæ ostendere se veluti minitabundus, atque in eam partem impressionem facturus videbatur. Quæ quidem fama erat edita in vulgus, adeoque percrebuerat, ut qui ei provinciæ præerant, trepidarent, atque aliquot in fines Aretinorum cohortes præsidii causa mitterent. Quamquam enim Viennensi fœdere diligentissime cautum de Hetru-

truria non turbanda fuerat; quo fœdere Hispaniarum Regis socius, atque amicus Galliarum Rex accepta a Francisco Duce, quam Regi Stanislao focero attribueret, Lotharingia, Hetruriam Francisco in perpetuum addicendam, Hispano consentiente, curaverat, reque ipsa addixerat: interdum tamen illa suberat cogitatio, quam faciles essent hominum, & cum primis Regum ad fallendum mentes; neque tam, qui Hetruriæ præerant, Hispanos timebant, qui adventare dicebantur, quam populares, quorum ipsi adversà, Hispani secundà voluntate utebantur. Nam Florentinos Bourboniarum partium studio omnium in Italia maxime flagrare opinio erat, vel quia Caroli Hispaniarum Regis F. adventum, ejusque benignitatis memoriam nova nondum dominatione expulerant, vel quia Medicæorum extincta apud ipsos familia in Transalpinorum potestatem redacti servitute premi inclementiore videbantur. Vicio etiam gentis humanæ, quæ longinqua expetere, fastidire præsentia consuevit. Sed Gagius, qui in Hetruriam cogitaverat nunquam, superum mare versus iter facere, ad hostemque contendere cœpit.

Quadringenti ferme vicum quendam in Flaminia, qui Catholica appellatur, insederant Ungarici equites, ibique erant ab Lobcoviczio collocati, ut Hispani exercitus conatus, atque itinera specularentur. Quem exercitum ubi appropinquare cognoverunt, eo statim loco excessere. Quo facto, qui Arimini, quique Cæsennæ Austriaci milites præsidii causa erant,

Un-

Ungaricis se se equitibus adjunxerunt, unaque omnes ad Cornelii Forum perrexerunt. Hiemabat ibi Lobcoviczius. Hic de Hispanorum adventu certior factus, quum quæ per literas, nunciosque ab Rege Sardiniae flagitaverat, nusquam adhuc apparerent auxilia, atque ipse, attritis jam viribus, multo omnibus rebus esset Hispanis inferior, educere ex hibernis exercitum, seseque properans recipere cœpit: neque prius properandi finem fecit, quam ad Mutinam perveniret, castraque ad eam urbem opportuno, & munito loco poneret.

Iplius enim castrorum dextrum latus ita urbi adhærescebat, ut adactis ex arce Mutinensi telis protegi posset. Sinistrum fossâ sepiebatur, quæ derivandi fluminis causa prope Mutinam erat non mediocrem in altitudinem depressa. A fronte munitiones Lobcoviczius instituerat optimas, easque tormentis, perpetuisque stationibus instruxerat. A tergo autem castrorum amnis erat Gabellus, eoque in amne pontes effecerat tres, quo facilior esset in Mantuanum agrum receptus, ex eove commodior, si nemo premeret, commeatus. His rationibus Lobcoviczius ad utrumque paratus, seu pontibus effectis se se ulterius recipere, seu communitis castris remanere mallet, auxilia certe expectare, & bellum ducere velle videbatur. Jam vero eo magis festinare Gagijs, atque in maximam conficiendi negotii spem adduci si Lobcoviczium assequeretur, cumque eo confligeret, priusquam ille se se Transalpinis, & Sardinienlibus auxiliis confirmaret. Itaque

que ad Forum Cornelii, eodem, quo hostis, itinere properans in fines Bononiensium celerius opinione omnium pervenit, continuatoque itinere Scultennam cum omni exercitu flumen vado transit, ita ut humeri tantum, summaque militum pectora extarent, eademque usus celeritate, quum hostium manum, quæ Spilinbergium (in Mutinensi agro ad Scultennam vicus est) tenebat, in fugam coniecisset, ad locum pervenit, qui appellatur Montalus, atque abest a Mutina passuum iii. millia. Castra ibi Hispani, Neapolitanique faciunt. Postero die Gagius decurionem exercitus cum satis valida peditatus, atque equitatus parte præmittit, qui castra exploret Austriacorum, & loci naturam cognoscat. Quibus cognitis rebus, exercitum confestim in eam partem adducere, ubi item est in agro Mutinensi vicus, quem Bonumportum appellant, atque inde in hostium castra, triplici instructo agmine, irrumperere, eodemque tempore, summissis militibus, atque operis, quæ cum iis ratibus, quas carris devehebat, pontem in flumine Gabello extemplo perficerent, hostes ab tergo adoriri Gagius meditabatur, ancipiti ipsos prælio distractos facilius opprimi posse sperans. Hæc quum ille cogitaret, atque ageret maxime; ecce subito ab Hispaniarum Rege nuncius apparet cum literis: debere Philippum Regis F. in Genuensium fines quamprimum se conferre, properaret cum illius exercitu suum Gagius conjungere, omniaque posthaberet. Quibus literis acceptis, aggrediendi hostis consilium depositum est, susceptaque  
de

de itinere, concilio statim advocato, deliberatio.

Dux Mutinensium concilio, summæque rerum imperatorio nomine præerat. Is recta eundem Novas esse arbitrabatur, Genuensium oppidum in Gallia Cisalpina plenum, atque opulentum, & Philippici exercitus propinquitatem opportunum: assuetum se se iis circum Mutinam locis; non viam se certe nosse ullam aliam, qua exercitus ire, impedimenta que supportari possint; sibi quidem persuaderi magni animi rem esse, magnæ difficultatis propter asperitatem viarum, hostis propinquitatem, occultandi consilii desperationem: sed nihil esse virtuti arduum; quumque Regi parendum necessario sit, enitendum esse ajebat, etsi aliquo accepto detrimento, ut eo, quo Rex iusserit, mature cum exercitu perveniatur. Porro erant, qui Bononiam statim, atque in Pontificis provinciam regredi censerent, quod facilem ibi comineatum, iter denique non incommodum ad inferum mare, Cosarumque oram esse arbitrarentur, & saluum inde exercitum cum omnibus impedimentis una in Liguriam navigatione posse transmitti demonstrabant. Gargius utramque improbabat sententiam, quantum alteri deesse consilii, tantum alteri superesse animi dicebat. Qua enim fiducia, aut quibus copiis Novas perveniendum? lxx. circiter millia passuum intercedere itineris asperi, atque difficilis: ipsum a Placentia Apenninum transcendendum; subesse rivos, amnes, nobilitatum Gallorum fuga, victoriaque Tarum, Romanorum clade Trebiam; tempus adversum,

ma-

maximas aquas, longum iter, & corruptum, impeditum agmen: instare ab uno latere hostes, qui agmen assidue nostrum peragitent, ab altero montes assurgere gelu pruinaque opultos: vix quinque dierum cibaria superesse: in tantis angustiis ecquam esse militibus spem posse inopiâ & lassitudine confectis, montibus atque hoste circumclusis? magnopere se quidem Mutinensium Ducis perspectam jam in maximis rebus laudare virtutem, cui nihil arduum videatur: sed esse in bello non minus consilio, quam virtuti locum, eaque propter cavendum esse, ne temere progressis aut certum exitum, aut turpis impendat exitus. Reditum vero in Pontificis provinciam quid habere, nisi inopiam cibariorum, & militum fugam, & discrimen omnium rerum? Ecquam enim fore copiam, si loca repetantur nostrorum, hostiumque inveteratis jam castris exinanita, atque exausta? Milites autem, qui, cum ad hostes itur, alacres, atque credi vadunt, demittere, quum recedatur, animum, & facta receptus mentione, statim de fuga, victoriæ, prædæque desperatione incitados, cogitare. At illud, cujus tandem consilii esse? Neapolitani Regni robur; Hispanorum florem, totius belli spem, atque eventum mari, & fluctibus committere? præsertim quum omnia littora, portusque tanta diligentia a Britannicis classibus asserventur. Postremo asserre se, quod tutius, atque explicitius consilium videatur. Præmissurum enim statim Bononiam Pincarnium Præfectum Fabium firmo cum præsidio, qui

qui ea via celeriter tormenta omnia, & quidquid in exercitu gravis, atque infirmi est, in Hetruriæ maritima adducat, indeque idoneam nactus tempestatem, & Ligusticam oram legens neque ad unum locum appellat, neque uno commeatu; quo fallere melius Britannos, atque effugere possit. Ipsum interim, qua proximum est iter, cum expedito, ac delecto agmine per Apenninum, Lucensemque agrum in Genuensium fines perventurum: neque defuturos exercitui commeatus, quum, trinīs viæ castris superato Apennino, Lucensium campi occurrant integri & fertiles, qui pabulo, frumento, pecore, & omni rerum copia juvare exercitum queant. Hæc vicit in concilio sententia, cujus sententiæ hæ erant certæ opportunitates, quod præmissa tormenta ab omni hostium impetu, Pincaronii celerrima profectio defendebantur, quem assequi quum unius diei iter antecederet, illi profecto non poterant; & quod oppositus obstabat Apenninus, quominus reliquum insequerentur exercitum. Neque præterea verisimile erat, Lobcoviczium a Gallia Cisalpina, atque ab Rege Sardinia longius abduci velle, animis Genuensium tum incertis, atque Philippi, Gallorumque copiis ingruentibus.

Gagius quum omnem in celeritate positam rem videret, concilio vix dimisso, tormenta, atque impedimenta omnia silentio prima nocte ex castris Bononiam confestim præmisit, ac conquirere ante iter confectum vult. His Pincaronius Præfectus Fabium cum equitum, peditumque milibus v. milibus præsidio



fidio est. At ille quum ad Scultennam amnem pervenisset, qui ea nocte ex maximo imbre admodum creverat, simul iis temere credens, qui vado amnem transiri posse negabant, iter supprimit. Quod ubi Gagus cognovit, decurionem statim exercitus misit, qui hominem se verius commonefaceret, uti acceleraret. Quo facto vadum in flumine repertum est. Periculum erat, ne, si tam subitam Lobcoviczius profectionem sentiret, multo breviori itinere Pincaronium assequeretur, eumque interciperet. Ita unius hominis socordia parum abfuit, quin tormenta omnia, atque exercitus impedimenta in hostium potestatem venirent, totiusque rei consilium deperiret. Interea Gagus cum expedito agmine e conspectu Austriacorum evolavit. Lobcoviczius Pincaronii profectionem non senserat; Gagium vero ne profectum quidem esse existimabat, sed eo tantum excessisse arbitrabatur, ut paulo ultra eum locum castra transferret. Qua de causa, primi diei mora illata, deinceps, reliquum frustra laborem suscipi intelligebat, quum jam neque Pincaronii iter demorari, neque Gagium consequi, neque etiam extremum ejus agmen carpere posset. Dicitur eo tempore Lobcoviczius tantam esse celeritatem, rei que militaris scientiam in ipso hoste admiratus. Ea est magnorum facinorum vis, atque species.

Apennino, qui ab alpibus maritimis, supraque Genuam initium ducens, omnem Italiam discriminat, ii quoque montes annectuntur,

tur, qui Mutinensem agrum meridiem versus a Lucensi dividunt, Balista quondam, & Letus apud Romanos appellati, nunc a peregrino quodam, quem summo apud Scotos loco natum austere, & solum plures ibi annos vixisse ajunt, D. Peregrini montes dicuntur. Ferebatur eo Gagus triplici instructa acie. Facile a principio iter, atque amœnum. Colles assurgebant leniter acclives. Ubi ad aspera, ac montosa ventum est, sarcinaria omnia jumenta defecere adeo, ut cibaria ipsi sibi milites supportaverint. Accidisse id satis constat eorum improbitate, qui vesturas de Regibus redimunt; propterea quod, ut suo privatim compendio fervirent, jumenta coemerant macie corrupta, neque ad superandos montes idonea. Atqui ejusmodi ærarii depopulatores, posteaquam ex egestate, ac sordibus permisso jam latrocinio emerferint, ad opes, atque ad honores obrepunt non sine Regum perniciæ, & justissima populorum querela. Quum, uti dictum est, in tres partes distributus Gagianus Apenninum superaret exercitus, dextera quidem sinistraque pars, quod molliore itinere montem circuibat, facile progrediebatur. At media acies, in qua Dux ipse Mutinensium, & Gagus erant, loci iniquitate, misere admodum divexata est. Nam quod duces itineris nacta esset imperitos, per devia, atque asperiora incedebat, nullumque neque ordinem, neque imperium servare poterat, & quod recta montem adversus peteret, ægrius necessario ingrediebatur, quaque difficilior erat aditus,

tus, atque præruptior. Tum iii. ferme milium passuum via adeo gelu constricta erat, ut, nisi discussa glacie iv. in altitudinem pedum, insistere miles non posset, & complures nihilo secius prolaberentur, præcipientesque agerentur per lubricas illas montium altitudines. Ipsi ante primos ordines ibant Imperatores, Dux quidem Mutinensium pedes, Gagius vero, quum podagræ doloribus ureretur, equo infidens, & cohortabantur suos, ne labori succumberent, neve animum tot præliis, atque hostibus invictum in tantulo non facillimi itineris spatio desponderent. Imperatorum vocibus, atque exemplo tantum militibus incessit itineris conficiendi studium, ut in summum jugum incredibili labore, ac perseverantia conniterentur: ex eoque properantes descenderent, atque, ad Castrum novum, qui non ignobilis in illis montibus vicus, & totius Capheroniæ provinciæ caput est, subito pervenirent; adeo ut qui Montis Alphonfi arcem, quæ vico imminet, præsidio erant Austriaci milites, quum nihil tale suspicarentur, & incuriose obversarentur in foro, prius captam arcem, seque captivos senserint, quam appropinquare hostes cognoverint; quorum indiligentia Gagianis admodum profuit. Nam parva licet arcis oppugnandæ mora maximo fuisset ipsis detrimento, quum necessariis omnibus rebus egerent, atque extrema jam fame laborarent.

Tam improvisum, tamque difficile per Apenninum Gagii iter quum late fama vulgasset, magna apud otiosos rerum æstimato-

res

res controversia, extitit, quum alii temeritatem hominis carperent, qui suas eo copias coniecisset, ubi esset ipsis & fame, & frigore pereundum; alii virtutem, atque immerabilem difficultatibus animum extollerent, Annibalique alpes perrumpenti adæquarent. Ita, variantibus hominum studiis, sententiæ quoque variantur, deque rebus nemo confidentius judicat, quam qui eas ignorat. Ego sicut non parum virtuti tribuerim Imperatoris, ita non multum consilio detraxerim, quod præsertim fortuna comprobarit. Fœda enim tempestas, quæ per eos ferme dies cooriri constanter in iis locis, atque ingentem decidentium nivium vim circumferens, deprehensos in itinere homines opprimere solet, quum vix milites ab Apennino descendissent, subito, vehementissimeque insurgere cœpit ita, ut exiguo tempore magno casu totius exercitus salus constiterit.

Capta Montis Alphonfi arce, Lucensium finibus appropinquabat exercitus, quod ubi est auditum, insolentes homines belli, & quorsum tam repentinum, atque ab hoste, ut videbatur, diversum iter evaderet, ignari ( id quod in ejusmodi rebus necesse erat ) perturbati vehementer sunt. Nam quanquam usitato jam a principio belli instituto Republicæ prudentissimo parem Lucenses Austriacis, Bourbonisque voluntatem ostenderant, nihilque fecerant, dixerantve, quod alteros contra alteros juvaret; tamen prudentiæ non semper fortuna comes per idem ferme tempus tule-

*Castr. Bon. P. I.*

G

rat,

rat, ut homines a potente quodam Roma summiſi, Hiſpanienſem in agro Maſſenſi tabellarium deprehenderent, ac diſpoliarent, & publicas potiſſimum literas interciperent. Quo fa-cto in fines ſe ſe Lucenſium receperant; atque eos qui Montignoli oppido præerat, quum apud illum de injuria, quam ſibi factam eſſe a latronibus putabat, vehementer eſſet tabellarius conqueſtus, comprehenderat, præfectoque arcis cuſtodiendos tradiderat, Senatumque ea de re certioſorem fecerat. Senatus, quod eos latrocinii inſimulatos, latrones eſſe exiſtimaret, literas quidem tabellario conſeſſum reddi, ipſos in vinculis habendos videri cenſuit. Poſtea vero quam illi diplomata oſtenderant, quibus eos eſſe milites compertum eſt, Senatus quum omnia ubique hoſtibus in hoſtes licere jure belli intelligeret, quumque non in ſua provincia facinus admiſſum eſſe conſtaret, & literis redditis, ſatis Borboniis factum eſſe arbitraretur, Auſtriacos milites ſolvi extemplo, liberoſque abire juſſit. Erat æquitatis, & prudentiæ conſilium pleniſſimum. Non deſuerunt tamen, qui literis, nunciisque Senatum apud Reges populari inducti rumore criminarentur. Adeo nihil eſt a calumnia intactum, multoque plures ſunt, qui reprehendant, quam qui laudent.

At ne in animis Regum utriuſque partis ſuſpicio hæreret falſo injecta, ad Reginam Ungariæ Carolus Manſius, ad Regem Sardinie Joannes Sardinus, Neapolim Laurentius Deodatus, atque in Hiſpaniam uſque Andreas Sbar-

Sbarra ex S. C. nulli sunt, eisque mandatum, ut Reipublicæ causam Regibus probarent. Harum vero legationum exitus adhuc erat incertus, quum, uti diximus, Lucensium finibus appropinquaret exercitus, civitasque suspensa metu, ac sollicita esset. Quum autem in timore multa fingantur impunius omnia credantur facilius, eo factum est, ut nonnulla temere vulgata timere Lucenses cogerentur, quæ quidem non timuissent, si conscientiæ potius suæ, quam temporum rationem habuissent: ne videlicet Reipublicæ vis aliqua inferretur, neu milites in eorum agris maximo cum detrimento diutius versarentur, neu denique multa necessario quodam armatorum hominum impetu acciderent, quæ ne prudentiâ quidem corrigi possent. Augebat timorem, quod nullæ Ducum essent literæ, quæ de ipsorum adventu certiores Senatum facerent, itaque inimico animo adventare magis, magisque dicebantur.

At Lucenses, ut aliquam in repentino tumultu dignitatis, ac salutis rationem habere viderentur, Montanos, qui in eorum ditione sunt, genus hominum militiæ aptum maxime, summaque erga Rempublicam fide cognitum ad se vocaverant, eos armaverant, custodiendæque urbis sexviros creaverant. Interea Imperatorum literæ venere adventum nunciantes. Itaque paulo quietior Senatus Franciscum Bernardinium ad Borbonii exercitus Imperatores, & Ducem imprimis Mutinensium misit, qui eos ad Castrum usque novum in ca-

stis conveniret, diceretque : egregium semper fuisse, & esse erga Borbonios Reges Senatus Populique Lucensis animum : minus ob eam rem se se ab eorum adventu timere, quos optima fide dilexerint : esse potius, cur gaudeant, venisse tempus, quo suam Lucenses erga Borbonios voluntatem verbis toties, legationibusque testatam, re tandem ipsa declararent : nihil ea propter esse, quod in eorum potestate sit, quod non ipse fortissimis Imperatoribus ex auctoritate Senatus polliceri & repraesentare etiam possit. Illi tam liberali oratione, promissorumque spe deliniti, quum exercitum haberent frigore, fameque fere enectum : non sibi, non Regibus suis in animo esse, responderunt, quicquam adversus Rempublicam inoliri : militarem tulisse rationem, ut necessario per eorum fines iter facerent : curarent ipsi, ne commeatus deessent : se se daturus operam, ut milites sine maleficio, & injuria, transcant. Quibus rebus cognitis, omnis Senatus cura eo conversa est, ut commeatibus extemplo consuleretur, utque Cives eligerentur idonei, qui ea diligenter curarent, quæ ex usu Borbonii exercitus esse cognoscerent. Quo facto ex omni agro, & vico, pabulum, & cibaria in Borboniorum castra comportabantur, omniumque rerum copia portabatur undique, atque agebatur plenissimis viis. Idque eo erat mirabilius, quod Lucenses angustis agris, minimeque frumentariis utantur ; tempus autem esset anni difficillimum, quo neque frumenta in horreis sunt, neque multum

a ma-

a maturitate absunt; & milites, qui in florentissimis provinciis in maximis sese fuisse difficultatibus recordabantur, non sine summa admiratione videbant diligentiam, ac fide parvas augeri res posse, magnas contra dilabi, si prave administrarentur. Quum Hispanus, Neapolitanusque exercitus ad sextum ab oppido Luca lapidem pervenisset, Senatus eo statim Cæsarem Santinium proficisci iussit, qui cum Duce imprimis Mutinensium, cæterisque Imperatoribus ageret, quemadmodum ex officio ac dignitate Reipublicæ esse intelligeret. Quibus rebus confectis, ita a Lucensium finibus discessum est, ut militibus Lucenses, Lucensibus milites accepti essent; Reipublicæ in administrandis rebus solertia ab omnibus collaudaretur; Neapoli autem, atque in Hispania Legati ejus comiter ab Regibus acciperentur: & qui jam veritate rei commoti, Legatorumque officiis secundum Rempublicam judicaverant, tum vero his auditis, omnem de tabellario suspicionem ex animis delerunt suis.

At Gagius nihil in itinere moratus per Lunensem Agrum Sergianum pervenit, primum quod est ab ea parte venientibus Genuensium oppidum. Quatriduum ibi subsistere placuit, dum in flumine Macrà pons efficeretur, & allevarentur milites, quos longum ex Mutina, atque arduum inter Apennini tramites, infestumque nivibus, & pluviis iter divexaverat. At magna Gagius sollicitudine afficiebatur, novis subinde difficultatibus objectis.



Macra vicinis montibus rapidum flumen, tuncque etiam ex nivibus, imbribusque maximum erat; & pons in eo confieri difficilior propterea videbatur posse: loca excipiebant horrida, & saltuosa, latebrisque, & silvestribus tramitibus prærupta, quo certe ex militari progrediendi consuetudine, atque ordine adiri non poterat, idque erat incommodum, & periculosum maxime, quum præsertim Austriaci, si ab Apuanis montibus descenderent, paucis immixtis equitibus, omnem male habere exercitum, & facile etiam possent errantem, & defatigatum opprimere. Ac jam ut nullus ab hoste metus esset, non pabulum in vastis locis, atque inanissimis; non frumentum erat: non denique certus tam incerti itineris dux. Una omnium erat in Genuensibus rerum spes, quorum obscura adhuc voluntas, & conscripto nuper exercitu suspecta videbatur. Infirmæ erant Hispanis, Neapolitanisque copiæ, v. millibus cum Pincaronio distractis, compluribus labore confectis, nonnullis fuga dilapsis. Philippus vero Hispaniarum Regis F. sociique Galli, quibuscum se se conjungere Gagius properabat, adeo non properabant ipsi, ut incredibili torpescere mora viderentur. Erat ipse præterea Gagius sive ætate, sive natura, sive etiam consiliorum, quæ omnia semper ab Hispania usque atterebantur, expectatione cunctator, magisque timens adversa, quam sperans secunda, adeoque omnia consilio tribuens, nihil ut fortunæ relinquere videretur velle, quæ tamen in bello plurimum potest.

Sed

Sed quum esset Gagius, in quibus demon-  
stravi, curis atque angustiis, multaque ho-  
minem sollicitum haberent, atque anxium :  
commodum ad eum, & Duce[m] imprimis Mu-  
tinensium Genuà venit milites ab Senatu Jo-  
sephus Auria, qui bono illos esse animo ju-  
beret, & pacata omnia ab Genuensibus, be-  
nignaque ipsis, militibusque eorum ex aucto-  
ritate renunciaret. Missus una cum Josepho  
Auria Vinsonius fuerat Trib. Mil. in exerci-  
tu Genuensi, illarumque peritissimus homo re-  
gionum, qui Hispanos, Neapolitanoque fa-  
ciliore per montes, saltusque duceret via. Hoc  
primum in illo itinere Gagii animum erexit,  
ex eoque primum fieri quædam ad meliorem  
spem inclinatio visa est. Simul omnibus locis  
commeatus imperabantur, describebantur ve-  
cturæ, frumentumque, & pabulum (quod erat  
tamen perexiguum) comportabatur, nihil de-  
nique reliqui ad opus, patientiamque Ligures  
faciebant: Qui industrii homines, ac diligen-  
tes, quod plerumque in sterili agro evenit,  
multa duritie, improboque labore naturam vin-  
cere velle locorum videbantur. Nunciatur et-  
iam Gagio discessisse a Mutina Lobcoviczius,  
cujus discessu futuros Austriacos ad insequen-  
dum tardiores videbat. Jamque tandem Phi-  
lippus, & Galli parare iter dicebantur, & pons,  
qui demissis in flumine trabibus bipedalibus,  
& conjunctis inter se lintribus properabatur,  
pene erat perfectus. Itaque quum de hostibus,  
deque fociis ea, quæ optabat, audiret, & Ge-  
nuensium copiis exercitum sublevare suum pos-

se non nequicquam speraret, exquisito per Vinsonium itinere, non diu commorandum sibi esse Gagus existimavit.

Interim Lobcoviczius, quem supra demonstravimus delusum a Gagio fuisse, hoc incensus ludibrio, quum bellum etiam fastidiret, quod inopia supplementi, ac pecuniæ haud quamquam administrari ex sententia posse videbat, relictis ad Mutinam castris, Mediolanum contendit. Et palam quidem evocari se illo Mediolanensis provinciæ, cui præerat, procuratore necessaria distabat; clam vero cum Luca Pallavicino colloqui, eumque sibi omnibus conciliare modis meditabatur. Hunc jam inde a principio belli Veliterni iratum sibi æmulatione imperii, & opinionum dissimilitudine, & quem Viennam tunc cogitare acceperat, exulcerato discedere animo nolebat. Ipsum esse cupidum rerum novarum, magni ingenii, magnæ etiam apud Reginam propter libertatem quandam ingenuam sentiendi, & Taroccæ Comitum Lulitani gratiam auctoritatis cognoverat. Itaque dissimulans quam poterat humanissime appellabat, eumque facilitate, obsequioque illicere ad benevolentiam conabatur. Non tamen facere potuit, quin Viennam ipsi profisceretur infensus, ibique Italici belli incommoda omnia in unum conferri. Lobcoviczium oportere diceret, cujus in imperio foecordiam contemnerent hostes, acerbiter horrescerent milites. Quæ quum Pallavicinus vociferaretur, amici autem Lobcoviczii, ut plerumque fit in calamitate, silerent, quumque  
ipsum

ipſius in bello infelicitas, non leviffimum in Imperatore peccatum, admodum vulgo carperetur, Regina de ſucceſſore deliberare inſtituit. Qua ille re cognita, provinciam bellumque reliquo deinceps tempore adminiſtravit ita, uti ſolent ii, qui ſucceſſorem expectant.

Principe Liſteſtenio, qui Lobcoviczio ſuccederet, delecto, exercitus, quoad ille veniret in caſtra, traditus Comiti Sculemburgio eſt.

Statim Sculemburgius per Apuanos montes equitum, ac peditum levis armaturæ partem mittit, qui Gagii iter cognoscant, inſeſtumque excuſſionibus habeant: ipſe cum omnibus copiis, quæ Germanicis nuper, & Sardinienſibus adauctæ ſubſidiis eſſe ad hominum millia xx. dicebantur, per agrum Parmenſem, ac Placentinum iter fecit, caſtraque ad Novas, quod eſſe oppidum Genuenſium diximus in Gallia Ciſalpina, locavit: ut Genuenſes quocunque animo eſſent, ſcirent Regiæ Ungariæ exercitum verſari in finibus ſuis, & Sardinia Regem ſocium, atque amicum maxime conjunctum haberet, cujus conſilio, atque opibus adjuvari ſe poſſe arbitrabatur: caſtra autem opportuno loco eſſent ad com meatus parandos, omnemque Ciſalpinam late Galliam tuendam.

Properabat Gagius, ut quamprimum Macram traiceret, ne in ipſo trajectu occuparetur ab hoſtibus, quos Mutina proſectos magnis Parmam verſus itineribus contendere audierat. Itaque, ponte perfecto, ſignum datur proſectionis. Quum ſubito aquæ magnitudine,  
ac

ac rapiditate amnis, maximo noctu coorto im-  
bri, pons interrumpitur. Erat enim prave in-  
stitutus; propterea quod immixtæ in alveo tra-  
bes bipedales, de quibus ante dictum est, non  
satis erant firmæ ad vim fluminis refringendam,  
quod præsertim proximo ex Apennino decur-  
rens majori se se impetu incitaret. Quæ res  
quam dedit hostibus ad insequendum faculta-  
tem, nostris ad exercitum celerius transpor-  
tandum ademit. Postridie ejus diei, qui fuit  
dies ad v. Non. Maj. noster transduci exerci-  
tus eo festinantius, atque ipsis urgentibus Im-  
peratoribus, cœpit, quo constantior de adven-  
tu hostium fama perferebatur. Ratio, ordoque  
agminis erat ejusmodi. Præcedebant agmen  
equites, peditesque levis armaturæ, qui tot-  
ius exercitus impedimentis, quæ in prima acie  
agebantur, præidio erant. Inde in prima item  
acie peditatus, & equitatus ferme omnis pro-  
gredebatur, tum secunda acies ex legionariis  
tantum militibus confecta sequebatur, quam  
Reginæ Hispanientis Manus, Regique equi-  
tes, & tyrochitrophorum centuriæ aliquot  
claudebant. Multo denique die & nostri exer-  
citus prima acies transierat, & Austriaci cer-  
nebantur, qui amplius octingenti, Gorano Du-  
ce in pigro homine atque audace, præmissi a  
Sculemburgio, qui nostrum agmen lacefferent,  
ab Apuanis montibus descenderant. Nacti quæ-  
dam propter amnem Macram ædificia, quo-  
rum muris defenderentur, subito nostros, qui  
citra flumen erant, adorti sunt illud spectan-  
tes, si eos ab reliquo abscissos exercitu prohi-  
be-

bere transitu, aut, ne pontem interromperent, impedire possent. Id quum animadvertisset Comes Seuius Legatus, qui secundæ aciei præerat, quæ quidem acies angustia pontis, & dissensione militum diversarum nationum paulo tardius processerat, Gorano Pyrochitrophorum centurias octo opposuit, quæ virtute, ac perseverantia tantum profecere; ut hostium impetum sustinerent, & quietiorem nostris transitum darent; ipsæ demum, multis illatis, & acceptis vulneribus, se se ad agmen reciperent. Imminebant nihilominus hostes, atque instabant acerrime; jamque pontem ingressi, qua noster erat traductus exercitus, sese quoque transituros minitabantur. Sed repulsi multitudine telorum, quæ ex dispositis in adversa ripa tormentis quatuor sine ulla intermissione traiciebantur, temerario destiterunt incæpto. Relinquebatur, quoniam exercitus partem transeuntem prohibere non potuissent, ut pontem intersecindi prohiberent, idque conabantur. Nam jaculis nostros submovebant creberrimis, nonnullosque subire ausos interfecerant, plurimos vulneraverant. Cunctantibus ea de causa nostris, languidiussque ad opus venientibus, unus de exercitu Neapolitano Signifer legionis Hibernicæ, quem postea Carolus Rex hujusce facinoris causa ab inferiori ordine ad Centuriatum traduxit, non suorum cæde, non periculi magnitudine deterritus, cum quatuor omnino militibus prorupit audacissime, & inspectantibus trans ripam hostibus, inter tela, jaculaque pontem reiecit. Quo facto, ipse  
cum

cum suis se se ad exercitum incolumis adnando recepit. Ut quantum ad periculum adeundum audacia, tantum, quæ plerumque adjuvat audaciam, fortuna ad vitandum valuisse videretur. Traducto exercitu, Gagius, rescisso ponte, atque hostibus repressis ante primam confectam vigiliam Spediam eodem die venit. Id oppidi nomen est. Hoc fere est in intima portus Lunensis parte positum. Hujus amplitudo portus, ac pulchritudo nulli non cognita naviganti est, qui duobus eminentibus promontoriis continetur, objectamque habet insulam, quæ illum ab effervescentis maris impetu, & quibusdam protegit ventis.

Postero die Gagius nuncios ad Philippum celeriter mittit, quibus regionibus esset, & quid militum secum haberet: negavit cum iis in Galliam erumpi Cisalpinam posse: orat, ut acceleret. Ipse præmissis ad hominum millibus iii., qui ad Segestam Tiguliorum aditus occuparent, ne qua fieret ab ea parte in difficilissimo itinere irruptio hostium repentina, per illam Ligustici maris oram, quæ ad Orientem est, iter facere cœpit.

Erant, ut supra demonstratum est, loca aspera, & saltuosa, angustisque tramitibus, altissimoque in mare despectu horrida, & quod eas ad regiones pertinerent, in quibus hostes versabantur, valde infesta, ac suspiciosa. Erat præterea summa inopia pabuli & propter ipsius agri naturam, & quod angustius nostri pabulabantur, adeo ut pabulo mari supportato, hordeoque, & quacumque ratione poterant

to-

tolerare equos cogerentur. In his angustiis Gagus, quum prope Segestam Tiguliorum in ardua necessario substitisset convalle, & quacunque procederetur, iniqua, Josephum intuens Auriam, qui Imperatores nostros officii causa prosequeretur, non iis se certe locis commissurum fuisse dixit, nisi plane Genuensibus confideret: Tum Auria, recte inquit, Imperator, Genuensium te fidei commisisti, quibus jam uti sociis, atque amicis potes; secretoque illum de Genuensium cum Borboniis facto jam pridem in Hispania fœdere monuit: Tumque primum de fœdere isto Gagus cognovisse dicitur. Nam ante id tempus rumore potius quodam, cui servire Imperatorem non decet, percrebuerat, cum Borboniis consentire Genuenses, quam pro certo posset asserri. Hoc quidem nuncio, auxiliique Genuensis spe confirmatus reliquum conficere iter pergebat, eoque alacrior, quod multum de insequendi contentione ipsi jam hostes remiserant, qui satis habebant minoribus nos subsequi itineribus, & rari tantum, dispersique in summis procul jugis apparebant, ut nostrum observare iter, non demorari velle viderentur.

Atque hic non alienum videtur Genuensis belli causas a principio proponere, tum quod, cognitis caulis, reliqua facilius intelliguntur, tum vero, quia res ea est, adeoque celebrata sermonibus, ac literis omnium gentium, ut scriptionem paulo diligentiore, atque in parte operis præmium quasi quoddam postulet. Nam bellum Genuense tanti momen-

ti



ti fuit, ut maximam non modo Italiæ, sed omni etiam Europæ consiliorum, atque rerum commutationem attulerit; tanta autem virtute gestum ab ea Republica, quæ longà desepace videbatur, ut vetustis Romanorum temporibus gestum videatur; sic a nobis porro integre, sincereque narrabitur, ut non magis apud posteros habiturum sit propter rerum magnitudinem admirationis, quam fidei propter veritatem.

Belli causa Finarium fuit, opportunissimum ad Ligusticum mare oppidum. Carrettii generis homines antiquitus habuere. Genuenses porro, qui ea tempestate Orientis opibus clari, ac potentes habebantur, oppidum a Carrettiis alias pretio, alias tædere, aliquando etiam jure belli receperant, receptumque iis, quum terrestre ipsi Imperium in Orientem distracti fastidirent, imperatis certis rebus condonaverant. Perlongo deinceps intervallo gravissimæ inter Finarienses, & Alphonsum Carrettium Regulum controversiæ obortæ sunt, quum indignarentur illi avare sibi ab Alphonso, adeoque superbe imperitari, ut ferendus non videretur. Hic contra Finarienses insanire diceret, qui rebellionem facta ab Imperio, obsequioque discederent. Finarienses Genuensium, quorum in vetustissima clientela erant, opem implorant: Alphonso Cæsarem adit, eumque orat, ut pro sua, Imperiique Romani auctoritate seditionem comprimat. At illis omnibus jure inter se diu, multumque disceptantibus, subito Gabriel Cueba, qui pro Rege Hispaniæ Me-

Mediolanensem tunc provinciam obtinebat, coacta militum manu, Finarium armis occupat, idque propterea factum esse pronunciat, ne Galli Hispanorum eo tempore hostes per causam dissensionum ad oppidum obreperent. Cæsar Imperatoriam in eo Majestatem minui prædicabat; nec Genuenses, ad quos oppidum pertinebat, hac accepta injuria, Senatuconsultis, legationibusque sibi deerant. Sed quum Cæsari neque animi, neque virium satis esset ad jus suum persequendum; Genuenses autem querelas tantum jactarent nihil sine armis profuturas; iique essent in Italia rerum, atque temporum motus consequuti, ut Finariensem ab iis intermitteri curam oporteret; Finarium ad Hispanos transiit, ab iisque ad Carolum Sextum Cæsarem, unus virilis sexus qui reliquus Austriacorum erat eorum, qui in Germania, & eorum, qui in Hispania ducentos ferme annos regnaverant. Huic grave, ac diuturnum cum Philippo Borbonio bellum fuit, propterea quod Hispaniæ, atque Italiæ Regna, quæ Caroli Secundi Austriaci fuissent, sibi Austriaco eripi iniquum putaret. Pax ita tandem convenit, ut Carolo Cæsari Italia, Philippo Hispania obveniret. Cæsarem interim quum maxima ex ejusmodi bello pecuniæ urgeret inopia; Pontifex Valentinus summus tum illi in consiliis capiendis auctor, vocat ad se Dominicum Spinulam Genuensis Reipublicæ Legatum, cum hoc agit: Si Cæsari Genuenses pecuniam dare, quæ sit quingenties HS., & acerba ipsum præterea molestia levare velint, pro

pro ea pecunia, eoque beneficio Cæsarem Genuensibus Finarium tantopere ab ipsis expetitum restitutum. Legatus statim cupidius fortasse, quam oportebat, rem arripit, auri pondus Reipublicæ nomine pollicetur. Genuenses, quanquam & pecunia immanis erat, & Legatus temere, inconsulto Senatu, rem transegisse videbatur, tamen, quoniam valde Reipublicæ intererat Finario potiri, respondent: Quod Legatus cum Cæsare de Finario egerit, id Senatum censere ratum, atque e Republica esse. Itaque præsens Cæsari pecunia adnumeratur. Finarium oppidum ad Genuenses eo jure redit, ut ipsorum antiquitus Genuensium fuerit, & Hispanorum esse Regum dicebatur, deque eo diserte admodum in quadruplici fœdere per potentissimos Reges Genuensibus cautum est. Eo tum statu res erat, cum repente novus extitit Finarii captator Allobrogum Dux, nulla quidem causa, quæ asserri posset, sed imperii proferendi cupiditate inductus. Horum familia Ducum belli ea quidem, pacisque artibus insignis est, sed ita instituta, ut pro animi magnitudine angustos se fines habere semper putet. Nam opimas Cisalpinæ Galliæ regiones nacta fœderibus, bellis, & loci imprimis opportunitate, quod emittere in Italiam transalpinas nationes, & coercere una dicatur posse, usque eo progressa est, ut regium ex Sardinia possessa nomen adepta Italiæ omni imminere videatur. Unum ei deesse ad opes confirmandas videtur paulo liberior, atque commodior ad mare aditus. Nam  
illa

illa omnis, quæ in ipsius ditione est, circa Oxibios ora, importuosa est, atque ipse Oxibiorum portus difficilis, & magnarum navium minime capax. Ea de causa insidiari Allobrogum Duces temporibus, insidiari finitimis, & potissimum Genuensibus, qui maritimi valde sunt, jampridem cœperant. Genuenses etsi in Italiæ faucibus collocati, plurimas ad bellum Italicum terra marique opportunitates habeant, nihilofecius quieti, & quæ omnium fere Italiæ Principum hoc tempore mens est, ut ne injuriis quidem exagitati ad arma descendant, imbelles, suis contenti finibus, sibi jamdiu vivere consueverant. Erexe-  
rat tamen illorum animos potius quam concitarat vicini nunquam non vigilantis magnitudo, atque assidua inter finitimos æmulatio. At Carolus Emanuel Sardinia Rex, quum a Majorum suorum virtute, atque institutis non degeneraret, acer, bellicosus, atque in omnem occasionem intentus, superiore jam Italico bello Carolo Cæsari societatem ostentaverat suam, & societatis præmium cum multa alia, tum Finarium imprimis flagitaverat. Grave id Cæsari, suaque fide, & majestate indignum visum est, itaque negatum. Ille ejusmodi irritatus offensione cum Gallis, atque Hispanis adversus Cæsarem conjurat. Bellum geritur. Sed pax repente consequuta non commodissima illi accidit. Nam quum Finarium speraret, omnem fere Cisalpinam Galliam teneret, ea dumtaxat parte contentus esse cogitur, quæ ad Novariensem, & Dertonensem agrum, Lan-

*Castr. Bon. P. I.*

H

ga-

garumque regionem spectat. Avellit nihilominus a Genuensium finibus Regium, Altum, Capraunam, partem etiam Bardineti, partem item Carolii, quæ Genuensium erat, sibi vindicat, eaque omnia ad Langarum spectare regionem fidenter sane confirmat. Sunt illi quidem pagi in montibus ignobiles, sed erant Sardinia Regi ad ea perficienda, quæ jam tum adversus Genuenses meditabatur, maxime opportuni. Genuenses suos esse dicere, nihil ad Langas pertinere, possessionis vetustatem, Imperii etiam Romani jus proponere, vim queri, obtestari, legatos trans alpes usque ad Casarem, atque in Galliam mittere. Non audiuntur. Vicit enim aut vis, ut fere semper, aut præsens utilitas, aut denique non ea causa satis digna visa est, quæ pacem, & sancitum jam fœdus convelleret. Mortuo Carolo sexto Casare, bellum statim inter Borbonios, atque Austriacos coortum est. Initio hujus belli Sardinia Rex, armatus quanquam esset, nullam se tamen in partem movebat, quietem se, atque Italicæ libertati consulere dicebat velle; re autem vera expectabat, dum statueret utrius partis esse mallet (nam ab utraque ingentibus pollicitationibus sollicitabatur) eoque potissimum accederet, quo uberioribus præmiis invitaretur. Equiti Osorio, quem Sardinia Rex legaverat jampridem ad Britannia Regem, multa intercedebat cum Joanne Carteretio necessitudo. Is magnæ inter Britannos auctoritatis, atque ipsius Britannorum Regis summus erat in imperio Ad-

mini-

minister. Carteretius, quum plane ex Britanniae usu esse intelligeret, oportere Gallorum, qui perpetui Britannorum hostes sunt, nimias jam opes quam maxime infringi, atque imminui, Sardiniae contra Regis augeri, & confirmari, ut ab ea Galliae parte, quae illi finitima, atque etiam infirmior est, distingere ipse per se, atque adoriri Gallos posset; Equiti Olorio, per eumque Sardiniae Regi persuadere omnibus modis conabatur, ut cum Britannis, atque Austriacis adversus Gallos, Borboniosque omnes consentiret. Homo solertissimus Olorius, & qui Regis sui mentem probe nosset, quasi recusaret quod vehementer optabat, Regem in eo suum excusare impense coepit, quod adversariorum potentiam, & belli exitus incertissimos vereretur: non iis illum esse divitiis, non viribus, ut Borbonios, qui valentissimi modo sint, irritare in se aut debeat, aut omnino possit: Austriacos tot in Germania detrimentis acceptis jacere: nolle illum, quod stultissimum est, alienam rem suo periculo curare. Sin autem insperata rerum commutatione, quod plerumque in bello evenit, & sociorum auxiliis sese Austriaci erexerint, ac superiores fuerint, tum vero illud verendum esse, ne non sibi potius Austriaci victores, quam sociis consulant, atque his belli onus, sibi victoriae usum reservent. Contra haec Carteretius, omnia Sardiniae Regi parata a Britannis esse demonstrat, arma, viros, pecuniam, magna mari auxilia, magnos comatus, quibus copiis, atque opibus non esse

cur Borbonios hostes, atque incerta præliorum tantopere Rex perhorresceret: errare illum vehementer, si consilium sibi capere separatim posse speret; evocato in Italiam, quod, Austriacorum potentia imminuta, accidere necesse est, Philippo altero Hispaniarum Regis filio, ecquem Austriacis, ecquem ipsi tandem in Italia locum esse putet? Eandem utrisque causam esse, eandem fore fortunam; multo etiam ipsi graviores subeundam esse, si Borbonii vicerint, quem eorum undique viribus circumclusum, & fructuosissimis Cisalpinæ Galliæ regionibus multatum in avitis alpium jugis regnare precario vix patiantur: denique proponeret ipse societatis condiciones, & quæ ab Austriacis postularet, interpolatâ Britannorum Regis fide, habere certe confideret. Hæc acta in Britannia, eademque Regi Sardiniaë nunciata in Italiam celeriter sunt. Et secundum ea multæ illum res hortabantur, quare sibi societatem cum Austriacis faciendam putaret: imprimis, quod Borbonios consuescere paulatim in Italiam cum exercitibus transire sibi esse periculosum videbat: modo Carolum, nunc Philippum, neque sibi homines magnis imperiis, regnisque assuetos obtemperaturos existimabat, quin aliqua Italiaë provincia recepta, ut paucis antea annis Carolus Rex Neapolis fecisset, subito ad majora contenderent. Suis autem rationibus magis conducere arbitrabatur Austriacorum humilitatem, quam florentem Borbonium statum; propterea quod Austriaci,

&

& stare, ut miseri, conditionibus necessario coguntur ( rejecti enim ab se, quo in Italia confugient ? ) & quæ daturos receperint, reapse dare extemplo possint. At illi alteri potentiores, & fidei facile suæ obliviscentur, & libertatem prius eripiunt, quam promissa exsolvant. Postremo metuendum se Austriacis esse posse, quum metuere Borbonios certe debeat: imperii etiam, commerciique ad mare proferendi viam ostendi, quod a Gallis Narbonensibus, atque a Genuensibus aversum traduci ad se incredibili utilitate queat. Ipsa autem Britannorum societas, atque amicitia peropportuna videbatur, quod maxime nummati homines & mari potentissimi essent, adeo ut bellum & eorum pecunia tolerari, & perfici etiam possit. His de causis placuit ei, ut literas ad Legatum suum in Britanniam mitteret: si citerioris Galliæ partem aliquam Austriaci sibi extemplo dent, uti vanis promissis non se duci intelligat, & si Finarium Genuensium oppidum attribui sibi, aliqua interposita causa, velint; item si triginta hominum millia a pacto statim fœdere in Italiam mittere sibi, Italiæque subsidio polliceantur, fœdus se se cum iis facturum esse, eosdemque & amicos, & hostes habiturum, quos ipsi habeant.

Postulata Regis Sardiniae quam maturrimè in Germaniam ad Reginam Ungariæ perferenda curavit Britanniae Rex cum literis, quæ illam serio monerent, conditiones ne respiceret: suis rebus aliter consuli non posse.



Regina imponi sibi a sociis duriora querebatur, quam pene possent ab hostibus imperari, si victa discessisset. Finarium porro, quod Genuenses a Carolo Patre suo grandi numerata pecunia coemerint, eamque ipsa emptio-nem jure jurando firmaverit, Regi Sardiniae condonare turpissimum sibi, minimeque consentaneum esse demonstrabat. Qui enim convenire, ut ejus fidem ipsa convelleret, pro-cujus hæreditate Patris bellum acerrimum sus-ciperet? Præterea quum tot hostes circumstent, atque immincant, non prudentissime fieri dicebat, uti Genuenses ultro, ac sine certa qua-dam causa commoveantur. Negabat Britanniae Rex, grave Reginae videri debere exigua unius provinciae parte redimere amicitiam ejus Regis, quo freta & erepta in Italia recuperare speret, & reliqua omnia obtinere: neque fidei tam severe habendam esse rationem docebat, quum de regno, atque incolumitate agatur: Genuenses vero quid vereretur? Ignavos homines, timidos, neque in bellis gerendis, sed in mercaturis faciendis exercitatos, qui neque vires ad nocendum habeant, &, si attulerint, facili negotio coerceri, & proteri etiam possint. Tandem Regina vel Britannorum fatigata literis, penes quos & consilii, & virium erat auctoritas; vel suo etiam periculo admonita, ne Sardiniae Rex ad hostes suos repudiatus delaberetur, cum eo societatem & Britannorum item Rege inire constituit. Itaque duorum Regum, & Reginae Legati, Ostorius rei fere omnis auctor præcipuus, & concitator

Car-

Carteretius, & Ignatius Vafnerius Vormaciam conveniunt. Ipse adest Britannorum Rex. Sancitur fœdus: quo ex fœdere confilia, vires, arma, pecuniam conferre, bellum terra, marique gerere, in eoque perseverare universi tenerentur, quoad omni Borbonii Italia pellerentur: triginta equitum, peditumque millia Regina Ungariæ, xlv. millia Sardinia Rex confecta, parataque in Italia haberent: Britanni præter trecenties HS. quod singulis annis Sardinia Regi in belli sumptum darent, cum valida, instructaque bellicarum Navium classe infero mari navigarent, ut essent Italiae littoribus præsidio adversus hostes: quæ pars citerioris Gallia cis Ticinum, atque intra Nuram amnes est, & nominatim Placentia, atque Bobium Urbes, quæque a Nuræ amnis fonte prope Genuensium fines ad lacum usque Verbanum, atque Helvetiorum pagos pertingit, exceptis insulis, quæ sunt contra Ticinum Urbem, ea omnis Sardinia Regi extemplo cederet; Finarii item recipiendi jus eidem potestasque esset: quæ bello Regna, quæve provinciæ receptæ in Italia essent, eas sibi Ungariæ Regina haberet; Britannis omnes Italiae portus commercio paterent, iisque, ubi eis videretur, emporium aliquod constitueretur.

His de rebus quanquam secreto apud Vormaciam actis, atque constitutis primi in Italia Genuenses certiores facti sunt diligentia, ac literis Joannis Francisci Pallavicini; qui Reipublicæ Legatus Britannorum Regis salutandi causa Vormaciam venerat.

II 4

Hoc

Hoc loco non abhorret a proposito ea scribere, quæ de Genuensibus quum ego quærerem, sic reperiẽbam: Homines esse navos, atque industrios; optimis legibus, libertate indomita; habere Urbem arte naturaque munitam, & mari, terraque opportunam: maximas ex eo divitias atque opes quassisse: Profligatis olim Pisanis, attritis Venetis, magnum foris nomen, marique imperium obtinuisse; domi factionibus, proscriptionibus, cædibus, omnique seditionis genere laborasse: eam ob rem factum esse, ut angustis terra finibus uterentur: non prius conquievisse, quam ante annis CLXXVI. magnorum Principum legatis arbitris convenirent, eamque, quæ nunc est, Rempublicam constituerent: Nobilitas regnaret, plebs nullo numero esset. Nobiles ii dicerentur omnes; quibus in Concilium Majus aditus pateret: Concilia duo Civitatis essent; Majus, Minusque vocarentur: legum condendarum, vestigalium imponendorum, & nonnullorum Magistratuum creandorum Majori potestas esset: de pace, ac bello, deque omni Reipublicæ statu Minus, adhibito Senatu, decerneret: summa esset Senatus auctoritas: penes ipsum, & Ducem, quo nomine civitatis Principem appellant, qui regnum obtinet biennium, totius imperii species, ac dignitas esset: nemini præter Ducem cum Senatu, Conciliisque agendi fas esset. Dux igitur pro more, institutoque Reipublicæ ex literis Joannis Francisci Pallavicini ad Senatum, Minusque Concilium retulit. Patres, hoc accepto nuncio, varie affi-

afficiebantur. Erant præferocis ingenii aliqui, qui bellum statim, arma, legiones, castra denunciarent, Borbonios socios accerferent, quorum opibus Sardinia Regem deprimerent, Austriacos coercerent. Imperiorum etiam in bello, & gloriæ cupiditate, ac spe incitabantur. Plerique natura, usuve rerum tardiores, seque, & Rempublicam circumspicientes a consiliis fortibus refugiebant: belli casus, ærarii damna, tributum nomen liberis præsertim civitatibus grave, mare infestum, hostem finitimum, socios longinquos cogitabant, atque etiam hos ipsos suspectos habebant, & componi rem, aut mitigari posse sperabant. Nec deerant, qui dolerent potius Reginae fortunam, quam infectarentur iniquitatem, & miseram dicerent, quæ hostibus æque, atque amicis prædæ loco esset, suæque, & aliena distrahere cogetur.

In tanta animorum varietate unum modo placuit dari negotium tribus prudentissimis viris, Paulo Hieronymo Pallavicino, Joanni Baptistæ Grimaldo, Jacobo Laumellino, qui rem Finariensem, præsentemque temporum statum etiam atque etiam considerarent, & de eo quid eis videretur, ita ut e Republica, fideque sua censerent, Patribus renunciarent. Ubi tota inter ipsos agitata res, & considerata est, eorum unus processit, atque ejusmodi in Minori Concilio sententiam dixit: Arduam esse rem, multoque graviolem, quam quifquam existimare queat: imminere acerrimum Regem, potentem, armatum, & de Finitimorum

rum

rum pernicio dies, atque noctes cogitantem: haberi ludibrio Reipublicæ conditionem, ad cuius oppida, nulla injuria commemorata, nullis repetitis rebus, tanquam alicujus projecti cadaveris spolia diripienda, vicini advolent: non Finarium (quod gravissimum tamen esset) sed per Finarium omnem oram maritimam, ipsam peti Urbem, quæ si mare, & peregrinarum usum mercium amiserit, quod amisso Finario accidere est necesse, egestati, ac solitudini addiceretur. Asperum esse, triste, durum spoliari, despici; verum & illud imprimis providendum esse, ne præsentī malo gravioribus malis remedia adhibeantur: multa quidem in utramque partem cogitantibus occurrere, quæ animum ita distrahant, ut ubi possit consistere, dijudicari vix possit: nam & in tanta Reipublicæ calamitate, tantaque contumelia sedentem convivere flagitiosum; & in varios belli eventus demittere se paratioribus animis, quam viribus stultum esse, atque a Patrum gravitate, & constantia utrumque abhorre. Unum esse in præsentia, quod tutum ad omnes casus consilium videatur, si ignavia omni, & cunctatione abjecta, excitetur pristina Genuensium virtus, si pecunia cogatur, scribantur milites, oppida, & Finarium imprimis muniantur. Ita, si bellum placet, non posse Genuenses, ut quibus vires adsint, ab amicis repudiari, non contemni ab hostibus; sin quies, & neutram in partem inclinatio probatur, fieri tum facile posse, quum utrique formidolosi, aut certe non laceßendi vide-

dea-

deamur, ut Reipublicæ dignitatem, & statum incolumem conservemus. Otiosis vero, atque inermibus quidnam aliud proponi, nisi aut inopem servitutem, aut calamitosum interitum? Patres, his auditis, frequentes decreverunt, ut milites quamprimum conscriberentur, atque augerentur, decem ut sint hominum millia; rei militaris periti duces evocarentur, Finarium, ceteræque in finibus Reipublicæ arces communitiores, atque instructiores terra, marique fierent; item majoribus lex comitiis ferretur, qua lege sexcenties HS. Finarii defendendi causa corrogetur; itemque legatis Reipublicæ scriberetur, uti Regem, Principemve, ad quem quisque eorum legatus sit, convenient, causam Reipublicæ doceant, quo quisque animo Rex, Princepsve in Reipublicam sit, Senatui confestim rescribant. Interea Patribus placere parem Austriacis, Borboniisque voluntatem ostendi, & neutros eorum contra alteros juvari.

Hæc dum a Genuensibus magna cura, & diligentia aguntur, Sardinia Rex, qui omnia attente speculabatur, suspicari tum primum cœpit, Genuenses non patienter, neque remissè Vormacientis fœderis injuriam laturos; itaque ut majus aliquod iis nomen opponeret, quo a belli apparatu deterrentur, cum Rege Britannorum agit, uti Rovelejo Britannicæ classis ad mare inferum Præfecto scribat: aliquem ex iis, qui navibus præiunt, ad Senatum Genuensem mittat, ex eoque prope minaciter causam percundetetur armorum. Rove-

velejus, acceptis mandatis, Navarcum ire Genuam jubet: qui statim aphraëto in portum ex alto invehctus Ducem, Senatunque adit; & Regem mirari suum vehementer dicit, quid causæ Genuensibus sit, quare quum ab omni contentione abesse testati toties fuerint, bellum repente parent; postulare, uti sibi, quæ Reipublicæ opes, quantus sit exercitus, accurate indicent: non debere eum pati, qui Italiam ab hostibus defendendam susceperit, novus ut in Italia tumultus excitetur. Ei orationi Dux respondit: Non tumultus, neque maleficii causa exercitum Genuenses conscribere, sed ut se tantum muniant; adeoque delectus ab iis intermitteri nolle, ut angantur potius, quod pro rei, & temporis gravitate non satis fortassis magnam manum cogere queant; quum præsertim jura omnia permisceri nefario bello videant: neque Italiæ quietem magis ad Britannos ultra Gaditanum fretum submotos, quam ad Genuenses pertinere, qui & Rempublicam in Italia obtineant, & non postremi Italorum sint. Cæterum ab eo, quod instituerit, Rempublicam non recessuram, ut mediam se Italico bello profiteatur. Cujus rei testes ipsos haberet Britannos, quibus a principio hujus belli Reipublicæ portus, littoræque omnia, omniumque ex iis rerum usus semper, tamque liberaliter patuerint, ut satis constet majorem in eo Genuenses fidei, quam commodi rationem habuisse. Navarcus, hoc accepto responso, discessit.

Sub

Sub idem fere tempus Legatorum literæ venerant, quæ adversa omnia Genuensibus, infestaque apud Austriacos nunciabant. Nam & Regina Ungariæ vicem Reipublicæ multa, atque inani miseratione quum prosequeretur, sua sibi tamen propiora pericula esse, quam aliena loquebatur: & Britannia Rex speciosum Italicae libertatis nomen prætendebat, cui remittere aliquid Genuenses de suis rebus non iniquum putabat. Sardinia autem Rex, non esse, cur se Genuenses interpellarent, stomachans fastidiosè dicebat: irent Londinum, ibique Britannia Regi causam probarent suam. Soli ex omnibus Borbonii Reges animo esse in Rempublicam singulari dicebantur. Nam probe intelligebant, plurimum ad res suas pertinere eorum hominum amicitiam, quorum esset urbs ad exercitus in Italiam transportandos, instruendos, omnique re juvandos opportunissima, atque id Hispani præcipue sentiebant, quum reminiscerentur, quatuordecim sibi naves onerarias tormentis, & commeatibus refertas non ita pridem disperiisse, propterea quod Genuenses, in quorum eæ portum refugerant, quique ob eam rem veluti Borboniarum studiosi partium a Britannis insimulabantur, ut omnis seu controversiæ, seu calumniæ causa tolleretur, illas in Corsicam seponendas censuerant, prædiis additis, ne amoverentur, nisi bello perfecto. Itaque quum Rempublicam ad arma, suamque deducere societatem studerent, Vormaciensis fœderis iniquitatem durius etiam interpretabantur,



tur, incitabant, offerebant se, &, si sibi ipsa non desit, non se Reipublicæ defuturos pollicebantur.

At Genuæ Patres, cognita Regum voluntate, hærebant nihilominus in dies magis, remque multos jam menses extraxerant non tam gravitate negotii, quo quidem permovebantur, quam rerum publicarum consuetudine quadam, quæ cunctabundæ omnes videntur, maximeque Genuensis, in qua & lentius omnia, diligentiusque perpenduntur, & eo sunt homines ad decernendum tardiores, quo plures ad deliberandum consentire debent. Legge enim cautum apud Genuenses est, ne quid in Minori Concilio gravioribus præsertim de rebus referatur, quod non Senatus antea probaverit, neu die una eademque referatur, atque statuatur, neu denique ratum, firmumque sit, ni id, cum CC. adfuerint, CLX. suffragiis latis approbarint. Accedit ad hæc ingenium hominum subtile, atque in æstimandis rerum momentis paulo morosius, tum illa, de qua supra dictum est, animorum studiorumque varietas; ipsa denique Oratorum altercatio, qua fiebat, ut distinerentur in iudicando Patrum animi, atque afferrent anticipem curam cogitandi. Qui enim ocium summe videbantur cupere, omnem belli societatem aspernabantur, quietem Reipublicæ utilem esse demonstrabant: impedito enim ubique fere commercio, dissentientibus inter se nationibus, Genuensium autem portus quum omnibus æque pateant, omnes omnium ad eos pecunias

cunias perventuras dicebant. At quæ bello damna? quas clades? Ararium Corsico bello exhaustum nullum esse: tributum homines horrere: præterea periculosum esse magnorum Principum inimicitias, & societatibus immisceri: semper id infirmioribus civitatibus fuisse fatale: hoc Senensem, hoc Florentinam Rempublicam casu corruisse: quibus vero sociis fidendum Genuentibus esse? Gallisne? qui amicos, ac necessarios suos in medio rerum impetu, proximo hoc Italico bello deseruerint, quum prospera omnia cederent, adeo ut, aut sibi cupidius consuluisse, aut invidisse illis Italiae possessionem videantur? an Hispanis? an Neapolitanis? quorum utrique & per se minus valent, & fortunam potius, & Gallos, quam fidem sequuntur? sperare his copiis, atque auxiliis Germanicarum legionum robur, Britannici auri vim, Sardinienſis consilii solertiam posse vincere, audacis esse, nimiumque confidentis; præsertim quum auxilia procul absint, hostes autem in finibus hæreant, & mari, terraque ipsam suffocare Urbem statim possint. Non certe Finarium tanti esse, ut fortunæ omnium una cum patriæ libertate in apertum discrimen proiciantur: caruisse eo oppido per multos annos Rempublicam; num aut divitem minus, aut potentem fuisse? fecisse majores hac ipsa in re sapienter, qui Finarii potius jacturam, quam totius Reipublicæ naufragium facere decreverint: non esse adeo graviter inimicis irascendum, ne, quum illis nocere in animo sit, sibi noceatur:

po-

postremo fatis compertum videri Vormaciensi  
fœdere non esse contentos Austriacos ipsos:  
accidere profecto posse multis de causis, vel  
simulatæ ad tempus amicitia, vel majoris com-  
modi, vel calamitatis repentina alicujus etiam  
communium temporum, & fortunæ motus,  
ut Finarium nullo periculo, viribus integris,  
insperato retineatur. Hæc quum avidè arripe-  
rent, & ii, qui parum, & ii qui nimium ti-  
mebant, quum approbarent divites, non repre-  
henderent prudentes, quibus ferociora omnia  
suspecta sunt, & quum contra etiam permulta  
occurrerent, quare turpis quies, aut periculosa  
videretur; deliberandi tædium quoddam in  
Patrum animos irrepserat, ut spe, metuque  
suspensi bellum pariter, pacemque fastidirent.  
Ibi tum aliquis, qui magnæ habebatur aucto-  
ritatis, & eloquentiæ: Patres conscriptos pri-  
mum orat, atque obtestatur, ut moram omnem  
abiiciant Reipublicæ perniciosam, quæ even-  
tum belli expectando præda esset sine gratiâ  
futura victoris; non se deinde pacis commo-  
da, non belli casus ignorare dicit, eaque esse  
ætate, iisque fortunis, ut conquiescere res,  
quam perturbari malit: debere tamen se Pa-  
triæ magis laborantis aspectu, quam harum  
omnium rerum cura commoveri: tum acerbi-  
tatem, atque odium Britannorum queritur,  
qui quum eos portu, & commeatu Genuenses  
semper juverint, tam inimico in Rempublicam  
animo sint, fuerintque jam tum, cum latro-  
nem Theodorum regiis devectum navibus, &  
publicis Carteretii literis commendatum in  
Cor-

Corficam summiſerint : iniquitatem Auſtriaco-  
rum docet , quos ſuum nomen , ſuaſque vires  
ad perniciem hominum optime de ſe merito-  
rum contra fidem commodare non pudeat : Sar-  
diniae Regis fraudem in ſurripiendis quinque  
ſuperiore Italico bello oppidis prædicat , inju-  
riam & cupiditatem in occupando Finario ul-  
timum ex ea re , præſentemque Reipublicæ ca-  
ſum impendere , commemorat. Si enim , in-  
quit , Sardiniae Rex fines noſtros , quos Pla-  
centia , Bobioque urbibus ex fœdere acquiſitis  
devinctos , atque obvallatos jam tenet , acer-  
biſſimis portoriis infeſtos terra habere , ut nihil  
invehere , nihil exportare liceat ; ſi in Fina-  
rienſi littore portum extruere , quem dimen-  
ſum jam animo atque exædificatum habere  
dicunt , amplum , optimum , atque huic no-  
ſtro non tutiſſimo opponere cœperit : quid vos  
Genuæ futurum putatis ? Finibus tam angu-  
ſtis ? regionibus tam aſperis ? deperditis veſti-  
galibus , omni terreſtrium , ac maritimarum  
rerum uſu ſublato ? an non fœdiſſima quæ-  
que , Finario amiſſo , metuenda ſunt ? aut fi-  
nitimum hoſtem facili præda pacatiorem ? aut  
denique patientia aliquid profici poſſe ſpera-  
mus ? Caruius eo certe oppido per multos  
annos , ſed ita , ut eam jacturam nunquam  
æquis animis tulerimus. Quod ſi vis , ſi tem-  
pus diſſimulandi nobis neceſſitatem aliquando  
impoſuit ; etiam ne eripi nunc Finarium , at-  
que abſtrahi e ſinu Reipublicæ otioſi patiemur ?  
quum noſtrum , quod erat vetuſtiſſimo jure , præ-  
ſenti pecunia emerimus , tantique emerimus ,

*Cæſar. Bon. P. I.*

I

quan-

quanti venditor voluit, egens, sumptuosus? atqui Finarium jam Principes habuerunt, aut ita humiles, ut a nobis negligerentur, aut ita magni, ut ipsi oppidum negligerent: Regi vero Sardiniae tam florenti, tam cupido, & cui ad suam cupiditatem parum semper, ad nostram perniciem nimium jam potentiae est, Finarium concedere, quid aliud est, quam arma ad Reipublicae interneccionem largiri? quo ille Finario, tanquam aggere utatur ad Imperio nos maritimo usuque exturbandos, totosque adeo evertendos? patientia autem, qua ad omnes jam calamitates, atque indignitates obduruimus, quid tandem proficimus? nisi ut leviora perpessus graviora imponantur? Et hercule solet is facile accipere injurias, qui segniter fert. Pudet dicere, P. C., eo abjectionis atque humilitatis devenimus, ut in nos, qui armatis quondam Regibus resistimus, palam, atque impune, pauci montani homines, & nescio quis Theodorus nequissimus insultare non dubitent. Nunquam ne ad recuperandam dignitatem ingenuo dolore excitabimur? quum potissimum dignitas una cum salute Reipublicae conjuncta sit? quid ergo consilii est? eadem nos re ulcisci, qua sumus lacerasti; vim repellere vi; conspirationi Austriacorum, Borboniorum opponere societatem. Nam mediis nobis ac quiescentibus postulare, ut ex aliorum dissensione augeantur opes nostrae, ridiculum est. Quid enim vos Britannos, qui hoc vix portu abstinuerunt, mercatoriis in mari navibus facturos putatis? quum ex Hispa-

spaniis, atque Galliis, quibus in provinciis ci-  
ves nostri magna, & ampla negotia habent,  
onustæ mercibus redierint? eas tanquam ho-  
stile, aut hostilia portantes illi certe excu-  
tient, diripient; nos autem infestiore pene  
pace, quam bello utemur. Quod si bellum tan-  
topere formidatis, quo bello commercium la-  
befactari dicitis; cur non quietem perhorre-  
scitis, quæ illud omnino delet? At etiam for-  
tunam ut expectemus, suadent: quo mayo-  
rem, credo, opprimendi potestatem habeat:  
namque imparatos, atque inertes aversari ma-  
xime dicitur. Quæ porro prudentia est fortu-  
næ credere, quum uti consilio possis? aut cæ-  
ca malle expectatione pendere, quam explo-  
rata ratione subsidium comparare salutis? At  
ærarium exhaustum est, tributum nomen grave.  
Cupio videre, qui pecuniam ad conservandam  
Rempublicam conferre dubitet quum eam ipsam  
pecuniam, nisi salva Republica, retinere non  
possit. Præterea societas Borboniorum cum ad  
multa alia, tum ad illud opportuna est, quod  
eorum pecunia exercitum alere possumus,  
quem conscripsimus. At cavere ab amicis ipsis  
debemus, ne deferamur. Nulla, P. C., fir-  
mior amicitia est, quam quæ magno amicis  
usui esse potest. Id si Senenses, si Florentini  
vidissent, nunquam freti amicitia nulla uti-  
litate quæsitis, valentissimorum inimicitias so-  
li suscepissent, nunquam fortassis concidissent.  
Nam quid huic nostræ simile amicitia est?  
Nonne Gallorum vel maxime interest habere  
in Italia apud nos aditum? præsertim si Rex

Sardinia munitissimis arte, naturaque locis confusus prohibeat? non Hispanis sexennium jam fere inter Allobroges vagantibus nostras nos societate Italiam referamus? Non a Neapolitanis Austriacorum metum, atque impetum avertimus? Cur hos tam temere quisquam, & magno cum suarum rerum detrimento a fide discessuros judicet? nam de copiis, atque opibus eorum nemini omnium rectius credideris, quam Austriacis ipsis, qui fugam jam, audito Borboniorum adventu, & praesidiorum latebras circumspicere videntur. An vero in Italia pulsam fugere Lobcoviczium non audistis? Ardere Prusiaci bello Germaniam? expugnari Belgium? retineri domesticis dissensionibus Britanniae Regem? furere Scotos? timere Batavos? Ipse autem Sardiniae Rex, quem maxime gravem, atque assiduum hostem habemus, non suis certe viribus, quae mediocres sunt, non pecunia, quae eget, sed auxiliis sociorum, & nostro imprimis ocio invalescit. Nunc, si a sociis, quibus suspectus est, quibusque confidere multum non potest, deseratur; si nostris nos periculis non indormire sentiat, invasurum ne aliena, an suis diffisurum esse existimatis? quum praesertim recordetur, se puerum profugum, atque ejectum in iis sedibus quaesivisse perfugium, quibus nunc mortiferum inferre bellum meditatur. Adversus hostes tam infirmos, sociis tam valentibus, eademque nobiscum causa conjunctis, dubitamus, P. C., judicata jam fere belli fortuna, eo progredi, quo,

quo, incerta etiam victoria, descendere oporteret? quid tu igitur hostes contemnis, a quibus tantam Reipublicæ perniciem comparari dicis? Ego vero, P. C., neque ita contemnendos puto, ut negligentur, neque ita metuendos, ut desperemus; eoque validiora adhibenda esse remedia censeo, quo vehementius ingruit malum: nisi si quis est, qui perire turpiter, quam servari fortiter malit. Illud vos ad extremum pro meo summo in patriam amore, proque tanti discriminis magnitudine moneo, ut etiam, atque etiam prospiciatis, ne magnorum Regum amicitiam tanta in re invitatos refugisse aliquando pœniteat. Finarii causa ejusmodi est, ut in ea dignitas, salus præterea universæ Reipublicæ contineatur. Nihil est medium, P. C., aut Finarium quovis bello, societate, periculo etiam, & jactura retinendum est, aut hosti parendum superbissimo, aut denique hæc Urbs pulcherrima, hæc Patria omnium nostrum in vastitate, atque in solitudine relinquenda. Hac oratione commoti Patres, impendentique Reipublicæ clade deterriti, simul freti fortuna, quæ Borboniorum velificari votis videbatur, famaque copiarum, quæ in Hispania, quæ in Gallia parari ingentes dicebantur, societatem, sui muniendi causa, cum Borboniis inire decreverunt: ex eoque decreto, & nequis rem enunciaret, jure jurando sancitum est (poterat enim intempestive enunciata res perturbari) & quibus conditionibus confieri societatem placeret, Hieronymo Gri-



maldo scriptum est. Is erat Reipublicæ ad Hispaniarum Regem Legatus.

Villa est Regis Hispani ad Tagum amnem in Aranguesiano venationum frequentia, & aquarum amœnitate nobilis. Ibi quum esset Rex animi causa, Legati Borboniorum Regum, & Hieronymus Grimaldus, de quo dictum est, inter se colloquuntur. Vormaciense fœdus Aranguesiano esse fœdere infirmandum. Itaque rebus agitatis, conditiones quum convenissent, fœdus ictum est. Conditionum hæc erat summa: Borboniorum exercitus, classes comœtatu, portu, Respublica Genuensis terra, marique juvet: Iis auxilio decem hominum millia ornata, instructaque cum xxxvi. bellicis tormentis subministret: Ne prius subministret, quam Borboniorum exercitus conjuncti sint, quamque ultra montes fuerint, qui agrum Genuensem Septentrionem versus a Gallia Cisalpina dividunt, & Ligusticæ fauces appellantur: Reipublicæ Genuensis oppida, agros, fines Borbonii Reges tudentur: Philippo Hispani Regis Filio Regnum in Italia uti constituitur, omnes communiter armis, opibus curent. Hispaniæ Rex Reipublicæ Genuensi, quamdiu bellum in Italia erit, duodecies HS. in singulos menses det: Lavinium, Cenopha, Monfgrotius, Pares oppida, eorumque oppidorum agri, quo jure a Philippo Vicecomite Mediolanensium Duce antiquitus Genuenses receperant; item Serravallis oppidum, arx, ager, quo item jure paucis ante annis a Comite Leonardo Auria acceperant, eo omnia jure Genuen-

nuensium sint. Reges erga Genuenses eodem, quo erga suos, animo sint, caveantque, nequa Genuensibus in vestigalibus, terra, marique exercendis fraus, nequa injuria ab Hispanis, Gallis, Neapolitanisque naviculariis, & Mercatoribus facta sit:

Jam Gagius Genuam pervenerat, præterque mœnia Urbis quum pertransire cœpisset exercitus, portas occluserant Genuenses, & popularium exitus, militumque diligenter coercebant introitum, nequa aut illorum inscitia, aut horum licentia, parvisque, ut sæpe fit, causis; magna fieret rerum commutatio, neu quam etiam susceperant a principio belli personam, ut medii essent, & adhuc tuebantur, intempestive deponerent. Ac tametsi Gagius, qui ad Langenses (Porciferæ hic est Pagus valli) idoneo loco castra posuerat, magnopere eos adhortabatur, ut auxilia sibi mitterent; alia ratione se non esse ad hostes iturum, quos numero, & loco superiores esse intelligeret; tamen in eo perseverandum Genuenses putabant, ut ne prius mitterent, quam noster esset exercitus ultra eos montes profectus, qui Liguriam a Gallia Cisalpina dividunt, & Ligusticæ, ut dictum supra est, fauces appellantur: idque ipsum in Aranguesiano fœdere adscribendum, eaque de causâ curaverant, quod verebantur, ne patefacta ante id tempus societate, statim in finibus suis Austriacos hostes haberent, id quod Reipublicæ detrimentosum esse existimabant. Simul descendere aperte, palamque in partes auxilii

millis nolebant, nisi prius exploratis quantum poterant rebus, quarum prope certus videri tum poterat exitus, atque adeo ostendendæ amicitiae tempus opportunius, quum tribus magnis Philippi, Gallorum, & Gaglii exercitibus conjunctis in Galliam Borbonii Cisalpinam irrupissent: ipsi autem adversus vastitatem, cæterasque belli clades, & Ligusticarum faucium angustias, & tantorum exercituum conjunctione tutiores essent.

At Gaglius neque sine Genuensium auxiliis Ligusticas superari posse fauces dicebat, neque ducis considerati esse judicabat, eos relinquere post se non aperte socios, a quibus omnia fere ad bellum necessaria expectanda essent, & quorum auxiliares copias tamquam obsides habere posset perpetuæ ipsorum erga Borbonios voluntatis.

Interim Philippus Gagio ad duo millia Draconum, & provincialium Hispanorum Pyrochitrophorum cohortes summa virtute, quibus Augustinus Ahumada præerat, auxilio misit; item Patris, Socerique nomine Marchionem Chetardiensem Gallum, & O-Walium Hibernum, qui apud se in exercitu erant, Legatos Genuam misit: quorum alter Sarmatica erat legatione notus; alter, ut postea, confecto bello, cognitum est, conciliandæ pacis auctor præcipuus fuit, cum post incommodam plures Genuæ menses simulatam valetudinem, mutandi, ut dictitabat, cæli causa, in Britanniam profectus est. Hi igitur in Senatum introducti, Galliarum se se, atque Hispan-

spaniarum Regum nomine, quorum insignis  
semper fuisset, & præcipua tunc esset erga  
Reipublicam benevolentia, & fides, venisse  
oratum dixerunt, ut auxilia Genuenses Gagio  
submitterent, quæ nisi statim submittantur,  
non posse Hispanos, Neapolitanosque omnino  
progredi, & futurum fortasse, ut ad nihilum  
incredibilis eorum virtus recideret, ausi qua  
sunt ascendere altissimos montes, transire ra-  
pidissimum flumen, extremam tolerare ino-  
piam, quæ facilia ex difficillimis non tam  
animi magnitudo illis innata nationibus, quam  
Genuensis auxilii fiducia redegerat: non se se  
arbitrari temporis causa, aut simulata Genuen-  
ses amicitia societatem cum Borboniis insti-  
tuisse. Quid tam porro justæ, veræque amicit-  
iæ repugnare, quam si, quod triduo, ad sum-  
mum quatrduo præstaturi ex fœdere sint; fi-  
delissimorum id amicorum precibus repræsen-  
tare illiberaliter quodammodo denegent? de-  
bere eos communem potius utilitatem, ex  
qua omnia homines interpretari fœdera oportet,  
quam fœderum formulas, & verba spe-  
ctare: factum esse Aranguesianum fœdus, ut  
communibus viribus communis repellatur ho-  
stis: at Genuensium cunctatione ista inopportuna  
non repelli, sed invitari hostem, ut,  
Gagianorum militum paucitate contempta,  
Ligusticas continuo fauces occupet: quibus  
occupatis, & Gagium ad rem gerendam inu-  
tilem efficiat, & ipsos quasi in vinculis ha-  
beat, ne ea, quæ Reipublicæ interesse cogno-  
verint, quæque ille admodum timet, decer-  
ne-

nere zudeant. Id vero si accidat, quo tunc Aranguesiani fœderis consilium? Quo virium communicandarum spem? Sin autem in consiliis capiendis unam intueri fortunam vellent, omnia hæcenus accidisse Austriacis adversa, Borboniis secunda: illorum semel, atque iterum ab invictissimo Rege Gallorum fusas in Belgio ac superatas copias, quas Batavorum etiam, & Britannorum exercitus sublevabant: unam esse in Italia Genuensium civitatem, quæ certissimam Borboniis victoriam creare possit: ejus patefacta societate, fugæ se statim Austriacos mandatuos, neque ullum consistendi illis in Italia locum fore. Proinde vel amicitiae, vel utilitatis, vel denique fortunæ causa ne cunctarentur auxilia Gagio submittere: libere jam, atque audacter descenderent in causam, & quos hostes jamdiu senserint, pro hostibus aliquando haberent.

Genuenses Legatorum permoti eloquentia, quam Borboniorum adjuvari victoriis intelligebant, & quod ingratum sane videbatur tantulæ, ut apparebat, rei controversia, in ipso societatis initio sociorum offendere animos, & quod eo erant progressi, ut magis liceret non cœpisse, quam cœptum semel non exequi usque ad extremum; millia hominum octo, & quæ ad eorum, bellicque usum pertinebant, auxilio mittenda esse Gagio statim censuerunt. Horum summa imperii tradita Joanni Francisco Brignole-Sale est, cujus postea, cum Reipublicæ Principatum adeptus est difficillimo tempore, virtus nobilitata est. I-

tem

tem S. C., quo mitti auxilia decreverant, renunciari Austriacis, eorumque fociis per legatos oportere suos, statuerunt. Tanta autem erat erga Reges observantia Reipublicæ, ut ne Regi quidem Sardinia ipsi nominatim bellum denunciaverit, tametsi Vormaciensi irritata fœdere suas ab eo imminui, trahique in discrimen opes videret. Et per eos forte dies acciderat, ut Eques Alfieri, qui in agro Nicænsi Sardinienfibus copiis præerat, in Genuensium oppidum Albintemelium, ubi Hispanorum erant horrea constituta, impetum faceret, & præsidio dejecto, frumenti, pabulique, quod subito poterat, per equites comportaret, reliquum, ne cui Genuensibus usui esset, incendio corrumpere. Denunciationem Reipublicæ Britannia Rex quum intellexisset, minaciter respondisse fertur, quum suarum classium Præfectis imperaturum dixerit, siquid in eam rem sibi videretur; quanquam Genuensium apud eum Legatus neque amici, neque hostis loco habitus Londini permanferit. Rex autem Sardinia nihil accidisse novi dixit, si Genuenses bellum denunciarent, quod suis favendo hostibus jamdiu gererent, neque ita tamen occultissime, ut perspicere non posset. Quibus auditis, Hieronymus Curlus, qui apud Regem Genuensium Legatus erat, in patriam rediit, illato bello. At Bartholomæus Laumelinus, qui oppido Novis Genuensium jussu præerat, ad Comitem Sculemburgium in castra Austriacorum se contulit, atque ita ex auctoritate Senatus cum eo egit: Genuenses  
ne-

neque priores Austriacorum socio, atque amico Regi Sardiniae, neque sine causa, bellum denunciare; necessario facere, invitos, atque omnia prius expertos, si qua posset æquitate componi: unum se se infinis pene precibus orasse, ut quæ Reipublicæ optimo semper jure fuissent, atque essent, ea esse insigni injuria ne delinerent: ne id quidem propter Vormacienſe fœdus impetrari potuisse: suos jam ab Rege Sardiniae fines violari, ad Albin-temelium effringi, diripique horrea: quoniam hæc omnia, nisi ad Reipublicæ perniciem pertinere? proinde non esse ipsis succensendum, si, ut esset dictum, necessario ad arma descenderent, quæ inferri sibi jampridem vident, si sui muniendi causa Borbonios socios adſciſcerent, si iis auxilia mitterent: nihil se propterea de sua erga Austriacos benevolentia, atque observantia detractum arbitrari; quandoquidem jure Gentium obtinuerit, ut amicos contra amicos auxilio juvare, salva amicitia, liceat; nemini injuriam facere, qui sua tueatur; imperium se se acceptum a majoribus velle conservare: quo imperio ille haberi indignissimus debet, qui retinere illud quacumque ratione aut non possit, aut non audeat. Dicentem Laumellinum interpellat Sculemburgius, & discedere conantem prohibet, eodemque temporis vestigio Clericianæ legionis instructorem cum equitum, ac peditem parte mittit, qui Reipublicæ præsidium, quod erat Novis, captivum abduceret, ipsumque oppidum haberet prædæ loco. In quo nonnulla

nulla fuit hominum querela, qui Sculemburgium suæ magis iræ, quam juri Gentium obtemperasse dixerunt.

Habebat, uti diximus, castra Gagius ad Langenium pagum, & sicuti Genuentium diligentia omnium copiâ rerum abundabat, ita præmiorum tenuitate, quibus donare exploratores ipse consueverat, flagitiose erat ab exploratoribus imparatus. Nam Gagius alienæ pecuniæ non appetens, suæ parcus habebatur: id quod nonnulli in Imperatore reprehendunt, cui propositum unum illud esse debet, ut vincat, & victoriæ causa non suis, non alienis parcere bonis oportere ajunt. Sed exploratorum paucitate fiebat, uti hostium neque consilia, neque itinera cognoscerentur, ut levi auditione, & falsis plerumque rumoribus interdiu, noctuque conclamaretur ad arma; sic ut tam incertis rebus non militibus quies, non ducibus ratio esset certa imperandi, omniaque erroribus, ac suspicionibus perturbarentur. Quæ res impetus etiam nostros, consiliaque tardabat; propterea quod non satis celeriter explicari poterant, quum ignorarentur ea, quæ apud hostes gerebantur, & ad quæ accommodare sua sæpissime consilia Imperatores solent. Præterea Philippici exercitus mora, quicum Gagliani exercitus iter consentire debebat, non parvo erat nostris ad progrediendum impedimento. Philippus enim, expugnatis in itinere Loano, Oneliaque, castellis satis munitis, procedere paulatim, ac Savonem vix aliquando tandem pervenisse dicebatur. Hæc erant, quæ



quæ Gagio diutius ad Langentium pagum morandi esserent causam.

Jam Philippi, jam Genuensium auxilia in Gagaii castra convenerant, & tanto militum numero auctis copiis, ad hostem proficisci Gagus constituit, cognita prius loci natura, quæ erat ejusmodi. Porciferam vallem, quæ in longitudinem passuum circiter x. millia patens ab amne appellatur, qui illam interfuit, quique modicis, ac prope nullis aquis est, nisi maximi accidant imbres, neque longius ab Genua millibus passuum iii. Arenam inter, Cornilianumque pagos in mare infuit; quam vallem hominibus, ædificiisque frequentem, & cultu, prospectuque amœnam colles cingunt leniter acclives, qui in montes statim assurgunt editos, atque asperos: atque hi in arctas tandem coguntur fauces, quas Ligusticas appellari diximus. Has intra fauces una est militaris via, reliqua sunt præterea itinera duo, quibus etiam patet aditus ad Genuam paulo tamen impeditior, atque difficilior; quorum itinerum alterum ad dexteram est Ligusticarum faucium ab ea parte, qua mons eminet Flacconius, Iriaque amnis labitur; ad sinistram est alterum ad alterius item montis radices, qui Gazius dicitur, editissimusque est omnium circumjacentium. Tam illa militaris via latior, quam angustiora hæc itinera duo in unum confluunt ultra Ligusticas fauces ad Octavium vicum, eoque Gavium versus, Novasque itur, oppida Genuensium. Magna est harum faucium in bello opportunitas, ut qui  
cas

eas prior occupaverit, hostem repellere levi negotio queat; si a duce milites non deferantur, & si, qui vallem, montesque incolunt, armis aptissimi homines ac feri, consentiant. Tunc eas occupaverat prior Gagius, & præsidio cohortis imposito, atque addita munitione diligenter tuebatur. Austriaci, ne faucium præoccupatione premerentur, impetum adversus montem facere in cohortem conantur; nostri, ne locum maximæ opportunitatis turpiter dimitterent, paratissimo erant ad propugnandum animo. Contenditur prælio; & nostri, quod loco, numeroque præstabant, celeriter hostes dederunt in fugam: fugientes sylvæ, tramitesque texerunt, a quibus illi protecti, atque occultati, paucis amissis, ad Octavium sese vicum receperunt, iisque sese adjunxerunt, qui submissi a Sculemburgio numero ad septem millia cum paulo ante vicum tenuerant, & nacti opportunum non longe a Lemure amne in valle collibus præsepta locum, qua necessarius erat nostris, & perangustus, si perrumpere vellent, aditus, hunc fossâ, atque aggere communiverant, & occupatis collium jugis, loci natura, atque operis munitione, circumjectisque ibi forte muris, quibus agri privatorum ambiebantur, freti prohibere nostros transitu sperabant. Quibus rebus cognitis, Gagius, protectionisque, uti demonstratum est, suscepto consilio, sarcinarum, atque impedimentorum magnam partem Genuam versus remitti jubet, quo tutius collocarentur, neque multo militum præsidio ad  
ea

ea tuenda opus esset, ipse expeditiore, & in tres partes distributo exercitu, occurreret hostibus. Dexteram partem eo ire itinere iussit, quod ad montem pertinere Flacconium diximus, eique ducem Vievillæum Legatum præfecit: sinistræ Comitem Sevium Legatum præposuit, qui præter montem Gazium eam duceret. Dux Mutinensium, ipseque una Gagus mediæ aciei præfuerunt, & militari illa intra fauces via processerunt. Equitatus post tergum reiectus, quod locis asperis, atque concisis ejus inutilis opera videbatur, lentius subsequerebatur, agmenque cogebat. Legatis mandatum erat, ut iter moderarentur, neu prius concurrerent, quam telum emitti exaudirent, ut undique uno tempore ad emissi teli fragorem in hostes impetus fieret, nullaque illis, ut inferioribus numero, & ab utroque latere circumventis spes fugæ relinqueretur. Appropinquabat hostibus Gagus; at Legati morabantur. Namque circuitu majore, & ascendendis, descendendisque collibus longius erat Vievillæo iter; & Sevius præter eandem intersepti itineris difficultatem in ipsos imprudens inciderat hostes, qui omnibus ab ea parte saltibus decessisse falso dicebantur, neque, certi quid esset, sciri per exploratores poterat, quorum, ut supra docuimus, mira erat paucitas. Ac tametsi loco eos confestim cedere coegerit, id ipsum tamen suum hostibus iter aperuerat, & moræ injecerat aliquantum, ut ab suo latere circumire in tempore hostes, sicut convenerat, non posset. At ii, qui in  
me-

media erant acie, quum pro se quisque in conspectu Ducis Mutinensium, & Comitum Gagii Imperatorum etiam difficillimis rebus operam navare cuperet, retineri non potuerunt, quin locum subirent iniquum, hostium ascenderent aggerem, adeo ut nonnulli sublevati alii ab aliis in summa consistere munitione, ibique propugnantes interficere auderent. Hostes loco freti manu, & natura munito facile nostros audacius subeuntes deturbabant, &, quum nullum frustra jaculum desuper mitteretur, cædebant, videbaturque jam non sine ingenti nostrorum cæde perrumpi posse, propterea quod magno ipsis loci iniquitas præsidio, nostris detrimento erat. Quod quum Gagus animadvertisset, subito tormenta aliquot adduci, quibus agger dirueretur, & adversa locari iussit. Qua re perterriti, simul quum altera ex parte prope jam Sevius adesset, ex altera Vievillæus descendere impressionem jam facturus cerneretur, tam a fronte succedere nostri acriter non desisterent, illi, relicta munitione, ad Octavium vicum, indeque citissime sese, circiter octingentis amissis, ad Sculemburgium in castra receperunt. Neque illorum quisquam superfuisset, si aut Legati ab utroque latere, ut erat præceptum, uno in hostes concurrissent tempore, fugamque iis interclusissent, aut fugientes pars equitatus, quem omnem non satis prudenter rejectum esse post tergum diximus, confectari, atque opprimere potuisset.

*Cast. Bon. P. I.*

K

Re-

Recepto Gagius Octavio laboriosa Gavium via proficiscitur, quam etiam hostes interruperant, ut essent nostri ad insequendum tardiores: quo quum tandem venisset, oppidum ipsum, quod arcem habebat satis validam, communire, atque instruere jubet, ut eo pecuniam exercitus publicam, ægros, atque omnem belli apparatus conferret. Hæc dum ipse administrat, Vievillæum Legatum, qui primo agmini præerat, ad occupandas Novas, & comineatum ab Genua subventionem explicandam mittit; Sevium præterea Legatum mittit cum tormentis sex, duobusque millibus hominum ad expugnandam Serravallis arcem: quæ quanquam ad Iriam annem posita natura probe munita esset, præsidiumque ibi ccc. militum legionariorum Sardinie Rex haberet, quibus Roscius castrorum Præfectus præerat, nihilo tamen minus longinquam oppugnationem sustinere non potuit. Vehementius enim a Sevio oppugnata, quam a Roscio defensa, quum jam militum præsidiariorum stationes ollis tactæ incendiariis deslagrassent, undecimo ab oppugnatione die, deditione facta, capitur, & Genuensibus ex Aranguesiano fœdere attribuitur.

Interim Philippi, Gallorumque exercitus Subalpinorum prædiis e saltibus Montisferrati dejectis, atque Aquis subito Statellis a Pignattello Legato occupatis, ea felicitate, quæ perumque adest novantibus res, omnem circa regionem in suam celeriter potestatem redegerant. Quibus cognitis, Gagius discedendum

dum Gaudio, ulteriusque sibi progrediendum existimavit, ut cum Philippi Gallorumque copiis conjunctis suis, uno consilio bellum administraretur, summaque imperii ad Philippum Philippi Hispani Regis F. respiceret. Erant numero, & genere hominum præstantes copię Hispanorum, Gallorum, Neapolitanorum, Genuensium. Marchio Malibojus Gallis præerat Gallicę militię Magister: lxii. millia peditum, viii. equitum habere in armis dicebantur. Magna multitudo, magnusque ex tantis viribus animus, ut nihil sibi impeditum, nihil hostibus tutum arbitrantur. At Sculemburgius, collectis, qui ab Octavio refugerant ad Ripaltam, Novis relictis, citatum agmen rapit, ibique loco munito, fluminibusque circumfuso castra locat de summa rerum admodum sollicitus. Neque minus æstuans, laboransque ab Augusta Taurinorum Sardinie Rex venerat in castra: quę quidem Tanarum inter, Padumque amnes posita loci naturā, pontibus, atque additis operibus munitissima erant, & ab bellum ducendum aptissima. Ipse enim præidiis, locisque difficilibus hostium impetum frangere, & tractandis conditionibus, ac simulatione cum Gallis ineundę societatis præsentem procellam devitare, consiliumque ex tempore, ac fortuna capere meditabatur.

Ita Hispanis, qui nunquam victi, nunquam victores toties cum hoste conflixerant, & iis, qui, Gaudio Duce, Pontificias ultro, citroque Provincias diu pererraverant, neque

tamen quicquam profecerant, & iis, qui in alpi-  
bus ad Italiæ portas sexennium jam fe-  
re obversati, in illam auxiliis etiam Gallo-  
rum irrumpere, quum sæpe tentassent, nun-  
quam potuerant, facta cum Genuensibus so-  
cietate, subito in Cispalinam iter Galliam pa-  
tesfactum est. Austriaci autem, qui magno  
animo ingentique fiducia gerebant bellum,  
quod & mare Britannis sociis tenebant, &  
locis confidebant natura munitissimis, eos-  
que ex Vormaciensi fœdere spiritus sumpse-  
rant, ut Italiam omnem suam dicerent, a-  
liis eriperent, aliis donarent, modo respice-  
re sese, & suis timere rebus cœperant. Tan-  
ta, traductis ad amicitiam, & societatem  
Borboniorum Genuensibus, facta est rerum in  
Italia commutatio.

---

# COMMENTARIORUM

## DE BELLO ITALICO

### *LIBER II.*

K 3





CASTRUCCII BONAMICII  
COMMENTARIORUM DE BELLO ITALICO

LIBRI SECUNDI

AD PHILIPPUM  
BORBONIUM

PARMENSIIUM, PLACENTINORUM, ET GUAR-  
DISTALLENSIUM DUCEM, FERDINANDI RE-  
GIS HISPANIARUM, ET CAROLI RE-  
GIS NEAPOLIS ET SICILIÆ FR.

P R Æ F A T I O.



*Q*uævela illa vetus, eorumque,  
PHILIPPE DUX, crebris u-  
surpata sermonibus, qui ina-  
ni quadam antiquitatis specie  
commoti, fastidire præsentia  
consueverunt: interiisse jam  
apud nos præclarum olim ge-  
nus hominum, atque virtutum; non magnopere  
me quidem unquam movit, qui multa veteribus  
concedens, non adimo nostris temporibus rerum  
gloriam maximarum; eandemque semper fuisse  
video humane naturæ conditionem, ut, licet opti-  
mum quidque rarissimum sit, numquam tamen

K 4

non

non extiterint singulares viri, atque omni laudis genere excellentes. Nam, ut alia omit-  
tam, qui bellicis abundarent laudibus, atate  
certe nostra non defuerunt. Federicus quidem  
Borussæ Rex in Germania, Mauritius Saxo in  
Gallia, atque in Hispania Joannes Gagus digni  
sane existimari debent, qui cum illis Impera-  
toribus conferantur, quorum magnum est in Græ-  
cis, Romanisque literis nomen: & multa sunt  
domi, militiæque gesta ab Genuensibus hoc tem-  
pore, adeoque præclara, ut vetus illa Italorum  
virtus, quam nimia jam servitute oppressam  
eluxerant omnes, revocata ab illis in lucem, &  
auclæ etiam sit. Atqui, si ullum esse potest  
temporum discrimen, non in vetustatis, aut  
novitatis nomine, sed in eo positum est, quod  
fortunatiores cæteris atates quædam fuerint  
scriptores nactæ illustres, qui eorum hominum,  
qui tum florebant, recteque factorum memoriam  
scriptis commendatam suis, nulla extingui o-  
blivione voluerunt. Quo mihi vehementius ex  
nostris hominibus ii excitandi videntur, qui  
ingenio, doctrinaque præstant; ut, quoniam in  
nostram atatem res inciderunt, virique maxi-  
me memorabiles, ne tantum illius decus jace-  
re patiantur in tenebris, aut inconditis, vel  
ineptis narrationibus illustrari putent. Historia  
enim, quæ magistra vitæ appellatur, & posse-  
ritati maxime inserviat, oportet, non quid  
actum tantummodo, quove die sit, id ostendit,  
sed quo consilio, quaque ratione gestum  
sit, demonstrare debet; neque sanæ mentis pos-  
siteri curabunt scire, ut eleganter accubuerit  
im-

imperator, quove temporis puncto in urbem aliquam ovans introierit, sed quam perite sententiam suam dixerit in concilio, aut strenue in acie dimicaverit. At vero his temporibus, qui rudia quædam monimenta copiose, diligenterque collecta atque annotata proferant laboriosi homines; quorum industriam non contemno equidem, quippe quam posse historico utilem esse videam; sunt etiam multi: qui autem historiam ita scribat, quemadmodum Thucydides, & Xenophon apud Græcos, Sallustius, & Cæsar apud Romanos, & ne nostros contempsisse videar, Macchiavellius, & Guicciardinus ornate prudenterque scripserunt, reperietur fortasse nemo. Atque hujusce rei culpam nonnulli in principes transferunt, qui quum honesti, fortes videri malint, quam esse, illos scilicet extinctos vellent, quorum per literas, scribendique genus grave, & liberum sua vitia, detrahis simulationum involucris, in oculis hominum, atque in celebritate versantur omnium gentium. Ego vero non tam principum iniquitatem, quam perversitatem accusaverim certorum hominum, qui congesta quædam temere obtrudunt tanquam aliquod historicum opus perfectum, nihilque arroganter sane probant, nisi quod se assequi posse confidunt. Quibus non dubito, quin mirificus is architectus videatur, qui materiam, calcem, cæmenta convehat, perfectione operis neglecta. Sed horum perversitate judicii illa paulatim monstra irrepperunt, ut alii in coacervandis publicis, privatisque tabulis ætates contererent ipsas, seque propterea magnos appellari histori-

ri-

ricos vellent; alii delectu verborum, ac sententiarum historiam per mendosiores crederent; alii denique de ipsorum veterum historicorum laude detrabere non dubitarent, quum dicerent, quod res gestas exornaverint, consiliaque Regum, atque imperatorum fusius explicaverint, peccasse eos in historia vehementer, quos qui sequuntur, ii sunt uni laudatissimi. Tametsi pudere illos arbitror sententiae suae, quum videant, eorum, qui ad illas ineptias abierint, scripta evanescere statim, vix ut appareant; eorum autem, qui ab optimorum historicorum vestigiis non recesserunt, posteritate ipsa, cui potissimum scribere debemus, crescere, & confirmari. Me certe magis piget, nobilissimorum auctorum gravitatem, & vim non esse in scribendo assequutum, quam sequutum esse poeniteat. Quanquam ne conatus quidem ipse contemnendus est in maximis præsertim rebus: Atque eo me minus instituti mei poenitere oportet, quod grate, libenterque intellexerim, trans mare, transque alpes, quibus in locis præclarissimæ artes, ac disciplinae vehementius jam, quam in earum quasi parente, atque altrice quondam Italia ipsa coluntur, non reprehendi rationem scribentis meam; exemploque nostro experrecta esse hominum studia, qui majore profecto, quam nos, ingenio, atque eruditione id efficiant; ut, quum ætas nostra rerum gestarum gloria nullis veteribus cedat, pulcherrimæ etiam alicujus historiae laudæ cum illis adæquata esse videatur. Verum, quod honos alit artes, omnesque ad ea potissimum persequenda inceduntur, quibus

bus ad opes, atque ad honores præmia sunt constituta, eruditorum idcirco hominum studiis accedat necesse est Principum liberalitas, atque optimus in præclaros auctores animus. Magnificum est, vereque regium, eorum, quibus imperes, utilitati servire; Neque major ad populos, quam ex recte conscripta historia permanat utilitas. Quæ quidem historia dat principibus regnandi, dat populis præcepta parendi, propositisque virtutum exemplis, & præsentibus, & posteris longe omnes excitat ad veram gloriam, quæ magnorum est in genus hominum pervagata fama meritorum. An, quum sordido, atque humili cuique e plebe opes patere Principum debeant, quod non tam ipsorum, quam communes omnium sint; iis erunt occlusæ, quorum literis, atque præceptis beatæ sunt civitates, ipsi clari Principes, ac potentes habentur? Si leviores artifices, quod corporis simulacra ignotis nota faciant, non vulgaribus dignos præmiis summi Reges ducunt; quam benigne invitare, quam fovete liberaliter decet eos, qui virtutem illustrium virorum scriptis exprimunt suis, & perutilis exempli imitatio posteris ut prodatur, divino efficiunt ingenio?

Quæ res, Vos, magis quam ceteros commovere debet, o Clarissimi BORBONII PRINCIPES, quorum tam multæ sunt in Italia præsertim gestæ res amplæ, atque magnificæ, ut earum pati interciderere memoriam grave sit Vobis, Italiæ vero dignitati iniquum, virtuti ipsi prope injuriosum futurum. Quis CAROLI Neapolis, ac Siciliæ Regis fortitudinem? Quis con-

si-

*filium? Quis tuum, PHILIPPE Dux, adversis, secundisque temporibus eundem semper animum non maxime celebrandum, ac descriptione dignissimum judicet? Me quidem de Italico bello scribentem, quod bellum atrox, & periculosum propter Te totum, atque abs Te fere totum gestum est, inaudita virtus rapiebat in admirationem sui. Videbam enim habuisse Te pueritiæ tempus extremum principium maximorum imperiorum, neque, quum assidue inter tela, ac cædes verjare, cum frigore, cum calore sæpe nimio vexabare, ullis unquam esse periculis deterritum, fractum incommodis; eundemque Te, qui toties hostium impetus pene puer fregeras, gloriamque viceras omnium Imperatorum, nunquam in victoria superbum, in bello crudelem fuisse intelligebam. Quæ Tua vero in pace moderatio? Nam, quum fessis, atque exhaustis diutino bello provinciis, victores communi saluti consulere vellent, victi suæ: necessario factum est, ut ea Tibi Italiæ pars obveniret, quæ propter angustos fortasse fines non generi, non animo, non Tuis certe rebus gestis par esset: neque in hac aut temporum, aut fortunæ injuria quisquam Te mærentem, lamentantemque vidit. Atque illam tamen Italiæ regionem haud Te vel ideo indignam existimaveris, quod ELYSAM Matrem Tuam ediderit, Reginam excellenti animo, ac virtute præditam. Qua una commemorata laude, nihil de FARNESIIS consilio, manuque præstantibus veteribus ejus provinciæ dominis, nihil de urbium pulcritudine, agrorum ubertate, civium ingenio, quam ad*

*bonas artes propensi, quam exteris hospita-  
les sint, nihil, inquam, attinet dicere. Una enim  
illa inobscurare cæteras ejus regionis laudes,  
Tibique, PHILIPPE Dux, non ingratum as-  
ferre laborum, ac periculorum fructum vide-  
tur. Sed hos ipsos labores, hæc pericula, virtu-  
tes illas gravi, & copiosa aliqua historiæ non  
enarrare indignum sane est, atque ab Italico-  
rum ingeniorum præstantia alienum; quum præ-  
sertim tanti Principis adventu Italiam ipsam  
otio, ut vera fateamur, languentem turpissimo,  
atque in mores abeuntem barbarorum spes sit,  
commotam jam CAROLI Fratris Tui Regno sa-  
pientissimo, & invicto etiam Genuensium exem-  
plo, revocari aliquando posse ad optimas illas  
artes dami, forisque recolendas, quarum studio  
eluxit illa quondam, veluti divinum aliquod  
lumen. Equidem, PHILIPPE Dux, quanquam  
neque usu satis, & ingenio parum possem, no-  
lui tamen in tam abundanti rerum abs Te ge-  
starum materia ipse mihi deesse. Itaque secun-  
dum hunc Commentariorum meorum de bello I-  
talico librum conscribere, Tibique conscriptum  
jure, ac merito dicare non dubitavi; neque pu-  
tavi, aut repudiaturum Te, qui res ad scri-  
bendum maximas adbibuisses, scriptoris patro-  
cinium; aut, quum alii sive cessarent, sive scri-  
bere non auderent, sedulitatem nostram inuti-  
lem cuiquam, vel invidiosam fore.*



Εἰς ὧν σπουδῶντι, καλλίστην παιδείαν ἡγήσονται  
πρὸς ἀληθινὸν βίον τὴν ἐκ τῆς πραγματικῆς Ἰσο-  
ρίας προκύπτουσαν ἐμπειρίαν. Μόνη γὰρ αὕτη χω-  
ρὶς βλάβης ἐπὶ παντὸς καιρῷ καὶ περιστάσεως κρι-  
τικῆς ἀληθινὸς ἀποτελεῖ τὸ βελτίονος.

Πολυβίος Ἰσορ. Βιβλ. α.

COM-

# COMMENTARIORUM DE BELLO ITALICO

## LIBER SECUNDUS.



Adventu Philippi, Gallorumque in Cisalpinam Galliam, Gagique aucto exercitu auxiliaribus Genuensium copiis, Austriaci, qui ad equitum, peditumque millia erant xv., magnum in timorem perveniunt, ne, congregi tam impari numero si cogantur, desperatis rebus, Italiam dimittere omnem necesse habeant. Rex autem Sardiniae, cujus maxime res agebatur, animo valde laborabat, ut ab imminente sese periculo eriperet. Illi erat certissimum omnia prius experiri, quam Philippum Hispani Regis F. Neapolitani Fr. habere magnum in Italia imperii æmulum, & finitimum. Itaque socios suos de auxiliis Germanos, de pecunia Britannos adhortari per literas, nunciosque non destitit: quorum alteri Borusco, alteri domestico bello (quod Carolus Odoardus Stuartius Roma improvise profectus, & Stuartianis in minori Britannia partibus excitatis, incredibili animi magnitudine gerebat) implicati quod essent, non multum adjuvabant. At ille acris animi, magnique Vir delectum nihilominus habere perseverat inclinatione temporum,

rum, ac fortunæ non deterritus: pecunias cogit: oppida firmat: quas habet numero millium vix duodeviginti copias contrahit. Locum castris deligit, ut diximus, natura loci manuque munitissimum. Munitissimas item Alexandriæ, ac Dertonæ arces progredientibus opponere Borboniis constituit. Scribit Sculemburgio, quoniam, disjecta manu, pares esse nequeant, ad se ut quamprimum veniat: contractis copiis, occupatisque regionibus, e quibus repugnare possint, Borboniorum tardari impetum, & temporis expectari opportunitatem posse.

Sculemburgius erat eo tempore ad Ripaltam, & qui jam ante sibi timens, adjungi Regi Sardinie vehementer cuperet, multo celerius, his literis acceptis, ad eum properavit, &, conjunctis copiis, non longe ab eo loco, ubi Tanarus in Padum influit, ad Augustam Batienorum confedit. Lævum ipse, Rex Sardinie dextrum castrorum latus obtinebat: quorum erat ejusmodi situs, ut posita locis fructuosissimis omnium rerum abundarent copia, & fluminibus munirentur iisdem, quibus continebantur. Quocumque autem Borbonii iruerent, siue Alexandriam, siue Dertonam, quæ non multum a castris aberant, oppugnare vellent, facile erat Regi, Sculemburgioque ex tam propinquis castris in utramque partem subsidio accurrere, atque oppugnationem repentino, si opus esset, incuriu disturbare. Illi pontes in Tanaro, Padoque effecerant duos. Hos magnis operibus, ac præsiidiis firmaverant.

rant. Ex his levis armaturæ pedites, equitesque emittebant, qui latius vagarentur, vias obsiderent, commeatus nostros, & pabulatores interciperent. His rebus transalpina auxilia expectare, & bellum in hyemem ducere cogitabant; quo tempore plures posse rem casus recipere sperabant.

Gagius, communito Gaviō, quo in oppido omnem belli, ut antea dictum est, apparatus, agrosque deponeret, ejusque oppidi arce Præfecto Laurentio Imperiali tradita, qui eam cum Varennensi de exercitu Genuensi cohorte, & Carosium item tueretur, discedendum inde, ulteriusque sibi progrediendum existimavit. Itaque rei frumentariæ provideri, vecturas civitatibus describi, castrenses atque obsidionales machinas supportari mandat. Militum contentiones, quæ in exercitu ex tot nationibus, generibusque hominum variis conflato interdum suboriebantur, severiori coerces edicto, ut nequis sese veteranus tyroni, Hispanus Genuensi, Neapolitanove intolerantius miles præferret. Hortatur, ut, depositis inanibus æmulationum studiis, una omnes mente bello serviant; neque se in milite verborum arrogantiam, sed virtutis laudare præstantiam dicit. Vievillæum legatum commeatuum explicandorum causa jam ante Novas missum revocat, eundem, aliquot Novis præsidio cohortibus relictis, cum parte, quam habet, copiarum, explorare iter, primoque agmini præesse jubet. Ipse cum reliquo exercitu subsequitur; & secundum Lemurem amnem iter facit.

*Castr. Bon. P. I.*                      L                      ciens,

ciens, Capriatam eodem die venit. Quo quum venisset, castra in satis ampla planicie facit, quæ usque ad Prædofam Alexandrini agri vicum porrigebantur. Ea venit in castra Ligustica Genuensis exercitus legio. Hujus legionis Centuriones, qui Protribunorum mil. loco mererent, cives erant ex nobilitate parato omnes animo ad quodcumque pro Reip. dignitate periculum subeundum. Ibi vero Gagius cognoscit, ab Rege Sardinia in una castra receptum Sculemburgium. Cui quidem si nihil esset spatii datum ad sese cum Rege conjungendum, &, Capriata possedita, si statim ab Gaudio nihil moratus ad Julianum pagum recta Gagius contendisset, existimabant plerique, futurum fortasse, ut ferme in ipso bellum initio finiretur. Nam Sculemburgius, præoccupatis ab Gaudio viis, neque facilem ad Regem accessum, neque tutum habebat receptum, & cogeatur, ut numero, animoque inferior multo nostris, alienissimo tempore, longe ab Rege Sardinia abductus dimicare, aut Iriam, Ticinumque oppida versus, receptum parare fugæ similem. Quo in receptu, imminetibus præsertim Gagianis, & Regem Sardinia demorante Philippo, magna ipsi militum, atque omnium fortasse rerum jactura facienda erat. Simili ratione Rex Sardinia quum auxilio Sculemburgii nudatus, neque per se impari numero Philippo, Gallisque irruentibus obviam ire, neque suis se castris tenere, ne a multitudine nostrorum intercluderetur, posset, coactus esset, aut tenuissima victoriæ spe de  
im-

imperio ac salute uno prælio decertare, aut intigni cum detrimento Alexandrinum & Dertonensem agros dimittere, & Augustam usque Taurinorum profugere: quod utrumque certissimam perniciem afferebat ei, qui neque firmum, neque amplum haberet exercitum, eoque exercitu fortunas omnes contineri suas videret. Ita Sculemburgio mora Gagii, Regi Sardiniae Sculemburgii celeritas salutem attulit.

Interim ex omni fere ea regione, quæ cis Tanarum est, Bormiamque amnem attingit, legati ad Philippum veniunt, suorum qui excellens studium profiteantur, polliceanturque omnia facturos, quæcumque imperaverit. Imperat jumenta. Illi undique conquisita adducunt in castra. Quæ res maxime fuit opportuna. Nam pestilentia late serpens in Subalpinis, & per Cisalpinam vulgata Galliam, boves fere omnes morbo tentaverat, atque absumpserat, adeo ut necessariis ab rebus, raris subvectionibus, laboraretur. Eadem item de causa, ne carne milites vescerentur pestilenti, edici placuit, ut mercatori, calonive ejusmodi pecus sine certa cautione vendere in castris ne liceret, capitis pœna iis, qui non paruerint, constituta. Sed Philippus, prosperis elatus rebus, & secundissima populorum voluntate, paulo longius procedit; castraque metari ad locum jubet, qui Serfellus appellatur, ab Alexandria longe millia passuum vii.

Gagius quoque viii. omnino dies ad Capriatam commoratus, Boscum proficiscitur, Alexandrini item agri vicum non ignobilem;

& quam proxime potest, Philippi castris castra ponit. Castrorum propinquitate invitati, & dignitate hominis admoniti Dux Mutinensium, Gagiufque, & Brignolius-Salius Philippum conveniunt; eique de suo in Cisalpinam Galliam adventu gratulantur. Philippus item Gagliani exercitus visendi causa, prosequentibus compluribus legatis, ducibusque, quo in numero erat Malibojus Gallicæ militiæ Magister, & Gallorum in Italia Imperator, nostra venit in castra. Producto exercitu per omnes adequitat ordines. Genuensium copiarum robur, atque ordinem maxime admiratur; & Brignolium-Salium summum earum Præfectum, qui aderat, intuens: est vero, inquit, Brignoli, causa, cur meo nomine Reip. gratias per literas agas singularibus verbis, quod Borbonias partes præclaro sane, & firmo exercitu juverit. Philippi aspectu fit maxima inter milites gratulatio, omniumque animi ad lætitiā, ardoremque pugnandi excitantur. Spes augetur victoriæ. Itaque concilium statim advocatur. Quo in concilio quum deliberaretur, Alexandriam oppugnari placeret, an Dertonam, res in controversiam deducitur.

Gagius oppugnandam Alexandriam censebat, neque tantum in Dertona capta præsidii, quantum in Alexandria expugnata & præsidii, & opportunitatis esse existimabat. Dertona capta, quæ devia quodammodo sit, nihil fere profici: non loco hostem moveri, non denique prohiberi, quin, ut sæpe jam fec-

ce-

cerit, libere, atque audacter in Genuensem usque provinciam prædabundus excurrat, com meatusque intercipiat, qui ex ea ad nos provincia abunde supportantur: exercitum vero nostrum aut distrahi magna submissa manu, quæ com meatus expediat, vel com meatibus impeditis rerum inopia necessariarum premi. At vero in Alexandria firmissimum nostris ad omnem belli fortunam præsidium constitui; ejusque arce expugnata, & com meatus explicari, & Genuenses defendi, & hostem non modo cohiberi, sed eo etiam compelli, ut salutem suam aut ancipiti prælio committat, aut fuga petat longissima: non Casale, Hastamque Pompejam, Forumve Fulvii tanti esse, ut, amissa Alexandria, fugientibus tutæ, victoribus difficiles possint videri: Dertonam ipsam Alexandrinæ arcis casum facile consequuturam: neque quicquam interesse ipsosne Austriacos, Regemve Sardinia profligent, sine quo Rege vigere Austriaci in Italia nequeant. Quod si necessitate, ac desperatione compulsus prælio velit decertare, tum vero intellecturum Sardinia Regem, quid cum Austriacis, Subalpinisque suis collati invicti Galli, atque Hispani exercitissimi in armis, quidque Italica virtutis vindices Neapolitani, & Genuenses valeant; qui, ut cæteris rebus inferiores sint; multitudine certe obruere hostem possunt. Tametsi non tam hostem verendum, qui multis jam rebus, sui timoris signa miserit, quam anni tempus: adesse enim jam, atque appropinquare Autumnum; quo



tempore quum maximi accidunt imbres, viæque omnes in Cisalpina præsertim Gallia deterrimæ fiant, quis fatigatum pluvia militem continenti insuper labore conficiat? Quis in tanta proluvie aggerem extruere, tormenta promovere, arcem denique tentare audeat opere, & præsidio munitissimam; quæ Tanaro præterea non mediocri certe alluitur amne, in eaque regione sita est, ubi suffosso solo iii. in altitudinem pedum, aqua abundat statim, atque effluit? Proinde, dum tranquillitas esset, dum vires integræ militum, oppugnandam esse Alexandriam, cujus tanta est opportunitas, dici ut possit, ea in potestatem redacta, bellum esse prope confectum. Malibojus contra, eo se minus dubitare dicebat, quin Alexandrinæ arcis oppugnatio seponenda modo esset, quod eas res, quas Hispanorum imperator commemorasset, ipse quoque perspiceret; intelligeretque non minori, quam lx. dierum spatio validissimam expugnari arcem posse, præsertim quam succinctam esse Regis Sardiniae, atque Austriacorum exercitibus videat: sibi etiam persuaderi, non multum inde ad reliquas administrandas res superfuturum temporis; sed ea ipsa re admoneri, quo diligentius multo prospiciat, ne diutinæ oppugnationis mora implicati, cæteris nostri rebus excludantur, neve interea hostes, opportunitate aliqua data, confirmentur. Quid vero, inquit, proficimus, si in difficillima statim oppugnatione offendimus, infectaque tandem recedere cogimur? An non plerumque acci-

dit

dit in bello, ut parvulis ex causis magna repente existant incommoda? Et, incommodo accepto, si belli initium ducatur a clade, atque ignominia, quo tandem milites ardore deinceps animorum, qua fiducia vincendi futuros putatis? Quod fore omen reliquorum, si male priora processerint? ac jam, ut omnia cedant secunda, nihil hominum, nihil fortunæ vitio peccetur, nullosne crebris hostium eruptionibus, ignibusque milites absumi? nullos tædio laborum, periculorumque dilabi existimatis. Quo vero tunc mancum jam, & debilem, hyeme adventante maxima, adducemus exercitum? Num Alexandria capta, reliqui præterea est nihil, quod agendum sit? Non Dertona ipsa recipienda? Non pacandi Insubres? Non Mediolani arx? Non Forum expugnandum Jutuntorum? Ideone alpes superavimus, ideo maximos comparavimus exercitus, eosque tanto comœatu, & molimento contraximus, ut Philippo Gallorum Regis Genero, cui Cisalpina omnis late Gallia non sufficit, unum tot rebus quæratur oppidum, eoque oppido imperii ejus amplitudo circumscribatur? Quare, ne tantus ad maxima, superbissimo delectu, collectus exercitus circa unius arcis mœnia consenescat, omittamus Alexandriam, quæ difficilem habet, & longinquam oppugnationem; ac Dertonam potius oppugnemus, quæ neque militum nostrorum vires difficultate oppugnationis atteret, neque diuturnitate morabitur. Quod vero ad comœatus explicandos, & Genuenses tutandos atti-

L 4

net,

net, non est, cur simus de com meatibus nimium solliciti, quum tantum equitatu valeamus? neque video, quare ab iis hostibus tantopere Genuenses timeant, quos adventu nostro timere vehementer, & latitare vident. His in utramque partem disputatis, quum a Gagio nihilominus, atque ab Hispanis, & Genuensibus, qui concilio intererant, acriter resisteretur: oppugnate, inquit, Alexandriam, si ita vultis, Malibojus, & id commotiore vultu, ut excandescere videretur: mihi quidem certum est, inquit, tota hac ab oppugnatione tamdiu abesse cum meis, Rex dum rescribat. Daturum enim se ad Regem literas, quodque ille in hanc rem imperavisset, id se facturum pronunciaverat. Quæ oratio quum instituta esse videretur extrahendi temporis causa, commodius multo Gagus duxit dare manus, quam altercando, expectandoque diem ex die ducere, & bello opportunissimum terere tempus. Itaque superavit sententia Maliboi, etiam quod ei Philippus accesserat, qui Regis Philippi patris instituto, ingenioque suo Gallicis studebat rebus, quodque ad Gallos redire summa rerum, & consiliorum videbatur. Namque Hispanis ab Philippo Rege datum erat in mandatis diligenter, a Gallorum sententia ne recederent, quorum opibus, atque auxiliis ad Italicum bellum uti se posse arbitrabatur. At Galli, qui Hispanorum conjunctione satis habebant distrahere in Italiam Austriacorum vires, ne tantum in Germania valerent, non tam enixe favebant, & cupiebant Hispanis, quam

quam videri volebant; vel invidia, communi humanæ gentis vitio, quod suæ detractum potentia crederent quidquid accessisset alienæ, vel timore quodam permoti, ne potentiores Hispani facti consilium sibi caperent separatim, neu pacis bellicque conditiones ab se latas contumacius abnuerent, quam pati homines possent, qui omnia ad arbitrium, atque utilitatem referrent suam.

Concilio dimisso, Philippus ab Serfello, Gagius a Bosco profecti, diverso uterque ab Alexandria itinere, quo primum contendisse videbantur; Philippus non longe a Bosco ad Frigariolum, Gagius ad Julianum pagum, eumque locum, qui Garofolorum turris appellatur, qui locus abest a Dertona circiter millia passuum iii., castra ponunt. Mittitur Marchio Castellarensis, Philippi legatus, qui ab Novis, Gavioque oppidis tormenta, reliquasque res, ad oppugnationem quæ pertinent, iisque in oppidis Genua opportune submissæ asservabantur, ad exercitum confestim deducendas curret. Evocatur Pincaronius Præfectus Fabrûm, qui ex nostris prope Mutinam castris, ut antea cognitum est, missus ab Gagio fuerat cum hominum millibus v. præsidio tormentis, impedimentisque illius exercitus. Atque iis Pincaronius in naves impositis, quæ Genuam mari deferrentur, ipse cum expedito agmine terrâ progressus, & impetrato ab Etruscis, qui seu vim veriti, seu nullis impliciti partibus quiescebant, transitu; & hostibus, qui ut ei Lunensem in agrum descenden-

ti

ti in itinere occurrerent, Vedio duce, properaverant, summa vitatis celeritate, Rapallum tandem pervenerat, oppidum Genuensium in litore positum ad orientem, atque ab Genua circiter millia passuum xx. Atque inde evocatur, qui Dertonæ ad oppugnationem tormentis, operibusque præsit. Castra Gaglii ad Garofolorum turrim, ut diximus, posita communiuntur. In ea suas transferre copias Philippus constituit. Perpetuæ fossæ, quibus omnia fere castra cingantur, perduntur, atque aqua ex flumine derivata complentur. Id hoc consilio, quoniam planissimo in loco explicata necessario, atque essent obversa ad hostem castra, ut si ea ille, Gaglianis in Dertonensi oppugnatione occupatis, tentare auderet, ejusmodi difficultatibus abstereretur: Philippi autem milites, equitesque, & propugnare facilius, & aquari commodius possent. His constitutis rebus, Dux Mutinensium, Gagliusque, & Malibojus cum peditatus & equitatus parte proficiscuntur ad castra hostium exploranda Tanarum, Padumque versus. Locum naturam, & situm percipiunt castrorum. Salæo in itinere pago expugnato, nonnullisque exceptis, & interfectis hostibus, in quos imprudentes, & dispersos offenderant, in sua sese castra recipiunt.

At Sardinia Rex Alexandria vehementer timebat, quod eo nos iter habere primis diebus cognoverat, valdeque perturbabatur, ne propugnaculo imperii sui firmissimo spoliaretur. Itaque cohortes aliquot subsidio in arcem

cem submittit. Præfectum per literas admonet, nihil reliqui ad defensionem faciat: docet in ea arce unum totius imperii sui ab ea parte auxilium positum esse: hortatur denique, ut fidem, & virtutem ad extremum usque spiritum retineat. Ipse tamen totis dimicare copiis non constituerat, ne, suorum robore amisso, sociis, hostibusque, victus, victorque opportunus ad injuriam foret, tamen educto identidem exercitu, instructisque ordinibus, sese ostentabat in armis; atque Alexandriam potissimum respiciebat, ut oppugnationis tempore, si accidat, & præsidariis cum spe imminentis subsidii studium propugnandi accederet, & nostris eadem de causa spes discederet arcis potiundæ.

Interim Genuenses fidei, & sociorum non oblit, Escerium castrorum Præfectum, qui rei militaris peritissimus habebatur, & bello Pannonico ordinem apud Germanos duxerat, cum ii. hominum millibus, qui x. millium ex fœdere numerum explerent, ad Gagium in castra contendere jubent. Gagus ab Juliano dextra progressus, flexuoso magis quam longo itinere Vighitiolum venit: qui locus est ultra Dertonam circiter millia passuum ii. Eodem, uti constitutum erat, tempore a Frigariolo profectus in iisdem ad Julianum castris, unde Gagus discesserat, Philippus consedit, equitesque, ne longius a castris progredierentur, plurimorum dierum pabulum habere convectorum iussit. Ita media erat inter duos exercitus Dertona: neque hi tam longe inter se distabant, ut

ut alter alteri auxilium ferre non posset. Officia Philippus, & Gagius partiuntur inter se. Gagius Dertonam oppugnet; Philippus contra hostes consistat, neque illorum possit irruptio oppugnationi moram, militibusve in opere occupatis inferre periculum.

Capta, ut diximus, Serravallis arce, eademque Genuensibus ex fœdere attributa, ad eum locum publice ex S. C. recipiendum Brignolius-Salius profectus erat. Caltronovo præterea, Iriaque, reliquisque omnibus circum Dertonam vicis, agrisque in potestatem redactis, & jam advectis a Castellarensi tormentis, quum nihil esset, objectis ab ea parte Philippi castris, a Rege Sardinæ, Sculemburgioque timendum, quum etiam confirmator esset, aucto nostrorum numero, & frequentior ad opera miles; propterea quod, paucis amissis, Sevius cum suis ab expugnata Serravalle Gaglii rediebat in castra; quum item recentia ab Genuensibus auxilia, & quæ cum Pincaronio iter per Etruriam fecerant, adventare prope diem copiarum dicerentur; opportunissimis rebus omnibus & Tribuno mil. militarique architecto de exercitu Hispano Jacobo Sicrio usus, homine ad usum ac disciplinam belli perito, Dertonam oppugnare Gagius instituit.

Ipsam erat oppidum in fatis edito collopositum antiquitus, eoque deducta fuisse dicitur colonia civium Romanorum, quæ Ligures, Insubresque coerceret. Eversum, deletumque multis sæculis post a Friderico Ahenobarbo ob egregiam erga Mediolanenses fidem;  
Me-

Mediolanenses æquam sequuti regionem ad infimum collem publice restituerunt, ut eadem urbs diruta, restitutaque socialis utrimque fidei documentum esset. Oppido nunc insidet arx in colle sita, ubi vetus fuisse oppidum dicitur; eaque duplici opere, & loci naturâ munita, difficilem habere videtur oppugnationem. Nam & novas quasdam munitiones ex stramentis, ac virgultis aggere constratis in circuitu adjecerat Sardinæ Rex, & ipsa habet arx adscensum undique, præterquam a collibus, arduum. Qua enim parte in orientem spectat, colles sunt pari fere altitudinis fastigio, qui ab Apennino initium ducunt, paulatimque ad planitiem redeunt, quæ est a septentrionibus propter viam Mediolanensem, in eaque planitie sub ipsis collium radicibus opera Borbonii sua instituerant; quæ quidem opera non longius aberant ab oppido, quam quo adiici jaculum posset. Tamen autem ex arce, atque ex propugnaculo portæ, quæ appellatur Iria, omni telorum, igniumque missilium genere nostri fatigarentur, opus perfecerant tamen; constitutisque tormentis vii., muri partem eam, quæ a porta Iria ad mœnium angulum inter septentriones, atque ortum solis pertingit, labefactare cœperant. Quo malo perterriti oppidani, quum sese in arcem præliarii omnes recepissent, celeriter mittunt, qui urbem Gaggio dedant, seseque imperata facturos ex auctoritate decurionum polliceantur.

Receptum oppidum, perductis statim operi-

ri-



ribus, Borbonii circumvallant, iisque colles etiam occupant, quos esse ad orientem diximus. Nostreis, qui in opere versabantur, magnus incesserat terror jaculorum, quæ sine ulla intermissione ex arcis muro a Subalpinis adigebantur. Ad hos repellendos magno usus fuerunt Corsi L. peritissima jaculandi gens de exercitu Genuensi, qui tam audacter, fortiterque succedebant, ut consistendi illis in muro potestas omnino non fieret. Itaque, perfectis operibus, collocatisque tormentis, ad xii. Kal. Sept. oppugnari undique arx cœpta est vehementissime; tantaque erat telorum vis, & iactarum copia ollarum, ut nullus in arce locus a strage, incendioque defenderetur. Non tamen deerat negotio Præfectus arcis. Quæ enim deesse ad munitionem videbantur, perfici statim, quæ convulsa, ac semiruta erant ex vi tormentorum, reconcinari imperabat. Excubias, ipse, ac vigilias adhortans, increpans circuibat. Eruptione, quum paratissimus esset a præliariis, eaque multum in disturbandis nostris operibus proficere posset, pugnare noluit, militibus suis vel parcens, vel diffidens. At Rex Sardinia inani simulatione sese ostentare videbatur, quasi laboranti subsidium arci laturus. Nam, quum partem copiarum suarum Tanarum transire, propiusque Dertonam accedere iussisset, repente, appropinquante primo Maliboii agmine, receptui cecinerat, suosque omnes citra Tanarum vitabundus eduxerat.

Erat gravior indies, atque asperior oppugnatio. Luculentam ex nostris plagam, dum murum

rum

rum subit incautius, Turrius acceperat Marchio Campofanctenlis, & Hispanorum legatus. Complures etiam illorum vulnerabantur, atque interficiebantur. Exteriores arcis munitiones, quas stramentis, virgultisque constratas demonstravimus, injectum, aut dilapsum forte ignem quum facile comprehendissent, omnes conflagraverant, ardebatque etiam ingens lignorum strues, quæ erat in arce ad obsidionis tempus reservata; neque interim tormenta cessabant, omniaque erant cædis, incendiorum, ruinarum plena, adeo ut obsequium desperatione exeuntes milites præsidarii, non modo acerbius ferrent reliquos labores, sed pene etiam seditione facta, de deditioe, ut tandem ageretur, flagitarent. Quos Præfectus blando sermone appellans, non posse edocet sine maximo rei militaris flagitio tam paucis diebus, firmissimæ arcis fieri deditioem: hujus rei totius rationem atque exitum uni sibi esse curæ debere, cujus hæc omnia fidei commissa sint: bonum ipsi animum haberent, atque, ut fortes milites decet, unam respicerent dignitatem, cætera ducibus, & fortunæ permitterent. Confirmatis militibus, & restinctis incendiis, præsentis deditioe spes sublata esse videbatur. Sed quum reliquis deinceps diebus acti essent a nostris cuniculi ad arcem duo, opusque in occulto perfectum, quo ad primas jam accedere munitiones, ipsamque fossam sine periculo licebat, omniaque ad superandum vallum, murumque instruerentur, eique negotio qui pri-

ma

ma vigilia præsent Comēs Ceciliensis Genuensium copiarum legatus, alique duces, & Felix imprimis Balbus Protrib. mil. e legione Ligustica, præstans animo, & nobilitate adolescens, nominatim essent delecti: subito iii. Non. Sept. Præfectus arcis, signo dato, colloquium petit. Colloquendi facta potestate, Trib. mil. de exercitu Subalpinorum Ferrerius Marchionis Ormænsis F. ejus, qui apud Regem Sardiniae gratia, atque auctoritate valuit plurimum, ex arce mittitur. Cœnobium erat sodalium Capuccinorum non longe ab arce intra oppidi mœnia. Is locus ad colloquium deligitur. Quo quum ventum esset ab utraque parte, ipseque quum adesset Gagus, qui ex suis ad Vighitiolum castris hac de re certior factus eodem venerat, loquitur Ferrerius: Non esse quidem aut arcem adeo subrutam, aut animos ita perculos præsidiariorum, ut plures adhuc dies tolerari nequeat oppugnatio: sed Præfectum commotum maxime misericordia militum suorum, quos interficiendos videat, si nimium pertinaciter in defensione perseveret, a deditioe non abhorre: id autem postulare, ut mittere ad Regem Sardiniae sibi liceat, utque interea sint induciæ, dum ab illo rediri possit: non posse, ni id sit factum, fieri deditioem; propterea quod Præfecto mandatum sit a Rege severius, ad extrema ut prius descendat, quam arcem dedat. Ubi id a Gagio negatum, & statim, si vellent, de conditionibus agere deditiois concessum est; quod omnis erat odiosa procrastinatio, ut inimica

mica victoriæ, ac tempori rerum gerendarum; internunciis ultro citroque missis, & paucis quum esset in utramque partem verbis disputatum, res huc sub noctem deducta tandem est, ut Gagio arx extemplo traderetur, perfugæ redderentur; ut tympana, ut signa, & sarcinarum partem efferendi ex arce præsidariis potestas esset: præsidarii arma omnes in ipso egressu ad vallum ponerent: signifer, centurio, trib. mil., reliquique duces ne ponerent, cautum est: præsidarii milites, ducesve eorum Iriam statim deducerentur, ibique dimissi, Augustam Taurinorum recta contenderent; neve eorum cuique militi, ducive in exercitu, aut in præsidiis esse liceret, quo in exercitu, quibusve in præsidiis adversus Borbonios, eorumve socios bellum gereretur, fraudique iisdem esset, si fuissent. His conditionibus tradita Hispanis est arx Dertonensis, quæ neque oppugnari vehementius, neque diligentius defendi potuit; nemoque erit, opinor, rei militaris peritus, qui citius, quam oportuerit, factam esse deductionem dicat, quum sciat, tantam fuisse hujusce oppugnationis vim, ut diebus minus xiv., a qua die oppugnari cœpta est, ollarum millia incendiariarum xi. in arcem conjecta fuerint, telorumque adacta millia circiter lxx.

Interea dum oppugnabatur Dertona, Philippus, ducesque Borboniorum primi de reliquis rebus consultabant. Namque hostes tanto etiam sub oculis accepto detrimento, suis se tamen castris tenere adhuc velle, & longius illinc discedere vehementius etiam vere-

*Castr. Bon. P. I.*

M

ri

ri videbantur, quam ipsius Dertonæ jacturam. Quod fore prævidebat Gagius, idque ipsum consilia nostra tardabat; implicatque hæere videbamur, quo nos tandem, expugnata Dertona, verteremus. Nam & Alexandriam oppugnare iisdem de causis, quæ supra sunt demonstratæ, longum atque impeditum videbatur; & ad hostem proficisci duobus subnixum exercitibus, quique loco tam munito atque opportuno castra haberet, temerarium, & periculosum erat. Itaque ejus imprimis rationem habentiam esse Gagius censebat, ut hostium copiarum aut e suis latibulis elicerentur, aut distraherentur. Atque id, inquit, difficile non videtur, quum numero superiores tantum simus, ut pluribus locis, rebusque pares esse queamus. Plura igitur adire loca, eorumque alias tentare provincias oportet. Tantum enim imperii, atque exterminationis suæ discrimen aut hostes eliciet ad pugnam, in qua abducti illi a munitionibus, ripisque fluminum impari nobiscum conditione decertabunt; aut ad suis ferendum auxilium distrahet, & distractos, paucosque adversus plures, & præstantiores nullum certe flumen, nulla munitio defendet. Hoc probato consilio, &, ne efferretur, cum perpauca communicato, Vievillæum legatum mitti placuit, qui cum viii. hominum milibus, tormentisque aliquot castrensibus Placentiam, Parmam, Bobiumque versus statim proficisceretur, in eaque invaderet loca. Sed Philippus, expugnata, ut diximus, Dertona, equo inVectus in oppidum ex passim disjectis, deu-

deustisque munitionibus quanta vi res essent administratæ, quum judicasset, Gagium pro ejus merito, ejusque milites collaudavit: ipsum, qui Regis Sardiniae jussu arcem defenderat, Theodorum Phalettum Equitem verbis est prosequutus honorificentissimis, cui non animum in acerrima oppugnatione, non fidem erga Regem suum defuisse dixit: Dertonenses autem bono esse animo jussit, eosque mitissime appellavit, quo minore essent timore. Illi obviam ei gratulantes exierant universi, & perspecta hominis indulgentia in victos, imperii commutationem adeo non querebantur, ut Philippo viso, obliti malorum viderentur, quæ plerumque sequi oppugnationes consueverunt. Ipse cohortibus Hispanis iv., unaque Gallica cum Leertio Mierio, qui præflect, prælidio Dertonæ relictis, in sua se castra eodem die recepit.

Gagius ab Rege Hispaniæ aureo nuper vellere donatus, quod inigne est summi apud Hispanos honoris, ad Castrum cum exercitu novum progreditur, cujus castelli mœnia amnis Iria præterlabitur, castraque metatus, xv. ibi ipsos moratur dies. Id quod haud scio, an recte factum fuerit, cum, præcipitante belli tempore, celeritate maxime opus erat. Sed iisdem diebus Sanctacrucium Morillii Comitem, & Tarraconensis alæ Præfectum, qua in ala Comes Castruccijs Bonamicus, harum Scriptor rerum, equo merere cœpit, cum delecta manu, quæ appellabatur Castulonensis, turmisque aliquot equitum, & tormentis castrensi-

bus iv. proficisci, eundemque, quum ad Strateiliam pervenerit, subsistere, & non longe ab eo loco in Pado pontem efficere jubet. Pontes item alii aliis in locis institui dicuntur. Exciduntur ea de causa longe lateque arbores, & convehuntur: conquiruntur undique naves. Increscit quotidie rumor, meditari Gagium transducere Padum exercitum, locaque trans flumen, & præsidia hostium adoriri. Expugnatur ab nostris Pluviera, quem illi locum cis Tanarum munierant, firmoque præsidio tenebant. Quibus rebus hostes perterriti, quum una ex parte ad occupandam Placentiam, Parmamque profectum Vievillæum legatum, altera pontes in Pado fieri audirent, quum transpadanæ regioni timerent; nostros autem, expugnata Pluviera, propius accedere perspicerent, magnopere perturbabantur, neque satis certum habebant, cui potissimum rei occurrerent. Itaque suis se castris fiducia loci continebant, &, quo tutiores essent, unum in Pado pontem, unum item in Tanaro reliquerant, reliquos interruperant; & nihilo tamen secius per eos dies Mantuæ subsidio, eique circum regioni cohortes vi. emisserant, expectabantque ancipiti cura distracti, dum aliquid nostri certius conarentur.

Interim Vievillæus legatus Placentiæ appropinquabat, quæ dc. non longe a Pado passus in campis posita æquissimis arcem habet non admodum probe munitam. Hujus urbis, itemque Parmæ imperium, atque hæreditas, agnationis lege, venire dicebatur ad Elysam

Far-

Farnesiam Hispaniæ Reginam, quæ reliqua erat una ex ea familia, quæ iis in civitatibus regnum inultos annos obtinuerat. Tunc ex Vormaciensi, ut diximus, fœdere ab Rege Sardinia possidebatur. Nihilominus Placentini siue desiderio veteris dominationis, siue odio præsentis, Borboniis partibus studebant. Ii, qui in primo Vievillæ agmine ibant, Placentiam, eamque ad partem improvise accedunt, qua vergit urbs ad septentriones, & fons est Augusti vetustissimus, qui magna aquæ vi in Padum illabens portum efficit opportunum. Scalas admotis, muros transcendunt, effractaque porta, primo urbem impetu invadunt; neque quidquam propius est factum, quam ut prædæ studio a Borboniis militibus amicissimorum hominum oppidum e vestigio diriperetur: nihil adeo milites inania juvant partium studia. Sed legatus in tempore adveniens militum licentiam auctoritate, minisque compressit. At Subalpini, quos numero ad dcc. præsidii causa eo miserat Sardinia Rex, quum nonnulli in ipso tumultu excepti ab nostris essent, reliqui fere omnes in arcem confugiunt. Primo confirmant se, & colligunt, tormentisque prolatis, conantur arcem defendere: postea vero ubi potissimum ab ea parte, quæ ipse stat in meridiem, juxtaque portam, quæ a Raymundi Fano appellatur, extrui aggerem, tela, ignesque accidere creberrimos, murumque arcis labefactari, & nostros ad vallum usque sibi aditum operibus patefecisse vident, fractis jam animis, & desperatis omnibus au-



xiliis, colloquium petunt, & se, atque arcem Vievillæo dedere coguntur. Quo facto Subalpini milites præfidiarii ferme omnes sacramentum apud Hispanos, & Neapolitanos dicunt.

Recepta Vievillæus Placentia, nihil moratus Parmam contendit; eoque item oppido, secunda oppidanorum voluntate, sine ulla contentione potitur, propterea quod Austriaci milites, dccc., qui ibi erant præsidio, Placentinæ arcis casu cognito, sub adventum nostrorum oppido excesserant, statimque Mirandulam profugerant. Quibus rebus gestis, & Bobienli item agro pacato, redit in castra Vievillæus magna felicitatis opinione, fitque ingens inter milites, vulgoque tota Italia inter eos gratulatio, qui, nulla quasi a Borboniis servitus impenderet, liberam, ejectis Austriacis, & florentem Italiam fore didicabant, & victores venire Borbonios lætabantur. Qua in lætitia unus incerebat Gagius, propterea quod secundis tot rebus nondum consequi poterat, quod sibi erat propositum maxime, ut ad suarum rerum periculum hostes aut abstraheret, aut diduceret. Nam tametsi Sculemburgius, cognitis iis rebus, quæ erant Placentiæ, Parmæ, ac Bobienli in agro gestæ, Pertusatum miserat, qui cum cohortibus, turmisque aliquot equitum dexteram Padi ripam asservaret, necubi effecto ponte, nostri copias transducerent; non tamen ipse ab Augusta Batienorum, Regeque Sardinia discesserat. Et nihilominus non desperans Gagius, huc aliquando descensurum Sculemburgium, ipse, quum se  
ad

ad Castrum Philippus novum contulisset, omnem ferme exercitum suum Iriam ducit, quæ est cis Padum, non vici instar, sed urbis, atque abest a Castronovo circiter millia passuum<sup>ii</sup>. Ibo quum venisset, eadem usus simulatione itineris pontem, quem non longe a Stratellia fieri imperaverat, ut antea dictum est, properari, & perfici jubet. Perfectum munitionibus maximis, adductisque tormentis communit, firmumque collocat eam ad partem pontis, quæ conversa erat ad hostem, præsidium Hispanorum Pyrochitrophorum, & Genuensium militum, quibus Protrib. mil. Joannes Carolus Pallavicinus præerat; eodemque tempore, quo Philippus Marchionem Castellatensem cum legionibus Parmensi, & ea, quæ Flandria appellatur, Parmam, Placentiamque cum imperio miserat, qui earum civitatum præsidia tueretur; quibus ex præsidiis, quos ibi Vievillæus reliquerat, milites deducebantur, & cum iis copiis ab ea, quantum posset, parte contra hostem progredieretur; ipse Vievillæum cum aliquot hominum milibus ire Ticinum jubet.

Ticini erant præsidii causa de. ex Croatia velites. Præterea exploratores renunciaverant, nullòs fere esse portis custodes, nullas agi noctu vigilias, languidos interdium, & infrequentes versari velites in muro, ipsum oppidi murum locis nonnullis vitium fecisse. Quibus rebus cognitis, Vievillæus Æmiliam ingressus viam, deque ea declinans ad sinistram, effecto, ut diximus, non longe a Stra-

tellia ponte,transducit exercitum, quum transire illum Austriaci magis ægre ferrent, quam obsistere auderent; & vitato Padi, & Ticini confluente, multo commodiore, atque occultiore itinere progressus, præmissio cum levis armaturæ peditibus cc. Flobertio militari architecto de exercitu Hispano, qui aditum ad urbem tentaret, siqua, hostibus inopinantibus, posset irrumpi, ipse cum reliquis copiis subsequitur, in noctemque coniectus, quum non longe abesset ab oppido, idoneum nactus locum, ibi confedit, ignesque fieri prohibuit, nequa sui adventus procul significatio fieret. Flobertius nocte intempesta silentio accesserat ad portam, quæ occurrit Cremona venientibus, eamque contra atque exploratores ad legatum detulerant, custoditam offendit. Nam, quod erat nostris incognitum, mille & quingenti Austriaci milites legionarii ab Sculemburgio submissi ea nocte in urbem intraverant, erantque propter hostium propinquitatem, & suorum auctum numerum in custodienda urbe paulo attentiores. Itaque vigiles, portæque custodes mature sentiunt, & clamore sublato, jacula coniiciunt; neque tamen, quid rei sit, explorant, aut cavent incredibili socordia. At Hispani pedites, ubi præter opinionem, quos arctissimo somno oppressos languere crediderant, vigilare, & propugnare vident (ut improvili homines rebus facile exterrentur) primo vehementer perturbantur, deinde terga subito vertunt, & fugere contendunt. Fugientes increpat Flobertius, quidnam

nam vererentur? paucos esse intus velites; non, quamvis senerint, ausuros prorumpere: simul ducentos a porta passus subistere in ipsa via jubet, dum paululum digressus ad mœnia accedit ipse speculandi causa. Ille omnia circumspiciens animadvertit, muri partem quamdam exesa vetustate corruere, eminentibusque ex ruina saxis non difficilem dare ingredientibus adscensum. Hac explorata re, accurrit ad suos; quid viderit, & quid fieri velit, ostendit; dubitantes confirmat, prædam ostentat. Quibus rebus invitati pedites eundem regressi sequuntur ducem itineris, qui erat agminis, occultatque fossa, & subnubila nocte ad locum pergunt. Ibi Flobertius ipse, cæteris audaciam ut adderet, saxis nixus eminentibus, primus murum ascendit; inde, traditis per manus armis, alii alios exceptantes, ascendunt omnes, perque aggerem progressi munitionis, orbe facto, in stationem irrumpunt, quæ erat ad portam collocata, ipsamque, custodibus obruncatis, portam refringunt. Mittit confestim Flobertius, qui rem gestam Vieville nunciet. Vieville, qui longiore mora distentus, spe metuque æstuabat, statim cum nuntio proficiscitur. Interea ex clamore, fremituque concursantium tota urbe rumor percrebuit, expugnari oppidum, venisse hostes. Quo in tumultu dum oppidani semisomnes stupent, Austriaci milites, arreptis armis, procedunt in medium, & viis atque angiportis occupatis, Flobertianos repellere conantur. Committitur prælium, longiusque con-

sulto a Flobertio cedendo, resistendoque produ-  
citur. Ecce autem, pugnantibus utriusque  
acriter, atque albente jam cælo, Vievillæus  
legatus omnibus copiis urbem ingreditur. Tum  
vero Austriaci novitate rei, & multitudine  
nostrorum commoti, perterritique repugnare  
diutius non potuerunt, atque in fugam con-  
jecti, nonnullis amissis, in arcem dcccc. con-  
fugiunt. Reliqui sese oppido foras Alexandri-  
na porta proripiunt, Ticinumque amnem la-  
pideo ponte transgressi, qui pons oppidum  
contingit, ad suos sese incolumes recipiunt.  
Postridie, qui in arcem confugerant, se, sua-  
que omnia sine mora Vievillæo dediderunt.

Gagius semper, ut videbatur, spectans,  
si tot diversis itineribus hostium copias didu-  
cere posset, per causam submitendi Vievil-  
læo auxilii Silvam castrorum Præfectum cum  
cohortibus vii. & duabus equitum, totidem-  
que Draconum alis Ticinum statim contendere  
jubet. Eo etiam confluunt deducti Parmâ  
Placentiæque milites, quorum in locum mis-  
sas cum Castellarensi legiones duas demon-  
stravimus. Eodem ipse cum universo exercitu  
Gagius imminere, & cogitare dicitur. Dies  
palam dicitur, qua die castra moveantur. Vie-  
villæus, capto Ticino, latius cum equitatu  
vagatur, maximumque totî provinciæ terro-  
rem infert. Trepidatur Mediolani, sic ut civi-  
tas ipsa, missis ad Vievillæum legatis, de de-  
ditione agat. Hoc statim per exploratores de-  
fertur ad hostem. Sculemburgius his omnibus  
rebus invitatus, quum neque tantum sine gra-

vi causa convenire Ticinum copiarum, neque iter tam longe avertisse ab hoste Gagium arbitraretur, Mediolano timens ab Rege Sardiniae discedendum sibi esse statuit, retinenteque Rege, negat enimvero ferendum esse, ut, sedente se, omni Regina Ungariae in Italia imperio deliciatur: Mediolanum hostes non obscure petere: arcem illam neque satis munitam esse, neque paratam ab defensoribus. Itaque vel ad speciem exercitus, vel ponti, locoque praesidio cohortibus ad Augustam Batiendorum relictis ii., ipse cum reliquis copiis Padum transgressus per Laumellinum agrum omni incitatus studio Mediolanum ferebatur, ut arcem, & transpadanam illam omnem regionem tueretur, & si deprehenso in itinere Borbonios opprimendi daretur occasio, facultatem ne praetermitteret.

Gagius latanti jam animo, & spe optima confirmatus, quod perinde, ut in concilio pronunciaverat, tandem erant hostes diducti, qua die profectum Sculemburgium cognovit, ea die castra movet; is dies erat ad V. Kal. Octob. & non Ticinum, Mediolanumque versus, uti omnium erat sermo, proficiscitur, sed repente quasi commutato consilio, revocatis etiam, quas Ticinum submiserat, cohortibus, equitumque alis, & praesidio ponti, quem in Pado fecerat, Ticinoque, Iriaeque oppidis, quantum satis esse visum est, relicto, ipse, copiis reliquis omnibus contractis, quum advesperasceret, regredi Dertonam versus coepit, Iriamque amnem, ponte minus v. horis facto,

cto, transgressus, ea celeritate xv. circiter milium noctuabundus viam processit, ut quum lucesceret, ad Tanarum e regione Augustæ Batienorum perveniret. Eo etiam transgressi flumen e regione Rivaronis, ac Montis castelli, sicuti inter eos pridie convenerat, diverso sub lucem item confecto itinere, Philippus, & Malibojus, dato signo, concurrunt.

Oritur Tanarus ex Apennino, qua proxime pertinet ad Alpes maritimas, torrentibusque auctus xii. tamen neque ea est altitudine, neque rapiditate aquæ, quin pluribus locis vado transiri queat; præsertim fudum si diutius fuerit, ut tum accidit: atque ubi Pado appropinquat, in quem influit, Alexandriam alluit, & non longe a Monte castello, atque Augusta Batienorum labitur, quæ inter loca, Subalpini atque Austriaci castra fecerant. Castra erant, ut demonstratum sæpe est, natura, atque opere munitissima. Alexandria, Forumque Fulvii erant oppida a tergo utroque in latere. Sinistrâ erat Padus, dextrâ Tanarus, atque ubi se amnis ipse Tanarus ad angulum inflexerat, ante frontem castrorum fluebat, in eoque amne pons, atque ad capita pontis, & secundum fluminis ripas perpetuæ fere stationes, & munitiones erant. Præterea rubis, sentibusque interjectis viæ impeditæ, congestisque saxis, & crebris arboribus succis, atque inflexis aditus præclusi omnes, ut eo penetrari singulari etiam homini difficillimum videretur posse, idque ita recte videbatur, ut, quum adventus Borboniorum

rum Regi Sardiniae nunciaretur, aliquandiu fides fieri non posset: tantam habebat loci fiduciam, sperabatque, si tam arduum Borbonii facinus auderent, aut tandiu repugnare facile posse, dum, cognito hostium adventu, Sculemburgius regrederetur, aut temeritatis ipsos praesentem daturos poenam, quum loco iniquo, atque in ipso flumine dimicare cogerentur. Quibus difficultatibus non frangebantur animi Borboniorum, sed incitabantur, quo celerius, vadis repertis, flumen transirent, opprimerentque Subalpinos discessu Austriacorum relictos a firmissimo robore veteranorum militum. Itaque, triplici instructa acie, hostibus, Tanaroque appropinquabant. Nocturnum erat iter, multisque anfractibus devium. Consilium imperatorum ne eliceretur, perpauca tenebant legati. Perpauci item erant itineris duces, hique ipsi eadem consilii ignorance non omnino locum noverant, quem peterent. Ignari autem milites, quo ducerentur, partim properabant, partim morabantur, & tormenta ad praelium necessaria ab iis tardius administrabantur, qui ei negotio praerant, & quae tormentis praesidio erant, Belgarum Praetorianorum cohortes duae lentius subsequerentur. At Gagius, qui dextro cornu cum Mutinensium una Duce praerat, jam quum orta luce ad Tanarum, ut diximus, pervenisset, neque dum ob difficultates, quae supra sunt demonstratae, reliquae essent copiae consequutae, eas, quod res in celeritate posita esse videbatur, non putavit expectandas;

at-



atque ad Subalpinos, qui adversam confertissimo equitatu ripam obtinebant, dextram intendens, simul proximos respiciens equites regiones: Habetis, inquit, Equites, eundem in conspectu hostem, quem Camposanctensi praelio fudistis: eandem vos ad Tanarum præstare virtutem, quam, ipso me duce, ad Scultennam præstitistis: jam fugam ille circumspiciens, impetum certe vestrum non feret. Hæc quam brevissime potuit eloquutus, equo admissio, in medium irruit flumen. Illum primo equites regii statim sequuntur, equitatus nostri pars ferocissima, atque hos pedites circiter mille: aliæ post aliquanto cohortes, equitumque turmæ conveniunt: postremo dextera omnis pars reliqua, quæ ignorantia loci deeraverat, a Silva caltrorum Præfecto, qui partem itineris noverat, revocata, hunc enim jam ingrediebatur; & non longo a ea intervallo paulo supra, quam Tanarus, & Padus confluant, Escerius cum ii. millibus partim Neapolitanorum, partim Genuensium, quorum Genuensium in eo praelio virtus ipsis admirationi fuit veteranis, Tanarum se transjecerat eo consilio, ut Austriacorum in Pado pontem occuparet, eosque transitu prohiberet.

Jam Gagius apprehenderat ripas, hostibusque submotis, magnam ubique cladem, majoremque multo terrorem intulerat, eodemque tempore ab sinistro cornu in dextram hostium partem Philippus, & Malibojus, &, qui mediam aciem ducebat, Aramburus legatus in mediam item illorum aciem, flumen

men transgressi, impetum facere cœperunt. Qua in re admodum fuit Borboniorum virtus laudanda. Nam, quum solo ex aqua capite extarent, ea celeritate, audaciaque ierunt, ut plerique ex hostibus aut subito, uti noctu conquieverant, opprimerentur in tabernaculis, aut impedimentis sarcinisque relictis, turpiter profugerent; iique ipsi, quibus animus fuisset ad resistendum, vitamque, quoquo modo se res haberet, ferro reddendam, tamen reliquorum fugâ abrepti pellerentur, ripas munitionesque dimitterent, inque locis consistere superioribus non auderent. Quod vero plus erant spatii in latitudinem complexi castris, quam quantum copiis explere suis possent, quodque pluribus nostri locis irrumpebant, idcirco ipsi necessario diducebantur, ac laxabantur; & diductis cohortibus, laxatisque manipulis, neque erant, si repugnarent, ad excipiendum impetum nostrorum idonei, neque, si se reciperent, unum habebant omnes receptum, quum diversi fugerent, & pars Alexandriam, Forum pars Fulvii peteret. Ipsorum autem equitatus, ut peditum suorum receptui, si posset, consuleret, non longe ab Augusta Batienorum leniter acclivi loco, confertisque turmis consliterat, & primo emissis jaculis, deinde, gladiis districtis, nostros, qui ab dextero cornu succedebant, distinare conabantur. At equites regii, quos flumen transisse primos dixeramus, indignantes, quod conspectum suum subalpini equites ferre possent, emissis & ipsi jaculis ad gladios redierant,

rant, tantaque vi procurrerant, ut eorum nemo confisteret, universique terga verterent, atque angusto per colles, saltusque itinere, incitatis equis, fugere perseverarent. Tum vero, pulso equitatu, omnis Sardiniae Regis exercitus, qui jam inclinaverat, tumultuosius agi, dissiparique cœpit. Dissipatos, fugientesque Alexandria, Forique Fulvii arces vix tandem protegunt. Augustam Batienorum, quam propter loci opportunitatem tueri paulisper poterant, tantum ut receptum adjuvarent suorum, indefensam relinquunt. Nonnullæ cohortes integræ, ne tentata quidem defensionis spe, abjectis armis, dediderunt sese; adeoque erant omnium fracti animi, atque perculsi, ut nemo esset tam fortis, qui de resistendo cogitaret. Compluribus suffossis, & captis equis, illatisque vulneribus, equites, peditesque illorum aut cursu exanimati prosternebantur in via, aut fugientes obterebantur a suis, concidebantur a nostris; coacervatisque hominibus, & jumentis, omnia longe lateque tumultus obtinebat, pavor, cædes. Ipse in fuga postremus, atque in periculo princeps, Sardiniae Rex, ubi (quod in periculo summo obsequium non recipit timor) cohortationes, atque imperia negligi sua videt, paucis equitibus, Filioque comitatus magni animi, ingenique Adolescente, ad Forum Fulvii protinus, equo citato, contendit: atque ibi paulisper commoratus, dum collectum ex fuga peditatum sub ipsis oppidi mœnibus consistere, & celeritatem cohibere insequentium

ju-

jubet, nocturno ipse itinere non intermisso, Casale venit, eoque dissipatas convenire copias, castraque ad oppidum transferri imperavit.

At Sculemburgium properantem Mediolano ferre subsidium, quum jam aliquot in eam arcem cohortes submilisset, crebri sunt ab Rege Sardiniae in itinere nuncii consequuti, adesse omnibus copiis Borbonios, Tanarumque transire. Quibus ille nunciis incitatus, regredi festinavit, neque tamen satis mature advenit; propterea quod, fugatis ii. suis ad Augustam Batienorum cohortibus, de quibus supra dictum est, pontem, quem ipse in Pado fecerat, munitionemque Elcerius praecipuaverat, Austriacosque & eos, qui per pontem sese raptim recipiebant, & eos, qui cum Sculemburgio ad fluminis ripam adversam sero pervenerant, allatis tormentis duobus, telis jaculisque insectabatur; & deterruerat etiam, quominus lintres, quibus efficiebatur pons, recuperarent illi, aut id, quod facere jam coeperant, incendio corrumperent. Desperato Sculemburgius transitu, incendioque navium, &, quum respexisset, conspicatus in altera Padi parte effuse fugere Subalpinos, eorum accusans ignaviam, quod ne primum quidem nostrorum impetum ex loco superiore tulissent, & se a Gagio delusum fremens, secundum ire flumen perrexerit, atque opportuno loco e regione Casalensis oppidi castra fecit, sic ut suae cum exercitu Regis Sardiniae copiae, facto ponte, conjungerentur.

*Castr. Bon. P. I.*

N

Fu-

Fufis, fugatifque hoftibus, Philippus, eorumque castris, atque impedimentis ferme omnibus potitus; in iisdem ipsis castris concilium statim advocat: & Gagius quidem utendum fortunæ beneficio, nullum victis spatium dandum censebat. Agitare fugam milites eorum, deditionem populares: omnia repentino terrore prostrata jacere. Quocirca instandum perterritis, inermibus, fugientibus: neque arduum quicquam existimandum victoribus, iisque militibus, quos nulla flumina, nullæ unquam munitiones, aut difficultates tardaverint, nunquam, infecta re, arma posuerint. Contra ea Malibojus, & satis ad gloriam, atque ad utilitatem profectum eo prælio, neque ultra, quam satis esset, temere audendum dicebat: multorum millium iter noctu confectum; trajectum Tanarum, propulso hos, castra occupata, atque horis hæc acta omnia minus duodecim: quare tam defatigatis militibus parcendum esse, ne, consumptis viribus, animum in victoria ipsa despondere cogantur. Fortunæ vero quatenus credendum? quoties esse perculsos insequentes a fugientibus? quoties victis cessisse victores? multa quidem in bello existere improvisa propter ignorationem maxime locorum, ignorationem hostium. Subesse arces non tam manu, quam natura munitissimas, itinerum angustias, persequi quæ fugientes prohibeant; denique hostem subesse, cujus in ipsa fuga consilium aliquod callidius ne lateat, magis verendum, quam triumphandum, quod in pugna per-

ter-

terrītus fugerit; quum præsertim incolumi adhuc exercitu, atque integris Austriacorum auxiliis non fugisse, sed locum belli gerendi mutasse videatur. Proinde etiam atque etiam considerarent, quo progredierentur, ne inconsulte progrellis gravius etiā ex commutatione rerum, quam si nunquam vicerint, dolere contingat.

Hæc valuit sententia, frustra quanquam ei refragaretur Gagius; sæpe, ut dicebatur, querens ad eorum sibi esse bellandum voluntatem, qui victoria uti ipsa aut nollent, aut certe nescirent. Erat sane occasio bene gerendæ rei, idque cum reliqui duces, tum milites ipsi videbant, qui mirabili ardebant cupiditate insequendi hostes; magnaque erat omnium admiratio, & querela, peccari adeo in hoc bello tarditate, ut parta jam præsensque victoria quodammodo excideret e manibus. Qua in re illud maxime admirandum videbatur, quod Galli, quorum generi hominum innata esse dicitur alacritas quædam, & celeritas conficiendi negotii, ubi valde erat opus properato, ibi insisterent, & Hispanos ipsos cunctatione vincerent. Ipse imprimis male audiebat vulgo Malibojus, atque apud Hispanos potissimum offenderat, quorum ipse cupiditati moras interponere omnes credebatur. Erant etiam, qui aliqua fortasse suffusi malevolentia adderent, atque affingerent, quod res poscere videbatur, neque abhorrebat ab homine: longius non sine causa bellum duci, exhaustiri ducendo bello provincias, imperatorum autem domos repleri. Qui

vero se minus malevolos, & paulo diligentiores existimari volebant rerum investigatores, veterem Maliboli cum Rege Sardiniae amicitiam, & Regis in eum beneficium, quod erat maximum, commemorabant. Namque is sub finem proxime recentis Italici belli deprecatore usus Rege Sardiniae, Magisterium erat adeptus Gallicae militiae. Itaque nimium illum esse gratum dictitabant, nimiumque memorem. Nobis, quum nihil horum perspicuum sit, neque constet inter omnes, indignum videtur incertis rumoribus obterere famam fortissimi viri: praesertim quum hujusce tarditatis, qua praecipue factum esse dicitur, ut nihil tantis viribus in Italia praclarum Borbonii egerint, auctorem fuisse Philippum Argenfonium inquirendo reperimus. Argenfonius gratia, & consilio apud Regem Galliae plurimum poterat, & exteris apud illum praerat rebus. Huic erat exemplo maxime proximi superioris belli persuasissimum, ad prosperam adversamve armorum in Italia fortunam omnino interesse, qualis fuerit Sardiniae Rex, socius, an hostis; neque, eo repugnante, profici quicquam posse inculcabat ipse sapissime, ob eamque causam ab Italico erat bello alienissimus; & diluere, si quid contra afferretur, non magnopere curabat. Pertinaciam enim summam erat, ut quaecumque imbiberet animo opinionem, nulla unquam ratione deponeret. Odebat praeterea vastam, atque, ut aiebat, insaturabilem Hispanorum cupiditatem, qui nullis finibus aliis, nisi extrema Leucopetra, atque

que Alpibus spem terminarent suæ in Italia possessionis; & vehementer ad Galliæ Regem pertinere arbitrabatur, non pati, homines natura ipsa imperiosi, & feroces tantis ut insuper opibus convalescant, ut possint, atque audeant conditionibus reclinare, quas ipse tulerit. Proinde hæc erat ejus perpetua, atque constans de bello Italico sententia; cum Rege Sardiniae ita bellum esse administrandum, ut quæsitæ societas videatur; cum Hispanis ita habendam societatem, ut non multum inde adjuventur. Ea item de causâ ad Italicum bellum summo cum imperio mittendum curaverat Malibojum affinem suum, quem eadem sentire, & secum facere cognoverat, eique proficiscenti occulte præceperat, maximam Hispanis spem ostenderet, in reliquis ne properaret; & cum Rege Sardiniae haberet potius, quam gereret bellum. Ita accidit, ut, dum Borbonii victores sedent otiosius, Sardiniae Rex quietissime, se, suosque ex fuga, ac terrore reciperet.

Dum hæc in Cisalpina Gallia geruntur, Britanni, sive eo, quod maritimis comitatibus exercitus nostros excludere conarentur, sive ira quadam commoti, quod rederassent Italiam Borboniis soli Genuenses dicebantur, sive etiam (ut ipsi postea detestandæ invidiæ gratia prædicabant, ne præter bellandi morem, atque jus fecisse viderentur, quod eorum essent hominum urbem hostilem in modum adorti, adversus quos amicitiae causas complures proferre poterant, nullam tamen)



ab Rege Sardiniae, suoque apud Regem legato Villetio incitati, quum, immissis primum aliquot ex eodem curtu in Savonem ollis incendiariis, nihil profecissent, Genuam accesserant cum classe navium xi. bellicarum, & navigiorum incendiariorum iv., horribilemque, huiusmodi in alto navibus, speciem praebebant, quasi foedissimam pulcherrimae civitati cladem jam jamque inferre viderentur. Ipse esse in classe dicebatur Villetius, qui, Classis Praefectum ut impelleret haesitantem, Augusta Taurinorum profectus eo advolarat, Praefectumque in mari medio eadem de causa convenerat. Sed tanta fuit civium diligentia, virtus, concordia, ea loci munitio, & muralium tormentorum copia, ut, visa Britannorum classe, Genuensibus res nulla ad defensionem urbis defuerit. Nam & omnem murorum partem eam, quae mari alluitur, & iactas in mare moles, quae portum efficiunt amplum, atque tutum, crebris tormentis, custodiisque communiverant, faucibusque portus triremes v. suas productas, interque se conjunctas, objecerant, tum etiam navigia, e quibus praeparatas ad incendium ollas in hostes immitterent, in utroque portus cornu collocaverant, quo facilius, si naves Britannicae accedere propius auderent, multitudine telorum, iactuque ollarum repellerentur, quassatae collabescerent. Erat autem haec una in civitate contentio, ut is populus, qui ab optimatibus ad patriae salutem incitabatur, idem optimatibus pro patria supplicaret, ne laboribus suis, neu pericu-

culis parcerent. Quibus rebus cognitis, Britanni quum unam jam navem, unumque item incendiarium navigium adaectis ex urbe telis afflictum subducere coacti essent ad Labronem, quumque immissas in urbem ollas incendiarias propter longinquitatem non collineassent, aut ipsæ, dum immitterentur, ollæ disruptæ interiissent, ne majus aliquod incommodum acciperent, neve tempus frustra tererent, quod neque prohibere ab Hispania Neapolique com meatu, neque cogitatam urbi cladem inferre poterant, in conspectum Genuensibus aliquot sese dies quum dedissent, ex eo loco cum classe discesserunt. Porro eandem aliquanto post ad Finarium experti fortunam, tandem, anchoris jactis, contra Remopolim consisterant: quod est oppidum Genuensium in ea Ligustici litoris extrema fere parte, quæ vergit ad occidentem solem. Remopolitæ, seu quod ab hostibus Genuensium non nimis valde animo abhorrent, sive eo, quod missis legatis, placari Britannos posse confiderent, defensionis consilio neglecto, quod unum saluti, atque honori ipsis fuisset, ex suis aliquos ultro ad eos miserunt, ut sibi parcerent, utque suis omnibus facultatibus uterentur. Repudiata legatione, cujus publice mittendæ, non consentientibus Genuensibus, quorum erant in ditione, potestatem habebant Remopolitæ nullam, Britanni, eo etiam magis, quod irrito ad Savonem, Genuam, Finariumque conatu incitabantur, ollas in oppidum incendiarias jacere cœperunt, & missis e vestigio aphractis suis,

fuis, qui actuarias eorum, quæ ad anchoras erant in litore deligatæ, deprimerent, aut incenderent; quin cunctæ perirent, serius ad defensionem excitati Remopolitæ prohibuerunt. Tota Remopolis ollis quatefacta incendiariis, ac diruta fere est, in horribilique deinceps patriæ excidio oppidani assidentes, quum jam illi abiissent, vim frustra Britannorum, & stultitiam sunt suam execrati.

Borbonii, prælio ad Augustam Batienorum majori hostium fuga, quam cæde facto, quum id neglexissent, sibi quod fuerat conandum, atque omni ratione efficiendum, ut perterritos insequerentur Subalpinos, minus expedito usi consilio in veteribus illorum castris confederunt, partitque sunt inter se, qui Forum Fulvii, qui Alexandriam oppugnarent. Philippus opportuno, neque infrequenti loco, qui locus est in agro Casalensi, & appellatur Servator, prætorium constituerat. Equitatus ferme omnis Gallicus, Hispanus, & Neapolitanus erat ad Augustam Batienorum secundum Padum, quo commodius aquaretur, & per pontem missus in oppositum Laumellinum agrum pabulum conveheret facilius, hostes rapinis excursionibusque prohiberet. His rebus, atque inanibus ex victoria gratulationibus, & arcis Alexandrinæ, quæ nunquam oppugnaretur, munitionibus perspiciendis xi. dies tribuuntur. Tandem delectus, qui oppugnaret Alexandriam, Caravacalius legatus, urbem oppugnare primum instituit: quæ quidem Tannaro ab arce flumine dividitur, lapideoque rur-

rursus ponte adjungitur. Latissima item fossa, muroque cingitur non mediocrem in altitudinem elato, cujus ingens est crassitudo, eaque firmitas, ut facile ictum repellat telorum. Sunt etiam paribus excitatae spatiiis turres opere vetusto, ut, commutata urbium oppugnandarum ratione, nunc quidem magis ad speciem, quam ad defensionem valeant. Unum tamen est projectum e muro propugnaculum, propter ipsum Tanarum, qua parte urbs in occidentem spectat, atque hujus summa esse propugnaculi opportunitas videbatur posse ad arcem tormentis concutiendam, si oppugnare illam nostri, quam infelici circumvallare consilio maluissent. Arx est probe munita, ædificataque ex descriptione Vobanii Galli militaris Architecti, præclara hominis disciplina & fama. Ignatius Isnardius Marchio Caralliensis arci urbiq; præerat cum iii. Subalpinorum millibus, quorum pars arcem, pars urbem tuebatur; eratque exiguus sane pro ambitu mœnium urbis numerus defensorum. Hanc rem quum legatus animadvertisset, non inutilem ad capiendum consilium existimavit. Itaque pluribus irrumperere locis simulabat, & murum ascendere ab ea maxime parte velle videbatur, qua propugnaculum esse diximus. Subalpini præmetuentes loco, magno concursu eo contendunt, jaculisque, & adactis ex propugnaculo telis, deturbare subeuntes conantur, cæteris muri partibus necessario propter militum paucitatem neglectis. Interim nostri hac usi occasione, non longe a porta, quæ Genuensis dicitur, ag-

ge-

gerem extruunt, omniaque prius sunt opera perfecta, tormenta ad oppidum acta xx., quam perfici opera illi sentirent, aut prohibere possent. Alexandrini pro vetere clientela Hispanis esse dicebantur amicissimi. Itaque siue studio partium, siue quod vereri se dicerent, ne per vim expugnatum diriperetur oppidum, omnes certe palam de deditioe loquebantur. Contra Subalpinis studium erat, & virtus ad propugnandum acerrima, neque ulla, tam paucis militibus, diurni, nocturnique temporis ad laborem pars intermittebatur. Tercio demum oppugnationis die circumfunduntur nocte nostri ab ea etiam parte, quæ ad Tanari, & Bormiæ confluentem vergit, oppidumque ex adscensu tentare videntur; eodemque tempore ab altera item parte, qua nostra erant opera exstructa, complura tormentis tela coniciuntur. Corruunt urbis tecta nonnulla. Fremunt oppidani: Ipsi confecti lassitudine, ac vigilia milites jam non sustinent. Auget nox metum, graviusque ex tenebris, metuque periculum aestimatur turbarum. Quibus rebus permotus. Inardius, simul veritus, ne inter tumultum captæ urbis, nocturnique temporis licentiam ipse intercluderetur a nostris, qui, si irrumperent, pontem occupaturi videbantur; subito in arcem cum suis confugit, pontemque rescidit. Quo facto Alexandrini Borbonios prima luce accersunt, oppidoque recipiunt.

De arce non oppugnanda deliberatum jam erat apud Philippum, & quanquam Hispani,  
&

& Genuenses non obscure dissentire videntur, decretum tamen erat, ut obsideretur. Cur enim contrucidari milites? cur fieri paterentur operum sumptus ingentes? cur denique arcem tanta jactura oppugnarent? quæ necessariam circumvallata deditionem subiret, & sequeretur ultro, brevique fortunam reliqui belli? His rationibus, atque aliis, quas memoriæ prodere non satis causæ putamus, pervicerant in concilio duces nonnulli, ut, neglecta oppugnatione, circumfederetur arx: atque ita loquebantur, quasi certi essent armorum exitus, neque ulla commutatio rerum accidere posset. Postea vero, conversis rebus, cognitum sero est, rejecto fortiore, consilium valuisse minus salutare, expectataque obsessionis tarditate, esse arcem amissam, quæ permagni erat ad Italianum bellum momenti, & quæ expugnari facile tunc a Borboniis poterat, si tantum ipsis consilii fuisset, quantum erat virium. Sed opportunis locis præsidia sunt posita, factaque est arcis circummunitio arctior, & Vielmus Lessius cum Ligustica legione, cohortibusque aliis de omni exercitu relictus, qui toti negotio præficeret, commeatusque in arcem comportari prohiberet.

Instituta interim ad Forum Fulvii oppugnatione anni tempore adverso impediiebatur. Id erat oppidum in ripa positum Padis, paulo editiore natura loco, arce tenui, atque opere ipsum oppidum partim vetustio, minusque firmo, partim recenti munitum; sic tamen, ut, qua sunt Casale versus recentes intermissæ muni-

ni-

nitiones, ipsa tumuli acclivitate oppidum defendatur. Tunc autem major erat ex coortis imbris oppugnandi difficultas. Abierat enim jam egregia illa cæli tempestas, quæ Borboniorum cæptis incredibili felicitate tamdiu obsecundare posse videbatur, si per duces quosdam consulto, ut videbatur, bellum trahentes fortunæ uti beneficio licuisset; & fluvii, qui frequentissimi sunt in ea regione, commoti assiduis tempestatibus admodum creverant, magnaque erat omnibus locis, atque itineribus facta labes, atque proluvies, adeo ut nisi ægerrime supportari tormenta, & contineri in opere milites non possent, ipsa denique, aggere dilapso, opera non consisterent. Tamen administrante Aramburo legato, qui diligentiam in expugnando oppido adhiberet, difficultates superaverat pertinax militum labor, erantque opera perfecta, tormenta constituta, jamque pars murorum telis concussa procumbebat; quum repente Subalpini, qui præsidio erant oppido, eruptionem faciunt, sub occasumque solis ad nostra opera accedunt. Nocturni, quum alius langueret a quotidiano labore, alius in opere versaretur incautius, re nova perturbati initium fugæ faciebant; hoc magis, quod & præsentis hostium, qui intolerantius succedebant, & longinquo muralium tormentorum malo infestabantur. Ibi tum Hispanorum Prætorianorum Centurio propter rei militaris flagitium ira flagrans, confosso milite, qui terga vertebat, reliquos quosque acerbioribus verbis interrogans, solerentne prætoriani  
mi-

milites fugere, inclinantes restituit: & Varen-  
nensis eodem tempore legionis de exercitu Ge-  
nuenti, itemque Virtianæ legionis Pyrochitro-  
phori, Belgæque Prætoriani inter se cohorta-  
ti, ne, integros quos superavissent, victos ex-  
timeicerent, cuneo facto, ruunt in hostes,  
eisque, multis vulneratis, atque interfectis,  
in oppidum repellunt. At illi, ubi nostris re-  
fectis operibus, & diligentiori septis custodia,  
non defensionis jam, non eruptioni locum esse  
intellexerunt, atque aucto tormentorum nu-  
mero, vehementius labefactari murum, per-  
cellique, ac discindi propugnacula viderunt,  
simul veriti sunt, ne, facto a nostris non lon-  
ge ab oppido in Pado ponte, navibusque ali-  
quot onerariis depreßis, subsidiis ipsi, & com-  
meatibus intercluderentur, consilium cæpe-  
runt ex oppido noctu profugere. Itaque po-  
stero die diffractis tormentis omnibus, quæ e-  
rant in oppido, & projecto omni commeatuum  
genere, ne cui Borboniis usui esset, quum in  
arcem confugere simulassent, ut ipsis consilium  
clam esset oppidanis, accensis aliquot in nau-  
ro ad speciem funalibus, ea porta, quæ est ad  
Padum, sese multa de nocte foras proripiunt,  
subitoque universi scaphis excepti refugiunt,  
perque Laumellinum agrum ad suos mirabili  
silentio evadunt incolumes. Celeritas tanta fuit  
illorum, nostrorumque tam remissus, ac ne-  
gligens in explorandis hostium consiliis ani-  
mus, ut, quum primo diluculo eorum profectio  
voce manuque ab oppidanis ex muro signifi-  
caretur, insidias nostri vererentur, neque prius  
pro-



profectos crederent, quam intromissi vacuum offenderunt urbem a defensoribus, & Subalpinorum admirati necessario calliditatem irrisui se fuisse perdoluerunt. Forosulviensis hic fuit oppugnationis exitus.

Philippus, his rebus gestis, Occimianum proficiscitur, pauloque post Casale venit. Subalpinorum cohortes xx. quæ cum dcccc. circiter equitibus ab Rege Sardiniae relictæ in speculis prope Casale constiterant, jam quum esset ad portas primum Philippi agmen, alia ex parte oppidi sese properantes eiciunt, flumenque transgressi ad reliquos suos advolant, qui castra antea jam a Casali Tridinum transfulerant.

Mons, qui Ferratus dicitur, unius fere diei longe ab alpihus spatio disjunctus leniter ex æquata planitie assurgere incipit, tum collibus, vallibusque distinctus amœnissimis, duobus dextra, sinistraque Tanaro, Padoque fluminibus alluitur, ad ipsorumque fluminum confluentem desinit. Hujus est montis regio optima, & fertilis, & regionis princeps urbs est Casale propter ipsum sita Padum, habuitque quondam, ut illa tempora ferebant, arcem munitissimam, quæ patrum nostrorum memoriâ expugnata a Gallis, & eversa est. Una tum erat virtus Præfecti, maxima loci defensio: nam Rocæsius Hibernicus præstantis animi vir, nullâ periculi denunciatione permotus, cum dc. militibus victori exercitui opponere sese non dubitavit. At Galli elati spe celeris, ut ipsi arbitrabantur, victoriæ, & fortasse

se majorum suorum eodem in loco virtute nimium feroces, eam sibi arcem oppugnandam deposcunt. At vero sive cunctationis tædio, cujus gens est intolerantissima, sive quod, non satis perspecto arcis situ, primo illam impetum expugnari sine tormentis posse temere crederent, magno certe cum detrimento repulsi sunt. Itaque morari necessario, expectareque coguntur, dum tormenta adducantur, quorum erat subvectio durissima propter anni, ut diximus, tempus, viasque omnes alto, tenacique luto corruptas.

Interim Gagius Padi, Tanarique pontes, Ticinique fluminis ripas certis obtineri stationibus jusserat, nequa proruere hostes, & circumvenire a tergo nostros possent: eodem etiam tempore & erat ad Hastam occupandam Pompejam Gramondius Gallorum legatus profectus, & ipse Gagius Ticinum, Parmamque cohortes, alasque identidem submittebat, quæ Vievillæi, & Castellarenis exercitus augerent. Quarum rerum expectatione varia angebantur hostes, neque certum invenire poterant, progredi ne Philippus longius, an regredi mallet, diversique rapiebantur. Rex enim Sardinæ, Hasta a nostris Pompeja occupata, omne ad se bellum transferri, ipsamque imperii sui sedem Augustam peti Taurinorum arbitrabatur. Austriaci autem, tantum Ticini, Parmæque copiarum contrahi quum viderent, Mediolano, Mantuæque tin ebant; & quum vellet uterque sibi consulere, neque alter sine altero posset, non admodum convenie-

niebat inter eos, quid agerent, & quam belli rationem potissimum insisterent. Neque præterea vacabant a bello aspera Alpium culmina, cogeaturque Sardiniae Rex, in tanta omnium rerum difficultate, eo etiam copiarum, & cogitationis suae partem derivare. Nam quanquam Sardiniae Regis legatus Leutronius, ob defensum superiore anno Cuneum, summæ homo virtutis habitus & fidei, ab ea parte non cessaret, tamen Lautrecchius de exercitu Gallico legatus D. Columbanus Fanum cœperat, quod Ocelo imminet, ipsumque expugnare Ocelum cum cohortibus xii. conabatur: & Mirapiscensem Gallorum item legatum, qui Ligusticam oram asseruabat eam, quæ vergit ad occidentem solem, Cebam in maritimis alpebus ut tandem oppugnaret, Genuenses hortabantur, recteque monebant; quod, Ceba recepta, propter loci opportunitatem, & levi incolarum, qui ferocissimi homines sunt, & Subalpinis infestissimi, præsidio ipsa protegebatur ab hostibus ora, & Galliae Narbonensis commeatus maxime ad bellum necessarii facile explicabantur. Sed longe esse alia Mirapiscensi mens videbatur. Dum vero Genuensibus Galli imperitiam bellandi, Gallis contra Genuenses incuriam obiectant agendi, interque se de belli ratione disputant, belli tempus abit. Ocelum certe Leutronii virtus, Cebam Mirapiscensis indiligentia defendit; & avertit utrosque demum a bello gerendo, quæ suberat hyems iis in locis paulo maturior, & Regi Sardiniae peropportuna, quem ad-

adversus Borbonios, sæviente hyeme, ipsa per se altitudo Alpium, itinerum difficultas, frigorum, niviumque immanitas, & vis tutaretur. Ita Oceli, Cebæque arcium oppugnationes, maximæ in maritimis, Cottiisque Alpibus opportunitatis, dilatæ toties flagitiosis hominum consiliis, ad extremum anni tempore adverso dimissæ sunt.

At Casalensis arx, tormentis Dertona tandem advectis, constitutisque, atque aliquot ollis immisissis incendiariis, ad deditionem compellitur. Dedititios Philippus productos omnes, qui gregarii erant milites, neque apud se sacramentum dixerant, Dertonam ad opus in arce faciendum mittit, reliquos, accepta fide, adversus se, suosque socios arma non laturus, dimittit incolumes. Roccælium vero Præfectum summopere collaudat, quod strenue arcem defenderit, & proficiscentem in Britanniam, ut esset in Caroli Stuartii exercitu miles voluntarius, non vulgari commendatione prosequitur, quæ fortem ejus, magnumque in Casalensi oppugnatione perspectum animum significaret.

Jam hyems aderat summa, & Brignolius-Salius Genuensi exercitui præpositus Genuam cogitabat, cui discedenti præclarum ipse Philippus consilii, magnitudinis animi, summi denique in patriam amoris testimonium dedit. Copiæ Genuenses, Ligustica legione ad obsidionem arcis Alexandrinæ relicta, nonnullisque cohortibus Dertonæ, Placentiæque collocatis, reliquæ cum Escerio castrorum præfe-

*Castr. Bon. P. I.*

O

do

At in Ligustica ora ad fines Galliæ Narbonensis hyemare jubentur. Casalī sua Malibojus hyberna constituerat. Hastam Pompejam, expugnata jam a Gallis arce, cum x. cohortibus Montalius legatus Gallorum tenebat. Philippus cum reliquo exercitu, Gagioque in Galliam Cisalpinam regrediebatur. Erat de itinere ejus, ut hostibus diutius celaretur, incerta edita in vulgus fama. Aliter enim, ac ipse de Regis Philippi Patris sententia, atque auctoritate constituerat, Piacentiam proficisci dicebatur; quem vulgi rumorem illa multum res adjuvabat, quod eo exercitus pars properare in hyberna videbatur. Ille tridui viam progressus, ad Castrum novum ad Iram amnem consistere cogitur, imbris coortis, quorum tanta erat vis, adeoque itinera interrupta, ut ne lente quidem, ac paulatim procedere liceret. Summas flumina ripas superaverant, pontesque interruperant omnes, & restagnaverant late loca, eratque miserabilis fames, ac fœdus eluvionum respectus, quum arma, viri, equi, jumenta, commeatus passim hæsitarent in luto, atque haud procul abesset, quin aquis obruerentur. Victis difficultatibus, quum Ticinum, quo cohortes, alasque aliquot præmissas a Gagio fuisse diximus, copiæ tandem omnes convenissent, & quæ tempestatibus in itinere detentæ fuerant, & quæ Placentiam ire simulaverant, ipse post paulo Philippus eodem pervenit. Inde Marchione Camposanctensi, qui ex vulnere in Dertonensi oppugnatione accepto convaluerat, cum equi-

equitibus dc. & Pyrochitrophoris mille Mediolanum præmisso, qui adventum suum nunciaret, & caveret ab Austriacis arcem obtinentibus, Ticino ipse digressus Maxentiam venit. Quo quum venisset, præsto ei fuerunt Senatus, Populique Mediolanensis legati publice missi, qui civitatem in ejus potestate dicerent esse, non studio partium properantes, aut subita erga Philippum benevolentia, sed tradito more in cujuscumque Principis verba jurandi, qui propius urbem Mediolanum xx. passuum millia exercitum admoverit. Ille ad xiii. Kal. Jan. ipso Regis Philippi Patris natali die, Mediolanum equo invehitur mirabili celebritate, ac plausu. Nam & comitabantur hominem Dux Mutinensium, Gagiisque, ac Genuensium legatus Dominicus Palavicinus, multique præterea Duces copiarum, & obviam ei prodierat Senatus universus: effusumque vulgus præteritæ jam dominationis oblitum, & futuræ improvidum exultabat Philippi juvenia, novitate apparatus, & studiis inanibus. Nulla etiam fuit regionis illius, & vicinitatis paulo notior civitas, quin partem Senatus ad Philippum miserit gratulatum, oratumque, ut in fidem, & clientelam reciperetur.

Hæc dum apud Borbonios geruntur, Lictenius, quem in Lobcoviczii locum Austriaci in Italia exercitus imperatorem successisse libro superiore demonstravimus, sua in castra pervenit. Quæ quum essent castra inter flumina duo, Agoniam, & Sessitem, iidem ipse

ipse quoque necessario alluvionum, atque imbrium incommodis distinebatur, magnaque erat difficultate affectus, qua ratione Ticinum amnem transiret. Sed decedentibus paululum aquis, & quod Philippum omnibus fere copiis Mediolanum contendisse audierat, vacare a custodibus ripas existimans adversas, ad amnem Ticinum accessit. Secus autem, atque ipse crediderat, easdem diligentissime a Vievillæo ripas custoditas quum cognovisset, primum, converso itinere, Sextum venit, quo in loco Ticinus amnis ex Verbano lacu erumpit; deinde eo etiam transiectu prohibitus, quod omnia nostri loca præoccupaverant, mutato rursus itinere, castra ad Olegium, opportuno, atque edito loco, communit: ubi vero ab Hispanis, qui Mediolanum; itemque a Gallis, qui Montemferratum tenebant, urgeri se posse a fronte, atque a tergo videt, relictis centuriis, turmisque aliquot ad Olegium, qui Ticini fluminis ripas asservarent, Tridinum ipse demum se recepit, ut ibi, communicatis cum Rege Sardinie consiliis, de tota belli ratione consideratius deliberaret.

At Gagius Mediolano profectus cum xx. hominum millibus ad amnem Ticinum pervenerat, pontemque e regione Olegii efficere se velle simulaverat. Dum autem Austriaci magno concursu eo contendunt, dum illum, ponte transituque ut prohibeant, aggerem extruere, tormenta collocare, ripas denique communire festinant, ipse magnam equitum partem, qui suos in equos singuli singulos

gulos pedites imponerent, occulte, celeriterque progredi jubet, præfectisque eorum, quid fieri velit, ostendit. Hi, quum ad locum pervenissent, qui Gula sicca appellatur, vado reperto, equites, peditesque ita, uti erat a Gagio præceptum, flumen transeunt, raptimque pontem efficiunt, munitionemque ad capita pontis instituunt. Qua re nunciata, Gagus extemplo movet, reliquumque eodem ponte transducit exercitum. Transductum in duas partes distribuit, & partem Olegii subsistere jubet, partem ita collocat, ut Verbano lacu, Ticinoque amne hostes intercludantur. Decepti Austriaci simulatione pontis, subitoque equitum, peditumque nostrorum transitu perturbati statim profugiunt, Novariamque continenti impetu petunt. Gagus, longius a Ticino amne subnotis hostibus, atque expeditis com meatibus, Mediolanum revertitur.

Interim Coraphæus præfectus castrorum Regis Neapolis, & trib. mil. legionis Macedonicæ a Castellarensi legato missus cum centuriis aliquot Pyrochitrophorum, & equitibus ccc. tormentisque castrensibus vi. Guardistallum Duci Gonsagæ, qui principatum ibi obtinebat, data fide, nihil se oppidanis nociturum, occupat; eoque occupato, & communito, Brixelloque item, & Rubiera castellis in potestatem reductis, nulla interposita mora, Regium Lepidi proficiscitur, ejusque civitatis imperium Duci Mutinensium restituit. Quo facto, præsidia, custodiasque ad ripas Gabelli fluminis disponere, ad ipsasque Mutinæ



portas provolare cœpit. At Pallavicinus, qui Reginae Ungariæ jussu Mantuæ præerat, summæ hominū in imperio severitatis, ac diligentiae, cognitis his rebus, copias statim suas contrahit, atque auget. Subsidia Mirandulam, subsidia item in Mutinensem arcem submittit. Frumentum omne, pabulumque ab dextera Padi parte quoquoeverlus Mantuam ad se ferri jubet. Gravissimas iis, qui non paruerint, pœnas constituit, hoc consilio, ut, si forte Borbonii arces oppugnare illas instituisent, quæ opinio percrebuerat, ipsæ essent arces paratiores, nostri autem inopia rerum necessariarum, durissimoque anni tempore discedere ab oppugnatione cogerentur.

Erant interea Mediolani plena lætitiâ, & gratulatione omnia eorum, qui Philippi, novorumque hospitem adventu gaudere, & eorum, qui ex tantis rebus gestis finem respicere periculorum videbantur. Erat anni tempus a bellicis laboribus remotissimum: Urbs fertilis, & copiosa; ipsi Mediolanenses benigni homines, & perhospitales, ut his omnibus rebus invitati Borbonii, quasi in perpetuum vicissent, neque ulli jam subessent hostes, facile curam omnem, & diligentiam remitterent.

At non languebat Sardiniae Rex, neque, tantis acceptis incommodis, deserebat se; delectus habebat, renovabat bellum; atque interdum, dejectum se imperii parte maxima, & fructuosissima quum videret sine exercitu, sine comineatu, sine sociorum auxiliis, quos  
pro-

propria bella, propriæque calamitates premerent, illud cogitabat, si posset consilio vincere, quos superare armis non poterat. Proinde Gallos potissimum respiciebat, qui Italiam ad se minus pertinere arbitrabantur, sperans, illos aut tollerabili aliqua conditione sibi adjungere, aut ab Hispanis, qui dissimillimo sunt ingenio, avertere, aut certe tractandis conditionibus serere inter concordēs causam suspicionum, atque inimicitiarum. Et iisdem forte diebus peropportune ceciderat, ut inter Regem Bo uliæ, & Reginam Ungariæ pax conciliaretur. Itaque unum illud esse tempus existimans de pace agendi, dum victi sperare Austriaci, sublato in Germania bello teterrimo, & defectione Regis potentissimi, timere Borbonii victores inciperent, dat ejusmodi ad Regem Galliæ literas: Sese quidem defendendi imperii sui causâ, non lædendi alterius ad arma descendisse: factum esse nimia Hispanorum cupiditate, atque obsequentia Gallorum, ut bello Italia omnis ardeat gravi, & calamitoso: quo bello intelligere se, quantam jam ipse rerum suarum jacturam fecerit; & videre etiam, quantum sit cito discrimen aditurus omnium reliquarum: nihilominus tamen, nisi Galliæ Rege auctore, atque agente quamprimum ab armis discedatur, eo se esse animo, atque adeo obfirmato, ut ad extremum usque spiritum prius depugnet, quam patiatur dominari in Italia Philippum: regnante enim Neapoli, atque in locupletissimis provinciis Carolo, si Frater ejus Philippus Galliam Cisalpinam teneat, quam sibi, quam liberis suis

spem reliquam futuram, aut regnandi, aut omnino quiescendi? Quum hæc ita sint, tamen, ut exploratum sit omnibus, & quietem se ab initio spectasse, & nihil bello, quam securitatem quærere, pacem, quæ conditionibus sit non iniquis constituta, se se non repudiaturum, neque recusaturum, quominus Philippus in Italia sedem, regnumque collocet, si modo ex æquo, bonoque ita opes quoque suæ augeantur, ut non semper sibi sit a potentiore finitimo timendum. Acceptas Rex Galliæ litteras cum Argenfonio communicat, qui quum a bello, ut diximus, Italico valde abhorreret, magnopere auctor fuit Regi, ut oblatam conciliandæ pacis occasionem arriperet, neve quid Hispani cuperent, sed quid sua postularent tempora, cogitaret: illos, qui Italiam omnem concupierint, nunquam fore æqua parte contentos, nunquam quieturos: ipsum, exhausto ærario, atque attritis viribus provinciarum, debere aliquando sibi suisque consuleri; neque tantum gloriæ, atque utilitatis quæsitum, paucis expugnatis in Belgio arcibus, & nonnullis in Italia castellis receptis, quantum esse factis in Occitania conjurationibus religionis calumnia, Britannicoque in nova Gallia promontorio amisso, periculi, ac detrimenti importatum. Afflictos hostes non perditos exurgere jam, factaque cum Rege Borussiae pace, properare in Italiam infestis signis Germanicas legiones, quarum vim, atque robur addubitandum quidem esse, num Hispani scenis, ludisque Mediolani marcentes sustinere queant. Quibus rebus quum Regem

com-

commoveri Argenfonius videret, liberius jam suadere, atque in extrema oratione sua inungere illum cœpit, tantam rem non esse cuiquam committendam, ne iis quidem, quibuscum maximis de rebus communicare consueverit: jactatam enim multorum sermonibus, atque consiliis efferri facilius, quam explicari posse. Dat uni Argenfonio negotium Rex: atque ille statim Camposium, qui Regis erat apud Genevensem civitatem legatus, dissimulata itineris causa, propius Augustam Taurinorum in villam quandam accedere jubet, eodemque Sardiniaë Rex hominem e suis certum mittit. Quum Gallus pacem expeteret, bellum Sardinienfis formidaret, facile inter utrumque conditiones convenere, quarum conditionum hanc fuisse summam satis constat. Haberet Philippus Hispani Regis F. Dertonam, Parmam, Placentiam, Cremonam; ejusque imperii fines essent amnes Iria, Abdua, Ollius, usque quo amnes hi in Padum influunt, atque ad confluentem usque Abduæ Padus ipsæ: Sardiniaë Regi Mediolanensis provincia reliqua, ipsaque urbs adjungeretur Mediolanum: nullum illi in Finarium jus, nulla unquam esset auctoritas: Oneliensis tractus omnis, itemque Serravallis arx, ager, oppidum Genuensium essent: daret Rex Galliaë, daret Rex Sardiniaë fidem, impetraturos sese a Cæsare Genuensibus summi earum regionum imperii jus, quas regiones in vallibus Iriaë, Macraëque fluminum, ex Cæsariano quodam jure, & beneficio Dynastæ possiderent: Dux Mutinensium restitueretur in integrum, eique præter-

terea pars daretur agri Mantuani, quæ Mutinensi provinciæ finitima est, & pertinet ad Padum; & item ad eum, morte Ducis Gonzagæ, Guardistallensium regio perveniret: invitarentur Veneti in societatem, oblata Mantua; si forte grandi, atque opportuno præmio excitari possent; Hetruria a Francisco Lotharingio, qui accepta nuper Imperatoria in Germania dignitate tenebatur, ad Carolum fratrem transferretur. His constitutis rebus, fœdus fieret inter Italiæ Principes sanctum, æternum; quo ex fœdere, communibus consiliis, armis, Mediolanensis arx, Forumque Jutuntorum, Mantua denique expugnaretur, & quæ cujusque principis pars ex fœdere futura esset, ei statim assignaretur: Omnis ita demum ex Italia Transalpinorum dominatus in perpetuum tolleretur. Erant conditiones Hispanis pro re nata non incommodæ, atque Italiæ potissimum perutiles, cui tandem tuos agnoscere Principes, atque ad infinito exterarum nationum metu respirare aliquando contingebat, magnumque merito sapientis consilii sui fructum Sardinix Rex tulisset: sed Hispanorum, si vera tacere nolumus, cupiditas tanto obstetit bono, fatumque nescio quod Italix, atque Hispanis ipsis insensum, vertit ad extremum omnia. Nam, quum Sardinix Regis mandata in Hispaniam perferenda curasset Rex Gallix, eaque sibi literis sua manu scriptis non aliena ab æquitate videri ostendisset, fremere Hispanix Rex, atque indignari cœpit; iis conditionibus commodius multo Sardinix Regi, qui Borboniis partibus adversissimus sit, quam Philip-

lippo consuli Borboniorum Regum Filio, Fratri, Genero, Itaque, summa adhibita celeritate, Oïcensium Ducem excurrere in Galliam jubet, qui Regem ab intempestiva pace deterreat; in qua si eum peristare videat, tum Hispanos non libenti quidem animo ad otium, & concordiam, sed descensuros tamen, suamque victoriam Gallorum amicitiae condonatos dicat, sed ita, ut provinciis Philippo ex fœdere attribuendis Laudis Pompejæ, atque etiam insuper Alexandriæ, Montilque Ferrati oppida, agrique accedant. Quæ Hispanorum responsa quum magnam pacis desperationem afferrent, veritus est Sardiniae Rex, ne diutius agitata res Austriacis tandem suboleret, ipseque propterea ab iis relinqueretur, quos relinquere moliebatur. Itaque, dimissa statim pace, quum intelligeret, non de fore sibi Germanorum auxilia, qui in Italiam descendere cum legionibus, jamque appropinquare dicebantur, suspicatus fore id, quod accidit, ut ab Argensonio certior per literas factus de pacis conditionibus Malibojus minus diligenter de bello cogitaret, Leutronium, xx. subito contractis cohortibus, ad recipiendam Hastam Pompejam proficisci jubet. Leutronius, primo impetu, superato ex itinere Tanari ponte, ea celeritate progressus est, ut adventus sui famam pene præcurreret. Perterritus Montalius, qui Hastæ Pompejæ cum x., ut diximus, cohortibus Gallicis præerat, nuncios ad Malibojum mittit alios, atque alios, qui petant, atque orent, ut sibi celeriter subveniat: sese hostium, qui tanto superiores numero sint,

sint, sustinere impetum non posse. Malibojus ad hæc unum modo respondit: Nihil esse a Subalpinis hostile metuendum; ipsos de compositione agere, atque ad otium vergere universos; neque interim ullum Montalio subsidium mittit. Quod nobis quidem nulla ratione factum a Malibojo videtur, propterea quod, quocumque esset animo Sardiniae Rex, defendenda fuerat arx, neque tam incertis rebus committendum, ut certum in periculum non minima exercitus pars veniret. Montalius ab hostibus circumventus, qui tormenta etiam ad oppugnationem necessaria raptim advexerant, tribusque locis jam collocaverant, simul diffusus paucitati militum suorum, & de subsidiis nequicquam esilagitatis desperans, portas aperuit, abjectisque armis, se atque oppidum Leutronio dedit. Malibojus captum prius oppidum sensit, quam subsidio posset, aut vellet accurrere, quod erat tamen, deductis Casali, Monte-cálvoque præliis, facere conatus. At Hispanis tantus incidit terror, quod, omnia hæc quum non sine consilio facta esse sibi persuasissent, hostes timebant, lociis diffidebant, ut, relicta Alexandrinæ arcis obsidione, quæ fame jam coacta extremâ, haud procul aberat a deditioe, pedem confestim referre cœperint, eorumque receptus, projectis sarcinis, atque impedimentis, consimilis fugæ videretur. Quo facto, tam paucis diebus sese fortuna inclinavit, ut cohortium Gallicarum deditio ad Hassam Pompejam Borboniorum in Italia felicitati finem attulisse videatur, eademque initium insequentium calamitatum.

COM-

# COMMENTARIORUM

## DE BELLO ITALICO

### *LIBER III.*





CASTRUCCII BONAMICII  
COMMENTARIORUM DE BELLO ITALICO

LIBRI TERTII

A D D U C E M  
S E N A T U M

P. Q. C.

UNIVERSOS REIP. GENUENSIS

P R Æ F A T I O.



*Uum in Galliam Cisalpinam iter  
facere, Genuamque venis-  
sem, qua in Urbe permulta  
acciderant eorum, de quibus  
ego scribere constitueram, &  
ibi essem a VOBIS, P. C.,  
honorifice, liberaliterque tra-  
ctatus, varie sum equidem affectus, maximam-  
que animo voluptatem, atque uno tempore mo-  
le-*

lestiam cæpi. Nam & venisse ad homines, qui in summa generis nobilitate nihil de morum benignitate remitterent, perquam jucundum videbatur, & eorum ipsorum hominum debere facta, consiliaque ita explicare narrando, ut unius haberetur ratio veritatis, erat sane molestissimum. Quamquam enim multa a Vobis acta esse sortiter, ac sapienter in illis Reipublicæ tenebris antea etiam intellexissem, quam Vestram essem humanitatem expertus, non inficiabor tamen multa item a multis inculcata fuisse mihi, quæ si fidem illorum factorum convellere omnino non poterant, addubitare quidem certe cogebant hominem in Vestris adhuc rebus peregrinantem, vehementerque vereri, ne, si omnia dixisset, minus gratus, si quaedam reticuisset, nimis obsequens videretur. Quæ me dubitatio quum diu, multumque anxium, ac sollicitum habuisset, vicit tandem, qui vincere profecto debebat, amor veritatis, cujus quidem in historia præsertim conscribenda tanta esse vis debet, ut eam quacumque ratione infuscare flagitium, obruere autem scelus etiam sit. Itaque asseverare possum firmissime hoc animo me ad GENUENSIMUM res cognoscendas accessisse, ut eas, si a virtute profectæ essent omnes, libentissime scriberem, sin minus, scriberem tamen, eorumque benignitatis memoria nihil adeo de veritatis cura detraberet, ut multum etiam adderet diligentis, & cautionis, ne quid in nostram narrationem per causam irreperet officii, quod videri posset assentatione, aut  
gra-

*gratia depravatum. Sed ego de GENUENSI-  
BUS diligenter, attenteque quum cogitarem, quæ-  
rerem omnia, non crederem omnia, nihil sane  
reperi esse ab illis proximo hoc Italico bello co-  
gitatum, nisi summo consilio, nihil susceptum,  
nisi fide præstanti, nihil denique actum, nisi  
virtute singulari; atque omnia ita esse nota o-  
mnibus, atque testata, ut ea mihi scribenti ma-  
gis interdum veniat in mentem vereri, ne pro-  
pter ingenii mei tenuitatem imminuta, quam  
dubitare, ne propter benevolentiae studium am-  
plificata esse videantur. Quamobrem gravissima  
liveratus molestia, gaudeo, P. C., magnifice-  
que lætor, oblatum mihi tempus, in quo grati  
animi mei pietatem Vos agnosceretis, incorrupti  
fidem historici nemo desideraret. Non enim esse  
arbitror, aut tam injustos, GENUENSIUM  
qui fuerunt hostes, ut urgere calumniis velint,  
quos persequuti sunt armis, aut tam insanos,  
qui sunt invidi, ut vocare audeant in du-  
bium, quod exploratum omnibus, certissimum-  
que est.*

*Meorum vero laborum si qui sunt obtrecta-  
tores, quos homines jejunos, atque ineptos ne  
summis quidem scriptoribus defuisse video, ac-  
cusent in me licet ut rudem, ut inelegantem  
(nihil enim impedit) ut mendacem autem,  
atque insectum studii partium jure nunquam  
certe accusabunt, quum libertatem in scribendo  
meam acerbius etiam, quam oporteret, reprehen-  
sam esse omnes sciant, ego senserim. Sed nulle  
sunt simultates, nulla præmia, non spes, non*

*Castr. Bon. P. I.*

*P*

*me-*

metus, qui possit constantem hominem, atque ingenuum a proposito deterrere: neque in Castris Borboniorum quod fuerim, quodque in acie steterim contra Austriacos, minus idcirco licere mihi sum arbitratus, reprehendere in Borboniis, laudare in Austriacis, quæ reprehendenda, quæ laudanda videbantur. Non enim, cum scribimus, animum retinemus armatum, aut eandem esse bellandi, & scribendi licentiam existimamus. Nam militi, si adversus hostem ferocius sese gerat, etiam laudi datur, quum sit historico turpissimum, non dicam adverbis maledicere, sed paulo scribere cupidius. Maxime quidem vellem, ut mea qui legunt, animo legerent eodem quo ego scripsi, neque in scriptorem culpam conferrent, quam ipsi sustinent. Etenim dum nimis favent, nimis invident, mentiri me, ac maledicere distitant, non quod ita sit, sed quod ad libidinem non scripserim ipsorum, eorumque aut hostes laudaverim, aut amicos reprehenderim. Quia in re non illi studium, aut libertatem meam coarguunt, sed stultitiam, atque insolentiam indicant suam; & quum iidem me cupidum, iidem liberum dicant, est certe quod suspicer esse me in utroque moderatum. Equidem, ad libertatem quod attinet, eam neque immoderate exercui, quod arrogantis erat hominis, neque fregi serviliter, quod erat abjecti, idque unum conatus sum, & mihi videor perfecisse, ut omnia libere, nihil scriberem contumeliose in quenquam.

Quod

Quod si quis est, qui, dempta etiam contumelia, ne innocuam quidem serat in scriptore libertatem, ne Principum videlicet fama, potentiaque lædatur, is mea quidem sententia vehementer, in eoque ipso errat, in quo causæ, dignitatiue Principum caveri maxime putat. Sublata enim libertate, generosa extinguuntur ingenia, atque ejusmodi extinctis ingeniis, historia aut nusquam audet emergere, aut infuscata sordibus adulationis contemnitur statim, & jacet; ipsaque propterea Principum fama, quæ præclaris rerum gestarum monumentis innititur, aut turpis, aut nulla omnino est. Potentia item illorum non modo non læditur libertate, scribentis, sed etiam confirmatur. Nam, quum propter copiam, atque affluentiam rerum omnium nonnulli Principes, humane naturæ vitio, nimium sibi indulgeant, multosque ob eam causam circa se habeant assentatores viles, imperitos, callidos, longe ab illis perterrita refugit veritas; cujus ignoratione imperia existunt sæva, ignava, inimica virtuti, plena turpitudinis, plena calamitatis. Una est historia libere scripta, quæ repugnantem quasi veritatem in Principum conspectum audeat adducere, eosque docere, quæ sint officia diligentis, & moderati imperii; quibus officiis manet vis dominationis firmissima, commemoratio nominis sempiterna. Quæ duo si tueri Principes volunt, ut maxime debent, excitent oportet præmiis, non coer-

ceant pœnis, fame imperiique eorum veluti custodem, historicam libertatem. Cujus quidem libertatis, P. C., nihil est, de Vobis cum scribo, quod me pœniteat, nihil quod Vos pudeat. Gratissimum enim mihi, quas ostendistis in liberanda Patria Vestra, virtutes usurpare scribendo, quum in eo simul possim & veritati, ut antea dixi, servire, & pietati satisfacere erga Vos meæ: Vobis porro honorificentissimum est mandari libere scriptis quæ multa, & præclara pro ejusdem Patriæ salute, ac dignitate gessistis, ut, non solum eorum hominum, qui nunc sunt, testimonio, sed etiam eorum, qui nascuntur, judicio comprobentur. Illos pudeat historiæ, qui bella aut iniqua susceperunt, aut turpiter administrarunt: Vobis nunquam fides, nunquam fortitudo, nunquam animus, nunquam consilium defuit, ne tum quidem, cum omnia deesse viderentur. Nam quum essetis præter jus oppugnati, præterque fas deserti, a quibus minime par erat, quumque totius Italici impetus belli ad mœnia Vestra constitisset, ita, prementibus tot undique malis, necessitati parvultis, ut nunquam dignitatis oblivisceremini: quum autem res ipsa, & quasi naturæ vox populum ad arma Vestrum impulisset, qui vexari, ac diripi tacitus nollet, primum quidem motum fortune subitum, ac vehementem ratione quadam gubernastis, ut neque constantiæ, neque Reipublicæ deessetis; deinde quum populi Vos salus, quæ suprema opti-

optimis Principibus lex esse debet, ad bellum traheret necessarium, id ita gessistis, ut omnis obliti periculi, unius memores libertatis videremini. Quo in bello tantum virtute, sapientiaque præstitistis, ut qui causâ eratis, Marte etiam superiores essetis, fueritque consilium magis Vestrum, quam consilii laudandus eventus. Non quia fuerit ille secundissimus, sed quia prosperi eventus plerumque fortune, semper virtuti præclara consilia tribuuntur. Neque vero, quicumque veli eventus futurus fuisset, non eadem semper fuisset rerum a Vobis gestarum laus, non eadem Nominis gloria GENUENSIS. Nullis enim unquam adversis virtus obruitur, quin etiam suâ interdum vi erecta frangit adversæ impetum sortis, eaque præstat ipsa per se incommodo accepto, quæ ne ab incolumi quidem fortuna præstari posse videbantur. Id quod si unquam alias, in Vestro certe bello victoriæque apparuit; quæ quidem victoria non casus temeritate, sed animi, consiliique Vestri magnitudine parta est. Nam ferocientem armorum insolentia plebis sæcem continere, eandem hostium reatu dejectam excitare, Sociis præsidium, Civibus afferre salutem, hostibus ipsis egregiam in fœdere fidem, singularem in bello constantiam ostendere, hæc tanta, ex quibus victoria illa exitit admirabilis, non profecto incertæ, voluolisque fortune munera, sed fructus fuerunt magne cuiusdam, & corroboratæ virtutis. Quod si qui



secus existimant adhuc, ii, ut non sint nimium pertinaciter GENUENSIBUS insensi, qui, quum virtus emineat atque appareat, fortunam malint admirari, e quibus maximæ illæ res ortæ sint causis, ignorant quidem certe. Equidem ego, antequam Vos penitus nossem, & mirabilia quædam de rebus Vestris nunciarentur, non tam primum (libere ut, quod sentio, dicam) sapientiam suam Vestram, quam felicitatem admiratus, adeoque erant ardua, incredibilia, quæ tentata a Vobis, gestaque dicebantur, ut exitum illum formidolosi belli optandum potius, quam sperandum fuisse judicarem. Postea vero quam Vestram Urbem ingressus, Vestrorum hominum mores, institutæque perspexi, sermones audiivi prudentes, graves, auctoritatem Senatus, Populi obsequium, nihil arrogans in Nobilitate, nihil in Plebe contumax, atque omnia plena justitiæ, mansuetudinis, diligentiae, æquitatis, concordiae, fortitudinis cognovi, tum autem non tam ego Vos felices, quam sortes, & sapientes putavi, atque existimavi magis esse Vobis gaudendum quod illa acciderint, quam mirandum cæteris quod ita acciderint. Debebat enim in magno etiam fortunæ incurſu stare Respublica tantis fulta virtutibus, neque ullum ei a naufragio periculum esse poterat, quum tales ad gubernacula Viri tanto consilio, & magnanimitate præditi sederent. Atque animi magnitudo, difficillimo belli tempore, ita perspecta est, ut obscura esse non possit:

fit: consilium vero eo magis laudandum, quo difficilius est cavere omnia, & nihil timere. Sunt enim qui timiditati, atque ignaviae suae moderationis & prudentiae nomen inane prætendant. Verum nihil est, quod vehementius Principibus obsit, quam posse impune contemni, nihil quod in his contemnatur impunius, quam ignavia ipsa, quæ nervos elidit virtutis, pacis bellicue artes extinguit, subitam interdum perniciem, certam semper infert infamiam. Quis enim eos Principes aut omnino liberos ducat, qui otium ita sunt amplexi, ut omnia perferant turpissimæ quietis causa? Sed ferant hi debitam hanc inertiae suæ pœnam, ut prætereantur in historia, qui nihil historia dignum gesserint. Vos autem, P. C., dignissimi sane estis, quorum sit in literis nomen illustre atque magnum, quum non solum ad tempus maximam Reipublicæ Vestræ utilitatem attuleritis, sed etiam ad exemplum, ut quicumque posthac Vobis nocere voluerit, nullam esse intelligat apud non timentes minantis auctoritatem, neque facile nocere iis existimet, hoc animo quos esse vidit, ut nullam neque faciant, neque patiantur injuriam. Scribatur igitur tantarum rerum historia; maneat fama defensæ, maneat exemplum Patriæ defendendæ: neque erit, opinor, quisquam tanta aut inscitia, aut invidia depravatus, ut, hunc tertium de Bello Italico Librum quod Vobis quasi consecraverim, quodque ejus libri a principio res Vestras dilau-

daverim, fidem idcirco, vel prudentiam desideret meam. Nam librum cui potius donarem, quam Vobis, qui libro ipsi materiem dedistis uberem, atque excellentem? res autem quantæ illæ fuerint, ipsa declarabit luculentius historia; in historia denique earum conscribenda Vestrorum ego Civium, P. C., Sociorum, etiam hostium conscientiam testor omnia me veritati, nihil gratiæ dedisse.

---

COM-

# COMMENTARIORUM DE BELLO ITALICO

## *LIBER TERTIUS.*



**I**mperatore in Germania creato Francisco Lotharingio conjuge, & Borusco bello ingenti Silesiæ totius jactura composito, alios in Italiam duces immittebat Theresia Austriaca, alios exercitus; neque tot fatigata, deterritave adversis multo alacrior ad Italicum bellum duabus magnis, gravibusque domi curis liberata consurgere videbatur. Quibus recreatus nunciis Lictestenus intra Novariæ, Sessitisque amnis præsidia, quo Borboniorum impetus declinans confugerat, tenere se jam non poterat, & reliquias quas habebat exercitus copiis adaugere, quæ totos ex Germania dies confluere Mantuam dicebantur, iisque Mediolanensem recipere provinciam meditabatur. Sardinia item Rex minus esse animo sollicito cœperat, adventantibus Germanorum auxiliis. Itaque, renovato bello, Campolianum statim colloquium dirimere, pacisque causa venientem ad se ex Gallia Comitem Malibojum suis excedere finibus jussèrat, ne quam daret Austriacis imminutæ voluntatis suspicionem. Quanquam non defuerint, qui collo-

loquium omne temporis causa, non dissentientibus Britannis, quibus unis Sardiniae Rex confidere videbatur, institutum, neque verisimile dicerent esse, ut iis Sardiniae Rex conditionibus stare voluerit, quae, dimisso Oneliensi tractu, & Philippi in Italia regno constituto, praecipuum illud suum terra, marique amplificandi imperii consilium si non frangerent, retardarent quidem certe. Sed sive ex animo factum, sive simulate illud fuerit ( in animis enim hominum, maximeque regum multae sunt latebrae, multi recessus ) ad ejus certe colloquii, pacisque mentionem ita Galli obtorpuerant, ut indormire bello, atque hosti viderentur. Ille autem nunquam non vigilans, & temporibus imminens Haestam subito Pompejam, uti superiore libro demonstravimus, ceperat, alienaque laetus discordia, quae naturae dissimilitudine, & tacitis alta suspicionibus inter Hispanos, Gallosque serpebat in dies latius, non accepta solum incommoda sarcire, sed celeriter majoribus utilitatibus sanare sperabat.

At Borbonii teste primum inter se, deinde aperte graviterque dissidere coeperant. Erant Hispani, repugnantibus vehementissime Gallis, Mediolanum profecti, & contra quam erat in concilio de communi sententia constitutum, Mediolanensis arcis oppugnationem urgebant: quae res & offensionem illis non mediocrem ad socios afferebat, intempestivam detegendo cupiditatem, & nimium distrahendo vires, infirmiores reddebat ad resisten-

sistendum hostibus. Sed nihil commovebatur Hispani. Omnia omnibus viis ad oppugnandam arcem necessaria Mediolanum conferebantur: jamque, aggere jacto, collocabantur tormenta, neque minus interea duces, præfectique copiarum intra tecta Urbis recepti scenis, ludisque oblectabantur, prorsus ut videre esset, & belli apparatu, & otii deliciis eandem fremere Urbem, ac lascivire. Postea vero quam Camposiani colloqui certus increbuit rumor, Gallicarumque ad Hastam Pompejam cohortium deditio non sine obscuro quodam consilio, & quasi prævaricatione, facta esse dicebatur, tum autem prodi se a Gallis, & circumveniri Hispani existimantes Alexandrinæ arcis obsidionem repente dimiserant; veritique uno tempore & fociorum, uti quidem ipsis videbatur, infidelitatem, & hostium adventum, a Mediolanensis item arcis oppugnatione tormenta deducta omnia, in navesque subito undique contractas imposita secundo flumine, cæteraque terrestri itinere impedimenta Ticinum summisserant, eoque Philippus ipse, & Dux Mutinensium, Gagiisque proficisci quamprimum cogitabant, in hisque omnibus rebus consilia, copiasque a Gallis sejungere velle videbantur. Atque hi deseri se ab Hispanis quum viderent, ne superfluentibus Austriacorum copiis soli obicerentur, neu Genua, Galliaque Narbonensi intercluderentur, omni circa Tanarum, Radum, Bormianque  
amnes

amnes relicta regione, Novas sese versus raptim receperant.

In Hispania autem propter invidiam Camposiani colloquii male Galli audiebant, adeo Rex ipse subita incitatus ira, & Regina uxoris admonitu, non satis animadvertens quantum rem, quamque alieno tempore moveret, a Gallis discedere sociis tam ambiguis, novasque experiri amicitias constitueret, eaque de causa Hieronymum Grimaldum Genuensem in excogitandis, gerendisque rebus prudentem hominem, atque alacrem in Germaniam cum mandatis mitteret, quæ Regi maxime Sardiniaë officere, atque obstare dicebantur. Erat Grimaldus, Aranquesiano confecto fœdere, legatione functus Reipublicæ suæ, cui quum intervire se posse existimaret, si quæ Viennæ agenda erant, quæque ad Italiam, atque ad Rempublicam adeo pertinere videbantur per se potius, quam per alios agerentur, suscepta legatione, statim, ut erat iussus, profectus est. Sed ea quoque legatio nimio ambitionis studio suscepta, ut multa alia Hispanorum, frustra fuit. Nam neque liberum erat Reginaë Ungariæ cum Hispanis adversus Sardiniaë Regem consentire, inscientibus Britannis, quos tamen Sardiniaë Regis commodis acerrimos videbat esse fautores; neque facile Hispaniaë Regi initam cum Gallis societatem, multisque necessitudinis, atque utilitatis nominibus coagmentatam subito dissolvere. Illa etiam Reginaë Ungariæ infederat suspicio, simulata legatione, hæc ab Hispanis  
man-

mandata interponi, quo aut suos ad Italicum bellum impetus remorarentur, aut Gallorum animum Campoliano colloquio sopitum, alterius æmulatione colloquii repungerent, atque excitarent.

Genuenses porro, quum nova quædam in Italia misceri, & concitari mala viderent, dieique advenisset, quo die Principem Civitatis (Ducem appellant) fieri ab ipsis in biennium per leges oportet, Franciscum Brignolium-Salium, quem missum fuisse ad exercitum summo cum imperio demonstratum est, Ducem crearunt, perspectæ domi, forisque virtutis hominem, ut, si qua esset formidolosi temporis tempestas oblata, haberet in singulari viro magnum Respublica prælidium. Ita igitur omnia sunt subito mutata, ut trepidare, ac fugere Borbonii inciperent, qui vincebant; in spem autem victoriæ venire auderent Austriaci, qui fuga sese hætenus, & prælidiorum latebris occultaverant. Maximis enim coactis copiis alacres, ac fiduciæ pleni altera ex parte Licestenus Viglebanensem agrum parato, atque instructo exercitu tenebat: altera Berenclevius, domitis ille Boiis, direptisque nobilis dux cum x. hominum millibus, quos jam flumen Adduam transduxerat, expugnato itinere Codoneo, quo in loco prælidium Hispani habebant; & Lovestenus Laude occupata Pompeja, fusisque aliquot, & fugatis ad Melignanum Hispanis, instabat: tum Brounius, & Pallavicinus Mantua profecti in Parmensem agrum irrumperere conabantur, par-

tem-



temque Hispaniensis exercitus, cui Castellarenſis præerat, a reliquis copiis intercluſam diſtinebant. Quibus rebus perturbatus Philip-  
pus tres modo menſes ex Mediolanenſi regno lætatus maturavit Mediolano diſcedere, Tici-  
numque contendit, quum levis armaturæ equi-  
tes nonnulli Auſtriaci, Lambro amne ſupera-  
to, extremum ejus agmen male haberent, &  
carperent. Sed Ticinum quum eſſet ventum,  
caſtra Gagius apud Chartuſianos habere eo  
conſilio inſtituit, ut ad Padum, Placentiam-  
que oppidum aditum haberet expeditum, ut-  
que ſimul Fulvii Forum reſpiceret, cui Sardi-  
niæ Rex, expugnato Caſali, propius jam im-  
minebat.

Magnopere etiam hortari per literas, nun-  
cioſque, & ſuadere Caſtellarenſem non deſi-  
ſtebat, denique imperabat, ad ſe quampri-  
mum ut veniret, ne hoſtes, quorum in dies  
copiæ augebantur, illius iter impedire, ſequē  
ab eo excludere poſſent: idque valde ad com-  
munem ſalutem pertinere arbitrabatur, quum,  
diſtractis viribus, neque Caſtellarenſis ſatis fir-  
mus eſſet adverſus hoſtes, neque partem exer-  
citus validam negligere ipſe poſſet. At Ca-  
ſtellarenſis aut ſua nimium virtute ferox, aut  
ea fortaliſis gratia fretus, qua plurimum apud  
Reginam Hiſpaniæ valere dicebatur, vehe-  
menter Gagium contemnebat, & parere ho-  
mini recuſabat, omniaque ejus conſilia crimi-  
nabatur, remorabatur; id quod erat bello,  
ſummæque rerum adverſarium maxime. Ita-  
que a Gagio aperte diſſentiens a Parmenſi,  
&

& Guardistallensi agro non discedere perseveravit.

Brounius intercludi Castellarensē a reliquo Hispanorum exercitu posse sperans, Nadastium mittit, qui in sinistra Padi ripa oberans nullo certo itinere ludificet hostem, pontemque ad Casale majus simul et efficere. Quæ dum Nadastius exequi parat, Hispanorum stationes (ut omni dextra fluminis parte erant dispositæ) inopinantes ab Austriacis nonnullis levis armaturæ, qui Padum silentio ratibus transgressi in eas impetum improvise fecerant, opprimuntur. Brounius interim ad Burgunifortem effecto celeriter ponte, suisque transductis copiis, Luceriam occupat; tum inde Lucetius, & Novatus Austriaci exercitus decuriones Rhegiolo, Nadastius autem Valterio potiuntur: quibus occupatis locis, Guardistallum, quod erat medium, circumvallare Austriaci, atque oppugnare, allatis tormentis, instituunt.

At Coraphæus præfectus castrorum Regis Neapolis, qui, ut antea diximus, oppido præerat, conatus est, eruptione facta, oppidum defendere, eique ad auxilium ferendum Castellarensis advolarat cum omnibus copiis. Sed Nadastius uno fere tempore, & compulso in oppidum Coraphæo, & primo Castellarensis agmine ad Crustulum amnem fugato, illum quidem, desperatis auxiliis, in deditio-nem venire, hunc, amisso Guardistallo, sese Parmam festinanter recipere coegit.

Qui-

Quibus rebus Gagio nunciatis, omnibus consiliis antevertendum existimavit, ut Castellarense subveniret, ne tanta exercitus pars tam longe abstracta in potestatem hostium veniret. Itaque Ticino cum omni statim exercitu profectus Placentiam venit, magnisque itineribus progressus, subsistere ad Florentiolam cogitur, propterea quod assiduus aucta tempestatibus Trebia pontes interruperat, partemque exercitus intercluserat: cujus moræ beneficio uli Licestenius, & Berenclavius suos & ipsi exercitus educunt, properantque Gagium præoccupare, si esset in perficiendis pontibus periclitandum, ut priusquam ille Tarum amnem transiret, ipsi Brounio adjungerentur. Quo facto, & Pallavicino, qui Castellarensem observaret, cum iii. equitum, peditumque millibus, & Pyrochitrophorum centuriis sex ad Parmam relicto, copias ad Tarum omnes contrahunt.

Gagius, relictis pontibus, expeditoque itinere ad vicum pervenit, qui Sanguinaria dicitur; ibique non longe a Taro castra facit, loco non satis quidem idoneo ad commeatus parandos, sed temporis brevitatis, & rei coge-  
bat necessitas. Postero die cum paucis equitibus ad exploranda loca profectus adversam fluminis ripam obtineri ad hostibus conspicatur: numero esse armatorum ad xxx. millia; Tarum autem nivibus solutis, & continentibus adeo pluviis crevisse, ut propter aquæ vim, rapiditatemque amnis omnino perficiendi pontis facultatem non daret. Itaque neces-  
sa-

fario iter fupprimit, eratque uterque utrique exercitus in confpectu, neque alter alteri nocere poterat, prohibente flumine: & crebris Gagii literis Castellarenfis incitabatur, quoniam primo præcepta, monitaque fua fpreviffet, ut, cognito faltem periculo, Parmam relinqueret. Enimvero ille relicturum fe negare, neque ullo pacto commiffurum, ut Hifpaniæ Regiæ urbs chariffima hoftibus indefenfa prodatur; in eoque perfeverabat. Sed pertinaciam ejus fregit tandem Philippus literis feverius fcriptis, quibus placere fibi demonftrabat, ut, nulla interpofita mora, quam primum Parmâ excederet.

Quibus acceptis literis, Castellarenfis, ad fpeciem præfidii cum paucis militibus Carolo Lanfranchio Protrib. mil. relictò, in noctem ipfe conjectus cum reliquis copiis omnibus celeriter e confpectu urbis Parmæ filentio difceffit. Profectionem ejus primo non fenerant hoftes, poftea cognita re, equites peditefque miferant levis armaturæ, qui confequerentur, & deprehenfum in itinere opprimerent. Turrim vix dum ille Mulactianam attigerat, cum repente circumfunduntur undique hoftes: omnes obfidentur viæ. Loca fuberant afpera, faltuofa, omniaque erant nive, geluque oppleta; cælum coortis tempeftatibus fædum, nullum auxilium, ne fpes quidem; fames urgebat. Tantis objectis difficultatibus non defecit animo Castellarenfis, fed virtute, ac perfeverantia militum fuorum fummotis hoftibus, facioque per Apuanos montes itinere dif-

*Cafir. Bon. P. I.*

Q

ficil-

ficillimo, Spediam octavo tandem die venit; magna & jactura suorum, & admiratione hostium, qui ex tantis emerfisse illum angustiis persuadere sibi comperta vix re poterant.

Gagius, postquam conjunctas hostium copias, egressumque Parma Castellarensē cognovit, a Sanguinaria discedit, Placentiamque eodem, quo venerat, itinere exercitum reducit, castraque ad oppidum habere, & communire, pontemque in Pado facere instituit.

Capta hostes Parma, neque Castellarensis iter impedire, nostrorum virtute repulsi, neque regredientem insequi Gagium temperatum, & fluminis magnitudine detenti potuerunt. Itaque necessario morabantur. Tandem, transducto Tarum exercitu, ad hostem proficisci constituunt, sive illum in muniendis castris occupatum, & nondum Castellarensis adventu confirmatum adoriri, sive obsidione premere possint. Namque illi horum alterutrum spectare maxime videbantur. Sed quominus adorirentur, assidui prohibuerant imbres, Gagique effecerat solertia, qui & pontes interruperat omnes, &, expugnando Codoneum, illos diutius etiam impeditos tenuerat. Pignatellius enim legatus de exercitu Hispaniensis cum parte copiarum missus ad occupandum Codoneum, quum ad Lambri, & Padi confluentem pervenisset, primum quidem pedites, equitesque nonnullos Austriacos, qui ibi erant in statione, in fugam dedit, in ipsum deinde Codoneum vicum, quo sese receperant

rant fugientes, impetum celerrime progressus fecit. Reuultebant acerrime hostes, domiciliisque occupatis repellere nostros confidebant. Sed quum nostri audacter succederent, allatisque securibus portas perfringerent, domosque ferreis palis subruerent, loco cesserunt, defensorumque pars in ipso certamine interfecta, fugataque, pars, Codoneo capto, capta est, in hisque Gromius fuit dux eorum. Quo facto Pignatellius sese ad Gagium in castra recepit.

Nostris ad Placentiam castris communitis, perfectoque in Pado ponte, relinquebatur Austriacis nihil, nisi ut obsidione Gagium premerent. Idque accidit.

Oppugnabantur interim Forum Fulvii a Durlacensi Principe, eodemque Trib. mil. Regis Sardinæ, & defendebatur egregie ab Ascoisquo Hispaniensis exercitus Decurione, qui Philippi iussu oppido præerat, præsidiumque ibi Hispanorum habebat, & Helvetiorum de exercitu Neapolitano. At Malibojus multum ad belli rationem interesse existimans, prohibere, ne in tanta rerum perturbatione oppido potirentur hostes firmo, atque opportuno, simul distineri protectione sua hostium copias posse sperans, cum omni exercitu suo, quem etiam cohortibus Hispanis ii. Dertona deductis, & Genuensibus vi. adauxerat, relictis Novis, superatoque flumine Bormia, fugataque ad Castrum Bajanum Subalpinorum legione, ad Forofulviensem oppugnationem disturbandam omni celeritate, & studio incitatus ferebatur.

Q 2

Sed

Sed accidit perincommode, quod tantam Maliboi diligentiam, Præfectique constantiam commota elusit ab Helvetiis seditio magno rei militaris flagitio, qui sive spe sollicitari, sive metu perterriti, secessione facta, sese, quodque ipsorum erat custodiæ attributum, propugnaculum hosti dederunt, eodemque, tanto illato incommodo, uti arcem traderet, hominem strenuum, & paratum defendere se Præfectum ipsum compulerunt. Qua re nunciata, Malibojus pedem retulit, conceptamque exitam inopinata deditione iram in Statellates effudit, quorum ex itinere Castellum expugnatum diruit, atque in miseros Irienses, quos grandem sibi, præsentemque numerare pecuniam præteriens iussit.

Jam Castellarensis a Spedia profectus, & Genuensium diligentia, com meatuque adjutus in Gagii castra pervenerat, & summissus a Malibojo cum xii. Gallorum, Hispanorum, & Genuensium cohortibus Mirapiscensis adventabat, auctisque copiis repugnabat audacter Gagus, & cum equitibus, quorum magnum, & delectum habebat numerum, magis libere vagabatur, agrosque trans Padum integros habebat ad copiam com meatus, prædamque tollendam. Austriaci, præsidiis nostrorum Uxolengo, & Montecclaro rejectis, Ripaltam aggrediuntur. Ripalta vicus est a Placentia longe millia passuum octo in ripa positus Trebiæ, arce munitus, atque apud Gallos Cisalpinos Landorum dominatu, & Ascanii Sfortiæ Cardinalis fuga, & deditione insignis. Castel-

stellum ibi est aquæ fluminis Trebiæ, quæ depressis derivata fossis Placentiam usque deducitur, eratque magno Hispanis usui. Eo majore tormentorum, & militum vi arcem hostes aggrediuntur, duce Berenclavio. Præsidarii milites omnino a tormentis imparati, quod non tantæ esse arcem opportunitatis crediderant, ut defendi tormentis oporteret, quum ad horas octo fortissime pugnassent, crebris tandem confecti vulneribus sese, atque arcem dedere coguntur. Illam statim Austriaci, deditione facta, diripiunt.

Omnibus ad Trebiam captis locis, quæ dare aliquam Hispanis commeatus facultatem videbantur, & Lazariano occupato, communitoque (suburbanum quod erat Alberonii Cardinalis, hominis utraque fortuna notissimi, atque abest a Placentia mille circiter passus) premere acrius Licestenius Gagium a fronte, atque a tergo, ejusque castra, collocatis tormentis, ollisque jactis incendiariis, ipsamque divexare Placentiam conatur. Gagius, quo arctius a fronte, atque a tergo premebatur, eo latius in Transpadanam regionem pabulatum equites mittebat, per quos commeatum omnem diligenter conquistum comportabat. Multum etiam ut esset frumenti, pabulique provisum, & convectum curaverat, multarumque rerum facultates munitissimus ad Padum pons præbebat, quem quum interrompere illi sæpe tentassent, nunquam potuerant. Quanquam etiam contignationem ejus Padus interdum concuteret nimis intumescens



tempestatibus. Tanta erat operis firmitas. Adal-  
lis præterea ex oppidi muro telis, & prote-  
gebatur pons, & ipsi vexabantur hostes, qui  
totis diebus munitiones proferre, castraque ca-  
stris convertere cogebantur. Ita alter alterum  
observabat, magnaque vi in occupandis lo-  
cis, præditiisque uterque utebatur: Licte-  
stenius, ut quam angustissime Gagium contine-  
ret; Gagius, ut Licstenium eluderet, & quam  
posset latissime pabularetur. Crebræque ob eam  
causam velitationes fiebant; id quod etiam nec-  
esse erat accidere in tanta exercituum pro-  
pinqvitate, atque animorum contentione.

Valebat Gagius equitatu, loco præstabat,  
defendebatur item pontis, atque oppidi mu-  
nitione, adeout neque ad deditionem inopia,  
neque ad prælium oppugnatione cogi videretur  
posse. Frequenter etiam ex perfugis au-  
diebat valetudine uti hostes non bona, pro-  
pterea quod in locis gravibus, atque apertis  
calorum intoleranda vis, & resurgentium  
æstus aquarum corpora moverant eorum, Ca-  
strensesque morbos vulgaverant; a quibus qui-  
dem afficiebantur nostri minus, utpote quos  
tectæ urbis atque umbræ recreabant; his re-  
bus adductus Gagius bellum ducere parabat.  
Intelligebat enim maximos Austriacorum co-  
natus ad nihilum recasuros, extracto in hye-  
mem bello, viribusque eorum levibus præ-  
liis, morbis, eademque attritis inopia, qua  
nostrum delere exercitum ipsi sibi persuade-  
rant. Verum erant in ipsis Hispanorum ca-  
stris, qui jam famem, cæterasque obsidionis  
acer-

acerbitates miserabiliter jaclarent, Gagique consilium carperent, patientiam ejus obiectio- nem appellando. Ille autem in sua permanebat sententia, deque totius belli ratione dederat ad Philippum Regem literas uberes, ac diligentes.

At Philippus Rex per Hieronymum Grimaldum de compositione agere, inflareque de conditionibus cum Regina Ungariæ non desiste- bat; quam minus, quam vellet, postulatis auscultare suis quum intelligeret, dissuadentibus aperte Hispanorum societatem Britannis, eique se de Camposiano colloquio purgante per exquisitissimas literas Rege Sardiniae, statuit ipse summam rerum prælio committere, sperans (proinde quasi in Regum potestate eventus essent armorum) insigni aliqua victoria, aut Reginam Ungariæ ad interpositas condiciones compelli, aut dubios Gallorum animos confirmari posse. Inflabat præterea uxor Regina Gallis infensa, quos suis adversari consiliis arbitrabatur, atque aliquid prius agere cupiebat, quam, languesciente ira, & veteri, insitaque emergente in Gallos benevolentia, Philippi Regis animus labaret, Noalliensis etiam Gallicæ militiæ Magistri officiis impulsus. Namque hunc propter flagrantissimam apud eundem Philippum gratiam Rex Galliarum judicaverat idoneum, quem cum mandatis de Camposiano colloquio in Hispaniam mitteret. Recenti igitur adhuc illius invidia colloquii, & stimulante uxore, commotus Hispaniarum Rex scribit Gagio, Austria-

cos ut quamprimum sine ulla dubitatione adoriatur. Ita, neglectis imperatorum consiliis, absentium plerumque regum nutu bella administrantur.

Gagius, quoniam Regi parendum erat, & quacumque ratione pugnandum, Philippi Regis de prælio mandata ad Philippum F. attulit. Philippus, quo firmior prodiret in aciem, omnibus fere, quæ circum ea loca habebat, deductis præsidiis, etiam atque etiam per literas sua manu scriptas evocato Malibojo, qui prælio repugnabat maxime, quum esset, convocato concilio, conficiendi negotii dies, & ratio constituta; eos, qui aderant, hortatus est, quoniam fieret dimicandi potestas, ne usu, manuque suam, Philippique patris expectationem fallerent: Philippum certe Regem eorum virtuti tantum tribuisse dicebat, ut, quum ad opprimendos hostes temporis forsitan opportunitatem expectare potuerit, virtuti maluerit eorum, quam temporis beneficio confidere. Hæc quum facta essent in concilio, ad suam quisque exercitus partem influendam, curandamque discesserunt.

Quo die pugnatum est, dies fuit ad xvi. Kal. Quint. Ratio autem, ordoque agminis erat ejusmodi, ut Galli, qui extra Antonianam Placentiæ portam castra fecerant, in tres distributi partes dextrum nostrorum cornu obtinerent, iidemque in sinistrum Austriacorum invaderent: subsidio iis adjungeretur Aramburus legatus cum xvi. Hispanorum cohortibus: ix. item Hispanorum cohortes mediam

te-

tenerent aciem: in sinistro autem cornu reliquæ Hispanorum, Neapolitanorum, & Genuensium cohortes in tres pariter divisæ partes collocarentur. Omnes uno undique tempore, signo dato, concurrerent. Ex oppidi mœnibus, iisque munitionibus, quæ propter viam, qua ad Lazarianum itur, productæ erant ab nostris, tormenta interim ne cessarent: quæ res, & nostros protegeret in prælium proficiscentes, & prodeuntes deterreret hostes, eorumque munitiones, & castra vexaret. Equitatus, quod ejus inutilis opera propter intercisos fossis campos non satis tamen prudenter videbatur, ab universa acie seclusus, atque ad omnem rei eventum paratus consisteret, ei-que Vievillæus, de exercitu Neapolitano legatus præesset. Ubi ea dies venit, ad eum modum, quem diximus, copias Borbonii suas instruunt, sub occasumque solis Austriacorum appropinquare castris incipiunt. Erant Austriacorum castra tormentis, propugnaculis, altissimisque inductis aquis, fossisque munitissima, &, quod per exploratores perfugasque cognoverant, resque ipsa ostendebat, suorum oppugnationem castrorum a Borboniis parari, suas item ipsi copias contraxerant, magnasque munitiones addiderant, ipseque Licestenius, quem incommoda valetudo multos jam dies longe a castris tenebat, rei magnitudine commotus in castra venerat, ut prælio interesset. Castella, quæ erant ab illis posita locis opportunis, nostri, multis utrinque vulneratis, atque interfectis, expugnant, in iisque expugnandis

no-

nocturnum omne tempus consumitur. Prima luce in ipsas irrumpunt munitiones, exuperatissimeque aggeribus ad fossas perveniunt, quarum tametsi quanta esset altitudo nostri nondum duces perspexerant, & ne sarmenta quidem, quibus ea explerentur, comportari per equites jusserant, tamen earum difficilis, impeditusque transitus ardentibus studio pugnandi milites, præsertim Gallos, adeo non tenuit, ut sese in eas audacissime demitterent, ibique pars magna militum aut confossa telis, quæ creberrima accidebant ex tormentis ad summa fossarum labra constitutis, aut inductis hausta aquis interiit. Sed nihil ea re nostri commoti per coacervata suorum corpora transgressi in superioribus locis consistunt: jamque Aramburus hostium munitione potitus viginti in ea & sex collocata tormenta occupaverat: qui quidem, si in ipso statim negotio consilium capiens erepta hostibus tormenta in ipsorum perniciem hostium vertisset, iisque perturbatis, spatium nostris dedisset confirmandi sese, accersendique equitatus, qui auxilio laborantibus accederet, maximum certe ad victoriam momentum attulisset; neque ipse forsitan multis postea vulneribus confectus in potestatem Austriacorum venisset. Eodem tempore, & quæ in media erant acie, Hispanorum cohortes Castellum quoddam hostium egregie munitum atque defensum, quanquam sæpius repulsi, tamen ad extremum redintegratis viribus, expugnaverant; & eodem impetu, eademque suorum atque hostium jactura, neque

que minus explorata victoriæ spe a sinistro cornu Gagius irruperat, neque multum aberat, quin totis Austriaci castris expellerentur: cum cl. Eugenianæ alæ dracones opportunissime summissi tanta vi in Gallos irruerunt, ut, qui incredibilem a principio virtutem præstiterant, improvise eorum incurfu adeo exterrerentur, ut omnes protinus, turbatis ordinibus, & equitatus subsidium nequicquam implorantes terga verterent, præoccupatisque animis vano quodam terrore, non ducum cohortationes, non preces exaudirent: ipseque Malibojus, dum, equo dimisso, fugientes increpat, & gladium intentans retinere conatur, reliquorum fuga, & tumultu abreptus pedem referre cogeretur. Quo feroces successu Austriaci milites, equitesque non negligendam sibi occasionem existimaverunt, & profligatis Gallis, confertissimo omnes agmine in Hispanos impetum fecerunt. At Gagius ubi fugere Gallos, trepidare suos, seque urgeri a fronte, nudari a dextra vidit, & Belgarum, atque Hispanorum Prætorianorum cohortes, quibus maxime confidebat, omnibus fere ducibus aut vulneratis, aut occisis sustinere se diutius non posse, veritus, ne omnis circumventus deleteretur exercitus, sensim cedendo furorem repressit Austriacorum, seseque ad oppidum satis, ut in trepida re, quiete recepit. Biduo post quum nominatim ratio confecta esset, qui numerus ex nostris fuisset eorum, qui capti ab hostibus, & vulnerati essent, & item, qui in acie cecidissent; captorum  
sum-

summa reperta est idccccxv., vulneratorum iv. millia & cccclx., occisorum iii. millia & ccxx.: quo in numero ex Gallis comes Brostellius præfectus Fabrum, Equesque Tetsæus, ex Hispanis Duccæsius, & Romerius legati fuerunt, fortissimi viri. Virtius Helvetius de Neapolitano exercitu castrorum præfectus contrucidato corpore captus est. Atque hoc prælio satis constat excellentissimam virtutem militum fuisse, insigni autem primorum dum imperitia accidisse, ut, secluso equitatu, quod unum est in præliis maxime necessarium, latera nudarentur, nullumque subsidium esset, quod summitti posset, ignorataque fossarum altitudine, maximum ex loci iniquitate detrimentum caperetur, fugaque propterea, & cædes militum, & totius rei perturbatio fieret.

Hac victoria sublati Austriaci tametsi ad iii. millia ceciderant, multo tamen erant alacriores ad continendos hostes, quos magno cum detrimento repulerant, omnibusque modis huic maxime rei studebant, ut pabulatione, commeatuque prohiberentur. Nostri autem præter Cremensem, & Laudensem agrum, non regio, aditusve erat ullus reliquus ad copiam rerum necessariarum. Quibus ne intercluderentur, implicatique hærent, Malibojus, Gagiulusque paucis a Placeptino prælio diebus, Castellarense cum circiter iv. hominum millibus Placentiæ relicto, ut oppidum, eoque belli collatum apparatus, qui erat maximus, tueretur, copias ipsi suas Padum transjecerant,  
in-

intraque Lambrum, Adduamque amnes, munitis fluminum ripis, constituerant, ad Coddoneumque Philippus progressus suum ibi prætorium constituerat.

Sardinie Rex, post imperatas Novensibus pecunias, longo erat intervallo Malibojum inlequitus, atque in magis magisque exploratam spem futurorum post Placentinum prælium ingressus, facto ad Parpanesum in Pado ponte, suoque tandem cum Germanorum copiis exercitu conjuncto, ad nostri exercitus reliquias delendas accesserat; eratque utriusque exercitus imperator appellatus summa omnium læticia, & Subalpinorum, qui ab Rege suo imperatoriam ex Vormaciensi fœdere susceptam dignitatem gratulabantur, & Germanorum, qui ejusmodi copiarum conjunctione Sardinienſis denique in bello animum nudari existimabant.

At apud Borbonios adversa erant, plenaque perturbationis, & mœstitiæ omnia. Infirmitas virium, loci angustia, comœtuum inopia, magna in ducibus discordia, in militibus desperatio, parum in omnibus animi, nihil consilii: ut autem a principio belli aliud ex alio peccare non destiterant, sic, pravis consiliis ne adversa deesset fortuna, aliæ aliis calamitates cumulabantur. Nam tanta ærumnarum varietate jactatis accessit inopinatum subito malum, omniumque maximum.

Post Placentinam enim pugnam tertio & vigesimo die mortem repente obiit Philippus  
is,



is, qui primus in Borboniam familiam Hispaniæ regnum intulit, & a quo nemo negaverit, aucto commercio, susceptisque bellis, senescentem prope sub Austriacis Regibus Hispanorum industriam, atque virtutem esse commotam. Erat militarium facinorum cupidissimus rex, &, grande ad bella incitamentum, accesserat uxor altera, quæ sive Parmam patriam suam servire Austriacis, sive liberos, quos ex rege susceperat, privatos vivere indignaretur, omnia certe superiore Italico bello moverat, & præsentī movebat, utque belli jure Carolum Neapolis, ac Sicilia regem tunc fecerat, ita nunc aliquod in Cisalpina Gallia regnum quærere Philippo conabatur. Sed novo sub Hispaniæ Rege nova, ut plerumque fit, inibantur consilia: & quanquam vetera displicebant, nondum tamen nova coaluerant, neque dum regni artibus, regnandique magistris assueverat Philippi successor Ferdinandus, ex priore filius uxore, eademque Sardinia Regis sorore. Interea novercam Ferdinandus verbis consolatur amantissimis, datque ad Philippum fratrem literas, quæ bonum illum animum habere juberent, omniaque æque ab se fore parata dicerent, atque erant a Patre. Facta hæc esse pro tempore nonnulli interpretabantur, ne metu perterrita mutationis noverca cum omnibus opibus ex Hispania sese proriperet, neve Gallorum amicitia Frater confusus exercitum, summumque in Italia imperium arriperet. Sed in luctu acerbissimo neque Elysæ tantum erat. confi-

fili, neque Philippo animi, ut difficillimam, gravissimamque rem auderent: & tanta est in Ferdinando Rege morum probitas, ut ab omni officii simulatione abhorreat, decipique ipse facilius, quam decipere alios queat.

At Ferdinandi literæ poterant illæ quidem Philippi animum confirmare, exercitum non poterant: quem recentis prælii metu perterritum, diminutis valde copiis, non tam inopia præsentis, quam futuri temporis angebat timor. Jamque Austriacorum pars Lambro, pars Abduæ appropinquaverat. Botta Præfectus Fabrum (nam Liëtestenius morbi causa discesserat) cum xx. hominum millibus ad oppugnandam Placentiam sublitterat, & Lazariana domo, munitionibusque disturbatis, Goranum miserat, qui cum parte equitum, perditumque levis armaturæ ab altera l'adi parte iter faceret, repentinae nostrorum eruptiones quam diligentissime observaret, ac demoraretur.

In his angustiis clamare Malibojus, deos hominesque contestans, non deslitterat, iis quamprimum locis excedendum esse, &, dum vires suppeterent, eruptione facta, Dertonam revertendum; quod ibi propter loci opportunitatem neque esset commeatum impedita subvestio, neque receptus, si quid durius accideret, adempta facultas. Quæ quum ille diceret, non tam inopiæ periculo commovebatur, quam incerta novi Regis Hispaniæ voluntate, quem fama erat ab Italico bello, & Gallica societate abhorrire. Quo-

cum-

cumque autem fortuna inclinaret, tutum sibi, suisque in Galliam receptum dari volebat. At Gagius neque adeo rem esse in angusto dicebat, ut sit sub oculis hostium eruptionis utendum consilio tam desperato, & quod semel jam nimium male cesserit; neque hostium copias esse tantas, vulgatis morbis, & recenti etiam, quod fuit necesse, acerrimoque prælio attenuatas, ut omnia longe, lateque loca insidere, & custodire possint. Non defore pabulum, non commeatum omnis generis, quæ ut angustiora fuerint, nimiam esse istam in milite mollitiem, non posse inopiam ferre paulisper. Postremo seu manendum sit, seu proficiscendum, nihil se videre, cur temere quicquam, aut raptim agatur: & maneri sine incommodo, & perrumpi etiam, si necesse fuerit, sine periculo posse; si modo tanta res temporis potius beneficio, quam fortunæ temeritati committatur. Hæc consiliantibus eis, nunciatur, ab Germanis Subalpinisque cum duodequadrageinta cohortibus, superato flumine Lambro, Laudem peti Pompejam. Tum vero Malibojus, quid cunctaris, inquit, Gagi? an expectas, dum omni aditu præsepto, omnique consumpto commeatu, aut fame intereamus, aut in contumeliam hostibus dedamur? Commemorat deinde quanto sit æstimanda momento totius exercitus, denique ipsius Philippi salus; cujus nullam, nisi in celeritate eruptionis, positam esse spem, dicit: premi jam undique, & pene teneri: quid futurum autem, Laude amissa

sa Pompeja? Mirari porro se, tanta esse homines pertinacia, facere ut malint quod pœniteat, quam videri minus recte consuluissē: quis vero dubitet, quin pœnitere eos quamprimum consilii oporteat illius, in quo iniquiora fuerint omnia necesse est circumvallatis, fame confectis, erumpere frustra, seroque tentantibus? nam, ne erumpatur, quis audeat suadere, nisi turpissimæ idem auctor deditiois? quod ad mollitiem attinet, non esse fas eum arbitrari difficultate rerum frangi, qui mortis periculo non terreatur. Verum, inquit Malibojus, in consiliis capiendis, non quid pati miles possit, sed exitus quid rei possulet, imperatori cogitandum esse, arbitror, ne aut patientia militum abutatur, aut agendi tempora consumat. Perseveranti nihilominus in sua sententia Gagio literæ ab Hispania redduntur, quæ placere Ferdinando Regi nunciabant, ut Dertonam ipse cum omni exercitu adipisci properaret. Quibus ille literis coactus rem suscipit arduam, difficilem, & in qua peragenda, quo minus inesse consilii videbatur, hoc majore peracta animo, atque admiratione fuit. Nam quum ab hostibus pene circumdatus teneretur, iisque invitis, ac repugnantibus flumen esset ipsi transeundum altissimum, latissimumque Padus, tantâ virtute, ac diligentia confecta sunt omnia, ut incolumi exercitu erumpi potuerit, nisi unius temeritate legati satis in ea re peccatum esset. Præmissus enim erat ad Tidonium amnem Pignatellius legatus, eique mandatum erat a

*Cast. Bon. P. I.*

R

Ga-

Gagio diligenter Austriacos ne lacefferet, &, si ipse lacefferetur, sustineret, quoad essent impedimenta exercitus progressa, suumque copiarum omnes iter arripuissent. At ille ubi primum hostes conspicatur, quorum erat xii. millium numerus, quum ipse non amplius iv. hominum millia haberet, inconsulte progressus prælium temere committit. Malibojus, qui primo præerat agmini, incredibilique celeritate, atque animi magnitudine intra Tidonium amnem, l'arpanesumque vicum pontes perfecerat, transierat Padum, Goranum submoverat, subito ab instituto deflectere itinere, laborantique succurrere Pignatellio cogitur. Interim Castellarensis, signo cognito profectiois, quod inter eum, & Gagium convenerat, abductisque, quæ poterat, tormentis, atque impedimentis, & tamen parte maxima relicta, proficiscitur Placentiam, pontem, pontisque munitiones, ollis subjectis incendiariis disjicit, si neque ulla offensione noctuabundus ad Gagium pervenit.

Quibus rebus Bottæ nunciatis, relicto Naddastio, qui Placentiam reciperet, mittit primo Goranum cum Pyrochitrophorum delecta manu, post cum equitatu Serbellonium, postremo ipse omnem exercitum subsidio adducit. Auctis utrimque copiis, atrox oritur prælium. Berenclavius effrenatæ homo ferociæ, & magnæ habitus auctoritatis, Austriacorum dux occiditur. Vulnerantur Pallavicinus, & Brounius, præstantissimi viri. Multi ex nostris milites, multi item cadunt duces, in his de

Hi-

Hispaniensi exercitu Trib. mil. Julius Decodatus Lucensis summe spei, nobilissimaque ortus familia adolescens. Austriacos certa jam prope victoria, & toties fugatus hostis, Borbonios posita incitat in dextris salus, salutisque spes desperatione quaesita. Quum insolenter irruerent hostes, impugnarent acerrime Galli, resque esset in summum deducta discrimen; Gagus, qui mediam curabat aciem, in qua ipse erat Philippus, atque impedimenta omnia agebantur, jussis extremi agminis militibus imminuentem morari Sardiniae Regem, accelerat ipse, ut praelio intersit, laborantibusque subveniat. Longissimum erat agmen, magnaue impedimenta, iisque qui praerat, ignorantia loci deerraverat a via. Quae res, retardato Gagai subsidio, majoris fuit causa caedis. Irrumpit tandem Gagus, & licet equo vulnerato dejectus afflictusque, instruere aciem, inferre signa, cohortari milites, ne labori succumbant; meminerint denique illo die, illa hora aut moriendum ipsis, aut ferro iter ad salutem aperiendum esse. Hoc idem facit Malibojus. Quorum virtute restituto praelio, repulsiisque hostibus, superiores discessisse nostri videbantur: ire certe, quo intenderant, perrexerunt, ad Iriamque oppidum vulneribus, & lassitudine confecti, perturbatique sese receperunt. Hostes ab insequendo aut incredibilis audacia nostrorum, aut suorum jactura, aut denique praedae tenuit cupiditas, qua, capta Placentia, potiri erant ingenti, & de qua, tormentorum maxime causa, celeriter est in-

ter eos orta dissensio, quum suam Subalpinus prædam, quæ sua in urbe, suam item Germanus diceret, quæ suo labore, suoque sanguine parta esset, atque iniquum videri vociferaretur, belli alios periculorum debere, alios vel præmiorum esse participes.

Dum hæc in Cisalpina Gallia geruntur, Rex Sardiniaë Philippum Marchionem Balestrinate in provinciam irrumperè Genuensium iusserat ab ea parte, quæ spectat in occidentem solem, & quam Ligures incolunt Ingauni. Hac re fieri posse arbitrabatur, ut turoatis domi rebus, ab subministrandis foris auxiliis Genuensès retardarentur, & si Albingaunum Balestrinas, aliave ad mare loca occupasset, ut Borbonii ipsi receptu, commeatuque intercluderentur. Balestrinas, acceptis cohortibus iii. legionariorum, quas ex legionibus Casalenti, & Nicæni, & item ea, quæ appeilatur Maritima, deduxerat, multoque majore tumultuariorum militum, montanorumque peditum coacta manu, tum etiam Cifano ex itinere castello expugnato, direptoque, atque aliquot missis, qui Castrumvetus obsiderent, ipse cum reliquis copiis Saccarelum tribus ex partibus summa vi oppugnare instituit. Ea sunt Ligurum castella Ingaunorum. Anfrano Saulio, quem Genuenses Albingaunum, in eamque provinciam miserant cum imperio, quum id renunciatum esset, conari Balestrinate ea occupare castella, maturat aliquod iis auxilium subito mittere: imparatus ab legionariis, quam maximum potest ex

agris, vicisque tumultuarius militum numerum cogit, eosque eo statim jubet proficisci.

Erat forte Albingauni Marchio Beriolen-  
sis Gallici exercitus decurio cum cohortibus  
duabus, iterque ad exercitum habebat. Ho-  
minem Saulius appellare, & multis obtestari  
verbis, aliquot e suis legionariis subsidio mit-  
teret: occasionis esse rem, non praelii; ad  
quam quoniam illum fortuna obtulisset, insul-  
tare diutius in finibus Reipublicæ hostium col-  
luviem ne pateretur: non de Borboniis ita Ge-  
nuenses meritos esse, ut astantibus, & inspe-  
ctantibus ipsis, agri vastari, castella expugna-  
ri eorum debeant. Negat Bariolensis sui arbi-  
trii rem esse aut iter intermittere, aut sibi  
commisissas diducere copias: proinde haberent  
per se Genuenses periculi sui rationem, sibi-  
que consulerent. Dejectus Saulius opinione Gal-  
lici auxilii, tamen animo non deficit. Evocat  
Astengium centurionem, qui non longe aber-  
rat. Astengius cum non amplius lxxxx. militi-  
bus partim legionariis, partim Pyrochitropho-  
ris auxilium obsessis ferre contendit. Occurrit  
illi in itinere tumultuarius manus, eique  
adjungitur. Interim castella arcte, graviter-  
que, unoque tempore obsidione, & oppugna-  
tionibus premuntur. Resistitur acerrime ab  
præsidariis. Accelerat Astengius, ut laboran-  
tibus subveniat. Francus i rotrib. mil. de exer-  
citu Genuensi, qui Castrovetere præerat, eru-  
ptione facta, Subalpinorum compluribus inter-  
fectis, & captis l., in arcem revertitur. Sac-



carellum autem quum longiorem sustinere oppugnationem non posset, in potestatem hostium venit. Habet illud Balestrinas contra fidem, & deditionis condiciones prædæ loco; pecunias imperat; qui forum ibi agebat, togatum hominem, & gravem vexari indignissime patitur ab suis. Montani vero pedites Subalpini assueti latrociniis, effusi per agros omnia diripiunt, vastant. Appropinquat Astengius. Ejus cognito adventu, visisque militibus, quos se sequi jusserat, subito hostes timore commoti Castriveteris oppugnationem relinquunt, ac profugiunt. Hoc idem facere Balestrinas conatur. At, fugatis montanis, Astengius suorum magis virtute fretus, quam memor paucitatis, proximos colles, & semitas præoccupari universas jubet, & trepidantem in arcem Saccarelli Balestrinatam compellit. Tum vero ille aquæ inopia confectus, frumento, comæatuque omni, & fuga interclusus, necessariam subire deditionem cogitur. In his præliis vulnerati sunt ex Genuensibus tumultuarii milites nonnulli, & Pyrochitrophori omnino vi. desiderati. Ex Subalpinorum copiis circiter lx. cecidere: sed in deditionem venerunt milites cccc., & nobilissimus homo Balestrinas ipse, & præterea duces xx. alii minores, inque his centuriones tres.

At Genuenses, repressis jam ab alpium parte, maritimoque ad occidentem litore summotis hostibus, majore animo, studioque in reliquum bellum incumbebant, novaque Mirapiscensi subsidia ad exercitum adducenda sub-

submiserant, neque tamen non magnopere perturbabantur, audita Philippi Regis morte, & cognitis iis, quæ ad Placentiam, Tidoniumque annem erant gesta, verentes, ne tantæ aliquando calamitates ad perniciem serperent Reipublicæ.

Gagius defatigatum ex superiore prælii labore, ac cæde exercitum ad Iriam oppidum contraxerat, confirmabatque, indeque Dertonam progredi, intraque ipsius Dertonæ, Seravallis, & Gavii præsidia locare castra cogitabat, quo facilius, munitissimis, atque opportunissimis locis, quantalvis magnas hostium copias repellere posset, intereaque ex Hispania, Gallia, Genuaque subsidia, & commeatus convenirent, atque ita se reliquam bellirationem explicare posse prudenter sane confidebat. Quæ dum parat, atque administrat; ecce tibi repente Marchio Mirenensis cum duabus apparet Ferdinandi Regis epistolis, quarum altera jubebat Rex Gagio, exercitum, atque imperium Minensi tradere, altera Castellarense denunciabat, uti confestim Italiâ excederet. Atque ita virtute, quam felicitate major Gagius in Hispaniam rediit imperator severitate, usu, consilio cum veteribus comparandus. Erant tamen qui tardum, parcumque nimis esse dicerent: sed tarditatis culpam longissima ab Hispania usque mandatorum expectatio minuebat, parsimoniam autem nulla de alieno præda etiam commendabat. Castellarense, qui & ipse consilio bonus, manuque strenuus habeoatur, contumacia obfucrat, qua

ferocius Gagio repugnaverat, ne idem sibi adversus successorem licere arbitraretur, & ipsius apud Elysam Reginam auctoritas, extincto Philippo Rege, criminis loco ponebatur.

Interim magna facta erat in Hispania voluntatum, & studiorum commutatio. Abhorrebat Ferdinandus natura lenis a vehementioribus novercæ consiliis, & Camposiano irritatus colloquio Gallis diffidebat: quædam etiam Philippi patris non probabat, inveterata successorum libidine immutandi semper, quæ priores fecerint: & erat ipse quoque uxori obnoxius, quæ viduæ Reginæ studiis adversabatur. Quippe hærebat animo, regnante Socero, contemptus sui, multaque erumpebant jam diuturnâ dissimulatione compressa. Novorum pars Purpuratorum obsequio erga Reges assentiri præsentibus, pars odio Gallorum, & æmulatione eorum, priore qui regno floruerant, damnare præterita, reique publicæ causa ad privatam obrepere potentiam pro se quisque cœperant. Nam quid aliud tot sumptibus, tot exercitibus, tot com meatibus, supplementisque quæsitum, quam vulnera, fugas, luctus, opes paucorum, egestatem omnium? satis credulitate peccatum; satis Gallis inservitum, qui quidem bellum alant ipsis opportunum, aliis perniciosum: respicerent aliquando vastitatem Hispaniæ, quæ facta esset Italicis bellis quærendo foris regna, & dominationes: denique commodius multo Philippo Regis Fr., quando armis jam non possit, pactione, aut fœdere consuli posse. Hæc jactabantur apud

Re-

Regem, hæc edebantur in vulgus, hisque de caulis raptim, atque turbate educere Italiâ exercitum, relinquere socios, ad eaque conficienda, quum satis tuto committi literis non viderentur, missus erat summo cum imperio Marchio Minensis consiliorum gnarus omnium, & mira homo in simulandis negociis ingenii altitudine, maximeque admodum inimico in Gallos animo.

Suscepto Minensis imperio Dertonam statim progreditur; ad quem quum nonnulli de Hispaniensi exercitu Trib. mil. gratulatum venissent, ejusque ductu sese meliora sperare dixissent: Quid vos, inquit ille, meliora? an quicquam hoc non exercitu, sed exercitus nomine perfici posse speratis? Instantique Malibojo, ut Dertonæ subsisteret propter ejus loci opportunitatem, aliter Regi suo videri respondit; &, signo dato profectionis, evelli signa, & castra moveri iussit. Forte autem, quum iter Borbonii facerent, acciderat, ut Marchio Novatus, qui cum x. hominum millibus primum hostium agmen ducebat, in mediam nostrorum aciem temere illatus opprimi facili negotio posset; utque tanto ad vincendum fortunæ beneficio uteretur, magnopere erat Minensi auctor Malibojus. At illius mentem una occupaverat cura receptus. Itaque, spreto Maliboi consilio, ultra Ligusticas fauces sese recipere properabat.

Interea Genuenses magna afficiebantur sollicitudine, ne in tanto rerum motu destituerentur ab sociis, & variantibus ab spe, metu-

tuque animis, in partem disputabant utramque. Cur enim alius subito imperator? cur relicta Dertona? cur non oppressus Novatus? cur denique præceps adeo, inopinatusque Minensis receptus, ut consimilis fugæ videatur? Movebat etiam eos auctoritas Gagii, cujus percrebuerat sermo, quem decedens habuisse inter cœnam dicebatur apud Augustinum Grimaldum in Arenario suburbano. Quum enim illum Genuenses nonnulli, qui salutandi hominis causâ convenerant, paulo curiosius de exitu rerum percunctarentur: Me quidem, inquit Gagius, deposito imperio, Ferdinandi Regis consilia neque scire, neque interpretari decet; sed, si Dertonam, Gaviumque nostri reliquerint, non verisimile est, velle ab iis, aut omnino posse Ligusticas fauces teneri, sed ulterius progrediantur oportet. Occurrebant illa contra: Erunt igitur fidei, & beneficiorum immemores? optime de se meritos Genuenses deferent? Quid turpius? loci negligent opportunitatem? tantam comineatum, tantam pecuniæ vim Genuæ collectam hostibus tradent? Regem Neapolis, cui, Genua amissa, submotisque Italia Borboniis, nulla fere spes, Regem socium, suorumque Regum fratrem, & consanguineum deferent? non verisimile videbatur. Itaque superabat spes, fore, ut circa Serravallem, Gaviumque consisterent, & Ligusticas saltem fauces tenerent. Verum multa in hominum vita accidunt inopinata, & nihil est spei, perplexisque hominum consiliis credendum. Nam Borbonii, paucis ad Octavium

vi-

vicum relictis centuriis ad speciem defensionis, omnem, citra Ligusticas fauces, ad Langenses exercitum contraxerunt præter utilitatem suam, atque omnium opinionem; ipsorumque spe hostium maturior Serravallensis arcis editio facta est. Tum vero Genuenses, ad superiorum rerum metum additâ præsentium opinione, Borbonios fugere arbitrati, mittunt ad eos Dominicum Pallavicinum omni Italico bello legatione functum apud Philippum Ferdinandi Regis Fr., Philippoque ipsi, & Reipublicæ probatum, qui, si desperarent, animum perterritis adderet, si labarent, fidei desciscientes admoneret. Eorum consilio bellum Genuenses suscepisse: eorum causa, submissis auxiliis, patriam præsidiis nudasse; socios tam fideles hostibus tam incitatis conculcandos, diripiendosque ne relinquerent: neu nimis valde perturbarentur adversis: loca, homines, commeatus superesse ad repugnandum, exercitumque commode, & sine periculo habendum: denique recordari debere, quoties ad paucissimos redacti, redintegratis mox viribus una virtute; & perseverantia vicerint; qua post Camposanctense prælium, qua ad Velitras constantia exultantem in victoria hostem represserint: hostem ipsum aut inopiam non laturum in locis asperis, atque impeditis, aut fractum difficultate itinerum, & levium crebritate præliorum longius recessurum. Minensis, tametsi vera Pallavicinum loqui intelligeret, tamen ipse longe diversa animo agitabat ea spectans, quæ erant apud Regem

in

in Hispania constituta. Itaque ingenio usus suo in occultandis negociis, & fortasse ab Genuensibus metuens, ne in receptu impediretur, consilium profectiois quo diligentius obtegeret, studium manendi vehementissime simulabat. Pallavicinum suo, suiue Regis nomine sine cura esse jubet, de statu belli, de locorum natura, Ceciliensi adhibito Genuensium copiarum legato, consultat, denique bene pollicetur.

Hæc a Minensi, hæc a Muniaino, quicum summis de rebus Philippus communicabat, publice, privatimque inculcabantur, hæc eadem iterabantur a Gallis vel ignaris, vel necessaria erga Hispanos obsequentia, conniventibus quidem certe; eratque unus omnium sermo, interclusuros suomet ipsos sanguine hostibus aditum, & pro Urbis Genuæ mœnibus tanquam pro patria pugnatuuros. Quibus rebus confirmati Genuenses, & eo decepti, quod neque causam viderent, quare suspicarentur, neque sine causa suspicandum putarent, defensione urbis neglecta, ad sublevandas Borboniorum copias curam omnem, & diligentiam conferunt; & quum id Minensis studiosius expeteret, quas ad Urbis præsidium cohortes reservaverant, eas etiam Savonem versus ad continendos ab ea parte hostes, ne, ut ipse agebat Minensis, Borbonii intercluderentur, proficisci jubent.

At Borbonii eadem usi simulatione Marchionem Villadariensem Genuam mittunt, ut coram ipse quoque defendendæ Urbis opinionem

nem monendo, consulendo, Feginum denique ad castra locum designando excitaret. Dum autem Genuæ, atque in castris ad Reipublicæ defensionem multa consuluntur, Reipublica indefensa relinquitur.

Sextum jam Philippus progressus, Varum amnem Galliamque Narbonensem spectare videbatur. Erant omnes ad litus appuliæ aquariæ: tormenta, commeatusque exercitus convehabantur ad mare; imponebantur; nare omne, litusque nautis, navibusque, impedimentis, atque operis strepebat, discedere properantibus. Quæ quum fierent, erat eadem in ore Gallorum, atque Hispanorum de Urbis defensione affirmatio, Pallavicinumque Philippus, negotium ut tandem conficeret, postridie redire iusserat.

Austriaci, dimisso in Cisalpinam Galliam omni fere equitatu, quod ejus in montibus inutilis opera videbatur, neque satis esse pabuli poterat, & relictis, qui Dertonam, quique Gavium obsiderent, receptâ, ut diximus, in itinere Serravalle, occupatisque Novis, bipartito copias dividunt. Subalpini Savonem, Finariumque versus eruptionem facere contendunt; Germani autem, Ligusticis primo impetu faucibus potiuntur, quum, quæ præsidio ibi erat, Hispanorum manus, commisso vix dum prælio, sese ad suos magis recipere, quam aliena tueri cogitaret.

Postridie mane Sextum Pallavicinus redibat, ut, quo tantæ demum Borboniorum pollicitationes erumperent, videret. Atque ei  
mil-



millia passuum aliquot progressu nunciatur, paulo ante discessisse Philippum, omnes duces, omnem exercitum properare, atque esse in itinere. Itaque, infecta re, in Urbem revertitur. Paucis post diebus, quum jam Austriacorum adventu in maxima Genuenses essent perturbatione, ac luctu, apparent a Muniaino literæ, quas scripsisse is dicitur Ovalii Hiberni callidissimi hominis admonitu, ut a Borboniis relictionis invidiam averteret in eos ipsos, qui relinquebantur. Insimulabantur Genuenses, per inde quasi nimia libertatis cura recipere intra Urbem auxilia noluisent, quæ maxime imploraverant, aut per quasdam condiciones placare Austriacos tentassent, a quibus durissima quæque patiebantur. Muniaino ex auctoritate Senatus Pallavicinus omnium earum rerum testis, atque actor respondit; iisque eum sententiis, rebus, & temporibus adeo repugnantibus scripsisse, quæ scripserat, demonstravit, ut liquido constaret intempestivam expostulationem longe plurimum a vero abhorrere. Tam autem anxia profectio occultandæ religio eo spectasse videtur, ut impeditis circa Genuam deditioe, prædaque Austriacis, quietiorem Borbonii receptum haberent.

Austriaci Genuæ appropinquabant, in Arenariumque suburbanum pervenerant, magnaque erat in Urbe perturbatio, magna concursatio sciscitantium quo loco Austriaci, quo Borbonii essent, & augebat tumultum agrestium mulierum, virorumque turba, quam,  
ad-

adventantibus Austriacis, repentinus in Urbem pavor compulerat. Erat hostis ad portas, nullum foris auxilium, nullum intus præsidium, non pecunia, non milites, exhausto arario, distracto exercitu, paucis relictis cohortibus, iisque ex transfugarum genere infidelissimo suppletis. Urbana quum vocaretur ad arma plebs, aut nomina non dabat, aut dilabebatur. Irritata enim Borboniorum receptu, & capta compendio, quod locandis operis, venalibusque vendendis belli tempore fecerat, detestabatur magis sociorum perfidiam, quam hostium horrebat adventum, minusque servitutis quietæ opinione, quam ancipitis belli metu perturbabatur. Apud Patres variæ erant sententiæ, & erat magis in promptu, quid sequerentur, quam quid sequi e Republica foret. Mittendum tamen Escerium castrorum Præfectum censuerant, qui Brounii eliceret animum; namque is Austriacis tunc copiis, absente Botta, præerat. Sed quum acerbius esset Escerius tractatus, & negligenter auditus, missi sunt Raynerius Grimaldus, & Augustinus Laumellinus, qui, Brounio convento, ita loquuti sunt: Bellum Genuenses nemini, minimeque omnium Reginæ Ungariæ intulisse, quam semper singulari observantia coluerint: ejus rei testimonium esse, quod eorum Legatus nunc quoque Viennæ apud ipsam sit, neque certe, nisi salva amicitia, liceret esse: ad Borboniorum societatem coactos descendisse, atque omnia prius de compositione expertos; arma sumplisse defendendi

di sui causa, ne sua sibi eripi si inermes sine-  
rent, ignavissimi mortalium haberentur. Qua-  
re neque infectandos videri, qui sua defen-  
derint, neque hostium numero habendos, qui  
nunquam ab amicitia discesserint. Immo ve-  
ro acerbissimorum hostium, inquit Brounius:  
quid enim sine vobis Borbonii potuissent?  
iis vos auxilia, vos commeatus subministra-  
stis, & sexennium fere, frustraue nitenti-  
bus vos soli, Genuenses, patefecistis adi-  
tum ad ea conanda, quæ si valuissent, Au-  
striacum in Italia nomen deletum esset. I-  
rent propere, Senatuque renunciarent, omit-  
tendum esse in præsentia amicitiae nomen, eas-  
que leges accipiendas, quas victoris ira im-  
posuerit. Missurum se cum iis Comitem Go-  
ranum, qui eas perferret, Senatuque de scri-  
pto pronunciaret.

Biduo, quo hæc gesta sunt, Novis Bot-  
ta profectus ad exercitum advolavit, ne quis  
deditæ Urbis gloriam, prædæque alius in-  
terciperet, & improvisum accidit Austriacis  
incommodum. Nam quum in ipso Porciferæ  
amnis alveo tetendissent, qui latissimus est,  
& erat a diuturna serenitate, exsiccatus,  
tantus repente imber coortus est, ut nun-  
quam illis locis majores aquas fuisse con-  
staret, & milites, tabernacula, equites, equi-  
que rapidissimo amne abrepti gurgitibus hau-  
rarentur, eaque tempestate homines ad mille  
perirent.

Bottæ adventus, ut in malis, gratus Ge-  
nuensibus fuerat, propterea quod recordatio-  
ne

ne civitatis, qua familiam suam cum suffragii jure honoris causa donaverant, & affinitatis, quæ erat ei cum nonnullis Genuensibus, facilem, mitemque sperabant. Ad quem quum Augustinus Laumellinus, & Marcellus Duratius (nam valetudine Grimaldus impediabatur) in castra venissent, precibusque ab eo petissent, ne hostis animo, qui civis esset, ad communem quodammodo patriam evertendam accederet, cum ingressos in sermonem Botta interpellavit, & loqui plura prohibuit: Quid enim, inquit, verbis opus est? aut resistendum vobis est, aut statim facienda deditio. Si resistitis, ego Urbis ruinam actutum futuram puto; sin deditionem facitis, accipite. Explicat codicillos, in quibus ejusmodi erant scriptæ conditiones: portam Urbis unam statim traderent: quæ in arce Gavii, quæ item in Urbe præsidia essent, se uti Austriacis dederent, Senatus censeret: Austriacos bellum gerentes, eorumve socios oppidis, arcibusque reciperent: omnes Reipublicæ portus, stationesque Austriacis sociisve nautis, Navarchisque paterent, atque immunes essent: adversus Austriacos, eorumve socios hostile quicquam ne tentarent Genuenses, neu tentari paterentur ab suis: arma, commeatus, tormenta, quæ Gallorum, Hispanorum, ac Neapolitanorum essent, sine mora traderent; qui item Galli, Hispani, Neapolitanive milites, ducesve essent apud ipsos, eorum sine ulla exceptione nomina profiterentur: qui bello capti, quive transfugæ ex Austriacis essent,

*Castr. Bon. P. I.*

S

sent,

sent, recte omnes redderent: Dux, cumque eo Senatores sex Viennam proficiscerentur, advolutique Reginæ pedibus clementiam ejus implorarent: obliques, ea ita futura, Senatores quatuor darent Mediolanum deducendos; & tricies HS., quod exercitui congiarii nomine donaretur, penderent in præsentem, & tantumdem præterea pecuniæ Comiti Cotechio Italici exercitus Quæstori curarent, quantum conveniret: de his omnibus rebus xx. horarum spatium ad deliberandum haberent. Hoc a me, inquit Bottæ, beneficium habetis, ut aliquæ sint conditiones, quibus vitam, ac libertatem pacisci possitis; quas non ademisse erit vobis argumenti loco, me nec humanitatis, nec, quando ita vultis, patriæ oblitum esse. Si cui vero conditiones latæ graves, atque acerbæ videantur, reputet ipse secum, quanto illa graviora æstimanda sint, expugnari domos, diripi fortunas, abstrahi in servitutem, cædes fieri, incendia, rapinas, quæ omnia necesse est accidant victis, victoribusque parere recusantibus. Perlectis Legati conditionibus, auditisque Bottæ minis ingeminare, & quo sunt, quæ præter opinionem accidunt, acerbiora, eo vehementius Bottæ oratione commoti sunt. Facilis enim qui putabatur, ad eas conditiones, quas Senatui Gornus ediderat, duriores ipse multo addiderat: ut autem spatium intercedere posset, dum his malis remedium aliquod inveniretur, negarunt Legati xx. horarum negotium illud esse, in quo de totius Reipublicæ statu ageretur,

tur, quum præsertim lege apud ipsos sancitum esset diligenter, ut, nequid eadem die de eadem re & consuleretur, & statueretur, neve quid prius statueretur, quam Senatus antea cognovisset, & Concilium postea Minus approbasset. Tum Botta barbare irridens, quam vos mihi, inquit, legem, quem Senatum narratis? una est hodie vobis lex parere victori, neque armatis hominibus cogitandum est, quid vester ille Togatorum conventus decernat. Legati, desperata re, in Urbem revertuntur.

Habetur statim noctu Senatus: ac tametsi plerique accipiendas confestim a victore leges, &, posita ferocia, fortunæ cedendum existimarent, tamen non deerant, qui in extremis rebus ab animi magnitudine auxilium petendum esse arbitrarentur, constantiam, & fortitudinem, veterumque Romanorum non accommodata temporibus exempla usurparent, præstareque dicerent omnes perpeti acerbitates, quam, tanta accepta ignominia, & libertate amissa, precaria salutis spe pendere. Vicerunt ii, qui neutrorum neque approbata, neque improbata sententia, placere sibi censebant, uti antequam quicquam de tanta re statueretur, evocarentur Præfecti copiarum, deque statu mœnium Urbis, ac defensorum interrogarentur. Evocati raptim, interrogatique num his mœnibus, his militibus defendi Urbs posset, ad unum omnes non videri responderunt. Senatus, quum nihil in mœnibus, nihil in militibus præsidii esset, & præsentī vi

cogeretur ad inique paciscendum, moveretur autem misericordia populi sui, quem in expugnatione Urbis diripiendum, atque interficiendum videbat, necessitati parendum censuit. Sic fuga sociorum, infirmitate praesidii, terrore praesentis exercitus inducti Genuenses, compulsi, coacti condiciones a Botta latas accipiunt. Fit in eam sententiam S. C., quo ex S. C. Gavii arx munitissima Austriacis deditur, frementibus praesidiariis, aegreque ipso arcis Praefecto Joanne Luca Balbo ferente, iussu Senatus ad deditionem compelli, quum duodecimum jam diem summa vi oppugnantem Picolominæum contemnerent. Mittit ipse continuo Botta, qui portam occupent, quæ ad Pharum, novorumque mœnium ambitum pertinet, neque ea contentus mittit etiam, qui Thomasianam portam obtineant, quæ in veteri Urbis muro ædificata est; quum Legati Republicæ infirmari condiciones frustra testarentur, si duas pro una portas occuparet; ille autem portam nequicquam tradi diceret, quæ introitum non daret in Urbem. Harum enim portarum situs is est, ut altera alteri includatur, neque adiri ad alteram nisi per alteram possit. Urbs autem ipsa duplici murorum ambitu veteri, novoque cingitur.

Oppressa Genua, fugatis Borboniis, insperata rerum commutatione elati Austriaci, natique ex diuturna egestate copiam subito rerum omnium majores sumere spiritus, majoraque multo agitare animo coeperunt, neque posse ad ea conficienda quicquam deesse ar-

bi-

bitrabantur, quum Urbem haberent refertissimam, quam primum consilium erat penitus exhaurire; & iis, quibus vitam, atque arma relinquebant, mala minitari, spoliaque omnia extorquere instituerunt.

Quæstor Cotechius, quum in Arenarium suburbanum venisset, petiit statim a Senatu per literas, uti nobiles sibi aliquot daret, quibuscum colloqui, & de summa, quæ Reginæ Ungariæ nomine curanda esset, convenire posset. Gravissimi viri, & summis honoribus usi Joannes Baptista Grimaldus, & Laurentius Fliscus designantur, qui ea de re cum Botta, & Cotechio agant: atque iis, quum ad Quæstorem venissent, priusquam colloquerentur, ipse ultro Cotechius edictum obtrusit, quo Senatus compellabatur, & in quo de clementia Ungariæ Reginæ erga Genuenses multa prædicabantur: ejus beneficio suis legibus vivere, quos in potestatem redigere belli jure potuisset; & ne nunc quidem id illam agere, ut omnia illata bello damna dissolvantur ab Genuensibus, & compensentur pecunia, quod tamen esset æquissimum; sed multum remittere, exiguaque esse parte contentam. Darent millies octingentes HS. tribus descriptum pensionibus æquis; quarum ex qua die, quave hora hæc scripta, editave postulata essent, uti ex ea die, eave hora intra viii., & xl. horas prima pensio, altera intra octavum diem, intra quintum decimum tertia solveretur. Ni id ad certam diem factum sit, Reginam suæ oblitam mansuetudinis igni, ferro, omnique cladi



dis genere in Genuenses animadversuram. Legati, demonstrata, deplorataque ærarii inopia, orant hominem, atque obsecrant, ne civitatem atroci evertat edicto, quod futurum provideant, si tot malis confecta alio insuper tributo, ac sœnore trucidetur; multaque & de iniquitate imperandi, & de acerbitate exigendi conquesti sunt. Ad ea nihil Cotechius, nisi parvulam temporis dilationem multis precibus expressam concedere. Re Senatui nunciata, quum propter negotii gravitatem, temporisque angustias, exploratis omnibus rebus, quo confugeret, non esset, decurritur ad ultimum illud miserum & grave, quo ne turbulentissimis quidem Reipublicæ temporibus nunquam antea ventum erat, uti pecunia, quæ est ad Georgii, esseretur, ex eaque prima pensio solvatur. Erat illa quidem publicâ ibi fide non solum ab Genuensibus, sed etiam a reliquis plerisque Italis, ac Transalpinis deposita pecunia, eamque Georgianæ mensæ tuendæ Octoviri diligentissime adservabant; sed extremis malis aliis malis remedia dabantur. Tot, tantique acervi nummorum partim in triremem impositi, partim plaustris exportati terra, marique deferrebantur in Arenarium suburbanum ad Austriacum Quæstorem, palam inspectante populo, atque ingemiscente. Et Botta flagitare pabulum, flagitare frumentum, tabernacula, vecturas non desisteat increpitans, minitantisque, & cujus modo rei nomen reperire poterat, hoc satis esse illi ad cogendas pecunias, vexandosque Genuenses videbatur. Contrahe-

trahebat naves, bellumque adversus Neapolis Regem parari, idque Genuensium com meatibus, atque auro administrandum esse dictitabat; seu quod istud, si Genuam cepisset, a Regina Ungariæ mandatum haberet, sive eo quod desiderium ejus interpretaretur, bellicque apparatu præveniret. Namque Regina ardenti, veterique Neapolim cupiditate rapiebatur, quam cupiditatem tot jacentem adversis, tempus opportunum, & secundæ subito res excitaverant, accendebantque turbandarum rerum nunquam abjecta spes, irritique semel ad Velitras dolor conatus.

At Neapoli, hoc literis, nunciisque divulgato rumore, trepidatur. Carolus Rex, etsi Ferdinandi Fr. egregiam in se voluntatem ex literis cognoverat Plumbini Ilvæque Principis, quem suæ Præfectum domus, audita Philippi Patris morte, in Hispaniam miserat; neque dubitabat, quin, illato bello, Hispanorum auxiliis defenderetur, tamen rei ejus moram, temporisque longinquitatem timebat, quod exercitus sui receptu, novisque regni consiliis occupatus Frater non ita celeriter juvare eum poterat. Relinquebatur, ut suis se copiis tueretur: sed veteranæ Italico bello distractæ, ac vehementer erant diminutæ, reliquæ ex provinciali delectu ita recentes, ut neque expectandum ab iis solis, neque committendum iis quicquam esse videretur. Itaque non egredi regno, quod fuerat Veliterno bello utilissimum, neque hostibus, si advenissent, occurrere cogitabat, sed communis ad regni fines, defensionisque arcibus, repugnare;

intereaque veteranas suas, atque auxiliares Hispanorum copias, quæ infesto Britannis mari, ægerrimeque coactis actuariis, Neapolim identidem commeatibus confluebant, expectare, &, si gravius accidisset, in Siciliam navigare constituerat. Verum Austriacorum spem, metumque Neapolitanorum Caroli Regis videtur fortuna quædam dispulisse, quæ aliam Britannis Regique Sardinia, aliam Austriacis mentem iniecit. Britanni propiorem multo, atque infestiores hostem Gallum persequi, in Galliamque propterea penetrare Narbonensem cupiebant, illa etiam spe ducti fore, ut adventu suo per causam religionis excitarentur in Occitania seditiones, conflatoque domi bello, abstraheretur Gallia Rex ab oppugnando Belgio, ad suaque defendenda revocaretur. Sardinia Regi non iisdem de causis eadem erat mens. Ille neque longius a finibus suis, hostem veritus, discedere Germanos, neque recepta Neapoli, nimium convalescere suis utile rebus arbitrabatur, implicatisque bello Gallis, magis libero solutoque animo Savonem occupare, eaque occupata (quod erat illi maxime propositum) optimo tandem portu potiri meditabatur. Villetius Britannorum, & Riccæcurtius Austriacorum Legati in Arenarium suburbanum conveniunt, eoque Marcianensem Comitem Sardinia Rex mittit. Quum Britanni Sardinia Regi cuperent, Austriaci autem Britannis obsequi cogerentur, constitutum communiter est, ut, deposito invadenda Neapolis consilio, in Galliam quam-

pri-

primum Narbonensem eruptio fieret, eoque Brounius proficisceretur, ad quem summa imperii respiceret.

Rex Sardiniae ex maxima in Bormiensi valle itinerum difficultate Ligusticam nactus oram, quæ est ad occasum solis, cum omni fere exercitu suo Savonem oppidum ingressus, arcem ad deditionem compellere statim non potuit. Defendebat eam Augustinus Adurnius Genuensis excellenti virtute: neque ulla denunciatione periculi, aut desperatione auxilii, aut denique defensionis iniquitate permovebatur. Nam, quod erat, ut diximus, in deditionis conditionibus adscriptum, ut ne adversus Austriacos, eorumve socios hostile quippiam Genuenses tentarent, neu tentari paterentur ab suis, ejus usi fœderis calumnia Britannii postulaverant, ne, quæ adversus arcem inilituebantur, Subalpinorum opera a prælidiariis disturbarentur, adeout jugulum armatis hostibus prius Genuenses dare cogerentur, quam se defendere possent. Relictis Rex cohortibus, quæ allatis, & constitutis quietissime tormentis arcem oppugnarent, ipse Finarium progressus, receptis arcibus, oppido potitur, quæ causa imprimis Italici belli fuerat. Aliquantum fuit ad Albintemelium moræ, quæ urbs est in finibus Liguriæ loco posita excelso, & arce satis munita. Sed ea quoque adventis mari tormentis, octavo capitur die. Dejectis inde Montealbano, Villaque Franca hostium prælidiis, Nicæam Rex venit, pustularumque ibi morbo tentatus lenissimo, paucis-

que

que propterea diebus recreatus reliquam in eo oppido agere hyemem constituit.

Hispani, Gallique in fugam coniecti nihil de resistendo cogitabant, sub adventumque hostium omnibus statim locis excedebant, Varumque flumen transgressi sua ipsi, & aliena, necui essent Austriacis insequentibus usui, evastabant, parsque tandem in Galliam Narbonensem ultimam penitus recesserant, pars intra Allobrogum saltus, montesque sese abdiderant. Ita Borbonii Italia cesserunt non tam hostium virtute, quam suis devicti consiliis.

Brounius, præmisso terra Gorano, qui loca exploraret, extremumque carperet hostium agmen, quique ad Tropæam in ipso expeditionis initio jaculo transfixus interiit, ipse ab Arenario prospera tempestate solvens, Britannicaque ad Villamfrancam navi delatus, Nicæam biduo post pedibus pervenit: & quum intelligeret in illis locis sibi bellum gerendum, ubi propter itinerum angustias, agrique minime uberis naturam, & per quem etiam superioribus diebus hostis prædabundus incesserat, futura esset in magnis res difficultatibus, atque unde xl. ante annis Princeps Eugenius tantæ auctoritatis imperator, gravi accepto incommodo, profugisset; non mediocrem sibi diligentiam adhibendam intelligebat. Itaque, convento Rege Sardinia, communicatisque consiliis, quum supportaturos Genua tormenta, commeatusque Britanni in se recepissent, expectabat ipse, dum reliquæ ex Subalpinis,  
Gal-

Galliaque Cispalpina, Liguriaque ad eum copiæ convenirent, iisque augerentur, quæ, extrema jam fame coacta ad deditionem Dertona, adventabant; atque omnibus rebus paratissimus non dubitabat, quin bellum ex sententia conficeret, ad eamque gloriam, eumque diem properabat, quo ipse, perdomita Gallia Narbonensi, Principi Eugenio rei gestæ famâ anteponeretur.

At Genuæ Austriaci jure belli, & patientia abutebantur deditorum. Nam Botta hibernorum instrumentum, aliaque multa, Cotechius alteram pensionem suo more flagitabant, cædem videlicet, incendia, rapinas, ni id esset celeriter factum, denunciante. Senatus jam a principio summos viros Cæsarem Cattaneum, qui biennio post Dux fuit, Matthæum Fransonium, Augustinum Gavottum, Augustinum item Laumellinum proficisci Viennam jusserrat, qui Reginam de his rebus certiore facerent, iratamque placarent Reipublicæ. Verum ne hoc quidem juris obtinere potuit, ut clarissimorum Civium legatione totius exitium Civitatis deprecaretur. Adempta spe deprecationis, calamitates augentur, efflagitationes, minæ. Tantæ conficiendæ pecuniæ ratio quærebatur. Tresdecim viri huic negotio præficiuntur. Tributum extra ordinem locupletioribus imperatur. Erat tamen ad id, quod vehementissime flagitabatur, perexiguum. Effertur iterum ex Georgiana mensa argentum, eoque altera Austriacis pensio solvitur. Quæ vix dum soluta, expolcitur statim tertia. Fit  
ma-

magnus dolor, & gemitus populi, totiusque admiratio Italiæ, tam grandem, tamque impudentem Genuensibus multam irrogari, neque aliud criminari, quam voluisse ab sese potentioris injuriam propulsare. Ipse Benedictus XIV. non tam, quod Pontifex esset, paterna quadam benevolentia, quam quod communem Italiæ fortunam miseraretur, cujus periculum in Genuensium calamitate agebatur, omni a Regina studio contenderat, ut leniret se tandem miseræ, atque oppressæ Civitati, imperatæque pecuniæ partem remitteret. Ac primo auctoritate Pontificis commota flectebatur animo Regina, Legatoque ejus partem remittere pecuniæ benigne receperat, postea vero vel inopia pecuniæ, quæ erat ei ad maximum bellum necessaria, vel eorum adducta consilio, qui Genuenses oderant, præcise negavit; &, quasi facilitatis pœniteret, non solum tertiam exigi subito pensionem, sed etiam sexcenties HS. hibernorum nomine imperari jussit. Tum vero nemini dubium fuit quin plane totius impenderet interitus Reipublicæ. Adeunt Bottam Legati, orant, atque obtestantur, ut, si quis locus misericordiæ relinqueretur, det aliquam extrema tolerantibus veniam. Flecti Botta videbatur, at Cotechius concitabatur, quum interim miseri jactarentur Genuenses, & crudeliter illuderentur. Sed perseverantibus Legatis Botta respondit: Nequicquam ejus Reipublicæ inopiam prætendi, quæ cives habeat ditissimos: quum adeo patriam amarent, atque ejus incommodis tam vehementer-

menter commoverentur, satisfacerent illi de suo, qui maximam apud externos populos pecuniam occuparint. Quæ Bottæ mandata contra jus omne publica privatis permiscerentis quum Senatui renunciata essent, extremumque, si reiicerentur, malum instaret; omnes autem quibus Viennæ, Mediolani, reliquisque in locis pecunia erat in nominibus, fortunas suas pro Reipublicæ salute libentissime offerrent, iisque caveri, oppigneratis Reipublicæ vestigalibus, æquissimum videretur, de his rebus omnibus Dux ad Concilium Majus retulit.

Quo in Concilio nonnulli nobiles, quum vel propriis impediti malis Reipublicæ non satis calamitate moverentur, vel rerum ignari in publica obligata fide bona quoque sua, corporaque obligari falso crederent, conati sunt, quum perrogarentur sententiæ, strepitu, adinurmuratione, turbatis denique suffragiis impedire, quominus decerneretur. At Philippus Franciscus Spinula grandis natu, jurisque consultus, quum silentium fecisset, consensuisse se, dixit, in Republica, neque unquam ejusmodi turbis nobilissimum Conventum agitari vidisse: debere quidem ferendorum suffragiorum libertatem servari, sed turbandorum licentiam a dignitate loci, atque hominum, qui nihil sapere plebejum deberent, longe abhorrere. Hic tum Augustinus Gavottus surrexit, & placere sibi censuit, ut cognoscendæ rei spatium daretur iis, qui non seditionis cupidine incitati, sed rei prolapsi ignoratione infre-



fremuerint. Visa est æquior sententia; itaque Concilium dimissum est. Quum autem Botta, immutata repente voluntate, non syngraphas sibi dari, sed numeratam appendi pecuniam juberet, res dilata est, totaque demum, conversis temporibus, populari motu interpellata refrixit.

Non remittebat interim furor flagitantium, minitantium Austriacorum; neque in Urbe solum, sed in vicis, castellisque singulis, ubi reliquæ Austriacorum copię ad divexandam Liguriam cum Botta relicta hiberna constituerant, eadem denunciabantur, eadem imperabantur, acerbissimeque exigebantur. Ipsum in portum ingressa Britannica navis bellica Urbem, portumque inaudito prædandi genere habebat infestum; dicebaturque a Rege Sardinia, cujus arbitrio Britannica ad mare inferum classis administrabatur, eo consilio submissa, ne opulentæ Urbis præda omnis Austriacis cederet: ægreque is tulerat illos, ipso neglecto, cum Genuensibus transegisse. Comes Christianus Ligur, magnus Scriba Mediolanensis, Genuam improvise advenerat, certamque, non consentiente Senatu, cujus erat is beneficio cum suffragii jure civis Genuensis, tabellariis Mediolanensibus sedem constituerat, dataque iis immunitate, discesserat. Damnati majestatis, vinctique Rivarolæ turbulentissimi in Corsica hominis filii, seditiosi ipsi solvuntur, exorante quidem Botta, sed armati, & victoris preces imperantis habere vim videbantur. Erat in Urbe justitium quoddam,

dam; nihil, invitis Austriacis, Senatus, nihil reliqui poterant Magistratus. Movebat maxime multitudinem sui Ducis, prout videbatur, spreta majestas. Nam, quum mos esset, quoties prodiret in publicum, ut instructi milites Reipublicæ fora, viasque obsiderent, hanc honoris speciem removeri Dux, sive casu jufferat, sive temporis iniquitate commotus: id tamen in Austriacorum importunitatem conferebat vulgus inquietum, suspicax, & præoccupatis semel animis, etiam fortuita durius accipiens. Contemnebatur nobilitas, maledictis omnes, contumeliosisque vocibus exagitantur; atque ita ad jacturam rei familiaris adjungebatur contumelia, quam pati Itali homines difficillime possunt: eratque utrumque acerbum admodum ferocissimo populo, & lucri cupidissimo. Opifices, & tabernarii aut se suis artibus removerant, aut palam vi, malo, plagis adducebantur, ut merces venderent, non quanti esset æquum, sed quanti cogerentur. In his angustiis minuebantur ab opulentioribus sumptus, egentiumque propterea, & perditorum numerus augebatur. Nonnulli ex nobilitate, & cujuscumque loci honestiores, patriæ everSIONem quum audire mallent, quam videre, cum liberis, & uxoribus profugerant, multoque plures profugissent, nisi Concilii Minoris decreto fuga repressa esset, quo decreto Senatori, Nobilive, qui Concilio Minori interesset, abesse ab Urbe ad annum vetabatur, multaue dicebatur, si abesset: adeo, desperatis omnibus rebus, plena erant omnia

ma-

mœroris, luctus, & tristissimi cujusdam silentii. Austriaci contra milites, ducesque vagabantur passim læti, atque erecti cum ingentibus minis, & barbaro, atque immani terrore verborum, oculis, manuque loca, domosque designabant, quas occuparent, quas prædarentur. Est Genuæ locus, extruso mari, magnifice exstructus, ubi publice, privatimque merces asservantur diligenter. Eo irrumpentes Austriaci insolenter obequitabant, & mercatorum bona suam esse prædam dictitantes, omnium ejus ordinis odia in se stultissima jactatione concitaverant. Audiebantur voces quasi vaticinantium: madefactum iri minus octo diebus Genuam sanguine, futuramque stragem cæde ipsa fœdiorem. Ipse imperator Botta Legatis Reipublicæ pro patria orantibus dicebatur dixisse, nihil se Genuensibus præter oculos relicturum, quibus miseriam possent Civitatis, atque Urbis flere vastitatem.

Brounius, transducto Varum flumen exercitu, cum lxiii. cohortibus, quo in numero xx. erant Subalpinorum, & xlv. equitum turmis in Galliam Narbonensem eruptionem fecerat, & quum mare tenere, commeatusque vellet, qui Britannicis ab Genua navibus supportabantur, primum omnium Antipolim oppugnare cogitabat; qua capta, reliquum facile bellum explicare posse confidebat. Nulla erat Hispanis permanendi in Gallia voluntas, nullæ Gallis eo loco ad resistendum vires. Qui ex Italia redierant continuis præliis, atque itineribus attriti vix se sustinebant: qui a Belgio

gio abstracti subsidio accurrebant, atque expectabantur acerrime, aberant longius. Hostes imminebant; legebant littus Britanni; & seditionis in Occitania animus accesserat. His omnibus rebus tantus, adventu Austriacorum, universæ provinciæ terror inciderat, ut alii res suas in Lerinam, Planasiamque insulas, qua minime adire hostis videbatur, conferre properarent, alii, projectis omnibus, longioris fugæ consilium caperent. Massiliæ, Telonis, atque ipsas ad Aquas Sextias, ubi Philippus Hispani Regis Fr. consliterat, metus erat summus, & de deditione sermo nonnullus, jamque corrogabantur pecuniæ ad direptionem, cædemque redimendam.

Sed debebatur fatis, ut Galliæ salus, Italiæque libertas una Genuensium virtute flaret. Nam, quum ad oppugnandam Antipolim tormentis opus esset, eaque asportari, supportarique Genua placeret, milit continuo Botta magis ad speciem officii, quam quod denegaturos crederet, qui ab Duce, Senatuque peterent, ut ea sibi confestim traderentur. Negavit Dux concedi cuiquam posse, quæ uni Reipublicæ in defensionem reservarentur; neque decere Senatum, qui ad patriæ custodiam delectus esset, ipsum tradere aliis patriæ præsidia. Quando vero omnia vi, minisque agerentur; quid Botta precibus peteret, quæ per vim posset auferre? Hoc accepto responso, aliquot statim milites proficisci Botta iussit, qui tollenda & mœnibus tormenta, asportandaque curarent. Hic tum populus, atque uni-

*Cæstr. Bon. P. I.*                      T                      versa

verſa multitudo paulo apertius queri & clamare cœperunt: creptum argentum, creptam libertatem; etiamne conſtituta a maioribus præſidia, atque ornamenta Urbis barbari eriperent? id enimvero agi, & parari, ut, inermes quum fuerint Genuenſes, pecudum more jugulentur. Namque erat callide vulgatum, & temere creditum, futurum paucis diebus ut omnia ferro, flammaque delerentur: & nobiles, qui Minori intererant Concilio, ſueti antea ſeveriſſima religione occultare arcana Reipublicæ, nihil jam de Bottæ minis, immani-que Auſtriacorum cupiditate reticebant. Ipſe Dux Brignolius in tanta rerum perturbatione, incredibili animi robore, conſilii-que præſtantia neque nimis populari concitationi indulgebat, neque ſatis repugnabat. Venientes enim ad ſe cujuſcumque generis homines, impotentiffimumque Auſtriacorum dominatum, & plebis jam ex dolore inſanientis rabiem commemorantes leniebat magis, quam coercebat, ne aut coercendo Auſtriacorum vim approbare videretur, aut incitando armati exercitus furori populum, totamque Reipublicam obice-ret. Simul videbat populares motus, ſi leves ſint, facile quietſcere, ſi implacabilius exarſerint, ambiguis verbis multo magis inflammari. Itaque moderabatur orationi ſuæ, temporique, & Reipublicæ ſerviebat.

Sed tot publicis, privatiſque de cauſis ingentem in populo irarum molem tacite jandiu graſſantem inopinatus repente caſus accendit. Aſportabatur æneum ab Auſtriacis mortarium,  
quo

quo uti in bello consuevimus ad ollas jaciendas incendiarias. Degravata forte pondere via subsedit, mortariumque dejectum est. Illi plebem, ut educeret, accire, & repugnantem vi, verberibusque cogere incipiunt. Agebantur hæc in frequentissima Urbis parte, quæ Porta Auria dicitur, eratque ingens multitudo, majorque multo rei cognoscendæ studio convenerat. Qua ex frequentia proripit se subito singulari puer audacia, &, incæptone opus esset, reliquos interrogans, saxum in milites jecit. Fit magna continuo lapidatio. Dant sese in fugam male mulcati milites; quibus fugatis, & clamore sublato, excipit rursus ex omnibus Urbis partibus clamor. Vocatur ad arma populus. Tumultuantur: direptaque odio gentis Austriacæ tabelliariorum Mediolanensium domo, ad fores Prætorii, in quo erat armamentarium, catervatim convolant, arma sibi dari postulant, arma clamitant. Habebatur eodem tempore Senatus, qui ferocientis multitudinis fremitu commotus, grandes natu cives, quos auctoritate, & populari gratia præstare cognoverat, ire statim, plebemque blandissime appellando sedare jussit. Quorum oratione, maximoque coorto imbri, plebis paulisper impetus resedit, quum potissimum, nocte ingruente, timeretur. Mittitur etiam ab Senatu Nicolaus Jovius, qui Bottam commonefaciat; videret, quid ageret, quo progredieretur: ignoscendum plebi, quæ militum commota injuriis dolorem suum vehementiori animi contentione persequuta fuerit: tumultum vix potuisse hesternæ die

ab Senatu comprimi, internunciis nobilissimis viris: plebis patientiam ne ultra, quam satis est, tentaret: orare, monere Senatum, & denunciare etiam, caveret, ne res neglecta maximæ denique Austriacis fraudi foret. Ad hæc Botta jam a principio plebem despiciens Genuensem, neque se temeritate vulgi commoveri respondit, neque arbitrari milites suos, qui gravissima prælia fecerint, Borboniosque devicerint, furentis plebeculæ ululatu posse terreri. Sed nihil in bello oportere contemni ea quoque res docuit, pravoque esse usum consilio Bottam, qui, dimittis in diversa hiberna copiis, paucisque apud se relictis cohortibus, despexerit imparatus tot hominum millia, tantosque sine armis terrores jecerit.

Postridie mane minaci vultu, intentisque armis centum Urbem Pyrochitrophori ingrediuntur. Horum adventu redintegratur tumultus. Jaciuntur undique lapides, iterumque ad arma conclamatur. Fugam Pyrochitrophori arripiunt. Nacta plebs duces Bavam, atque Asferetium, audaces homines nec infacundos, arreptis, quæ cuique fors offerebat, armis, adductisque tormentis vias, quæ ad portam pertinent Thomasianam, occupat omnes, easque trabibus inductis præsepit, sic parata, (ut videbatur) quidvis perpeti, & conari ut mallet, quam non se a perpetua avarissimorum hostium importunitate liberare.

Austriaci, redintegratis viribus, acriusque in plebem impetu facto, eam repellunt, qua repulsa, unoque capto tormento, audacius jam  
cum

cum parte equitatus sese in viam, quæ appellatur Balba, effundunt. Sed lapidum, jaculorumque multitudine, quæ undique ex tectis etiam, ac fenestris mittebantur, perterriti, rursus ad Thomsianam sese portam recipiunt.

Senatus iterum per Legatos suos liberius jam, constantiusque monere Bottam, ne incitatis militibus efferatam plebem, armorum suorum gloriam insanienti plebi committeret: progressum præcipitem, regressum inconstantem esse. Ille contra nihil nisi atrox, & sævum cogitare, & loqui: succensere Senatui, contemnere plebem, minari omnibus. Ac spreitis Legatorum monitis, quas Novis, quas in Ligusticis oris esse jusserat, confestim sibi copias adduci imperat. Portam firmari Thomsianam, Benigni, quam vocant, munitionem, quæ Pharo imminet, mortariis instrui, itemque eum locum, quo animi causa Philippei sodales convenire solent, qui in Balbam viam devexus est, duobus communiri tormentis jubet, eo consilio, uti Urbem, ollis jactis incendiariis, telisque e loco superiore dirueret, populumque tormentorum vi, atque Urbis ruina perculsum ad deditionem compelleret, omniumque ita rerum potiretur. Simul ab Senatu petit, quoniam ipse a plebis consiliis abhorreat, tumultuantem a tergo plebem a militibus concidi Republicæ jubeat. Existimabat enim hoc facto aut adversus Senatum, si repugnaret, causam quærere se posse inimicitiae, aut, si concederet, plebem ancipiti periculo distractam facilius opprimere. Summa



Senatorum indignatione excepta est postulatio tam impudens, & constantissime repudiata: neque enim postulandum ab Senatu, ut civibus vim, & manus afferat, & quasi sanguinem hauriat suum.

Austriaci, quum, multis in testa dilapsis, infrequentiores excubare populares animadvertissent, concubia repente nocte erumpunt, fanum, domumque occupant Equitum Jerosolymitanorum, ibique se communiunt, quotutius progredientem, averfamque percellere plebem superiore ex loco possint. Ii vero, qui ex altera Urbis parte ad Bisamnatem vallem in Albarensi suburbano confederant, allato de plebe concitata nuncio, portæ Urbis, quæ Romana dicitur, appropinquabant, quod neque a militibus Reipublicæ pro porta excubantibus timerent, quos utpote dedititios sumere arma adversus se non arbitrabantur, & ea transgressi, perque spatium illud procedentes, quod inter veterem, novumque murum intercedit, circumire Urbem, suisque sese ad Pharum adjungere confidebant. Quod quum Albarenses providissent, Genuensium excitati exemplo prodeunt armati, locum præoccupant, interclusosque hostes, & dissipatos diversas in villas compellunt, atque obsident. Quin confestim irrumperent, Augustini Ayrolii obstitit auctoritas, qui Senatus jussu iis erat in locis cum imperio. Hic dubitans, concursansque, neque gnarus reconditoris Senatus consilii, accepta fide, nihil Austriacos adversus Genuenses tentaturos, illos continebat a prælio. Sed  
au-

auditis paulo post Albarenſes, quæ Genuæ erant acta, rurfus in Auſtriacos impetum fecerunt, iisque, Petri Canevarii Protrib. mil. legionis Ligustiæ, nobiliſſimi fortiffimique adoleſcentis interventu, deditionis uti conditionibus permiferunt, atque Ayrolio irasce ſimulantes, quod ſtetiffe per eum, quominus eadem Auſtriacorum facerent, videbantur, cæterum prædæ cupidi villam ejus incenderunt. Deditorum autem in numero cohors fuit legionis Cailianæ.

At populus audacior jam factus, quod complures nobiles, & militares viros patriæ charitate, atque Auſtriacorum injuriis permotus ſenſim in cauſam deſcendere, plebeiſque obvolutos penulis conſilio, manuque adeſſe perſpiceret, alacer, ſpeiſque bonæ plenus hoſtes aggreditur. Botta, quum contra atque ipſe exiſtimaverat, augeri populo animum, numerumque videret, atque ex conſtantia Senatus aliquid ſubeſſe gravius ſuſpicaretur, qui nihil primo timuerat, nimium poſtea timere, ſuiſque diſſidere viribus cœpit. Itaque, ut ſpatium intercedere poſſet, dum milites, quos evocaverat, conveniret, aliquid interim agere de compoſitione conſtituit, Ocheliumque Trib. mil. ad Auriam mittit Melphitanorum Principem, quem populo acceptum, facillimiſque moribus cognoverat. Cum eo ita Ochelius egit: miſericordia Genuenſium commotum imperatorem, quibus extremum jam factum impendeat, petere a Melphitanorum Principe, ut populum ad interitum ruentem vo-

luntarium pro sua ipse auctoritate retineat, patriæque consulat universæ. Quibus Auria rebus cognitis Ducein Brignolium extemplo convenit, & quanta sit conciliandarum rerum oblata facultas, ostendit, suumque ad eam rem studium ultro pollicetur. Dux, etsi recte intelligeret, quo hæc omnia Bottæ consilia pertinerent, neque sine causa nobilissimum, atque optimum virum productum existimaret; tamen, ne videretur per se stetisse, quominus componeretur, palam liberaliter Auriam respondit, eumque collaudavit, sui, suorumque Majorum memorem esse iussit: clam per certos homines, quos Reipublicæ causa officiis, largitionibusque allexerat, populum monuit, ne nimium hosti crederet, neve ullam, nisi traditis statim portis, omnique de argento exigendo, asportandisque tormentis sublata mentione, conditionem probaret. Itaque, quum ad populum Auria, adhibito Augustino Laumellino, de conditionibus loqueretur, conclamat omnis multitudo, denunciandum Austriacis esse, ut portas confestim traderent, tormenta ne attingerent, neve ullum unquam amplius de argento sermonem inferrent. His Bottæ mandatis renunciatis, diem ille ex die ducere, quædam reiicere, nonnulla accipere, portas vero traditurum se negare: & tamen, ut manerent induciæ, non dissimulanter petere. Populus, ubi se diutius duci intellexit, redire Auriam, Laumellinumque, denunciarique Austriacis jubet, si rem conditionibus, quæ essent allatæ, componere velint, ante ho-

horam v. alterius diei sine periculo licere, post id tempus non fore potestatem. Illi redeunt, iterumque populi mandata exponunt. Victus Botta consentientis Populi pertinacia accipere se ait conditiones, & portam tradere. Agnovit Laumellinus verbum, veritusque, ne, quod ab Senatu postulaverat, in se Botta recusaret, portamque tradens Thomasianam, alteram ad Pharum teneret, non portam, inquit, Imperator, sed portas tradi sibi Populus postulat. Quo ille dicto adeo excaudit, ut Auriam, Laumellinumque retineri jusserit; atque aliquot post horas, ne sanctum ad omnes gentes Legati nomen violasse videretur, dimisit. Posteaquam in vulgus hominum elatum est, qua iracundia usus Botta Populi Legatos detinisset, eaque res colloquium ut diremisset, nemini dubium fuit, quin per causam compositionis insidiarentur Austriaci temporibus, expellendique essent, priusquam illi sese evocatis subsidiis confirmarent. Tota it ad arma Civitas. Non religio, non sexus, non ætas satis est cuiquam causæ, quare se domi teneat. Prodeunt armati, seseque invicem adhortantur. Nemo imperat, omnes exequantur. Rapiuntur e navalibus, mœnibusque tormenta, atque opportunis locis collocantur. Arduus ad eum locum, qui Petraminuta appellatur, & ad viam Balbam pertinet, difficillique adeo est adscensus, ut expeditus ea homo vix possit repere. Illuc e vestigio bajulorum, puerorumque multitudo, incitato cursu, mortarium advehit æneum maximi pondere-

deris. Tanta vel patriæ charitas, vel puniendi doloris erat cupiditas, aut etiam, quæ permultum valet apud mortales, exempli vis.

Ibi tum Visettius Jesuita, qui antea etiam privatim cum Botta egerat quadam notitia productus, quod erat ei cum Bottæ Fratris amicitia, imperatorem convenit, eumque, neu se, neu populum in apertissimum deducat discrimen, monet, atque obsecrat, & de conditionibus loqui incipit. Cujus mediam orationem interrumpunt undique subito tela immissa. Omnia statim e sacris turribus repulsa æra personant, exceptusque longe, lateque fragor perturbat hostes tanto obstupefactos strepitu. Acerrimo contenditur prælio. Deturbare Austriacos e fano, domoque Equitum Jerosolymitanorum quum Genuenses jaculis non possent, adactis procul a maritimo propugnaculo telis, fani turrim concutiunt: qua concussa, qui ibi sunt Austriaci proicere arma, & deditionem facere coguntur. Botta post Thomasianam portam in area, quæ est ante Principis Auricæ domum, equitum, peditumque aciem instrui jubet. Tela accidunt creberrima, superincidentibusque e Petraminuta ollis incendiariis perturbatur equitatus. Interim, qua est inter veterem Urbis novumque murum aditus, instructi prouunt Genuenses, refractaque Thomasiana porta dant reliquis, qui in Urbe erant, erumpendi spatium. Hoc omnibus audacius viis Genuenses succedunt. Multi ex Austriacis capiuntur, multi interficiuntur. Ipse, dum in foro Nigriano milites

re-

retinere, atque instruere fugientes conatur, Botta impacto ad murum quendam telo, lapideque disiecto leviter in faciem vulneratur; eodemque ictu Comes Castaleo, qui Bottæ aderat, perfollo equo dejectus magnum adiecit vitæ periculum. Tum vero popularium multitudine, suorumque cæde perterritus imperator terga vertit, eodemque acti, perturbatique timore permixti cum equitibus pedites Pharam petunt. Genuenses ab summis, novisque mœnibus proximos nacti colles horribili & multitudine, & specie descendentes cernebantur. Illi, ne a tergo circumvenirentur, veriti Pharam ipsum, Benignique munitionem relinquunt, seseque ad Arenarium fugientes recipiunt. Ea statim loca Genuenses occupant. Nox appetebat, & totius diei labore, & pugna defatigati ab insequendo desistunt. Portas valido præsidio firmant, & tanto alacres successu in Urbem revertuntur. Unus de plebe homo Joannes Carbo, ut erat a prælio horridus, & cruore oblitus Prætorium ingreditur, atque ad pedes accidens Ducis, portarum traditis clavibus, victoriam ejus dei Duci, Senatuique gratulatus est.

Eodem fere tempore qui Recci, quique Nervii erant, nonnullique item, qui, ut se Bottæ adjungerent, accelerabant Austriaci nova re perturbati, interclusique in Genuensium potestatem venerunt. Qui vero a Claverino ad Segestam Tigulliorum litus omne præsidiis tenebant, periculum veriti, quod ejus homines oræ Genuensis prælii fama excitati ad vim,

at-

atque ad arma spectabant, discedere propèrarunt, Sergianumque profecti, Sergianiolum si arcem satis natura munitam occupassent, ibi subsistere cogitabant. Sed quum fortiter defenderet Petralba Protrib. mil. de exercitu Genuensi, nullaque illis propter assidua, quæ ex arce adigebantur, tela, suspectumque oppidanorum animum consiliendi in oppido facultas, nulla item comueatus, omnibus circa locis infestis, nulla effugii spes esset, pactis, quas Petralba voluit, conditionibus, datisque obsidibus, inde emissi ad Aullam sese, omni dimissa Liguria, contulerunt.

Botta, quum in fuga a ferocissimis hominibus, qui Porciferam vallem incolunt, opprimi facile ad angustias locorum potuisset, dum alii morantur, & dubitant, quid sit capiendum consilii, alii exitum rerum ignorant, incolumis evasit. Erat eo præterea usus dolo, ut, antequam rei fama latius manaret, pronuntiari juberet: omnia convenisse; ipsum, facta cum Genuensibus pace, discedere. Qua simulatione deceptis, & nonnulla largitione permulsis rusticorum animis, ipse, relictis agris, abducta pecunia, Ligusticas raptim fauces transcendit, mutilatumque Novas exercitum reduxit. Ita Austriaci, conversis subito rebus, maximam spem, maximamque utilitatem amiserunt, Genuaque pulsi sunt ab iis, quos neque inimicos tollere, neque amicos parare cognoverant.

CA-

CASTRUCCII BONAMICII  
COMMENTARIORUM  
DE BELLO ITALICO

*LIBRI III. PARS II.*



Enuæ plebs partâ victoriâ ferox A-  
cademiam Jesuitarum, quæ est in  
Balba via, sedem concilio suo de-  
legerat. Cujuscumque loci homines  
arma ferre, pro portis, stationibusque excu-  
bare cogebat, neque satis habere videbatur ex-  
pulisse Urbe Austriacos, sed arcem e vestigio  
recipere Savonensem contendebat; ad eam-  
que rem, quantum gratia, auctoritate, pecu-  
nia valebat, nobilitas nitebatur, exemploque  
præibat. Comparatis cibariis, & aliquot præ-  
missis Reipublicæ militibus, signum datur pro-  
fectionis. Armata celeriter magna convenit  
multitudo, fiduciæque plena proficiscitur. Hic  
cognosci licuit, quam vana sit animorum ala-  
critis nullo certo duce, atque imperio firma-  
ta. Nam portis egressa plebs, quum commea-  
tus quosdam, impedimenta que Austriacorum  
offendisset, ad ea diripienda statim dilapsa est,  
neque optimatum precibus retineri potuit: il-  
lorum esse prædam, atque illis reservari quæ-  
cumque Austriaci reliquissent: liberatæ patriæ  
gloriam ne tenuissimæ modo spe prædæ conta-  
mi-



minarent. Non homines laus in sordibus, tabernisque natos, non, soluto legum metu, arrogantes pudor coercet. Ipsa oberat opulentiorum liberalitas, qui plebem in captandis nummis occupatam segniorē largitione reddebat. Invitati praeda longius procedunt populares, alique aliam in partem dissipati feruntur; atque ex tanta properantia rem negligunt, quæ, perterritis Genuensium adventu Subalpinis, qui pauci erant, facile perfecta maximæ fuisset ad omne bellum opportunitatis. Eo acrius, priusquam auxilia concurrerent, oppugnant Subalpini, alias evocant copias, alias proferunt munitiones, vexare arcem telis, atque ollis incendiariis diem, noctemque non desistunt. Ac tandem, qui oppugnabantur, dejectis propugnaculis, labefacta magna parte muri, adæcto cuniculo, qui arcem subruebat, atque omnibus desperatis auxiliis, sese dedere coguntur; quum eorum virtus, Adurnique Præfecti constantia ab ipsis esset hostium ducibus colaudata.

Auditis, quæ Genuæ acciderant, varius per universam Europam motus fuit animorum. Aliis præclarum, veterique Roma dignum, aliis periculosum, nonnullis vix credibile videbatur. Fractas Austriacorum spes, irritos in Italia conatus gaudebant Borbonii Reges, imprimisque Galliæ Rex, cujus in finibus hostes versabantur, certosque miserat homines Genuam, qui, quid rei esset, cognoscerent, sibi que renunciarent. Regina contra Ungariæ gravi commota casu Josephum Spinulam

nulam Legatum Reipublicæ finibus excedere suis, & quæ essent in suo regno bona Genuensium publicari, obsidesque Mediolani in carcerem condi, & redintegrari statim bellum iusserat.

Botta perfidiam Genuensium, qui neque colloqui, neque induciarum jura servarint, suamque in illos indulgentiam prædicat, neque interim popularium animos literis, nunciisque tentare desistit. Deduci præliis, evocarique tota Cisalpina Gallia milites, atque ad se adduci jubet. Omnibus circa locis pecunias imperat; quos ad eos, qui erant e nobilitate Genuensi, agros pertinere cognoscit, illos habet prædæ loco, ut maxime iraci nobilitati videatur. Qui Genuenses, Liguresque arma posuerint, iis veniam pollicetur, reliquis malum denunciat. Quibus rebus confectis, levis armaturæ pedites, quorum magnum habebat numerum, præmittit, eisque, ut Ligusticas iterum fauces transcendant, imperat, iniiciendique terroris causa, omnia cæuibus, incendiisque permisceant. Illi primo impetu Ruscinone, Campoque frigido potiuntur, difficilesque ados, atque opportunos in illis montibus aditus occupant. Quum longius progressi vellent, ab Hieronymo Balbo Equite Hierosolymitano, qui eo, coacta Ligurum manu, advolarat, repulsi sunt; & quum arcem Masoniam ad deditionem minis compellere tentassent, defendente Anfrano Saulio, non potuerunt.

Ge-

Genuenses sua apud Langenses præsidia posuerant. Hostes subnubilam nacti tempestatem prima luce ad Genuensium stationes, triplici instructa acie, improvise accedunt, Liguresque subita re, illatisque ignibus perterritos in fugam coniiciunt, Pontemque decimum occupant, ipsumque expugnare Langensium pagum summa vi conantur. At Gaspar Basadonnus, qui Porciferæ valli præerat, ea re nunciata, militum, Ligurumque contractas copias ad Pontemdecimum ducit, Augustinumque Pinellium, qui illi in itinere occurrerat, adoriri a latere hostes jubet. Impetu facto, multis interfectis, loco hostes pelluntur, depulsiisque ad eorum usque munitiones Genuenses insequuntur, atque ad Langensium deinde pagum conversi, liberatis suis, fugatis hostibus, in sua se præsidia recipiunt.

Interea Genuæ Senatus, quum, accepta ignominia & dilata ultione, iratiores reverti Austriacos videret, pro magnitudine periculi defensionem parabat. Franciscum Auriam proficisci in Britanniam jubet, qui cum Rege agat, & in Genuensi tumultu nihil publico factum consilio, populumque licentia militum, recordibusque ducum minis effleratum ad viam descendisse demonstraret, atque omnibus, quibus possit, modis abalienatam malevolorum sermonibus Regis voluntatem ad pristinum erga Rempublicam studium revocare conetur. His acceptis Auria mandatis proficiscitur, commodaque per summam hyemem navigatione usus in Galliam exit Narbonensem,

sem, atque ex itinere Bellinfulanum æstuantem dubitatione propter varios, qui de rebus Genuensibus effluebant, rumores ad submittenda auxilia Senatus nomine confirmavit. Lute-  
tiam quum venisset, cognoscit ibi, ut in Britanniam transmitteret, impetrari a Britannæ Rege non potuisse, quod gratissimum sibi quidem Genuensis Legati adventum fore, sed vereri diceret Rex, ne daret ea res anſam Austriacis ad suspicandum. Quo cognito, Senatus optimum factu censuit, Auriam in Gallia remanere, faciles qui apud Gallorum Principes, Regemque ipsum Galliæ aditus haberet. Legatis item aliis scriptum ab Senatu est, ut Borbonios orarent Reges, atque adhortarentur, ut celerrime Reipublicæ subvenirent, quos tamen ipsa temporum inclinatione, relietæque societatis pudore, & communis causæ cura incitari existimabat: plurimumque ei rei exemplo profuisse certum est Joannem Franciscum Pallavicinum, qui Reipublicæ apud Galliæ Regem Legatus erat, & singulari fidei, solertiæque existimatione florebat. Muros Urbis aut vetustate parum utiles ad præsentis usum belli, aut diuturna pace neglectos refici, & communiri jubebat. Idoneos deligebat homines, qui cives hortarentur omnes, ut suæ & communis salutis causa arma sumerent, brevique tempore tota est regionatim decuriata Civitas, nobilesque ipsi potentiores, omni in tanta perturbatione sublato dignitatis discrimine, promiscue describebantur. Nautas, mercatoresque in summa charitate, quam prædatoria classis,

*Cæſr. Bon. P. I.*

V

&amp;

& belli metus adauxerat, præmiis, atque immunitatibus alliciebat, ut essent, qui Britannos fallere, frumentumque in Urbem importare auderent. Pecunia deerat, hærebantque in ea expedienda Patres vehementer, quum & cives, universis imperatis pecuniis, ad tributum nomen obstruere cotidie magis, & Georgianam exhausta mensa, fides concidere publica videretur. Tum Brignolius Dux, de Senatus sententia, quum esset ea de causa Concilium Minus coactum: Non recte consuli posse Reipublicæ, dixit, cum privati ad consulendum sentus afferuntur. Si Patriæ salutem, si ejus conservatæ gloriam quærent, ingressi Concilium obliviscerentur omnium suorum, curam abiicerent rei familiaris. Maximas a Majoribus ædificatas, ornatasque classes, maximos esse factos privatim sumptus, ut transmarinas imperio Genuensi provincias adungerent: quid posteri dubitarent, paululum conferre argenti, non ut augeantur opes Reipublicæ, sed ne deleatur nomen? non ut hostem in longinquo Oriente scrutentur, sed ut a patriæ mœnibus, tectisque repellant? nequicquam privata servari, si publica conciderint: eam esse Rerumpublicarum rationem, ut bona, malaque earum ad omnes cives pertineant: oportere eos, qui Reipublicæ præsunt, omnia, quæ gerant, non ad propriam utilitatem, sed ad commune bonum conferre; æquisimumque porro haberi, ut qui reliquis honore, atque opibus antecellunt, amore etiam erga patriam, & liberalitate præsent. Ego equidem, inquit,  
ad

ad hunc principem locum. inclinata belli fortuna, quum vocarer, non eram, P. C., tam ignarus rerum, ut multa Reipublicæ mala impendere posse, titubantibus fociis, auctis hostium copiis, non præviderem, eumque me fortasse futurum Ducem intelligebam, cui vigilandum præ cæteris, nullique rei pro Reipublica parcendum esset. Sed recreabat me præstantissima Senatus sapientia, ex cujus auctoritate ordinis Reipublicam gerere debebam, & tantum me, amplissimo præsertim accepto beneficio, patriæ debere existimabam, ut vitam, nedum pecuniam, ejus salutis causa profundero jucundissimum ducerem. Hoc quidem tempore, quanquam & tempestas opinione mea major coorta est, & omnia in tantis Reipublicæ tenebris metuenda sunt, tamen eo sum animo, P. C., ut neque deesse patriæ, neque superesse velim. Hac Ducis oratione, & quod extra ordinem habebatur (nam moribus Genuensium Duci verba publice facere, nisi ex S. C. non licet) & quod maximum sui, optimeque cælati argenti pondus ad Monetam deferri ipse jussit, & voluntaria statim facta erat omnium Senatorum collatio, tanta innata est alacritas, ut adjuvande Reipublicæ certamen excitaret omnium animos, & pro se quisque factum, signatumque argentum contribuerent; Matronæque ipsæ opulentæ, atque optimates, ne in amore patriæ suis cessisse viris viderentur, auribus gemmas, collo monilia detraherent, atque in publicum conferrent. Insignis cum primis exitit

titit Augustini Gavotti, Josephique Duratii liberalitas, quorum alter iv. millia, xv. alter millia aureorum Reipublicæ donavit.

At plebs immoderatæ libertatis vitio insolescebat more suo, latrocinandique cupiditati defensionem patriæ, atque Austriacorum obtendebat odium. Simulans enim occultari bona noitium, domos scrutabatur, & multis se rebus pro patria pugnantem egere distitans pecuniam precibus flagitabat, quibus contradici non poterat. Erant exploratores hostium, erant improbi, & scelerati homines, qui, turbatis rebus, seditionis, & prædæ causam quærerent. Silebant leges: tacitus obsidebat curiam Senatus, neque illud esse tempus animadversionis existimabat. His malis hæc subsidia succurrebant, quominus omnis immutaretur status Reipublicæ, quod & honestiores populares seditiosis motibus adversabantur, optimeque de Republica sentiebant, & plebs partim illustrium familiarum splendorem, atque opes assueta mirari sui gregis sordes aspernabatur, partim lucro, prædæque addicta nihil de regno cogitabat; & mitissimi etiam, optimique nobilium imperii memor, comparatione deterrima præsentem tumultum fastidiebat; ejusque erant duces adeo rudes, ut regerentur magis plebis furore, quam ipsi regerent plebem; apud eamque suspicione fraudis, & non æquabili prædæ partitione offenderant. Itaque paucis diebus corruebant, magnoque erant odio omnibus. Adjuvabant rem proclinatam, qui vel a nobilitate submissi, vel plebe-

bejam ipsi per se pertæsi arrogantiam Senatus vigere auctoritatem, &, remotis ducibus, plebis languescere insolentiam cupiebant. Quibus rebus extimulata plebs suapte naturâ mobilis, & temeraria repente adorta est deprimere, quos paulo ante in cælum extulerat laudibus. Latrones illos, hostes, proditores esse vociferabatur. Comprehensos, atque omni contumelia vexatos in Prætorium adduxerat, Senatumque, ut in eos animadverteret, obtestabatur. Illos statim Dux in carcerem duci jubet, & duros pœnas affirmans a præsentis exitio subtrahit; monet deinde, quam potest mitissime, plebem, ut eorum ignoscat imperitiæ, qui legum, & Reipublicæ gerendæ ignorantia peccaverint: non posse bene geri Rempublicam imperiis stolidorum. His dictis mitigata dilabitur plebs, Ducis mansuetudinem, & æquitatem collaudat. Illos postea Senatus, repetitis rebus, non modo iniquissima invidia liberavit, sed etiam honore habito declaravit, nihil esse ab iis unquam de Republica nisi optime cogitatum. At plebs curarum, turbarumque tædio petit ab Senatu, ut alios sibi det duces, qui Concilio suo præsent, atque intersint. Itaque ex auctoritate Senatus delecti sunt nobiles iv. Joannes Baptista Grimaldus, qui de omnibus rebus ad concionem referre consueverat, & Joannes Scalea, Jacobus Laumelinus, Carolus Furnarius. Horum facilitate, solertiaque perimulcebatur multitudo; his auctoribus, controversiæ minuebantur, non dissentiente Senatu, cui suam obtinere auctori-



tatem nondum maturum videbatur. Erat plebs suorum magistratuum imagine alacrior ad defendendam Rempublicam? & quum nonnulla periculosissimo tempore fieri oporteret, quæ abhorrerent a moribus, videbantur ea melius in plebis temeritate, quam in amplissimi ordinis consilio delitescere: plurimum etiam valebat in vulgus opinio benignitatis, qua erga populum Dux utebatur, qui nullius stultitiam, atque humilitatem fastidiebat, interdum, noctuque faciebat omnibus conveniendi sui potestatem. His rationibus manebat domi concordia, commode administrabatur Respublica, cum subita seditio oborta est.

Postremi quidam projecta audacia homines facem multitudinis ex facinorosis, atque egentibus congregatam in Senatum, & nobilitatem concitare seditionis vocibus cœperunt: immortuam nobilium tyrannidem versari diutius in Republica non esse ferendum: illos primum auctores belli, prodita plebe, separatim sibi consuluisse; illos nunc de ejus cæde cum Austriacis consentire: &, quum forte nunciaretur, venire Austriacos, conclamatumque propterea ad arma esset, unus ex iis præcipiti furore inflammatus: quid vos, inquit, Austriacos persequimini, quum domesticum in Urbe hostem habeatis? delete Senatum, qui, ut sibi, suisque nobilibus provideat, vestrum cum Austriacis exitium pactus est. Cur enim arma capere vetamur? cur publica occluduntur armamentaria? nempe id agitur, nisi præcavemus, ut omnes, qui nobiles non sint,

sint, ex insidiis opprimantur. Sed præda ostenditur opima, præclara datur miseris occasio ulciscendi & ditandi se. Audeatis modo inane nobilitatis nomen, vanillimaque magistratum insignia contemnere, vestra sunt, o audaces & fortes viri, quæcumque illi per summam ignaviam possident. Continuo prædarum spe, & impudenti inducta mendacio magna sordidissimæ plebis multitudo ad Prætorium convolat, & per causam quærendorum armorum irrumpere conatur. Quum ab armatis excubitoribus repelleretur, tormentum, quod forte advehebatur, in foro novo ante fores Prætorii ingenti concursu, fremituque, & minis constituit. Tum Jacobus Laumellinus populari quadam ratione plebi gratus in mediam irruens turbam; occasune Urbis vultis finire Rempublicam? vosne hujus patriæ alumni, & vere Genuenses Ducis excindetis, Senatusque sedem, quorum virtute, & consilio vestra adhuc libertas, vestra omnium stat salus? non hercule illi nobis infestissimi Austriaci audeant. Quum nihilo remissius instarent, jamque ignem tormento adiicerent, opposito Laumellinus corpore, agite, inquit, explete iram, mea satiamini cæde: minori flagitio interficietis civem, quam totius Civitatis præsidium evertitis; & ego opportuna morte sublati tantum scelus non videbo. Maximo viri animo obstupescit multitudo. Paulatim incipit emergere pœnitentia, redire obsequium, & fractus denique plebis furor eadem, qua exarserat, celeritate restinctus est. Seditionis dū-

ces paulo post comprehensi, necatique furiosissimæ temeritatis pœnas dederunt; & Concilium Populi, reviviscente sensim Senatus auctoritate, paulatim consensescere cœpit, & cum nihil fuit causæ quare haberetur, atque hostes, relicta obsidione, discesserunt, tunc demum esse omnino desit.

Dum hæc in Liguria geruntur, Brounius, captis Lerina, Planasiaque insulis, Foroque occupato Vocontio, & præmissis, qui ad Argentium usque flumen progressi terrori essent hostibus, Antipolium ipse, perspecto urbis situ, & Britannis adjuvantibus, terra, marique oppugnare instituit. Sed defecerat Genua. Augēbantur Gallis copiæ: lx. a Belgio cohortes advenerant, cumque iis Hispani iterum conjungi dicebantur. Nam Galliæ Rex, Ferdinando Regi ut satisfaceret, Philippum Argensonium Campoliani auctorem colloquii a Concilio suo removerat, Malibojumque ab Italico exercitu revocaverat; quorum in locum domi Marchionem Puiſientem, summa virum probitate, & prudentia præstantem, apud exercitum autem in Gallia Narbonensi Ducem Bellinſulanum, eundemque Gallicæ militiæ Magistrum suffecerat. Rex vero Ferdinandus, si Austriacis in Italia Borbonii succubuisſent, Carolo Fratri, Neapolique timebat; iique, quorum Ferdinandus consilio utebatur (ut timida est, longeque nimium prospiciens ambitio) vereri cœperant, si domum, amissa Neapoli, Hispani Regni hæres, regnandique peritus Carolus rediret, ne fraterno amore,

re-

regique nominis auctoritate apud Fratrem Ferdinandum ille plurimum, ipsi minimum valeret: atque ita commutato consilio, Italicum bellum suadebant, eratque adeo eorum suasionem Ferdinandi immutata voluntas, ut præcipitis eum receptus, consilii que pœniteret relinquendæ Italiæ. Itaque Borbonii, auctis, conjunctisque copiis, exercitus eduxerant suos. Quorum adventu perterritus Brounius, simul reputans, Genuensis spe comæatus amissa, neque Antipolim oppugnari, neque diutius tolerari exercitum in locis minime frumentariis posse, consilium commutat, oppugnatione desistit, exercitum contrahit, in Italiam redit. Regredientem illum usque ad Varum flumen Borbonii insequuntur; quin longius procederent, hyems prohibuit, & militum labor, quos tot præliis, atque itineribus defatigatos oportebat aliquando in hiberna deducere. Idem Sardinia Rex, idem Brounius facit, collocatoque in hibernis exercitu, Sardinia Rex Augustam Taurinorum revertitur, Brounius Mediolanum proficiscitur.

Botta deponere jussus imperium, Piccolomineo exercitum, atque is paulo post Sculenburgio tradiderat. Brouniani exercitus pars in Ligures deducebatur. Legionarii, ferentarii que ex eo circiter cc. progressi villam Radianam, quæ non longe est a capite fluminis Urbis, occupaverant, aggeremque ante illam præduxerant. Qua re nunciata, Eques Hieronymus Balbus mittit eo confestim legionarios Genuenses lxxx., & voluntariorum militum

tum manum, qui, quum ad hostes venissent, superata munitione, scalis admotis, in ipsam per fenestras villam irruperunt. Illi Genuensium oppressi audacia, nonnullis amillis, interclusa fuga, projectis armis dederunt sese.

Interim Rex Neapolis de Genuensi tumultu certior factus, & auctoritate permotus Marchionis Folianensis nobilissimi hominis, qui erat apud eum non tam dignitate, quam fide, solertiaque &, amore in Regem singulari primus, actuariis suis, &, quo maxime indigebant, frumento, commeatuque reliquo juvari Genuenses jubet. Genuensibus item, quo essent ad defendendam patriam paratiores, iis, qui in regno suo possessiones habebant, legeque ea tenebantur, quæ est de absentibus, vestigal in annum remittit. Rex autem Galliæ Hispaniæ Regem per literas adhortabatur diligentissimas, ut Genuensibus quamprimum subveniret: pertinere id ad communem Borboniorum causam. Neque ipse pecunia, auxiliisque deerat, Bellinfulanoque mandaverat, ut de exercitu suo idoneam nactus tempestatem vi. hominum millia Genuam celerime submitteret.

Jamque octo minores ex eo numero duces advenerant, atque in his architecti militares duo, qui duodecies HS. attulerunt, & quam prompto, excellentique esset Rex in Rempublicam animo Genuensibus exposuerunt, magnasque Gallorum copias subsidio statim venturas confirmarunt. Tanta erat Gallici subsidii expectatio, ut ad eos, quum exscendissent,

sent, vulgus conflueret maxima occurrentium, prosequentiumque alacritate, perinde ac si libertas, & salus Civitatis advenisset. Sed ab eorum adventu quinque, & quadraginta ipsi erant dies, hyemisque præcipitabat, & jam, majoribus coactis copiis, hostes erumpebant, neque e Gallia naves, auxiliaque veniebant,angebanturque singularum horarum expectatione Genuenses, &, quæ natura sollicitudinis est, quod sperabant, quod summe factum cupiebant, id ipsum ne fieret, magnopere metuebant. Miserat Senatus Augustinum Laumellinum Gallica functum legatione, qui Philippum Hispani Regis Fr., Borboniosque in Gallia Narbonensi imperatores conveniret, eisque Civitatis spem, metum, periculum ostenderet: defatigatos Genuenses quotidianis prope præliis per quatuor fere menses cum ferocissimo hoste solos configere, neque jam, licet animus super sit, vires suppetere. Accelerarent, raperentque occasionem, quæ in armis plus interdum, quam ratio posset.

Tandem Massilia, Teloneque compectus, navesque solverant. Sed is fuit persequentium Britannorum impetus, ut aliæ, unde erant profectæ, referrentur, aliæ idonea ad egrediendum loca in Ligustico litore, ad orientem solem quod vergit, Corsicæque portus peterent, nonnullæ etiam ab hostibus caperentur. Quæ vero navis Marchionem Mauriacensem auxiliarium copiarum ducem, militesque una aliquot sustulerat, in altum provecta, & prospero usâ vento Genuam xiv.

Kal.

Kal. April. accessit, tardiusque confecto cursu, & quæ deerraverant, & quæ Hispanorum militum partem advehebant, Britannicæque classis metu in Lunensem sese portum introduxerant, eodem postea delatæ sunt.

Sculemburgius, hyeme confecta, quum ipso anni tempore ad bellum gerendum vocaretur, magna difficultate afficiebatur, qua ratione id administrare posset. Nam si hostem assiduus præliis conficere vellet, non satis erat copiarum; si ad oppugnandam Genuam contenderet, tormenta deerant. Quod fuerat in exercitu roboris, Galliæ occupandæ Narbonensis consilium, itus, reditusque copiarum absumpserat, & quum illata, uti supra demonstravimus, de Placentina præda controversia minui non potuisset, jacebant ea in Urbe multa, & præclara tormenta, quæ Borboniorum fuerant, quæque magno ad bellum Genuense usui esse poterant. Cui quidem bello ipse Rex Sardinie non satis inservire diligenter videbatur vel illius prædæ cupiditate abstractus, vel eo permotus, quod neque Austriacorum, si Genuam cepissent, nimis valde augeri in Italia potentiam, neque suum, si auxilia subministrasset, imminui exercitum volebat. Itaque postulatis, responsis, colloquiisque rem ducebat, eaque de causa Augustam Taurinorum missus ab Sculemburgio Blonchedius fuerat Trib. mil., qui omissa Placentinæ prædæ controversia, cum Rege Sardinie de tormentis, auxiliisque, aliqua interposita ratione, deliberaret. Ut autem Regis

gis Sardiniae animus expugnari posset, tamen erant propter itinerum angustias durissimae comineatum, tormentorumque subvectiones. His tamen difficultatibus non deterriti Austriaci, atque odio ducti Genuensium, a quibus se in Italico primum, deinde in Gallico bello impeditos videbant, tot contumeliis acceptis, gloria rei militaris diminuta, recentes, veteresque injurias armis persequi properabant, & nondum satis parati ad ipsam Urbem Genuam oppugnandam accedere constituerant.

Ad mare Ligusticum, ipsumque Apennini initium sita est vetustissima Urbs Genua, faxis, scopulisque sublata, quos maris sequuti opportunitatem industrii primum homines incoluerunt, affluenteque mox civium, & divitiarum copia, sumptuosis, magnificisque ædificiis exornarunt. Instructis mari propugnaculis, mœnibusque, veteri, novoque, ut diximus, terra muro cingitur. Portum habet ante se in ædificatione, aspectuque Urbis inclusum, projectis in mare molibus, quæ portus ostium efficiunt, emporiique celebritate nobilem, & quantævis classi satis amplum, ab Africoque, cui primum vento maxime erat obnoxius, objecta nunc immensi operis mole, satis protectum. Quæ pars Urbis in occidentem solem spectat ad Pharum, mirificæ substructionis turrim in promontorio positam, pertinet; quæ vero in orientem vergit, tumulto terminatur, qui Carinianus dicitur. Ab utraque parte novus per inæquales, præruptosque



que colles ducitur murus circiter millia passuum ix. in circuitu patens, atque in angulum ad eum locum coangustatur, cui nomen Spero est: opus certe arte, naturaque, qua maxime ad occidentem spectat, munitissimum. Duæ duabus ex partibus frequentissimæ valles, duo item sunt flumina, quorum alterum, uti primo libro demonstravimus, Porciferæ valli nomen indidit, ad Arenariumque suburbanum in mare influit, alterum Bisamnatem interfluit vallem, Feritorque appellatur. E regione Cariniani suburbanum est Albarense paulo editiore loco, atque omnium anæmnino. Huic suburbano, eique Urbis munitioni, quæ Zerbinus nominatur, interjecto Feritoris fluminis alveo, sanum imminet Mariæ Montanæ, cœnobiumque Minoritarum; neque ita longe continuatio quædam montium aturgit, quæ paulatim ad mare delatens quarto ab Urbe Genua lapide orientem versus in vallem desinit, quam Sturlam vocant. Duo sunt a Septemtrione pari fere altitudine, formaque montes, Geminique ideo Fratres appellantur, qui ab angulo novi muri, Speroneque passus ferme dcccc. absunt, muniti, & circumcisi admodum, maximæque ad repugnandum, oppugnandumque opportunitatis; hisque mediocri diremptus intervallo mons est oppositus, qui nomen ab adamante accepit, ad ejusque radices situs est Turracia vicus, medio fere inter utramque vallem spatio. Loca omnia circa Genuam aspera, rupes præaltæ, itinera ardua, duri homines, nulla pabuli,

nul-

nulla frumenti copia, adeo ut propter inopiam regionis neque morari diutius exercitus, neque progredi propter iniquitatem facile possint. Ipsa Urbs magnitudine operum, firmitate muri, multitudine civium, atque omni bellico apparatu instructa longam, & difficilem habet oppugnationem.

Reversus Blonchedius impetrata ab Rege Sardiniae auxilia, cumque eo, agente Britannorum Legato, in has ferme leges transactum esse nunciat: relicta Genua, Austriaci, Rexque Sardiniae partirentur inter se Reipublicae imperium, & qua ad orientem occidentemque spectat, æqualiter quisque, atque opportune haberent. Lunensis autem portus Francisco Lotharingio Cæsari, eidemque magno Etruriæ Duci attribueretur, quum debellatum esset, quæ res ab Regina Hungariæ Conjugis sui gratia postulabatur, maximæque ipsi, qui Etruriam tenebat, ad opes, atque ad divitias in Italia opportunitatis fuisset: atque ita Austriaci ne præmiorum belli Genuensis partem Regi denearent, Rex ut, rejecta in aliud tempus Placentinæ prædæ controversia, xii. cohortes, deductaque arce Savonensi tormenta subsidio Austriacis mitteret; idque subsidium celeriter venturum idem Blonchedius confirmat. Quibus rebus cognitis, Sculemburgius, & re frumentaria præparata, pluraque in agmina distributis copiis, quæ esse ad duodeviginti hominum millia dicebantur, Novis noctu proficiscitur.

Occupatis, uti supra cognitum est, Ligusticis a Botta faucibus, Austriaci, exquisito per exploratores itinere, ex omnibus montium.

tium jugis. subito sese eiiciunt universi, & Porciferam simul vallem, simul Bisamnatem conari obtinere videntur: eodemque tempore Præfectus Britannicæ classis Genuensis portus aditum obseperat, nullaque a custodiis navium Ligustici litoris loca vacare patiebatur. Præscriptum item erat Vogternio, uti coactis ex Cisalpina Gallia ii. hominum millibus, in Sergianensem provinciam erumperet, eo consilio, ut, omnibus obsellis viis, intercluso terra, marique com meatu, aut fame subacti deditionem Genuenses facerent, aut ferro ignique confecti pervicacis furoris pœnam subirent.

At Genuenses natura loci, auxiliisque Borboniorum, & veniæ desperatione confisi paratissimo erant ad resistendum animo. Sed quum neque ardua, neque munita loca vim hostium undique erumpentium sustinere possent, quumque rei militaris imperiti Ligures exercitatissimis hostibus opponerentur, pedem referre Genuenses coguntur, amissoque Montogio, ad Mariæ Montanæ fanum sese recipiunt: & Porciferani, quanquam acrius Piccolomineo repugnauerant, casam quandam prope Langensium pagum nonnullis levis armaturæ peditibus fortissime defendentibus; tamen ipsi quoque hostium virtute submoti ad Bolzanetum sese recipere coacti sunt, quo in vico præsidium erat Gallorum. Sculemburgius, qui in itinere ex equo ceciderat, latusque vehementer offenderat, captis quaquaversus locis pluribus opportunis, occupato a fronte, communitoque monte Adamante, & collo-

Ca.

cato post se Sanctandræenti castrorum Præfecto, ne intercluderetur, ipse apud Turraciam, idoneo, ut diximus, ad utramque vallem loco prætorium constituit.

At Mauriacensis Gallorum Præfectus, ubi hostes tam prope ab Urbe constitisse accepit, vel inopia consilii perturbatus, vel non satis cognita locorum natura, simul suis, qui paucissimi erant, atque Urbi præmetuens deduci Bolzaneto præsidium, Geminosque Fratres relinqui, omnesque sub mœnibus copias constitui jubet. Quo facto, qui ad Mariæ Montanæ excubabant, ii etiam sese ad Urbem receperunt. Porciferani autem, etsi a Gallis deserti, tamen in tuendi Bolzaneti consilio constanter permanserunt, quod verebantur, si eum Austriaci locum tenuissent, ne liberius, vastandi, prædandique causa sese in vallem effunderent.

Relicto monte Geminorum Fratrum, cedentibus Gallis, quum tota fremeret Civitas, commotus omnium querelis, & Guimontii potissimum, qui erat apud Rempublicam Gallorum Regis Legatus, monitis incitatus Mauriacensis petit eadem nocte ab Senatu, ut urbanæ militiæ partem Roccæpinio Trib. mil. attribuat, cui mandaverat ipse, ut relictum sine ulla cunctatione montem reciperet. Quum Galli inconsiderantiam receptus celeritate irruptionis corrigere cuperent, Genuenses, quorum maxime res agebatur, arreptis armis, concurrerent, facile, aliquot dejectis Austriacis, qui ex vicino Adamante successerant, Geminorum Fratrum mons receptus est, co-

*Castr. Bon. P. I.*

X

que

que recepto rursus, qui a Mariæ Montanæ fano profugerant, eodem celeriter redierunt, Montem Senatus firmo præsidio tenendum, additisque operibus muniendum, eique munitioni, qui invicem cum Gallis præessent, quoque res vocaret, Senatus nomine accurrerent, Joannem Carolum Pallavicinum, Felicem Balbum, Nicolaum Jovium, Francum Grimaldum designandos censuit, & Jacobum item Grimaldum, atque Ambrosium Centurionem, quorum alter Venetiis, alter e Gallia, audito patriæ discrimine, Genuam confestim advolarat: illique deinde, quoniam pro multitudine rerum gerendarum pauci videbantur, Carolus, & Pasqualis Spinulæ, & Franciscus Francosius ex S. C. adjuncti sunt: quumque ad Scotlarum, qui locus ad Bitamnatem vallem tuendam, refranandosque ab ea parte hostium impetus peropportunos erat, magna Ligurum multitudo convenisset, iis qui præesset, missus est Petrus Canevarius, de quo ante dictum est.

At Vogternius in Sergianensem provinciam progressus, conventum oppidi, atque arcis Præfectum, quum neque pollicitationibus, neque denunciatione periculi permovere posset, equites, peditesque suos infesto agmine procedere iussit. Eo Senatus jussu venerat Michael Pincetius. Hic, magna tumultuaria militum manu contracta, Sergianenses confirmat, præidia in locis, quæ erant hostibus finitima, constituit, ipse cum reliquis copiis ad hostes proficiscitur, acriterque in eos imp-

petu facto, repulit, atque aliquot millia passuum prosequutus consultendi illis facultatem non dedit. Quo permotus incommodo Vogternius, quum omnem adversus se consentire provinciam intelligeret, atque intrare intra præsidia periculosum putaret, infecta re, discessit, & Massensem, Lucensemque agrum maximis cinentibus itineribus, Apenninumque transgressus sese ad Sculemburgium prope Genuam recepit.

Sculemburgius, quum denunciationes, admoto exercitu, majorem habere vim, &, dum in metu est, parvo populum momento quam ad cumque conditionem impelli posse existimaret, denunciari Genuensibus per Blonchedium iussit, uti arma ponerent, imperata facerent: Reginam, tametsi gravissima digni pœna Genuenses sint, qui rebellionem post deditioem fecerint, veteresque injurias novo scelere cumularint, tamen eos pro sua misericordia conservatos, quam deletos malle; siquidem, priusquam, quæ in itinere sunt, tormenta ad exercitum advehantur, ad sanitatem redeant: nullam, adveſtis tormentis, futuram deditiois conditionem, atque intellecturos Genuenses, quam miseris grave, & temerarium sit, irritare potentiores, in demissaque fortuna spiritus gerere magnos magis quam utiles: denique constituent ipsi, utrum, pace firmata, omnique dempto metu, regiæ clementiæ malint, an, vastatis agris, interfectis civibus, eversa patria, severitatis periculum facere. Hac ad Senatum relata denun-

ciatione, ita Jacobus Grimaldus ex auctoritate Blonchedio respondit: Jus esse naturæ, ut sua quisque quacumque ratione defendat; neque ullo obstringi scelere, si quis alienam ab se injuriam propulsaverit: illos videri potius ab æquitate, justitiaque discedere, qui tantum sibi licere putant, quantum possunt, & quum in a iena tam impudenter invadant, innocentes acculent, qui tua tueantur: Reginam, quæ adeo clementiæ nomine gloriatur, non potuisse non commoveri, si inaudiverit, quam iniqua, quam multa ab Ducibus suis pertulerint Genuenses, qui quidem ipso in belli ardore suæ maluerunt utilitatis, quam eximiæ erga illam observantiæ oblivisci: irritatam toties patientiam postremo in furorem erupisse, & qui ab omni cum Regina bello semper abhorruerint, eo esse demum adaptos, ut arma sumerent, quæ iustissima sint oportet, quum necessaria fuerint: armis sumptis, sic esse Genuenses paratos, ut nec obsideri, si necessitas coegerit, nec mori, si casus inciderit, pro libertate recusent: cætera superis, fortunæque committant. Sculemburgius, ubi intellexit, neque Genuensium frangi constantiam jactatis denunciationibus, neque concordiam, quam optima domi disciplina, externique metus hostis faciebat, convelli posse, nullamque propterea aut spem, aut causam deditiois esse, ad reliquam cogitationem belli sese recepit. Itaque & munire vias instituit, quo facilius tormenta subveherentur, & alia ex aliis loca occupare perse-

severavit, ut Genuenses quam angustissime contineret.

Advenerat interim Gensam Dux Bouffertius, Gallici exercitus Legatus, atque unus e principibus Gallicæ nobilitatis, Equitemque Chovelenium castrorum Præfectum, nonnullosque alios duces adduxerat, &, quod non sine causa tantus Vir a Galliæ Rege submissus videbatur, civitatis spem, atacritatemque renovaverat. Ille in magno populi concursu, plausuque Senatum ingressus ita Ducem, Senatoresque est alloquutus: Eadem Genuenses animi magnitudine Reipublicæ libertatem, & Galliæ salutem attulisse, quosque hostes a cervicibus suis repulerint, eosdem a Galliæ finibus retraxisse; itaque sibi prius beneficio fuisse, & virtutis fama, quam vultu, congressuque cognitos; seseque, quum ad eos veniret, existimavisse ad Marcellos, Scipiones, Fabios venire, quorum animi rotur nullis fractum calamitatibus, & vix posteris credibile manu ipsi, usuque revocaverint: hujus fama virtutis commotum statuisse Galliæ Regem non tam bello, quam fide præstantem benemeritæ Reipublicæ omnibus modis subvenire, seseque ab eo missum, qui præsens regiæ testis esset, atque obles voluntatis: proinde hortari, cujus hostis insolentiam soli ejecerint, soli hactenus retuderint, ut ejus in oppugnatione audaciam maximi Regis auxilio freti contemnere ne vereantur: Regis illos Legatum habituros ad belli consilia scicium, ad pericula ducem, neque se Gallum esse me-



lius omnibus probare posse, quam si amore, fideque erga Rempublicam Genuensis fuerit. Dux Galliae Regis benignitatem summis laudibus extulit, qui Rempublicam in gravissimis periculis & adjuverit jam egregia liberalitate, & nunc Legatum ad eam amplissimum Virum mittat: tanti beneficii nunquam se, nunquam Senatum, totamque Civitatem immemorem futuram: potuisse Genuensibus hostes oppida, agros, pecuniam adimere, fidem, atque animum neque ademisse, neque adimere potuisse: itaque futuros eosdem, qui semper fuerint, ut in bello fortes, ita in fœdere constantes, atque hoc etiam magis, quo minus nunc sunt de exitu rerum, adjuvante potentissimo Rege, solliciti. His actis in Senatu, magna omnium alacritate discessum est.

Paulo longius progressi Sextum, Vulturemque ad mare oppida occupaverant Austriaci, & Pinum in montibus, cc. edito loco impositis militibus, additisque munitionibus tenebant. Vulturenses Austriacorum perterriti adventu, auctore, & sequestre timidissimo quodam loci sacerdote, sese Franchinio Trib. mil. dederunt. Deditioe facta, proximis improviso ex montibus cum sua tumultuarius militum centuria descendens intervenit Anobarbus, condiciones nihil moratur, impetum facit, occidit nonnullos, fugat omnes, longissimeque fugientes insequitur. Hujus opera Anobarbi eo Genuenses bello, optima, fortissimaque sunt usi, & ipse, rebus strenue gestis,

stis, quum humili ortus loco ignotissimus antea fuisset; pervenit ad hominum famam.

Altera ex parte Stephanus Iaunellinus amantissimus Patriæ Vir, qui, Venetiis initio belli relictis; ad opem statim Reipublicæ ferendam convolarat, quum Mariæ Montanæ fano præesset Pyrochitrophorique cl. Austriaci loco potiri conarentur, qui Lupa-Amara dicitur, eo profectus est; eodemque tempore Paulus Gentilis cum militibus legionariis, Liguribusque aliquot Stajeno progressus ad Pinum pervenit. Ne his quidem locis impetum Genuensium Austriaci tulerunt; compiuribusque amissis, relictis impedimentis, atque ipsis, quas instituerant; munitionibus, ad suos sese præcipiti fugâ receperunt.

Eodem fere tempore a Creto; ubi Sándraënsis consliterat; duplici hostes agmine profiscuntur; Canevariumque, qui Scoffaræ; ut diximus, præerat; dextrâ sinistraque adoriri parant. Qui Lavaniolam; qui item Montem Cornarium obtinebant; quæ prima erant opposita hostibus venientibus loca; pedem Ligures referre cœperunt; eatenusque retulere, quoad locum hacti opportunum subsistere, & militum, qui adveniebant, subsidio consilii repugnare potuerunt. Nam ea re nunciata Canevarius iisdem, quibus Austriaci venerant, jugis mille statim Bisamnotes, iisque qui subsidio essent, legionarios nonnullos bipartito mittit: & partem, in qua ipse erat, aggredi a latere hostem; partem a tergo invadere jubet. Commisso prælio, Genuenies Adolescen-

tuli ducis alacritate incitati acrius impugnant; illi Genuensium audacia, &, ne intercluderentur, metu commoti celeriter loco cedunt. Itaque interficiuntur, fugantur. At Canevarius, dum, fufis hostibus, retinere suos a præda, atque ad arcem occupandam Turriliam, quam hostium fuga desertam esse cognoverat, adducere obequitans, adhortansque contendit, longius progressus, jaculique in adversum os ictu vulneratus ex equo delabitur: conantibus auxiliari suis; frustra, inquit, attollere conamini, quem jam vita deficit: unum oro, ce-lentur mea de morte milites, ne ipsius nuncio debilitatis eorum animis, parta jam victoria interpelletur. Ego satis vixi, siquidem invictus, & pro patria morior. Redintegratur Canevarii morte hostium cædes, crevitque adeo Ligurum furor, ut ira flagrantibus non captivis, non vulneratis parcerent. Refertur in Urbem Canevarii cadaver, ad cuius aspectum tristissimus augetur omnium dolor, quem jam mortis nuncius fecerat. Concurrerant, videre cupiebant; illum mortuum consuevisse ajebant, dum viveret, hostibus terrorem, suis animum addere: illum ad parandos milites liberalem, ad pericula, consiliaque belli fortem, & prudentem fuisse, atque hæc egisse omnia, quum ad annos xxii. natus esset. Nam Canevarius non solum animo, sed etiam, quod non erat ab ea ætate postulandum, consilio erat non vulgari. Fuerat in Gallia Cisalpina apud exercitum Reipublicæ Protrib. mil. legionis Ligusticæ; prælio ad Tanarum interfue-

fuerat, paucisque mensibus, quum esset Genua profectus rei militaris rudis, factus redierat dux: adeo verum est, ab excellentibus ingeniis indocilem usus disciplinam non desiderari. Supremo die suo quam amplissime elatus est, funebrique pompæ tota ferme Civitas, milites, ducesque, ipse imprimis Dux Bouffertius interfuit. Factum est etiam S. C., ut Petro Canevario invidiissimo Adolescenti ob mortem pro Republica obitam statua marmorea in curia poneretur, quæ tantæ virtutis monumentum, patriæque posteris defendendæ exemplum esset.

His omnibus præliis intellectum est, neque Austriacis satis esse animi, quod locorum naturam ignorarent, neque Liguribus constantiæ, si a nobilium exemplo, & legionariorum subsidio defererentur. Accedebat huc ut militari assuefacti disciplina Austriaci melius progredierentur, &, quæ cœpissent loca, peritius defenderent. Ligures autem facile a signis discederent, magisque in singulis interficiendis militibus, quam in summa rerum Austriacis nocerent. Erat tamen in hoc bellandi genere illud Genuensibus opportunum, quod & Jevibus præliis atterebatur hostis, quem deteriorem in dies locus alienus, & tempus faciebat, & Liguribus quotidiana præliandi consuetudine animus accedebat: lociis præterea spatium erat mittendi auxilia, quæ per medias Britannorum classes parvis advecta navigiis in Genuæ portum facile irrepebant.

Au-

Austriaci, Coronatæ occupato fano, quod edito loco positum est, propius jam, instructis munitionibus, Arenario suburbano succedebant. Genuenses, quo longius illos arcerent, a Porciferæ amnis ostio ad eam exteriorem Urbis munitionem, quam Forcipem appellant, comprehenso colle, qui ab amæno prospectu nomen accepit, aggerem perducere, atque instruere properabant, neque adactis ex hostium munitione, Britannicaque navi, quæ rei impediendæ causa ad litus accesserat, telis deterrebantur, quominus opus urgerent. Quin etiam ipsi suorum tormentorum vi Austriacos, Britannoſque vexabant, Franchiniumque interfecerant nefariam uli crudelitatem, qua ille in miseros Porciferanos omnia exempla cruciatus ediderat: eademque celeritate ab altera Urbis parte Albarenſe suburbanum, excellentioraque circum loca munire curabant, & sic sunt patriæ tutandæ studio incitati homines insueti militaris patientiæ, ut rem multi operis, ac laboris, adnibitis militariſibus architectis, nobilissimisque ad opus viris excubantibus, brevi perficerent.

•Adventus Ducis Bouflertii summa spe, & voluntate Civitatem compleverat; nec minus ipse, quam in Senatu confirmaverat, animo laborabat, ut Reipublicæ Genuensis amantissimus videretur. Nam, seu quid communicandum, seu quid administrandum esset, ipse principes Civitatis benigne appellabat, ipse plebem effusa largitione incitabat, interdium, noctuque obequitans, interim pedes, nihil apud

pud hostes tutum, nihil apud suos languidum patiebatur. Namque etiam per eos dies Coronatæ fano depellere Austriacos conſtituebat, urbanamque eſſe in armis militiam, ſeſeque ad nocturnam parare eruptionem juſſerat. Signo dato, omnes convenerant. Ipſe monendo, cohortandoque aderat Bouſſertius. Movebantur etiam exemplo Joſephi Duratii, qui proveſta ætate, ut ſæpe alias, ita tunc armatus prodierat, nummoſque populo ſpargens rem adjuvabat. Sed infregit conſilium fœdiſſima coorta tempeſtas, adeout, proluentibus undique aquis violentiſſimis, neque arma homines tenere, neque pedem progredi poſſent.

Senatus, quum multa, quæ pertinerent ad ſollicitandum ſtatum Reipublicæ, excitari in turba belli poſſe exiſtimaret, ſaluberrimumque cenſeret in maximis rebus ſummam imperii apud unum eſſe, quæſtionibus extra ordinem exercendis quaſi dictatorem dixit Auguſtinum Gavottum, qui pœna paucos, terrore omnes afficiens intelliſſimo ſcelere Rempublicam liberavit. Magnam interim argenti vim in bellum Genuenſibus Rex Galliæ dare, neque minorem Hiſpaniæ Rex liberaliſſime polliceri perſeverabat, & auxilia uterque ſubmittebat.

Aucta claſſe, omnibus longe, lateque litoribus occupatis, intentiores erant ad cuſtodias Britanni. Genuentes ad recipienda auxilia, quæ, claſſis metu, portu Monæci continebantur, lx. phæſelos miſerant, iſſique præſidio

sidio naves longas duas. Nam commeatus propter ejusmodi agilitatem navigiorum facilius elabebantur, minusque, si nonnulla forte ex iis in cursu offenderent, deperibat militum, qui separatim in plures erant phaselos impositi. Ac primo in noctem coniecti phaseli, obductaque summo mane nebula occultati Britannicam fefellerant classem: deinde ubi diluxit, discussaque caligo est, apparuere. Quos quum audacius progrellos Britanni vidissent, sperantes intercipi posse, prædatoriam subito navim, myoparonem, atque aphractum ad eos miserunt. Genuenses, eductis triremibus duabus, conantes portum capere phaselos protegebant, prædatoriamque navim jactis morabantur telis. Eodem tempore naves longæ duæ Genuenses myoparonem, aphractumque Britannorum, commisso prælio, distinebant. Quæ res magnum attulit phaselis ad incolumitatem momentum. Nacti enim spatium, quum vehementius remos incitassent, in portum omnes refugerunt, quos statim, repulsis, elusisque Britannis, naves longæ, ac triremes consequutæ sunt. Ea expectati auxilii spes, is ex prælio metus animos versabat Civitatis, ut nemo fere Genuæ fuerit, quin visendi causa altissima tecta, nœniaque petens ex omni prospectu locum spectaculo cœperit, lætusque, confecto prælio, & gratulabundus ad portum procurrenit. At Britanni omnium dominatores marium, tanta sub oculis accepta ignominia, magnopere fremebant, eoque id magis, quod crebris sollicitabantur Austriacorum que-

re-

telis, qui auxiliorum adventum eorum negligentia falso tribuebant. Nam Genuenses nautici & ipsi homines domestico maris usu valebant, parvulisque navigiis, quibus incredibili celeritate transmittentes, ad litora sese statim, vadaque applicabant, atque ita Britannicarum impetum navium fere semper fugiebant. Magna præterea est maritimarum rerum inconstantia, & difficultas, utpote quas interdum malacia detinet, tempestas sæpe affligit, incertissimæque semper res, ventus atque unda gubernant. Neque vero, dimissis quaquaversus aphractis, parum proficiebant Britanni, submissæque etiam navi, quæ contra Nervium in anchoris consisteret, eamque viæ partem, quæ propter angustissimam oram Genuam ducit, conjectis infestam telis haberet, importari terra in Urbem commeatus prohibebant, excensionemque eo loco facere tentaverant. Sed periculum veriti, quod Ligures arma cæperant, ad navem statim refugerant, quam paulopost, sublatis anchoris, in altum remulco adducere coacti sunt. Illam enim Ligures, duobus aliatis noctu tormentis, repentino impetu telorum labefactaverant.

Venerant tandem xii. Subalpinorum cohortes, quarum Comiti Rocælio permissum erat imperium, atque is, capto, direptoque Vulture, ad Sextum castra fecerat, eoque tormenta Savonenſi arce deducta, reliquaque, quæ ad oppugnationem pertinent, terrestri desperato itinere, Britannicis navibus supportabantur. Aucto Sculemburgius exercitu, collem



lem quendam, in quo fanum est Misericordiæ positum, Ligurum dejecto præsidio, facile potitur; qui collis abest ab Genua millia passuum ii. Genuenses, eo amisso loco, tametsi non maximi erat momenti, tamen vehementer propter nimiam cujuscunque rei sollicitudinem perturbantur. Boullertius, ne per otium hostium incretceret audacia, & vulgi ingravesceret timor, signum dari, recipique collem, fanumque imperat, idque contentum conatus effecturum se sperabat, propterea quod annis Porcifera, qui medius inter eos, qui fanum obtinebant, reliquaque hostium præsidia fluebat, coortis imbribus, ea nocte admodum creverat, ut, quominus alij aliis subsidio irent hostes, impedire posse videretur. Dat negotium Cnovelenio castrorum Præfecto, uti princeps prælium ineat. Ille urbanæ militiæ centuriis, & Galis, atque Hispanis aliquot assumptis, ad hostes proficiscitur, in eoque, quum hora diei esset octava, impetum facit, acerrimeque repugnantes, relictis inferioribus locis, ad fanum sese recipere cogit. Eodem tempore Comes Lannionensis, qui Geminorum Fratrum monti præsidio erat, eruptione facta, hostes a latere premebat, jamque, quum ab hora octava ad vesperum pugnatum esset, Hispani, Gallicque Pyrochitrophori, captis Austriacis compluribus, atque occilis, fano appropinquabant, in eoque jam erant, ut irrumperent: quum Boullertius, qui ad portam Granarolam progressus eventum pugnae expectabat, receptui cani jussit. Nam,  
&

& satis ad hostium minuendam audaciam, Genuenſiumque confirmandos animos factum exiſtimabat, & Lannionenſis eruptione, Geminorum Fratrum montem nudari nolebat, ne vacuum a prædio eum hoſtis occuparet. Præterea, quum res ſtudio eſſet contentioniſ prope in noctem deducta, in tanta veteranorum paucitate nocturnum eſſe prælium vitandum cenſebat. Ita in occupato Auliriaci colle remanſerunt, Borbonii, & Genuenſes in Urbem reverſi ſunt; quum hi, quod primo concuſſu terga vertere hoſtes coegiſſent, viciffe ſibi viderentur, illi viciffent. Tumulum enim, fanumque, quæ cauſa pugnandi fuerat, tenuerunt. Pauci ex Borboniis, & Genuenſibus cecidere, in his Marchio Rajenſis Trib. mil. de exercitu Gallico, qui hoſtibus inſiſtens mortiferum vulnus accepit, ex eoque poſtridie interiit. Ipſe fortiffime pugnans vulneratur Chovelenius. Francus autem Grimaldus in medios ardore pugnandi abreptus hoſtes, ab iis captus eſt, unum præſtantiſſimus Adoleſcens, dum caperetur, queſtus, quod, quum in alienam veniret poteſtatem, Patriæ ſuæ inſervire non poſſet.

Operum magnitudo, & continens tot menſium labor populi ſtudium infirmare videbatur, erantque, qui propter non magnum in re militari uſum non magnum ſæpe periculum miſerarentur, firmioresque exiſtimarent hoſtes, quam revera eſſent. Multa improbi fingebant, prudentes ſuſpicabantur, timidi credebant, ut his omnibus rebus magnus paulatim

tim irrepere timor, & desperatio posse videretur. Itaque, ne in medio rerum cursu impetus resideret animorum; artificum capita, urbanæque plebis principes in curiam extra ordinem cogere, eosque alloqui de Senatus sententia Brignolius Dux constituit. Quum frequentes convenissent, magnaue præterea affluxisset multitudo, amictus toga purpurea Dux, & sedens in solio: Non negaverim, inquit, Genuenses, me ultro ad vos tanquam ad homines diuturnitate belli defatigatos, hortandi causa processisse; sed tanti ego facio frequentiam hanc vestram, qua in hunc locum rogati convenistis, eam in vultu omnium, atque oculis eminere video patriæ alacritatem defendendæ, ut gratulatione mihi potius, quam hortatione utendum esse intelligam. Quid enim eos horter, quos intueor paratissimos? est vero, quod patriæ, quæ cives genuit fortissimos, est quod vobis, qui patriam servastis pulcherrimam, est denique mihi ipsi quod gratuler, cujus imperii nomen multo illustrius perveniet ad posteros vestræ commendatione virtutis. Quanquam haud scio, an hæc ipsa gratulatio supervacanea sit, cujus est usus confecto bello reservandus, ne fortunæ beneficium præripuisse videamur. Quæ erunt igitur meæ partes? illud unum vos admonere, ut vestri similes sitis, idque efficiatis, ut extrema principiis consentiant. Nam quid minus conveniret, Genuenses, quam, collocatæ quum essent in cervicibus nostris victrices Austriacorum legiones, vos privato consilio ( nec enim aliter fieri

fieri potuit ) eiectionis illis, sustinuisse solos labantem fortunam Reipublicæ, & nunc auctore Senatu, consentientibus omnibus, adjuvantibus Regibus potentissimis, animo deficere? an hostem ut videamini timere, quem fugastis? aut aliquid ab eo æqui sperare, qui stare sibi non posse videtur, nisi hac everfa, & deleta civitate? qui non pecuniam, ut antea, sed jam iratus sanguinem vestrum concupiscit? nulla magnopere laceratus injuria ad pacatos, ad deditos accedens nihil sceleris, nihil crudelitatis prætermittit: quid hic faciet dolore ardens amissæ prædæ, & grandi læsus ignominia, quacumque ratione in Urbem hanc redire potuerit? sed, ut spero, & video, non poterit. Eos habemus socios Reges, quos eadem nobiscum arctissime causa conjungit, eos Regum Legatos, eam Senatus constantiam, eum omnium ordinum consensum, ut vehementer sit hostibus de victoria desperandum; qui neque pauci tantæ Urbis oppugnandæ molem sustinere queant, & quo plures sunt, pluribus rebus in nudo, atque aspero solo egere necesse est. Non Britanni, una, aut altera intercepta navicula, commeatus, auxiliaque nostra impedire; non Subalpini, paucis submissis cohortibus, ad summam belli multum proficere possunt. Atque hos ipsos jam ad respicienda cuique domestica mala belli per vos excitata fortuna, & Borboniorum in Belgio, Italiaque victoriæ convertent. Quid autem sine his Austriaci poterunt omnium egentes rerum, & quotidianis deminuti præliis? Tolera-

*Castr. Bon. P. I.*

Y

te,

te, Genuenses, paucorum dierum molestiam, & tantum hunc oppugnationis apparatus ad nihilum prope diem recidere videbitis. Nolite interim aut stulta aliqua spe aperire ad occasionem locum hosti, aut vano metu, animique imbecillitate patriam omnem proflerere, eorumque etiam auxilio, vobis trepidantibus, spoliare, qui vestrae salutis causa maris, atque hostium periculum neglexerunt. Quæ Hispani, quæ Galli milites pro vobis gesserint, atque gerant, ipsi videtis. Quo loci Reges, quo imprimis Galliae Rex sit animo in Rempublicam, qua fide, adest, qui vobis ostendat nobilissimus Legatus ipsius Bouffertius, regiae testis voluntatis, & vestrae idem æstimator virtutis. An patriam peregrini vestram studiosius defendent, quam cives? an poenitet vos, quod, Republica recuperata, famam elitis apud omnes gentes, atque immortalem gloriam consequuti?

Quod ii, his omissis, causam belli spectare, eamque judicare meliorem velimus, quam etiam Cætelles adjuverint: quænam esse potest, Genuenses, causa justior bellandi, quam quæ adversus teterrimos patriæ oppugnatores civium armat manus? aut quisnam illud sine Divino evenisse consilio existimet, quo factum est, ut exercitatissimi, paratissimi que hostes vincerentur a vobis, qui prope eratis inermes, & nullum certe rei militaris usum habebatis? Superis igitur, hominibusque juvantibus, incumbite, Genuenses, in optimam causam, eamque nunc meliore belli conditione

re-

retinete virtutem, quam a principio perditâ fere fortunâ præstitistis. Qualis erit vestra in bello virtus, talis erit hujus Urbis, & totius nominis Genuensis fors. En ego vester Dux pro patria, pro vobis, quos mihi carissimos, atque in liberorum loco habeo, non solum vigilare, adesse, providere, sed etiam pugnare, & mori paratus. Equidem me Ducis nomine Patres appellarunt, ego patriæ militem dici volo; &, si regius hic ornatus impedimento mihi est, quominus vobiscum una in aciem prodeam, date gregale sagulum, quo turbæ immixtus præliantium vitam meam hostium telis obijciam. Nam neque grata est dignitas, quæ vitam servat incolumem ad intuendam patriæ everisionem, neque acerba mors, quæ naturæ debita patriæ donatur.

Qua Ducis extrema oratione permotus populus dicentem interpellat, & magnis clamoribus cohortatur, ut sibi consulat, & vitam suam ad Reipublicæ utilitatem reservet, universique discedentem ex concione lætissimo plausu prosequuntur, & se ad omnia belli pericula paratissimos esse confirmant. Itaque, quum pro operum magnitudine, & stationum multitudine, tametii duodeviginti ferme hominum millia quotidie essent in armis, tamen parum videretur esse defensorum. Senatusque consultum factum esset, ut lecticarii, servique omnes puberes armarentur, non dominus fuit, quî familiam offerre, non servus, qui nomen dare recusaret; ipsasque videre erat primarias Fœminas, Senatoresque,

Y 2.

non,

non, ut antea, stipatos grege familiarium, sed uno vix famulo comitatos in publicum prodire. Una omnium occupaverat animos patriæ cura, & quæ prosperis temporibus pudori fuissent, faciebat calamitas Reipublicæ, ut lauducerentur.

Mittuntur Comes Lannionensis, & Augustinus Pinellius, quorum alter Gallis, alter Liguribus, atque uterque, mortuo Canevaro, Scottiæ prælit. Hi arcem Turriliam vano ab hostibus metu derelictam recipiunt. Arx contra Masonia, præsidiumque per eos dies, adacto cuniculo, in potestatem Austriacorum venit; id quod in tanta militum paucitate Genuenibus accidit perincommode.

At Sculemburgius Subalpinorum auxiliis confirmatus in Bisamnatem vallem erumpere, & quæ pars Urbis ad orientem spectat, patetque maxime, atque infirmior est, hanc adoriri constituit. Id ne a principio spectaverit, & adventum præstolans Subalpinorum tandiu distulerit, an alterius partis oppugnandæ difficultate admonitus situm postea Urbis accuratius perspexerit, non sane constat. Illud videtur pro certo esse ponendum, oppugnari Genuam facilius potuisse, si exercitum Austriaci in Bisamnatem vallem statim adducere maluissent, quam inunitissima Porciferæ vallis loca carptim tentando prima belli tempora Borboniis, & Genuenibus prodere.

Idie Id. Jun. circumspectis diligentissime Sculemburgius, & paratis, quæ ad eruptionem pertinent, julis Subalpinis omnibus, &

Au-

**A**ustriacorum cohortibus aliquot ab altera Urbis parte Genuenlium præsidia tentare, Geminorumque eodem tempore Fratrum montem simulato impetu invadere, ut ancipiti defensionis cura distracti Genuenses, Borbonique a præsentis periculi suspicione averterentur; Ipse, triplici instructa acie, tertia circiter vigilia castris egressus, Feritoremque amnem, nullo repugnante, transgressus, expedito exercitu ita noctu iter fecit, ut sub lucis adventum ad Serram, quam vocant, Bavarorum perveniret. Ligures, qui ibi erant præsidio, paucos, & nec opinantes nihil negotii fuit opprimere, atque in fugam dare. His fugatis, ad faucem Rattorum, qui perangustus est in illis montibus aditus, & defendi opportune poterat, eadem celeritate contendit. Militaris disciplinæ neglecta severitas magnæ sæpe in bello calamitati est; & tum fuit. Nam Helvetiorum manus de Hispaniensi exercitu, cui locus is ad defendendum obvenerat, quum sine ducibus, qui inamœnæ solitudinis tædio longius pernoctabant, remissius ageret vigilias, & omnia magis, quam hostes, expectaret, repentino eorum adventu exterrita, perturbataque loco excessit. Quo Austriaci potiti, summumque nacti jugum reiectos ex loco superiore urgent Helvetios, atque hi, quum omnibus rebus premerentur, ægreque resisterent, initium fugæ faciebant. At Taubenius Hispanorum præfectus, qui ad Urbem erat, ea re nunciata, cursu incitato, Cordubensis legionis manipulum secum adducens eo statim advolarat, at-



que hostes comprimere, suosque precibus; cohortationibusque firmare conabatur, ut se ex fuga, & timore colligerent. Qui quum nihilocius fugere perseverarent, ille, ut videret, si posset exemplo retinere, quos verbis non poterat, districto gladio præcurrit ante omnes, gravique affectus vulnere, quum se sustinere non posset, inter militum manus e prælio ablatu est, duodecimumque post diem præstantissimus dux omnium luctu, & desiderio interiit. Fit protinus, vulnerato Taubenio, effusa Helvetiorum, atque Hispanorum fuga. Jam Subalpini, reliquique Austriaci, ita uti inter eos convenerat, subito instructis copiis provolaverant, unoque tempore, & Arenarii munitiones, & Geminorum Fratrum montem tentaverant. Facile Genuenses defendunt; celeriterque animadversum est, maximas Austriacorum vires alio spectare, neque id ab iis, nisi distinendorum hostium causa, tentatum esse. Prima luce, pulsus Helvetiis, monteque occupato Rattorum, omnia fere superiora loca, unde est propinquus in Bisamnatem vallem, Urbemque Genuam despectus, multitudine Austriacorum completa conspiciuntur. Nam dextrum eorum cornu ad lucum usque sodalium Camaldulensium, montemque Quetium pervaserat, Mariæque Montanæ fano imminēbat; sinistrum autem in vallem Sturlam, omnibus circa jugis occupatis, atque ad mare pervenerat; tantumque ab ea parte terroris intulerat, ut Nazarianæ munitionis, quæ ad Albarensis tumuli radices constituta est, tormen-

ta Borbonii, desperata defensione, abiicerent in mare, ne in potestatem Austriacorum venirent. Tota interim Urbe fama percrebescit; non longe hostes abesse. Tacita primo, & tristissima admiratio; deinde conclamatur ad arma. Habetur Senatus. Complentur mœnia. Consulitur. Trepidatur. Genuenses usus ignari militaris ad Borbonios ora convertunt; quid ab eis geratur, expectant. Borbonii neque satis periti locorum, & veteranorum paucitati diffidentes animo magis, quam consilio valent. Bouffertius ad portam progressus Romanam de Urbis defensione vehementissime laborat. Austriaci interea longius procedebant, & Mariæ Montanæ fanum jam occupaturi videbantur. Tum Marchio Ledensis, qui fano præerat; quum se nulla satis munitione tutum adversus hostes arbitraretur, præsertim quos recenti successu efferrî videret, Bouffertium crebriores per nuncios facit certiorē, quid faciendum existimet, & se, quum loco diffidat, receptum parare demonstrat. Ac primo Bouffertius consilium ejus probat, postea monitus a Sicrio castrorum Præfecto de exercitu Genuensi, qui eo forte advenerat, ne amplam, relicto fano, oppugnandæ Urbis occasionem hostibus præberet, locum pugnacissime defendi jubet, &, quum se jam Ledensis recipere cœpisset, summittit ei Roccapinium affinem suum, strennum ducem, & paratum, qui aliis raprim additis munitionibus, allatisque tormentis, assiduo jactu telorum consistendi hostibus facultatem non dabat. Non tamen dubium

fuit, quin, si, dum Ledensis trepidat, Bouffertius consultat, confestim Austriaci irrupissent, locus esset amissus, qui ad defensionem Urbis maximæ erat opportunitatis.

Ita parvæ res magnum in utramque partem momentum habuerunt. Nam & negligentia Helvetiorum aditum prope ad Urbem hostibus dedit, & fortuitus Sicrii adventus salutem Genuensibus attulit: eoque die non tam virtus fuit Austriacorum laudanda, quæ viarum, locorumque difficultates supervadere aggressa celerrime superavit, quam Genuensium visa est admiranda fortuna, quæ quadam sua magis vi, quam defensorum industria celeritatem hostium, victoriamque retardavit. Sculemburgius enim sive rem nimis facilem, sive nimis difficilem arbitratus, atque in facilitate insidias, in difficultate laborem ex tanta militum defatigatione veritus vacuum Ledensis receptu Mariæ Montanæ fanum occupare neglexit (id quod erat ei omnibus modis conandum) deterritusque etiam, quominus propius Urbi succederet, munitionibus iis, quas in Albarensi suburbano superioribus diebus Genuenses instituerant, in valle Sturla substitit, nactusque desertam quamdam secundum mare Turrim, eam duobus impositis tormentis communiit, eoque ab Sexto, quæ ad oppugnationem Urbis pertinebant, comportari imperavit: unoque tempore, & advectis majoribus tormentis oppugnare Genuam ab ea parte, & arctius obsidere constituit, naviculis, quæ magno erant Genuensibus usui ad com-

commeatus subvehendos, duplici periculo perterrefactis; quum, si litus legerent, vexarentur ab Furri, si altum tenerent, deprehenderentur a Britannis; percrebueratque rumor extremam esse in Urbe famem, grandique macie torridum populum sordidissimis rebus tolerari; ut Civitatem ad voluntariam etiam deditionem inopiâ cogi posse Britannis persuadere Sculemburgius vellet. Sed Britannicæ classis Præfectus navarchum in scapha Genuam cum caduceo miserat, qui per causam reddendæ publicæ literæ statum Civitatis diligentius specularetur; atque is in Urbem intromissus, opiparaque a Bouflertio mensa acceptus, dum ad Prætorium deducitur, reduciturque ad scapham, cibariorum copiam in viis expositam, quam etiam de industria Genuenses adauxerant, populique alacritatem conspicatus, quæcumque viderat, Præfecto renunciavit. Senatus etsi intelligeret, cujus rei causâ missus navarchus esset, qui nihil gravioris negotii attulerat, tamen non inutile judicavit ad deterrendos hostes, videre ipsosmet, quam parata essent omnia ad Urbis defensionem.

Respiraverant interim Genuenses, & Austriacos, qui præter opinionem non vicerant, pro victis habebant. Diem noctemque in operibus, in muris versabantur. Hispani, Galli que præsto erant milites, ducesque. Aderat omnibus hortator Bouflertius, nullumque sibi ad quietem tempus relinquebat. Sacerdotes ipsi, quibus postea ex S. C. gratiæ actæ sunt,

of-

offerebant se, armatique vigilias, atque excubias agebant. Ducebantur fossæ, extruebantur aggeres: Mariæ imprimis Montanæ fanum, atque Albarense suburbanum propter loci opportunitatem, continuatis operibus, muniebantur. Loricis adjectis, munimentisque fossarum perfectis, mœnia, quæ circa Bisamnam vergunt vallem, ab hostium incursum defendebantur. Tentabant præterea, quo possent pacto & Austriacos in suis divexare munitio- nibus, & Britannos submovere, ne tormenta ad Sturlam libere exponerent. Pontonein enim, quod genus est navis grave, & latum, eoque in portu ad materiem, saxaque convehenda uti solent, duobus tormentis, duobusque item mortariis instructum, laneisque obtectum culcitris ad defendendos milites ab ictu telorum; multis adductum funibus, scaphisque, cum duabus præsidio triremibus, contra Sturlam collocaverant, ollisque repente incendiariis, continentique telorum jactu Austriacorum munitiones, & Britannicas naves infestas habere cœperant. Sed, coorta tempestate, & Genuenses in portum se recipere, & Britanni in altum vela dare coacti sunt. Crebra etiam terræ, dum Austriaci irrumperre, Genuenses, Borbonique repugnare conantur, prælia fiebant. Comes Lannionensis, & Augustinus Pinellius, ne, progressis ad mare Austriacis, ipsi intercluderentur, Scoffaram reliquerant, præsidioque archi Turriliæ paucis militibus, Liguribusque relictis, ad Reccum sese, Margaropolimque receperant.

At

At Paris Pinellius Augustini Fr. Eques Jerosolymitanus monte Falcensi depellere Austriacos aggreditur. Tenebatur ab iis mons duobus satis firmis præliis, &, quod non longe eorum aberant castra, facile erat iisdem, quodcumque submittere militum. Erant cum Pinellio Ligures numero cl. Rei aliquis difficultatem, periculique magnitudinem ostenderat; sed Pinellius, quia, relicta Melita, ad primum laborantis patriæ nuncium Genuam venerat, magnum aliquod pro Republica efficere properabat, incitabaturque gloriæ cupiditate, & naturæ quadam ferocia, inconsultaque rei bene gerendæ fiducia. Neque ejus cupiditati Ligurum studia defunt, & audaciam a principio fortuna prosequitur. Nam primum hostium præsidium, circiter quadraginta interfectis, expugnat. Hac re animadversa, ii. millia expeditorum militum subsidio suis Austriaci mittunt suspicati, paucis præmissis, multo majorem affore Ligurum manum. Ne hæc quidem res ab spe, impetuque Pinellium moratur, temereque progressus prælium cum tanta hostium multitudine committere, locumque adoriri præmunitum non dubitat. Neque vario certamine pugnatum est, quum Austriacorum numero deteriti Ligures præcipitem subito incertis itineribus, per silvas, & montes fugam arripuissent. Istum jaculo Pinellium, & prolabentem ægre humeris impositum Ligur e prælio quidam auferre conatur. Vulneratus Ligur vulneratum relinquere Pinellium cogitur, cujus statim Austria-

striaci conclamantes victoriam caput præcidunt. Deposcenti tamen Fratri corpus ad sepulturam conceditur: quumque funeris causa relatum Genuam esset ad exequias cohonestandas frequentissima convenit civitas, graviterque doluit, tantam fortitudinis indolem abreptam ætatis, & gloriæ æstu quodam tam cito defecisse.

Dum hæc ad Genuam geruntur, Bellinsulanus, educto ex hibernis exercitu, fratrem suum Equitem Jerosolymitanum, virum & consilii magni, & virtutis, receptis Lerina, Planasiaque insulis, cum cohortibus xv., equitibusque nonnullis Ocelum versus in eas partes, quæ Barcinonetam vallem attingunt, proficisci jubet; ipse, exploratis hostium rationibus, aliud capit initium belli. Minensis, & Bellinsulanus, conjunctis, transductisque flumen Varum copiis, eadem celeritate, qua fuerant relicta, Nicæam, Montem-Albanum, Villamque Francam oppida recipiunt, atque ad Albintemelium perveniunt, arcemque oppugnare instituunt, eodemque tempore Pignatellium præmittunt, qui cum primo agmine Remopolim progressus, quam possit latissime ostentationis causa pervagetur. Leutronius, qui jussu Regis Sardiniae eis locis præerat, simul ac adesse Borbonios cum ingenti armorum multitudine nunciatum est, quorum adventum, viresque fama, ut fit, multis auxerat partibus, primo ad montes se convertit, qui Oneliensem tractum cingunt, appropriatisque munitionibus irrumpentes de-

mo-

morari Borbonios cœpit. Sed postea, deditio-  
ne ipsius arcis Albintemelii cognita, quæ per  
eos dies facta fuerat, quum ne montibus qui-  
dem, & munitionibus satis confideret, atque  
eum omnia deesse viderentur, milis confe-  
ssim ad Sculemburgium, Roccæsumque nun-  
ciis, quanto ipse in discrimine vertetur, osten-  
dit; nec se hostium impetum sine eorum au-  
xilio sustinere posse pericribit. Illi eodem pe-  
riculo, iidem permoti rumoribus, quas insti-  
tuerant, disiectis munitionibus, impositisque  
in Britannicas naves tormentis, receptum pa-  
rabant. Quæ dum administrant, redduntur iis  
interim a Rege Sardinia literæ, quibus op-  
pugnationem Genuæ, omisis omnibus, quam  
maturrime perfici jubebat, eamque, audita  
Sculemburgii in Bilannatem vallem eruptione,  
ad exitum spectare arbitrabatur. Itaque  
rursus exponunt Britanni tormenta, rursus  
apparantur aggeres, iterumque oppugnatio fer-  
vet, & summa utrinque vi certatur. Postea  
vero quam Bellinsulani Fratris copias ex al-  
tera parte ad alpes augeri, ex altera Bellin-  
fulanum ipsum, & Minensem, capta arce Al-  
bintemelii, secundum mare ad liberandam  
Genuam accelerare, nec tantis rebus gestis,  
ullo adhuc Genuæ mœnia telo attingi potuif-  
se cognovit Sardinia Rex, simul a Præfeto  
Britannicæ classis certior factus est, nihil esse  
in obsidione spei adversus Genuenses, qui om-  
nibus rebus abundabant, rei moram timens,  
& desperans exitum, commutato repente con-  
silio, suas e Liguria copias revocat, debita-  
que



que ex fœdere Auftriacorum auxilia a Sculemburgio reposcit. Namque admodum verebatur, ne, copiis dissipatis, atque interclusis suis, ab hostibus circumfisteretur, neu, dum alienis inhiabat, sua ipse amitteret.

Abstrahebatur ægre ab oppugnanda Genua Sculemburgius, certamque sibi eripi e manibus victoriam querebatur, & sunt etiam plerique, qui existiment, futurum fuisse, ut Genua expugnaretur, si perseverare in oppugnatione Sculemburgio licuisset. Sed Roccælius, acceptis ab Rege suo mandatis, discedere cum Subalpinis properabat, jamque anchoras moliri Britanni videbantur, quorum auctoritate necessario Auftriaci movebantur. Itaque, concilio advocato, quum discedere constituissent, Roccælius suarum partem Leutronio copiarum auxilio misit, partem ipse in Subalpinos duxit: Britanni, contracta classe, tormentis, impedimentisque exercitus, & nonnullis Auftriacorum, quæ ad Regem Sardinie breviori itinere mari adducerentur, cohortibus in naves impositis, e conspectu Genuensium Savonem, Vadumque Sabatium concesserunt. Sculemburgius, reliquis cum expedita manu præmissis impedimentis, relicta Sturza, atque aliquot ad Turraciam, in Porcife-raque deinde valle moratus dies, & Ligusticas, non insequutis Genuensibus, quietissime transgressus fauces, in Galliam Cisalpinam rediit. Quo quum venisset, exercitum atque imperium Brounio tradidit, ipse in Germaniam profectus est.

Ge-

Genuenses, recuperata patria, reliqua ferre omnia amiserant maximis affecti detrimentis, atque internecini belli sumptibus exhausti, cujus belli tetra extabant velligia, prostrata villarum fores, deusta tecta, & nihil sancti, amœniæ circa Urbem integrum a clade, & vastitate relictum. Neque vero in discessu hostium gaudere ex animo poterant, quod & fortunas everlas suas intuebantur, & perculerat eos gravissime Boufletii mors, qui eodem illo die, quo discesserant hostes, pustularum morbo consumptus interiit. Cujus cognita morte, tantus Civitatem mœror oppressit, ut, si capta ab hostibus Urbs fuisset, non minor futurus videretur: adeo ex unius hominis interitu deserta omnia, horrida, & ingenti quasi muta dolore erant. Senatus Regii Legati auctoritatem, Populus nobilissimi Viri liberalitatem, amorem uterque erga Rempublicam, fidemque magnam desiderabat, mœrebatque vehementissime. Ibi tum Choveleinius tanto Civitatis luctu permotus in curiam ultro venit, Senatūque mœrentem multa Regis sui nomine amantissime pollicitus recreavit, hortatusque est, ne caderent animis, neu, Gallie Rege superstite, quicquam cujusquam casu de Reipublicæ præsidio detractum arbitrarentur: maximum se quoque dolorem cœpisse ex interitu talis vel ducis, vel amici; tamen, privato compresso luctu, non potuisse non accedere ad eos consolandi gratia, quorum & amicitiam a Rege suo plurimi fieri, & virtutem æstimari intelligeret; e cujus

jus virtutis, regiæque benevolentia magnitudine, & vi peterent ipsi eam consolationem, quam nemo alius adhibere majorem posset, quæque forti, & constanti Senatu digna esset, susceptumque ex unius mortalis obitu mœrorem liberatæ patriæ gloria, Regisque maximi, atque optimi amicitia mitigarent. Confirmato Senatu, Concilium habetur Majus, in quo quum ex S. C. verba Dux fecisset, ut mortuo Boufletio honos haberetur, de ea re ita Patres censuerunt: Quum Dux Boufletius difficillimis temporibus missus a Rege Gallia ad Rempublicam Legatus fuerit, in eaque legatione virtute, imperio, liberalitate maximo usui Reipublicæ fuerit, quum talis Vir in eadem legatione mortem otierit, Patribus placere, Ducis Boufletii liberos, posterisque honoris ergo Cives esse nobiles Genuenses; itemque iis (quod honoris genus ante id tempus nemini tributum erat) Boufletia gentis insigni Reipublicæ insigne apponere licere. Ipsi Duci Boufletio Senatus monumentum decreverat marmoreum cum inscriptione præclara, quæ virtutem illius, & gratum amplissimi ordinis animum declararet. Liberatæ Genus nuntium, qui sociis, amicisque Regibus apportarent, Marcellus Duratius in castra Regis Gallia apud Belgas, Hieronymus Balbus in Hispaniam ex S. C. mittuntur, Laurentioque Imperiali, qui Neapoli erat, mandatum est, ut eam rem Carolo Regi renunciaret, per eosdemque Legatos gratia Regibus acta sunt, quod

quod in maximo discrimine Rempublicam adjuvissent.

Interim in locum Taubenii substitutus a Minenli Augustinus Ahumada castrorum Præfectus, & missus a Bellinfulano, qui, mortuo Bouffertio, toti exercitui præflet Marchio Bidliensis Gallici equitatus Præfectus, Genuam pervenerant. At Bellinfulanus, & Minensis, cognito Aultriacorum ab Urbe Genua discessu, de reliquo bello consultabant; magnaue inter eos extitit controversia. Nam Minensis pergendum porro, &, dum hostes trepidarent, arcem esse expugnandam Savonensem arbitrabatur, quod, ea expugnata, & confirmatis Genuensibus, facile omnia patere consideret, neque alia ratione in Cisalpinam Galliam bellum transferendum crederet, atque antea a Philippo Ferdinandi Regis Fr. translatum fuerat. Contra ea Bellinfulanus, & illius expeditionis infelicem detestabatur exitum, & per Cottias Alpes multo faciliore in Taurinos itinere perveniri posse censebat; habere se ab exploratoribus compertum ajebat, eam partem negligentius ab hoste servari, quod nimium natura loci consideret: itaque audendum potius, quod neglectum ab hoste facilem habeat victoriam, quam quod prævisum difficultatem augeat vincendi: refractis autem Alpium claustris, eo Regem Sardiniae necessario descensurum, ut pacem ultro petat, eoque pacato, quod reliquum Austriacis in Italia præsidium? quam spem? Hæc propalam dicebat: illa tacita suberat cu-

*Castr. Boæ. P. I.*

**Z**

*ra,*

ra, ut Equiti Bellinfulano Fratri, cujus ea res imperio permittebatur, occasio daretur fortis alicujus, & memorabilis facinoris, dignusque propterea Gallicæ militiæ Magisterio haberetur apud Regem. Fratrem Bellinfulanus amabat unice, ejusque in maximis rebus consilio, atque auctoritate semper utebatur, & Magisterii a Fratre honorem summe sciebat expeti. His de causis quum suæ Bellinfulanus sententiæ insisteret, neque a sua Hispanus Minensis removeri posset, ad suum quisque Regem ejus negotii arbitrium rejecit. Quid Reges responderint, non sane constat: in suo uterque certe imperator consilio perseveravit, & quadam fatali ducum dissensione eo quoque anno factum est, ut res jacerent Borboniorum, & Galli etiam cladem acciperent insignem. Nam Bellinfulanus, arce permunita Albintemelii, in Nicæensem agrum reduxerat exercitum, ut eas copias distineret, quas in Salutiis Sardiniae Rex habebat, magnaque interim Equiti Fratri auxilia submiserat. Quibus ille fretus, alpibus superatis Cortiis, ad munitiones, quas in Aflietensi colle Subalpini fecerant, converso repente agmine, profectus est. Erant, inductis auxiliis Austriacorum, quæ pridie venerant, frequentiores hostes in munitionibus, omniaque ad repugnandum paraverant. Difficillimus erat, & munitissimus natura, manuque locus. Explorata hæc eadem Equiti Bellinfulano erant, sed tantam habebat suarum rerum fiduciam, eaque efferebatur cupiditate vincendi, ut nihil virtuti suæ arduum,

duum, nihil difficile existimaret. Itaque in locum progredi iniquum non dubitat, commissoque prælio, in nostrum munitiones irrumperere conatur, Gallicque milites, quorum in primo impetu ferocitatis opinio est singularis, audacissime succedunt. Sed nullus virtuti locus relinquebatur in tanta loci iniquitate, & quum undique ex superiore loco telis, jaculisque obruerentur, acervatim cadebant milites, ducesque; fœdissimaque fiebat cædes. Ibi Eques Bellinfulanus, quum neque pugnantem hortando sustinere, neque fugientes castigando revocare posset, signifero cuidam signo detracto, in primam aciem processit, superatoque aggere, in ipsa hostium munitione summa signum defixit, videbaturque incredibili audacia prælium rellitutus, nisi fortissime pugnans interfectus esset gloriosa magis morte occumbens, quam, quæ prudentem deceret ducem. Sic magna Gallorum parte interfecta, reliquis fugatis, atrocissimam hox pugnam diremit. Tanto Dux Bellinfulanus publico, privatoque luctu perculsus tum demum Minensis imperatoris Hispani accedebat sententiæ, ut Savonem versus exercitus adducerentur. At Minensis, quod primum, repugnante Bellinfulano, vehementer suaserat: post, concedente, perficere noluit amissam querens occasionem; ut esse contentionis, quam victoriæ cupidior videretur. Itaque non jam ut aliquid acquirerent, prælioque hostes lacellerent, sed ut repugnarent, &, locis mu-

nitis opportunis, Nicæensem imprimis agrum tenere possent, Borbonii cogitabant.

At Regi Sardiniae multa de bello cogitanti, cognitis his rebus, subiit animum impetus in Galliam iterum Narbonensem invadendi. Itaque suis, Austriacorumque copiis contractis, & consilio cum Brounio communicato, qui Mediolano profectus Augustam per eos dies Taurinorum venerat, Austriacos Brigantium versus eruptionem facere jubet, ipse per Sturam vallem eodem erumpere conatur non spe quidem, quæ vana toties fuerat, Galliae obtinendæ Narbonensis, sed consilio averrendi Bellinfulani ab agro Nicæensi, quem agrum Borboniorum præsidio nudatum Leutronius occuparet. Sed consilium quoque ejusmodi frustra Austriacis, Regique Sardiniae fuit, qui, levibus aliquot factis præliis, rejecti, vexatique in Subalpinos, Galliamque Cisalpinam redierunt: & Bellinfulanus Austriacorum comminatione adeo permotus non est, ut cohortibus xx. deductis e Gallia Narbonensi, quam fatiis loci natura, appropinquantque prægelidus in Alpibus defendebat autumnus, suum in Italia exercitum augeret, Leutronioque depulso, qui arcem Albinthemelii circumvallaverat, comineatum in arcem importavit. Quo facto, deductis paulo maturius, quam tempus anni postulabat, in Galliam Narbonensem in hiberna exercitibus, & cohortibus xxx. præsidio Nicææ, Villæque Francæ relictis, Bellinfulanus Lutetiam, Minensis Matritum revertitur, & Philippus Ferdinandi Regis Fr.

Ci-

Civaronem, Dux Mutinensium Venetias profectus est: multusque de pace sermo esse cœpit, quam Britanni, Gallique potissimum, colloquio primum Bredæ, deinde Aquisgrani habito, conciliare studebant.

At Genuæ Marchio Bissiensis, quum Urbem ex diuturna obsidione multarum rerum necesse esset inopiâ laborare, partis ex hostico prædis, eam recreare, & militum etiam, Ligurumque animos belli præmiis confirmare constituit. Itaque satis exploratis rebus, cum magna Ligurum, & Legionariorum manu Chovelenium, Belloesiumque bipartito in expeditionem misit. Chovelenius in Montemferratum, transgressus Apenninum, Belloesius ex Apuanis montibus descendens in Parmensem agrum irruiperet, uterque prædas ageret, &, si quid loci, & temporis opportunitate proficere posset, ne omitteret, imperatum est. Nadaesium interim, qui circa Gavium, Octaviumque esse consueverat, & progredientem demorari Chovelenium poterat, Montecunius de exercitu Gallico Trib. mil. distineret. Montecunius modo procurrens, modo recedens Nadaesium semper, itaque habuit occupatum, ut averteret hominem ab inferendis rebus mora, quæ gerebantur. At primo Belloesio Bissiensis, post Montelium, qui Belloesio successerat, effuse prædantium negligentia ab incepto retraxit. Tantâ autem locorum ignorantia peccatum est, ut maxima militum pars divisa, interclusaque in potestatem aggressium veniret, qui vim, armis arreptis, proni-



bere cœperant. Chovelenum, quum primo impetu Saxellum, qui locus abest a Vulture oppido xx. millia passuum, captis prædianis nonnullis, reliquis in fugam coniectis, occupasset, & satis opima abacta præda, longius progredieretur, ejusmodi repente adortæ sunt tempestates, ut apud timidum vulgus prodigii loco haberentur. Nam plures de cælo tacti homines, evulsæ radicitus arbores, decussa tecta dicebantur, & continuatione imbrium adeo flumina creverant, ut omnino transiri non possent. Itaque intermisso itinere, infestaque re, Chovelenus quoque Genuam sese recipere coactus est.

Quæ quum essent acta, Genuam venit Dux Ricelienſis Gallici exercitus in Belgio Legatus, magnamque sui expectationem concitavit tanta Vir nobilitate, atque apud Regem gratia. Honorificentissime exceptus Senatum statim adiit, itaque eum est alloquutus, ut intelligerent Genuenses, incolumitatem eorum Galliæ Regi magnæ curæ esse, sesequē ipse diceret, eandem erga eos fidem, diligentiamque laboraturum, ut præstaret, quam Boufertiſſus præstitisset, cui succedebat, & quem triste sui apud illos desiderium reliquiſſe cognoverat. Dux quum responderet, Galliæ Regi maximas, uti par erat, deinde etiam Legato gratias egit, quod permagnum sibi, Senatuique, & perhonorificum videbatur, potentiſſimo Regi tantæ curæ esse salutem Reipublicæ, ut Legatum ad eam mitteret clarissimum hominem, & quem sibi charissimum ha-

be-

beret. Quibus rebus confectis, ad belli cogitationem sese Ricelienſis recepit, eaque maxime loca, unde in Biſamnatem vallem Auſtriaci irruerant, recenti caſu admonitus diligentiffime muniri juſſit.

Campus, quem Frigidum vocant, vicus eſt, qui a Monteferrato venientibus in finibus occurrit Reipublicæ Genuenſis. Campenſes, quum ſe prædæ Auſtriacorum comites eſſe mal-  
lent, quam ſocios Genuenſium in rebus ad-  
verſis, magno erant hoſtibus uſui ad exploran-  
da itinera, prædamque tollendam. Hoc prius  
hoſtibus præſidium, quam quicquam tentaret,  
detrahere Ricelienſis conſtituit. Sed hunc il-  
locum egregie muniverant, duabusque cohori-  
tibus tenebant, adeo ut, & natura montium,  
quibus undique continebatur, & opere, de-  
fenſorumque copia firmiſſimus haberetur. Ac  
Ricelienſis exploratoribus, perſugisque credens,  
qui aliter renunciabant, in ſpem venerat po-  
tiundi loci. Itaque ſub adventum ſtatim ſuum  
mittit eo Hiſpanorum, Gallorumque millia  
vii. Ipſe ad Marcaroli (ita enim vocant) ma-  
palia progreſſus Nadaſtium tenebat, quin ſub-  
ſidio ſuis iret. Sed quum primum ejus agmen  
conciſum, rejeſtumque ab Auſtriacis eſſet, &  
Nadaſtius, majoribus ex Ciſalpina Gallia co-  
actis copiis, non minimum terrorem inferret,  
ſimul perſpecta melius ex propinquo loca ar-  
dua maxime viderentur, nullumque fere tor-  
mentis ad oppugnationem neceſſariis aditum  
darent, tum autem tempus anni ſubeſſet ni-  
mis in montibus horridum, atque aſperum,

non tanti esse duxit Ricelientis vicum illum obtinere, ut in ipso imperii sui initio magnum aliquod detrimentum propter iniquitatem loci, temporisque exercitus acciperet. Itaque Campi Frigidi oppugnatione dimissa, Genuam revertitur.

Per idem ferme tempus gravissimo Genuensibus bello intentis nunciatum est, rates quasdam Ligusticas captas a Britannis esse ad Viaregium, qui locus Lucensium est, egregiusque ad tenendas anchoras habetur. Rates, quum Britannorum aphractos insequentes fugerent, partim in Viaregii sese stationem contulerunt, atque ad Turrim, quæ ibi est, refugerunt, partim cursu suo longius decessere, quam ut protegi a Turri possent. Navicularii autem Ligures ii, qui longius a Turri cursum tenuerant, in terram cum armis egressi, tamen pauci essent, tamen Britannos arcebant jaculis, ratesque tutabantur, quas fluctuantes in salo reliquerant. Britanni, quum ipsi quoque in terram exissent ardore profecti pugnandi, repulsi naviculariis, duobusque desideratis classiariis, remulco rates abduxerunt. Illi interim, quos primo ad Turrim refugisse diximus, subsidio suis, quod natura fert, ire parabant. At prohibuit, qui ad custodiam Turris Lucensium nomine præerat. Nefas enim esse duxit sub oculis suis erumpere Ligures ad alienam perniciem, neque e Republica tua esse iudicavit causam offensionis Britannis dari, qui potentiores erant, benigneque cum ea agere dicebantur. At Naviculari, ejusmodi prudentiæ

tiæ rationes, qui non satis intelligerent, & defensionis se jure spoliatos quererentur, palam, adeoque graviterque Lucenses accusarunt, ut hominum querelas non negligendas videri Senatus Genuensis cenferet. Lucenses quum Genuensium immutatam ex eo voluntatem accepissent, doluissentque, ne hac de causa quicquam de veteri illa detraheretur conjunctione, atque amicitia, quam summo semper studio coluerant, Joannem Sardinium miserunt civem suum, qui ea diceret, quæ ad controversiam componendam, placandoque Genuensium animos pertinere arbitraretur. Quibus Genuenses auditis, & Ricelienfis commoti officio, qui Lucenses etiam, atque etiam Senatui commendaverat, vetustissimam non abrumpendam esse amicitiam existimarunt; quum præsertim Lucenses, nequid postea tale contingeret, Viaregium intentiore custodia, addita militum manu, servaturos se esse pollicerentur.

Nondum erat hyems confecta, & studio ardentes ulciscendi, nihil prioris obsidionis deterriti exitu ad oppugnandam reverti Genuam Austriaci constituerant. Quin etiam proximæ obsidionis eventu multis de rebus admonebantur, quæ facilem redderent insequentem, & tantæ erat terrestris, maritimæque opportunitatis Urbs Genua, ut, ea relicta, corruiere omnis Italici belli ratio videretur. Primum erat eorum consilium Delphini, Lunæque portubus potiri. Quibus in potestatem reductis, adjuvantibusque Britannis, & ipsi omni-

mnibus abundarent rebus, & nullus toto mari Genuensibus egressus, nullaque propterea spes commeatus relinqueretur. Ipsa autem defensorum multitudo, quæ Borboniorum confluentibus auxiliis admodum creverat, si commeatus deficeret, famesque urgeret, exitio potius, quam præsidio futura Civitati videbatur. Itaque Brounio peritissimo imperatore, magnis circum Mutinam, Parmamque contractis copiis, magnis item constitutis horreis, in eam Ligustici litoris partem, quæ ad orientem spectat, per Apuanos montes quamprimum descendere cogitabant; confestimque descendissent, nisi eos gravis adhuc hyems, durissimæque propter jumentorum penuriam necessariorum rerum subvectiones detinuissent.

At Borbonii, & Genuenses, qui Petrum Franciscum Grimaldum summo cum imperio in eas partes miserant, aliosque ei nobiles adjunxerant, de Aultriacorum consiliis certiores facti, permunitis Suburbanis; arcem Delphiniam, arcem item Marianam, quæ in promontorio quodam portus Lunensis posita unum a terra, eumque perangustum aditum habet, Spediam præterea, Erycem, ipsiusque Lunensis portus fauces, insulasque, multis effectis operibus, collocatisque tormentis instruxerant; Sergianensem provinciam confirmaverant; arcem, oppidum muniverant: Laventiam, Massam, Carrariam, quæ pacati erant, quietique Principis loca, jure belli occupaverant, ne facultatem darent hostibus propius accedendi: Apuanorum montium angustias obsederant, vali-

valida ubique præidia imposuerant : castra ad Segestiam Tigulliorum, Clavarumque fecerant, seque ad defentionem omnibus rebus paraverant. Interim Ricelientis per Roccæpinium nonnullis terra, marique submissis centuriis, Subalpinos Varagini cccc. incuriosius agentes oppresserat; perque Marchionem Montium Gallici exercitus Decurionem magna cæde Nadatium Vulturem occupare conantem repulerat; ipse ad consilium magni momenti animum adjecerat, ut Savonem repentino incursu occuparet.

Urbs est ad mare Savo ab Genua longe occidentem versus millia passuum xxx., mœnibus, portuque succincta, duobus prominentibus lateribus introrsus retracto. Arcem habet inter occasum, & meridiem satis munitam, quæ tota ex saxo multis operibus extructa, præruptique scopuli dorso imposita fere undique alluitur mari, altaque ab urbe fossâ disjuncta, versatili rursus ponte adjungitur. Ultra Savonem ad occidentem millia circiter passuum iv. Vadum est Sabatium, statioque navibus, projecto monte, tutissima, in eaque anchoras jecerat Britannica classis. In portu Savonensi triremes erant ii. Sardinia Regis, erant in Urbe horrea constituta, erant arma, tela, commeatus omnis generis. Quæ omnia demerere hostibus Ricelientis cupiebat, videbatque, Savone recepta, neque britannis locum esse in Vado consistendi, & omnem eam Borboniis, ac Genuenibus patere oram, quæ ad flumen Varum protenditur. Urbem, atque arcem

cem Comes Rocæsius tenebat præsidio non satis firmo Subalpinorum, paucissimique ex his excubare in arce consueverant. Savonenses Genuensi assueti imperio præsentēs oderant dominos, & nonnullis erat acerbe nimis a Subalpinis militari licentia imperitatum. Præterea occulti a Savone nuncii Genuam venerant, qui cum multa alia, tum, qua Urbs ad mare vergit, locum esse in mœnibus aptum insidiis renuntiaverant, propterea quod rimas murus egerat, laxarique adeo poterat, ut daret introeuntibus aditum, ibique forte hedera inter faxa coaluerat, quæ multis opaca frondibus locum, dolumque occuleret.

Quibus Ricelienſis cognitis, cohortes aliquot militum eo noctu mari mittere constituerat, quorum alii ab altera Urbis parte mœnia ex ascensu tentare simularent, Subalpinosque distinerent, alii per diductam muri partem silentio intromissi opportuna Urbis loca improvisò occuparent. Neque dubitabat, quin repentino oppressis incurſu Subalpinis, adjuvantibus, recipientibusque Savonensibus, inter tumultum captæ Urbis, nocturnæque concursationis fremitum arx ipsa vel dolo, vel errore aliquo in tanta defensorum paucitate capi facile posset. Itaque locum, tempus, signum constituit, nunciosque præmiis, pollicitationibusque incitatos Savonem remittit: ipse ut ab eo, quod parabat, in alterius rei curam converteret hostium animos, Segestam Tigulliorum proficiſcitur, eoque velut conventuros paratos esse milites jubet. Multus erat in consilio

filio cum Ahumada, agebat, loquebatur omnia, quæ ad arcendos ab ea parte hostes pertinere videbantur. Cum repente magistris imperat navium, ut primo vespere scaphas, atque onerarias Genuæ ad portum appulas habeant, quot satis esse ad tria millia ferme armatorum transportanda existiment; Ducique Aginnensium, quem summæ rei præfecerat, quid fieri velit, ostendit, imprimisque monet, ut celeritatem adhibeat, noctuabundusque Savonem perveniat. Chovelenium interim Vulturem præmiserat, qui per causam inspiciundi exercitus copias contraheret: ipse eodem paulo post advolarat, & cum cohortibus vii., quas Chovelenius contraxerat, Savonem terra progrediebatur. Ahumada cum reliquo exercitu subsequabatur, relictis, qui montium juga tuerentur, hostemque levibus præliis lacerando detinerent. Summa erat maris tranquillitas, cælique, appropinquante nocte, serenitas. Sed quum esset ab iis, qui naves cogebant, paulo tardius res administrata, factum est magna totius negotii perturbatione, ut, qui prima vigilia militesolvere debebant, secunda naves conscenderent. Interim, tempore commutato, fluctibus dubiis volvi cœptum est mare, imberque accidit navigantibus gravis. Serius his de causis confecto Dux Aginnensium cursu, orta jam luce, Savonem conspexit. Itaque, patefactis insidiis, paululum regressus vi aperta propalam uti non dubitavit, atque inter Cellem, Albitiolamque excursionem facta (quæ loca non longe ab Savone



vone absunt) Urbi colles imminentes occupat, horreisque, quæ ad Urbem erant, incensis, ipsam circumvallare Savonem instituit. At Ricelienſis quum id, quod prudentiſſime cogitaverat, male cecidiſſe videret, & vim tentare periculolum duceret, Genuam ſeſe recipere ſtatuit, ideinque uti faceret, Duci Aginneſium imperavit. Subalpini, quum in neminem quempiam inſidiarum culpam conferre, cognita cauſa, poſſent, & tamen inſidias factas ſuſpicarentur, omnibus irati Savonenſibus, eos, imperatis pecuniis, principibuſque in cuſtodiam conſectis, duriſſime haberunt; ut, quoniam amari non poterant, quod inulto eſt in imperio firmius, timerentur.

Erant interim in agro Nicæenſi a Borboniis levia quædam, eaque ſecunda facta prælia, ad exercitumque Bellinſulanus, & Minenſis redierant; Leutronius autem ſuis ſe locis tenebat. At Brounius, ut jam medium veris erat, in Tari valle contracto exercitu, omnibuſque comparatis rebus, cognita locorum natura; minis, pollicitationibuſque varie, fruſtraque tentatis Ligurum animis, triplici denique inſtructa acie, Genuenſium finibus appropinquabat. Erant armatorum xl. circiter millia; numero præſtabant; & tot exercitati præliis virtute valebant. Primo præerat agmini Maguirejus, per ipſoſque Apuanos montes iter faciebat. Dextra montem Boccum occupare Andraſius, ſiniſtra montem item Furtianum tenere Harcheſius juſſus erat. Alterum ducebat agmen Marchio Clericius, cui man-

mandatum erat, uti eodem tempore Apua movens ad portum descenderet Lunensem: & quia ad omnia tuenda non satis esse Borbonii, & Genuenses poterant, quum tanta undique irrumperet hostium multitudo, & totius servandi causa partem negligere videbantur, erat Nadaastio imperatum, ut per occasionem Ligusticas superaret fauces, in Porciferamque vallem decurreret. Maguirejus, primo aspectu perterritis Borboniis, Liguribusque, qui, relictis Apuanorum montium jugis, ad Oxarium montem subita se fuga receperunt, Baretium pervenit; indeque progressus, vastatis longe lateque, atque incensis omnibus, magnum ubique terrorem intulit. Marchio interim Clericius, oppido capto Bruneto, regionem, quæ trans flumen Boactum ad portum pertinet Lunensem, occupaverat omnem.

Eodem impetu per iniqua progressus loca, fugatis Hispanis, montem Boccum, & Margaritæ fanum tenuerat Andræsius, quem procedentem intollerantius, neque dubitantem, quin, si mare nancisceretur, omni Borbonios receptu intercluderet, Marchio primum Mojenfis Hispani exercitus decurio tardavit, tum tanta in hostes vi irrupit, ut cccc. interfectis, victores terga vertere Austriacos cogeret, statimque Margaritæ fanum recipe-  
ret, & Boccum etiam, profligato Andræasio, recepisset, nisi mandatum ei repente ab Ahumada fuisset, uti ab insequendis, laceffendis-  
que hostibus omnino abstineret. Certi enim de pace nuncii venerant. At Nadaastius Ligu-  
sti-

sticas improvise fauces transgressus Petram Laveriaram, Langensiumque pagum occupaverat. Sed Genuensium centuriæ aliquot quum subito apparuissent, impetu facto, celeriter Austriacos perturbaverunt, atque ita perterritos egerunt, ut non prius fuga delisterent quam in conspectu Octavii vici trans Ligusticas fauces venissent. Ita vario pugnabatur Marte, erantque omnium intenti animi in ejus bellicalum, in quo non solum Urbs Genua præmium erat futura victoris, sed etiam de Italiæ, atque Europæ forsitán totius statu decertatum fuisset. Tantiæ dimicationem rei pacis repente sustulit nuncijs.

Habito, ut diximus, Aquisgrani colloquio, inter Britannos, & Gallos condiciones convenire, quæ non sunt, præterquam quæ ad Italian pertinent, memoriæ nobis quidem prodendæ.

Batavi primum trepidi rerum suarum, reliqui deinde omnes auctoritati paruerunt eorum, qui necessitati parere videbantur. Nam Galli victores foris, inopia domi dicebantur premi maxime rei frumentariæ, maritimæque neglecta re, florentes in America provincias retinere non posse. Britanni, alieno impedito, commercium imminuerant suum, sumptibusque terra marique ingentibus factis, grande conflaverant æs alienum. Illud etiam satis constat cunctis Gallis, qui ut belli periculis non deterrentur, ita diuturnitate franguntur, proclives fuisse ad otium animos, atque ex tanto tandem bello patriæ delicias respicere

cæ-

cœpisse; & Regem ipsum in medio rerum cursu, rara inter regnantes moderatione, victoriæ temperasse suæ, ut communi salutis confu-  
 ret, eoque fuit ejus mirabilior moderatio,  
 quo tot expugnatis in Belgio arcibus, perter-  
 ritis Batavis, invicto exercitu, quæcumque  
 alibi acceperat bello damna, sarcire facile pos-  
 se videbatur, & peritissimi erant duces, qui  
 victoria uti suaderent. At Rex quietam Euro-  
 pam, quam suam maluit, effecitque, ut in  
 Aquisgranensi colloquio repentina firmaretur  
 pax, neque iis revera utilis, qui fecerant,  
 neque iis, qui acceperant magis, quam pro-  
 barant. Illi nihil in pace retinebant eorum,  
 quæ maximis factis jacturis, aditilque pericu-  
 lis bello ceperant, his necessitas imposita pa-  
 cis accipiendæ omnem repente abruperat me-  
 lioris spem fortunæ. Accisæ quidem omnium  
 fortunæ, non tamen placata odia, neque,  
 quum vires redierint, sublatæ novarum cau-  
 sæ dissensionum. Nisi forte hæc est rerum hu-  
 manarum instabilis conditio, ut paci bellum,  
 bello pax varietate perpetua succedat, & quam  
 hominum consiliis rerum mutabilitatem assi-  
 gnamus, universæ potius naturæ, æternarum-  
 que nexui causarum tribuenda est. Fuere ad  
 Aquisgranensem colloquium eorum Legati Prin-  
 cipum adhibiti, qui bellum gesserant; Lega-  
 tique fuerunt Britannicæ Regis Comes Sandui-  
 censis, & Eques Robinsonius; Regis Gallicæ  
 Comes Sanseverinas Aragonius Placentinus,  
 & Eques Portensis; Reginæ Ungariæ Comes  
 Caunitius; Regis Hispaniæ Massonius Limen-  
 castri. Ben. P. I. A a sis;

sis; Regis Sardiniae Comes Cavannensis; Batavorum Comes Bentinchius, aliique cum eo iv. Batavorum item Legati; Reipublicae Genuensis Franciscus Auria, quem ex S. C. in Britanniam missum Lutetiae remansisse diximus; & Ducis Mutinensium Comes Monsonius Legatus fuit. Fuere item alii ab aliis missi Principibus privati homines, qui, quid ageretur, explorarent, & tanquam ad aquas valetudinis causa venissent, Aquisgrani observarentur. Rex Neapolis neminem publice misit, ne repudiare quaedam in eo concilio, aut approbare videretur, quae nolisset. Postulabat Reginae Ungariae Legatus, ut ne Ducis Mutinensium, Reique publicae Genuensis Legati ad id colloquium adhiberentur, propterea quod eorum essent Legati Principum, qui alieno bellarent nomine: itemque postulabat, ut ne Vormaciensis foederis sublata causa, vis maneret, in eoque tantum maneret, quod Reginae oberat. Nam Placentia, quae Philippo Hispani Regis Fr. contribuebatur, & Finario, quod Genuensibus restituebatur, nominatim exceptis, de reliquis omnibus, quae Reginae Ungariae fuissent, atque erant ex Vormaciensi foedere Sardiniae Regi attributa, eidem in Aquisgranensi colloquio diligenter cavebatur. Id quod contra omnem pactorum, conventorumque fieri rationem Caunitius dicebat. Etiam Pontifex Maximus per Canonicum quendam Leodiensem vetustum illud suum in Parmam, Placentiamque Urbes jus interponebat. Erat praeterea

terea inter Auriam, Monsoniumque de suorum Principum dignitate orta contentio, qui primus, qui secundus in exscribendo fœdere nominari deberet. Sed non placuit pacem omnium, ut dicebatur, bono partam contentionibus nonnullorum perturbari; &, compositis Britannorum, Gallorumque rebus, reclamare cæteri, non repugnare poterant.

His in Aquisgranensi colloquio actis, aliud Nicæ colloquium indictum est, in quo de Italica firmanda pace agebatur: apudque Brounium, & Riceliensem, his rebus cognitis, itemque apud Bellinsulanum, Minensem, & Leutronium constitutæ sunt induciæ, quarum quoad exisset dies, perfectæve essent ad pacem omnia, suis se quisque locis contineret, neve alter alteri nocere posset. His stare induciis Britanni noluerunt, propterea quod pactas prius fuisse dicerent, quam Hispanos, & Genuenses cum reliquis de Aquisgranensi pace consensisse ipsi cognoscerent. Quod ubi a Britannis cognitum est, mare etiam a belli impetu cessavit, Britannicæque classis Præfectus Navarchum Genuam misit, qui ejus rei nuncium Senatui perferret, &, quæ est Britannicæ gentis magnitudo animi, Genuensium, tametsi hostes fuissent, tamen virtutem, & constantiam admirari Præfectum diceret.

Interea Genuæ, pace parta, gratiæ Superis agebantur, indicta supplicatione, utque ea supplicatio quotannis iv. Id. Decembr., quo die liberata ab Austriacis Urbs

A a 2 . . . . . fue-

fuerat, ad Mariæ in Oregina constitueretur, Senatus censuit: Conciliumque Majus extra ordinem coactum decrevit, uti Dux Ricelientis, liberi, posterique ejus, atque agnati Cives essent nobiles Genuenses, iisque gentis suæ insigni insigne apponere Reipublicæ liceret, utque Duci Ricelienti ex S. C. statua in Curia poneretur ex marmore: itemque Ahumadam Hispaniensis exercitus Legatum, liberos, posterosque ejus Cives esse nobiles Genuenses, itemque Cives esse nobiles Genuenses septem, qui populares erant honesto loco nati, Joannem Baptistam Celestiam, Josephum Calvum, Josephum Asplanatum, Joannem Baptistam Carrogium, Georgium Turrellium, Josephum Lacomarsinum, & Augustinum Majolum, quod ii optime fuerant de Republica tempore difficillimo meriti, Patribus placere. Hi posteaquam conscripti Patres fuerunt, collatione gratuita (nam more receptum est, si quis inter Patres legatur, uti is aliquid Duci muneris offerat) simulacrum ex argento præclaro opere, & grandi pondere, quod Mariam virginali habitu, atque vestitu referebat, Brignolio Duci obtulerunt. Ille statim in publicum contulit, in maximoque Urbis Templo asservari, atque in supplicatione, quæ iv. Id. Decembr. haberetur, deferri quotannis jussit. At Rex Galliæ Ricelientem, quod egregiam Genuensi bello operam navasset, Magistrum creavit Gallicæ militiæ. Quo ille lætus honore, servatæque Urbis Genuæ gloria clarus in Galliam rediit.

In

Indicto Nicæ colloquio convenerunt eo statim Brounius, Bellinsulanus, & Minensis, Regis autem Sardiniae nomine Comes Breliensis, atque a Republica Genuensi missi Constantinus Pinellius, & Hieronymus Carolus, a Duceque Mutinensium Comes Sabbatinius, qui de Italica firmanda pace agerent iis conditionibus, quæ erant jam in Aquisgranensi colloquio constitutæ, quarum hæc erat summa: Omnia Sardiniae Rex haberet, & quæ ante bellum habuisset, & quæ ex Vormaciensi fœdere recepisset, excepta nominatim Placentia, ejusque Urbis agro. Parma, Placentia, Guardistallum, earumque urbium agri Philippo Ferdinandi Hispani Regis Fr. attribuerentur, liberis, posterisque ejus virilis sexus; ea tamen lege, si Carolus Neapolis, & Siciliae Rex Philippi, Ferdinandique Fr. in Hispaniam transeat, ut regnet in ea, & si Philippo Ferdinandi Hispani Regis Fr. liberi, posterique nulli fuerint virilis sexus, tum uti Placentia, ejusque urbis ager ad Regem Sardiniae, Parma, Guardistallum, earumque urbium agri ad Reginam Ungariae eodem jure redeant, quo jure cujusque eorum antea fuerint.

Dux Mutinensium, & Respublica Genuensis restituerentur in integrum: Quæ privatim a Genuensibus bona in regno Reginae Ungariae, quæ item a Duce Mutinensium possessa essent, Reginaque Ungariae jure belli publicasset, ea dominis omnia recte redderentur: Dux Mutinensium, si pro iis pecuniam



accipere velit, æstimatione intra quadragesimum diem facta, accipiet. Hæc fere, quæ ad Italiam pertinerent, Aquisgrani constituta sunt, & Nicææ cautum est in colloquio, uti ad certam diem perficerentur, utque ad certam item diem ex iis locis, quæ quisque occupasset, præsidia deducerentur omnia; Captivi utrinque, facta permutatione, restituerentur, & nominatim nobiles Cives Genuenses, itemque obsides remitterentur. Sed quum de bonis a Regina Ungariæ publicatis controversia esset illata, caput illud Austriaci infirmare conabantur, aut malignius interpretando, aut in aliud tempus rei cognitionem differendo. Contra, ut statim decerneretur, & ab eo; quod erat in Aquisgranensi colloquio de hujusmodi bonis sanctum, ne recederetur, Genuenses, & Ducis Mutinensium Legatus postulabant. Qua de controversia Galliæ Rex certior factus, ne reliquo Belgio Borboniorum præsidia deducerentur, imperavit; & qui communis salutis causa pacem fecerat, sociorum, & fidei gratia bellum renovare non dubitabat, in idque Britanni, & Batavi consentire videbantur. Quibus Regina Ungariæ rebus permota ab hujusmodi etiam postulatione destitit, sedataque controversia, pax tandem omnium consensu firmata est.

Hunc habuit exitum Italicum bellum, de quo scribenti liceat, si vere, in extremo opere Italicorum Principum, qui bellum gesserunt, laudare virtutem. Nam Rex Neapolis,

lis, longe a finibus suis rejectis ad Velitras  
hostibus, egregii imperatoris, optimique Re-  
gis officio functus est. Sardinia Rex in du-  
biis, gravibusque rebus solertia, & fortitudi-  
nis laudem tulit. Dux Mutinensium insigni  
erga Borbonios fide, animique in adversis ma-  
gnitudine inclaruit. Genuenses denique, recu-  
perata, defensaque Patria, satis magnifice o-  
stenderunt, vetus illud in Italia animorum  
robur sopiri interdum temporibus, extingui  
nunquam posse.

---

## INDEX

GEOGRAPHICUS, ET MILITARIS,

LATINE, ET HETRUSCE.

<b>A</b>	<i>Bdua</i>	Adda fiume.
<i>Academia Jesuitarum in Bal-</i>	<i>ba via</i>	il Collegio de' Gesuiti in via Balbi.
<i>Acies prima, secunda, extre-</i>	<i>ma, vel novissima</i>	la Vanguardia, il Centro, la Retroguardia.
<i>Africa</i>		l' Affrica.
<i>Agmen primum</i>		la Vanguardia.
<i>medium</i>		il centro dell' Esercito.
<i>extremum, sive novissimum</i>		la Retroguardia.
<i>Agonia</i>		la Gogna fiume.
<i>Ala equitum</i>		Reggimento di cavalleria.
<i>Eugeniana</i>		il Reggimento del Principe Eugenio.
<i>Ale pecunia publica</i>		la cassa del reggimento.
<i>Albingaunum</i>		Albenga Città nello Stato di Genova.
<i>Albintemelium</i>		Ventimiglia Città.
<i>Albitiola</i>		Arbizola luogo nello Stato di Genova.
<i>Allobroges</i>		Savojardi.
<i>Allobrogum Dux</i>		il Duca di Savoja.
<i>Alpes Cottia</i>		le Alpi Cozie, che dividono il Piemonte dal Delinato.
<i>Altum</i>		Alto terra negli Stati del Re di Sardegna.
<i>Amisernum</i>		S. Vittorino Città nell' Abruzzo.
<i>Anagnia</i>		Anagni Città nella Campagna di Roma.
<i>Anien</i>		Teverone fiume.
<i>Antecursorum</i>		i Forieri.

A

*Antias portas**Antipolis**Apbraclum**Apua**Apuanus**Apulia**Aque Sextia**Aque Sratella**Aquisgranensis**Aquisgranum**in Aranguesiano villa**Architectus militaris**Aretinus**Arena, Arenarium suburbanum**Argentium**Aricinum nemus**Ariminum**Armamentarium**Armis intentis**Arpinum**Arx Mariana**Casalensis**Mediolanensis**Asculani**Asculani**Astierensis collis**Astisensis Agor**Asta Pompeja**Aeternus*porto d'Anzo nella Campa-  
gna di Roma.

Antibo Città.

Schifo.

Pontremoli Città.

di Pontremoli.

la Puglia, Provincia del Re-  
gno di Napoli.

Aix Città in Provenza.

Acqui Città.

d'Aquisgrana.

Aquisgrana, Città in Ger-  
mania.Aranguez villa del Re di  
Spagna.

Ingegnero.

d'Arezzo, Città in Toscana.

S. Pier d'Arena sobborgo del-  
la Città di Genova.

Argens fiume.

il bosco di Genzano, o di  
Diana.

Rimini, Città.

l'Armeria.

con bajonetta in canna.

Arpino, Città in Terra di  
Lavoro.la Fortezza di S. Maria sul  
Golfo della Spezza.

la Rocca di Casale.

il Castello di Milano.

gli abitatori d'Ascoli, Città  
nella Marca d'Ancona.gli abitatori d'Ascoli di Sa-  
triano, Città nella Capira-  
nata, Provincia del Regno  
di Napoli.un colle nella Contea d'Asti.  
il Territorio d'Astisi nello  
Stato Ecclesiastico.

Asti Città.

Pescara Città nell'Abruzzo.

Aut.

Aulla ...

Austriaci

**B** *Aleaxis minor*  
*Baliffa, & Latus nunc Pere-*  
*grini montes*

*Barcinona**Barcinonensis**Barcinoneta vallis**Bardinetum**Baretium**Batavi**Batienorum Augusta**Belgae**Belgica legio Fraterianorum**Belgium**Biremis**Bonclius**Bobium**Bormia**Boii**Bolzanetum**Bononia**Bononiensis**Bonus portus**Borbonii**Bormia**Bormiensis vallis**Boruscus**Borussia**Boscum*l' Aulla Fortezza in Luni-  
giana.la Casa d' Austria, e l'E-  
sercito di essa Casa.

Minorica Isola.

l'Alpe di S. Pellegrino.

Barcellona, Città di Spagna.  
di Barcellona.la valle di Barcellonaetta nel  
Piemonte.

Bardineto terra.

Varase terra dello Stato di  
Genova in Lunigiana.gli Olandesi, le Provincie u-  
nite.Bassignana terra nella Lo-  
mellina.

Fiamminghi.

il reggimento delle Guardie  
Vallone.

le Fiandre, i Paesi bassi.

Galeotra.

Vara fiume in Lunigiana.

Bobbio Città nel Ducato di  
Milano.

la Boemia.

i Bavari, la Baviera.

Bolsanetto luogo presso Ge-  
nova.

Bologna, Città.

di Bologna.

Buomporto terra.

la Casa di Borbone, e l'E-  
sercito di essa Casa.

Bormia fiume.

Val di Bormia.

Prussiano.

la Prussia, Regno.

Boschi, terra nell' Alessan-  
drino.

Bre-

*Breda*  
*Brigantium*  
*Britanni*  
*Britannia*  
*minor*  
*Britannicum promontorium*

*Britannicus*  
*Brixellum*

*Brunetum*

*Brutii*  
*ad Burgum fortis*

*Butuntis*

**C** *Aduceum*  
*Cesena*  
*Cajeta*  
*Calones*

*Cameretes*

*Campania*

*Campus frigidus*

*Campus Sanctus*

*Capheronia*  
*Caprauna*  
*Capriata*  
*Capua*  
*Caribianus*

*Carosium*  
*Carraria*

*Casale*

*Breda* Città in Fiandra.  
*Briançon* Città nel Delphinato.  
 gl' Ingleſi.  
 l' Inghilterra.  
 la Scozia.  
 Capo Brettone nella nuova  
 Francia in America.  
 d' Inghilterra.  
*Bersello*, terra nel Ducato di  
 Reggio.  
*Brugnato*, terra dello Stato di  
 Genova in Lunigiana.  
 i Calabreſi, la Calabria.  
 a Borgoforte nel Manto-  
 vano.  
 gli abitatori di Bitonto Cit-  
 tà, Bitontini.

*Caducè*, Bandiera bianca.  
*Cesena*, Città.  
*Gaeta*, Città.  
 coloro che aſſiſtono al Ba-  
 gaglio, Bagaglioni, Sac-  
 cardì.  
 gli abitatori di Camerino,  
 Città.  
*Terra di Lavoro*, Provincia  
 del Regno di Napoli.  
*Campofreddo*, terra nell'o Sta-  
 to di Genova.  
*Campofanto* luogo nel terri-  
 torio di Bologna.  
*Garſagnana*.  
*Caprauna* terra.  
*Capriata* terra.  
*Capua*, Città.  
*Carignano* luogo nella Cit-  
 tà di Genova.  
*Carolio* terra.  
*Carrara* Città nel Ducato di  
 Maſſa in Lunigiana.  
*Casale di Monferrato* Città.

380  
in *Cassinatens*

*Castellum*  
*Sangri*

*Castra*  
*Castrium novum*

*Castrum novum*

*Castrum novum*

*Castrum vetus*

*Catholica*  
*Cesba*

*Celanensis ager*

*Celles*

*Cenopha*

*Centum cellae*

*Centuria*

*Centuriatus*

*Centurio*

*Cibaria*

*Cisfanum*

*Civaron*

*Clavarum*

*Claverinum*

*Codensum*

*Cobors*

*Collis qui ab ameno prospectu*  
*nomen accepit*

*Classarius*

*Commeatus*

**Verfo monte Cassino nel Re-**  
**gno di Napoli.**

**Bastione, Forte, Fortino.**

**Castel di Sangro, Città.**

**gli alloggiamenti, il campo.**

**Castelnuovo, terra in Garfa-**  
**gnana.**

**Castelnuovo, terra nello Stato**  
**di Genova.**

**Castelnuovo nel Territorio**  
**di Tortona.**

**Castelvecchio, terra nello Sta-**  
**to di Genova.**

**Cattolica terra.**

**Ceva Città con Rocca nel**  
**Piemonte.**

**la Contea di Celano nel Re-**  
**gno di Napoli.**

**Celle, luogo nello Stato di**  
**Genova.**

**Canobbio, terra nella Contea**  
**d' Anghiera.**

**Civitavecchia Città con por-**  
**to di Mare.**

**Compagnia sì di fanti, che**  
**di cavalli.**

**grado di Capitano.**

**Capitano.**

**le Vettovaglie.**

**Cisano, luogo nello Stato di**  
**Genova.**

**Chamberì Città.**

**Chiavari nello Stato di Ge-**  
**nova.**

**il distretto di Chiavari nel-**  
**lo Stato di Genova.**

**Codogno terra.**

**Battaglione.**

**il colle di Belvedere presso**  
**Genova.**

**Marinajo.**

**Provvisione.**

**Com-**

*Conspiciunt*  
*Copie*  
*Cornelianum*  
*Cosatum ora*

*Cretum*

*Crustulus*  
*Canianum littus*

*Cuneum*

*Cuneus*

*Cuniculus*  
*Curia*  
*Cynthianum*

*Custodes Corporis*

**D***Ecurio*

*Dertona*  
*Dertonensis ager*  
*Dracones*  
*Duces minores*  
*Ductores primi*

**E***Quitatus*  
*Equites Hierosolymitani*  
*Ungarici*  
*levis armatura*  
*Regii*  
*Eretum*  
*Ericius*  
*Eryce*

*Eugenius*  
*Excubie*

382  
Donativo, Rinfresco  
la Truppa, le Soldatesche.  
Cornigliano terra.  
la Spiaggia d'Alfidonia in  
Toscana.  
Creto, luogo nello Stato di  
Genova.  
Crotolo fiume.  
la spiaggia di Cuma nel Re-  
gno di Napoli in Terra di  
Lavoro.  
Cuneo Fortezza nel Pie-  
monte.  
Puntone, sorta d'ordinanza  
di soldati.  
Mina.  
il Palazzo Pubblico.  
Genzano terra nella Cam-  
pagna di Roma.  
le Guardie del Corpo.

Sergente, e talvolta Coman-  
dante di Brigata.  
Tortona Città.  
il Territorio di Tortona.  
Dragoni, Cavalleria.  
i Bassi Uffiziali.  
i Generali.

la Cavalleria.  
i Cavalieri di Malta.  
Ufferi.  
Cavalleggieri.  
le Guardie del Re.  
Monte ritondo terra.  
la Saracinesca.  
Lerice, terra sul Golfo della  
Spezza.  
il Principe Eugenio di Savoia.  
Sentinelle.

Fa-



**F** *Alerii Faliscorum*  
*Fanuni Coronate*

*D. Columbani*

*Margarite*

*Marie quam Hortensem ap-  
 pellant*  
*Marie montane*

*Misericordia*

*Raymundi*  
*Fances Rattorum*

*Feginum*

*Feritor*  
*Finarienses*  
*Finarium*

*Flaminia*  
*Flaminia via*

*Flandri*  
*Florentini*  
*Florentiola*

*Fons Paganica*

*Forum Cornelii*  
*Flaminii*  
*Fulvii*

*Intuntorum*

*Vocentium*  
*Korcepe*

Civita Castellana.  
 la Coronata, luogo presso Ge-  
 nova.  
 S. Colombano Rocca nel Pie-  
 monte.  
 S. Margherita, terra dello  
 Stato di Genova in Luni-  
 giana.  
 la Madonna degli Orti, luo-  
 go presso Velletri.  
 la Madonna del Monte, luo-  
 go presso Genova.  
 la Misericordia, luogo presso  
 Genova.  
 S. Raimondo presso Piacenza.  
 la bocca de' Ratti, luogo nel-  
 lo Stato di Genova.  
 Fegino, luogo nelle vici-  
 nanze di Genova.  
 il Bisagno fiume.  
 gli Abitatori del Finale.  
 Finale Città dello Stato di  
 Genova.  
 la Romagna.  
 la via Flaminia, la quale  
 da Roma porta a Rimini.  
 Fiamminghi, Valloni.  
 i Fiorentini.  
 Fiorenzuola villaggio nel ter-  
 ritorio di Bussetto.  
 Paganica, Fontana presso a  
 Velletri.  
 Imola Città.  
 Foligno Città.  
 Valenza Città della Lomel-  
 lina.  
 Pizighettone Fortezza nel  
 Ducato di Milano.  
 Canes Città in Provenza.  
 il Forte della Tenaglia pres-  
 so Genova.

*Fre-*

*Fregellani*

*Frigariolum*

*Frusino*

**G** *Abellus*

*Gaditanum fretum*

*Gallia*

*Cisalpina, sive citior*

*Narbonensis*

*Nova*

*Gallicus*

*Gallus*

*Garofalorum turris*

*Gavium*

*Gemini Fratres*

*Genovens Civitas*

*Genua*

*Genuens*

*Georgii, sive Georgiana mensa*

*Georgiana mensa tuenda Octo-  
viri*

*Germani*

*Germania*

*Germanicus*

*Gregale Sagulum*

*Gregarii milites*

*Guardistallum*

*Gula sicca*

**H** *Elvetii Pratoriani*

*Hernici*

*Hetruria*

*Hiberna*

gli abitatori di Pontecorvo  
villaggio.

Figarolo terra.

Fraselone terra nella Cam-  
pagna di Roma.

Secchia fiume.

lo Stretto di Gibilterra.

la Francia, Regno.

la Lombardia.

la Provenza.

la nuova Francia in America,  
di Francia.

Francesce.

la torre di Garofaldo.

Gavi terra.

li due Fratelli, montagna.

la Città di Ginevra.

Genova Città e Rep.

di Genova.

il Banco di S. Giorgio di  
Genova.

i Protettori del Banco di S.  
Giorgio.

Tedeschi.

l'Alemagna.

de' Tedeschi.

Uniforme da Soldato.

gente collettizia.

Guaſſalla.

Golaſecca luogo.

le Guardie Svizzere.

Abitatori d'una parte della  
Campagna di Roma ver-  
so il Regno di Napoli,  
dove sono le Città d'A-  
nagni, Alatri, Veroli &c.

la Toscana.

Quartieri d'inverno.

*Hiber-*

*Hibernicorum manus**Hispani**Hispania**Hispanicus**Hispaniensis**ex Hostico praeda**HS. quingenties**HS. trecenties**HS. sexcenties**HS. Duodecies**HS. Tricies**HS. millies octingenties**Hungaria**Hungarus. V. Equites.***J**  
*Aculum**Ignium missilium omne genus**Illyrici Pedites**Ilva**Impedimenta Exercitus**Imperator exercitus**Imperatorium**Inter tela, jeculaque**Ingauni**Instructor exercitus**Insubres**Interamnates**Interamnensis**Interamnina**Iria amnis*

la Truppa degl' Irlandesi.

gli Spagnuoli.

la Spagna.

di Spagna.

degli Spagnuoli.

Prede fatte nel Paese nemico.

un milione e dugencinquan-  
tamila Scudi Romani.

settecentocinquantamila Sc.

un milione e cinquecentomi-  
la Sc.

trentamila Sc.

settantacinquemila Sc.

quattro milioni e mezzo  
di Sc.

l' Ungheria.

palla da cannone, o da mo-  
schetto.bombe, granate, palle infuo-  
cate &c.

Panduri.

l' Elba Isola.

il Bagaglio.

Generalissimo, Comandante  
generale.

di Generalissimo.

fra le cannonate, e le mo-  
schettare.gli Abitatori d' Albenga Cit-  
tà dello Stato di Genova.Quartiermastro generale,  
Commisario generale dell'  
esercito.i Popoli del Ducato di Mi-  
lano.gli Abitatori di Terni Città.  
di Teramo.Teramo Città dell' Abruzzo  
la Scrivia fiume.*Iria*

<i>Iria oppidum</i>	Voghera terra nel Pavese.
<i>Italia</i>	l' Italia.
<i>Italicus</i>	d' Italia.
<i>Italus</i>	Italiano.
<i>Julianus pagus</i>	S. Giuliano terra.
<b>L</b>	
<i>Labicanus ager</i>	il Ducato di Valmontone.
<i>Labicum</i>	Valmontone terra.
<i>Labron</i>	Livorno Città con Porto di Mare in Toscana.
<i>Lacus Trivia</i>	Lago di Nemi, o di Genzano.
<i>Lacus Verbannus</i>	Lago Maggiore.
<i>Lambrus</i>	Lambro fiume.
<i>Langarum regio</i>	il Paese delle Langhe.
<i>Langenses, five Langensium pagus</i>	Langasco terra nello Stato di Genova.
<i>Lanuvium oppidum</i>	Civita Lavinia nella Campagna di Roma.
<i>Lavaniola</i>	Lavagnola luogo nello Stato di Genova.
<i>Leventia</i>	Lavenza terra nel Ducato di Massa in Lunigiana.
<i>Lavinium</i>	Luvino terra nella Contea d' Anghiera.
<i>Laumellinus ager</i>	la Lomellina.
<i>Laus Pompeja</i>	Lodi Città.
<i>Lazarianum</i>	la Casa del Cardinale Albe-roni presso Piacenza.
<i>Legatus exercitus, five de exercitu</i>	Generale.
<i>Legio</i>	Reggimento d' infanteria.
<i>Legionarius</i>	Soldato di reggimento d' infanteria.
<i>Lemuris</i>	Lemo fiume.
<i>Leodiensis</i>	di Liegi, Città in Germania.
<i>Lerina Insula</i>	l' Isola d' Sant' Onorato contro la Provenza.
<i>Leucopetra</i>	Capo dell' Arme, Promontorio della Calabria al Faro.
<i>Cast. Bon. P. I.</i>	B b Li-

386  
*Liguria*

*Ligures*

*Ligustica fauces*  
*Ligusticum mare*  
*Liris*  
*Lixæ*

*Loanum*  
*Londinum*  
*Lorica*  
*Loricis adjectis*  
*Lotharingia*  
*Luca*  
*Lucensium fines*  
*Luceria*

*Lucus Sodalium Camaldulensium*  
*Lunensis ager*  
*Lunensis portus*  
*Lupa amara*  
*Lutetia*

**M***Acerata*  
*Machine castrenses*  
*Machine obsidionales*  
*Macra*  
*Magonis portus*

*Magister Gallicæ militiæ*  
*Mamertinus*  
*Mapalia Marcaroli*  
*Margaropolis*

*Marianum. V. Suburbanum.*

lo Stato della Rep. di Genova.  
gli abitatori dello Stato della Rep. di Genova.  
la Bocchetta montagna.  
Mare di Genova.  
Garigliano fiume.  
quelli che hanno cura del Bagaglio , Bagaglioni , Saccardi.  
Loano terra.  
Londra Città.  
Bastione, Baluardo.  
prodotte le Trincèe.  
la Lorena.  
Lucca Città, e Repubblica.  
i confini dello Stato di Lucca.  
Luzzara Castello nel Ducato di Mantova.  
Camaldoli luogo presso Genova.  
la Lunigiana.  
il golfo della Spezza.  
Lupamara luogo nello Stato di Genova.  
Parigi Città.

Macerata Città.  
l'artiglieria da Campagna.  
l'artiglieria grossa.  
Magra fiume.  
Porto Maone nell' Isola di Minorica.  
Maresciallo di Francia.  
di Messina, Messinese.  
le capanne di Marcarolo.  
S. Margherita luogo presso Genova.

*Mar-*

*Marrucini*

Popoli del Regno di Napoli, che abitano una parte d'Abruzzo, dove sono le Città di Chieti, Pescara &c.

*Marte ancipiti*

con incerto evento.

*Marte vario*

con varia sorte.

*Martis anceps fortuna*

il dubbioſo eſito della Guerra.

*Mafonia arx*

il caſtello di Maſone.

*Maſſenſis ager*

il Ducato di Maſſa in Lunigiana.

*Maſſilia*

Maſſilia Città.

*Maxentia*

Luogo preſſo a Milano.

*Mediolanenſis*

di Milano.

*Mediolanum*

Milano Città.

*Mela Pons*

il Ponte Mela.

*Melignanum*

Marignano terra.

*Milites Tumultuarii*

Bande, Milizie Paefane.

*Melita*

Malta Iſola.

*Meffana*

Meffina Città.

*Mirandula*

Mirandola fortezza.

*Monaci portus*

il porto di Monaco.

*Mons Adamas*

il Diamante montagna.

*Artemiſius*

Monte Artemiſio nella campagna di Roma.

*Boccus*

Montagna di Bocco.

*Calvus*

Moncalvo terra.

*Caſtellum*

Monte Caſtello.

*clarus*

Monte chiaro luogo vicino a Piacenza.

*cornarius*

la coſtiera de' Bozzi luogo nello Stato di Genova.

*fuſcenſis*

il Monte delle faſcie preſſo Genova.

*ferratus*

Monferrato.

*Flacconius*

Monte di Fiancone.

*Furſianus*

la montagna di Furta.

*grotius*

Mergozzo terra nella Contea d'Anghiera.

*Letus. V. Balilla.*

la montagna d' Ozario.

*Oxarius*

*Montalus**Montani pedites ferentarii**Montes D. Pergrini. V. Balista.**Montes Eugubini**Montignosii oppidum**Montis Albani arx**Alphonfi arx**Montogium**Mortarium aurum ad ollas  
jucundas incendiarias**Munimentum**Munitio Benigni**Munitio Nazariana**Mutina**Mutinenfis**Myoparo***N** *Arnienses**Navale**Navarcus**Naues ontraria, afluaria**Neapolis**Neapolitanus**Nemorensis oppidum**Nervium**Nicas**Nicaenfis**Novae**Novaria**Novariensis ager**Nuceria**Nura**Montalo, luogo presso Modena.**Micheletti.**i Monti di Gubbio.**Montignoso terra nello Stato di Lucca.**la fortezza di Mont' Albano.**la fortezza di Mont' Alfonso.**Montoggio luogo nello Stato di Genova.**Mortajo da bombe.**Fortificazione.**il Forte di S. Benigno.**la batteria a' SS. Nazzaro, e Celso presso Genova.**Modena Città.**di Modena.**Fregata.**gli abitatori di Narni Città.**l' Arsenal.**Capitano di Nave.**Bastimenti da carico, da trasporto.**Napoli Città, e Regno.**di Napoli, Napolitano.**Nemi terra nella Campagna di Roma.**Nervi luogo vicino a Genova.**Nizza Città.**di Nizza.**Novi Città.**Novara Città.**il Territorio di Novara.**Nocera Città.**Nura fiume.**Osti-*

**O** *Ccimianum*

*Occitania*

*Ocelum*

*Oclavium*

*Olbia*

*Olegium*

*Olla incendiaria*

*Ollius*

*Onelia*

*Oneliensis tractus*

*Ora circa Oxibies*

*Oranum*

*Ordinem ducebat in legione Belgarum Pratorianorum*

*Ordines primi*

*Ostia Tyberina*

*Oxibiorum portus*

**P** *Adus*

*Pannonicum bellum*

*Pares*

*Parmensis*

*Parpanesum*

*Peditatus*

*Pedites ferentarii. V. Montani.*

*Perusia*

*Petra lavetiata*

*Pharus*

*Phaseli*

*Picentes*

*Picenum*

*Pinus*

*Pisantis*

*Pisaurum*

*Placentia*

Ocimiano nel Monferrato.

la Linguadoca.

Exilles Rocca nel Piemonte.

Ottaggio terra.

Hyerès Città.

Oleggio terra.

Bomba.

Oglio fiume.

Oneglia Città.

il territorio d'Oneglia.

la costa di Villafranca.

Orano Fortezza.

era Capitano nel reggimento delle Guardie Vallone.

gli Uffiziali maggiori.

Ostia Città nella Campagna di Roma.

il porto di Villafranca.

Pò fiume.

la guerra d'Ungheria.

Premia terra nella Contea d'Anghiera.

di Parma.

Parpaneso terra.

l'Infanteria.

Perugia Città.

Pietra lavezara luogo nello Stato di Genova.

la Lanterna.

Barchette.

gli abitanti della Marca d'Ancona, Marchigiani.

la Marca d'Ancona.

Pino luogo presso Genova, di Pisa.

Pesaro Città.

Piacenza Città.

Bb 3

Pla-



*Planasia insula*

*Plumbinum*

*Pluviera*

*Pons decimus*

*Pons Milvius*

*Porcifera vallis*

*Portus Delphini*

*Præfeti copiarum*

*Præfeti impedimenta*

*Præfetus arcis*

*castrorum*

*classis*

*domus*

*fabrium*

*legionis, sive equitum ala*

*Præneste*

*Præsidarii*

*Præsidium*

*Prætoriani*

*Prætorium*

*Predosa*

*Privernas tractus*

*Propugnaculum*

*Protribunus Milit.*

*Prussicum bellum*

*Purpurati*

*Pyrochitrophori*

**Q***uestor exercitus*

*Quætiæ*

*Quinqueremes*

*l'Isola di S. Margherita contro la Provenza.*

*Piombino Città.*

*Piovera nell' Alessandrino.*

*Pontedecimo.*

*Ponte molle.*

*la Polzevera.*

*Portofino nello Stato di Genova.*

*gli Uffiziali maggiori dell' esercito.*

*l' equipaggio del Colonnello. il Comandante della Fortezza Marefciallo di campo.*

*Ammiraglio.*

*Maggiordomo.*

*Generale d' artiglieria.*

*Colonnello di fanteria, o di cavalleria.*

*Palestrina Città.*

*i Soldati del Presidio, la Guarnigione.*

*la Guarnigione, il Presidio. le Guardie.*

*il Quartier generale, ovvero il Palazzo pubblico.*

*Predo terra.*

*il territorio di Piperno luogo nella Camp. di Roma.*

*Fortino, Batteria.*

*Luogotenente Colonnello.*

*la guerra di Prussia.*

*Ministri di Corte.*

*Soldati che gettano granate, Granatieri.*

*Commisario generale, Provveditor generale dell' esercito.*

*Quezzi luogo presso Genova. Galee.*

**R** *Apallus**Reccum**Receptus**Regium**Remopolis**Remulcum**Rbzatnum iter**Rbegiolum**Rbegium Lepidi**Ripalta**Ripalta**Rivato**Romanus ager**Roncilio**Rubiera**Ruscino***S** *Accarellum**Salvus**in Salutiis**Samnium**Sangermanum**Sanguinaria**Sardinia**Sardinienfis**Sarmaticus**Savo**Saxellum**Scapha**Scoffara**Rapallo*, Terra nello Stato di Genova.*Recco* luogo vicino a Genova.*la Ritirata*.*Rezzo* terra.*San Remo* Città nello Stato di Genova.*Rimurchio*.*La via di Rieti* Città dell' Umbria.*Rodigo* terra nel Ducato di Mantova.*Reggio* di Modena Città.*Rivalta* di Bormida terra nel Monferrato.*Rivalta* terra nel Piacentino.*Rivone* nell' Alessandrino.*La Campagna* di Roma.*Ronciglione* Città.*Rubiera* terra.*Rossiglione* terra.*Zuccarello* terra.*Sala*, Terra presso a Bassignana.

nel Marchesato di Saluzzo.

*la Contea* di Molise nell' Abruzzo.*S. Germano*, Città.*Sanguinara* terra.*la Sardegna*.di *Sardegna*.di *Polonia*.*Savona* Città.*Saffello* terra nello Stato di Genova.*Battello*.*Scoffara* luogo nello Stato di Genova.**Bb** +*See-*

*Scoti*  
*Scultenna*  
*Scysicus ensis*  
*Segeſta Tigulliorum*

*Senenſis*  
*Sergianiolum*  
*Sergianum*  
*Serra Bavarorum*

*Serravallis*

*Serſellus*

*Servator*  
*Seſſues*  
*Sextum*

*Sextum*

*Sicilia*  
*Sicilienſis*  
*Signa militaria*  
*Signifer*  
*Sileſia*  
*Soranus ager*  
*Spedia*  
*Spero*

*Spilimbergium*

*Spina*

*Spoleturn*  
*Stajenum*

*Stationes*  
*Storacades inſula*  
*Stratellia*

*Stuartiane partes*

gli Scozzeſi.  
 Panaro fiume.  
 la ſciabla.  
 Seſtri di Levante terra nello  
 Stato di Genova.  
 di Siena.  
 Sarzanello Fortezza.  
 Sarzana Città.  
 la Serra de' Bavarì luogo nel-  
 lo Stato di Genova.  
 Serravalle Città nel territo-  
 rio di Tortona.  
 Serſello terra nell' Aleſſan-  
 drino.  
 San Salvatore terra.  
 Seſſia fiume.  
 Seſtri di Ponente terra nello  
 Stato di Genova.  
 Seſto terra nel Ducato di Mi-  
 lano.  
 la Sicilia.  
 di Sicilia.  
 le bandiere.  
 Alfiere.  
 la Sileſia.  
 il Ducato di Sora.  
 la Spezza, o Spezie terra.  
 lo Sperone fortificazione preſ-  
 ſo Genova.  
 Spilimberto, Terra nel Mo-  
 denefe.  
 la Spina, Montagna preſſo  
 Velletri.  
 Spoleti, Città.  
 Staglieno luogo preſſo Ge-  
 nova.  
 Quartieri.  
 le Iſole d' Hieres.  
 Stradella nel Territorio di  
 Voghera.  
 i Partigiani della Caſa Stuar-  
 da.

*Sin-*

*Stura Vallis*  
*Sturla*  
*Subalpini*  
*Suburbanum Albarense*

*C. Martii VII. Conf.*

*Patricium*  
*Supplementum*  
*Syracusa*  
*Syrmoneta*

**T** *Aleacosienfe ites*

*Tarraconensis*

*Tarus*  
*Taurini*  
*Taurinorum Augusta*  
*Teate*  
*Telo*  
*Telam*

*Tentoria*  
*Ticinum*  
*Ticinus*  
*Tidonius*  
*Tormenta*  
*Tormenta ad oppugnationem*

*Tormenta, atque impedimenta*  
*Tormentis diffractis*  
*Transalpini*  
*Trebia*  
*Tribunus Milit.*  
*Tribuni Milit. primique ordines*

*Tridinum*  
*Tropae*  
*Truentus*

la Valle del Fiume Stura.  
 Sturla torrente.  
 Piemontesi.  
 San Martino d'Albaro luogo vicino a Genova.  
 Villa di Mario luogo vicino a Roma.  
 Villa Patrizj, presso Roma.  
 le reclute.  
 Siracusa Città.  
 Sermoneta terra.

la via di Tagliacozzo terra in Abruzzo.  
 di Tarragona, Città di Spagna.

Taro, fiume.  
 Piemontesi.  
 Torino Città.  
 Chieti Città.  
 Tolone Città.  
 palla da Cannone, o da moschetto, e ancora la stessa cannonata, o moschettata.

Padiglioni, Baracche.  
 Pavia Città.  
 Tesino fiume.  
 il Tidone fiume.  
 le artiglierie.  
 le artiglierie da battere la Piazza.

le artiglierie, e i bagagli.  
 avendo inchiodato i Cannoni.  
 gli Oltramontani.  
 Trebbia fiume.  
 Colonnello.  
 gli Uffiziali maggiori dell'esercito.

Trino terra nel Monferrato.  
 Torbia fiume.  
 Tronto fiume.

*Tur.*

*Turma**Turracia**Turrilia**Turris Mulaetiana  
Tusculanum**Tyberis**Tyro***V** *Adum Sabatium**Vallis Bisamnatensis  
Albana**Valmontium  
Varaginum**Varus  
Veliternus  
Velites ex Transilvania, Croatia,  
Illiricoque omni  
Velitrae**Veneti  
Venafrum  
Verule**Vestini**Vexillarius Hungaricorum Equi-  
tum  
Viaregium**Viennensis  
Vigintiolum  
Vigiles*

Compagnia di Cavallo, squadra di Cavalleria.  
la Torraccia luogo presso Genova.  
la Torriglia luogo nello Stato di Genova.  
Torre Mulazzana.  
il territorio di Frascati nella Campagna di Roma.  
il Tevere fiume.  
Soldato novellino.

Vado Fortezza nello Stato di Genova.  
Val di Bisagno.  
il Distretto d' Albano presso Roma.  
Valmonte.  
Varaggine terra nello Stato di Genova.  
il Varo fiume.  
di Velletri.  
Croati, Panduri, Varadini &c.

Velletri Città nella Campagna di Roma.  
Viniziani.  
Venafrò Città.  
Veroli Città nella Campagna di Roma.  
Popoli che abitano una parte d' Abruzzo, dove sono le Città d' Aquila, di Penna &c.  
un Cornetta d' Ufferi.

Viareggio terra nello Stato di Lucca.  
di Vienna in Austria.  
Viguzzolo nel Tortonese.  
le Sentinelle.

*Vigi-*

*Vigilia prima*  
*de quarta vigilia*

*Vigebanensis*  
*Villa Radiana*

*Franca*  
*Viterbium*  
*Umbri*  
*Umbria*

*Vormacia*

*Urbevetanus ager*  
*Urbs flumen*  
*Vultur*  
*Vulturnus*

**Z***Erbinus*

395  
le prime tre ore della sera.  
fra le dieci, e le dodici ore  
d' Italia.

il Vigevanasco.  
la villa de' Raggi presso Ge-  
nova.

Villa Franca.  
Viterbo Città.  
gli Abitatori dell' Umbria.  
Umbria, o Ducato di Spole-  
ti, Provincia dello Stato Ec-  
clesiastico.

Worms Città della Germa-  
nia.

il Territorio d' Orvieto.  
l' Orba fiume.  
Voltri Terra.  
Voltoino fiume.

il Zerbino Fortificazione pres-  
so Genova.

---

IN.

# INDEX LOCUPLETISSIMUS RERUM MEMORABILIUM

QUÆ IN HOC VOLUMINE CONTINENTUR.

*Numerus paginam indicat.*

- A** Durnius Arci Savonensi Præfectus ab ipsis hostium Ducibus collaudatus. 302.
- Ænobarbus obscuri nominis vir, sed consilio & manu promptus cum tumultuarius militum centuria Austriacos a Vulture oppido expellit, fugat, & longius insequitur. 326. Rebus strenue gestis ad hominum famam pervenit. 327.
- Ahumada ( Augustinus ) Hispaniensis exercitus Legatus, in locum Taubenii substitutus, Genuam venit. 353. Ipse, liberi, posterique ejus Genuenses Cives & Patricii S. C. fiunt. 372.
- Albarenses ad Bisamnatem vallem Austriacos ingressu per Romanam portam prohibent, & dissipatos in villas compellunt atque obsident. 294. Quin in eas impetum faciant Augustini Ayrolii auctoritas obsistit. *Ibid.* Cujus deinde villam incendunt Albarenses. *Ibid.* Hi Petri Canevarii interventu Cailianæ legionis cohortem in deditionem accipiunt. 295.
- Alexandrini pro vetere clientela Hispanis amicissimi. 202. De deditione cogitant. *Ibid.* Vexato tormentis oppido, quum prædarii in arcem confugissent se dedunt. *Ibid.*

Al-

Alfierius Eques unus ex Præfectis Regis Sardinia oppidum Genuentium Albintemelium vi capit. Horrea, quæ ibi erant, diripit vel incendit. 139.

Amicitia firma est, quæ usui est amicis. 131.

Anagnia Ernicorum Oppidum in Latio. 30.

Andræalius, præcipuus Austriacis auctor, ut Regios aggrederentur, vulneratur. 60. Parti copiarum a Brounio præfectus monte Bocco, & Margaritæ fano occupato, dum ad mare properat, non sine cæde repellitur a Marchione Mojenfi Hispano, qui confestim etiam Margaritæ fanum recipit. 367.

Aquaviva (Trojanus) Cardinalis, Hispaniarum, & Neapolis Regum ad Pontificem Maximum Legatus. XXXI. & seqq. Impigre omnia ac prudenter circumspicit. 28. Nunciat per literas Carolo Regi Lobcoviczium a Vestinis bellum in Cassinatem transferre. *Ibid.* Cum multis Regiarum partium Principibus, & Cardinalibus ad Patricium suburbanum Regem convenit, & summâ grati animi significatione ab ipso excipitur. 71.

Aramburus maximi ad victoriam momenti occasionem corrumpit. 250. Vulneribus pene confectus in potestatem hostium venit. *Ibid.*

Argensonius Philippus plurimum apud Gallia Regem gratia & consilio valens. 196. Hujus quæ fuerit de Bello Italico sententia. *Ibid.* Cum Rege Sardinia magis quærendam societatem quam bellum acriter gerendum censuit. 197. Ideo Malibojum affinem & amicum suum, ei bello præficiendum curat. *Ibid.* Regi Gal-



Gallorum ut oblatam pacis occasionem non abiiciat persuadet, atque ut uni sibi id negotii det. 217.

**Aricia** Princeps vulneratus acerrime pugnans militibus Campanæ Legionis Tyronibus animos addit. 61. Periculose ex vulneribus decumbens in Divi Januarii ordinem cooptatur. 67.

**Atrisci** Dux Hispaniensi Equitatu præfectus manu promptus, & ferox. 31. Missus a Rege ad loca circa urbem exploranda, & Frumentum Pabulumque avehendum, vel corrumpendum. 33. Hoste propius accedente ad Regem sese recipit. *Ibid.* Ex semiusta domo vix elapsus ad equites Regios citato equo contendit. 59.

**Auctoris** mens & institutum in his Historiis conscribendis. 154.

**Auria**, & Laumellinus compositionis interpretes, acriter conditionibus inhærentes, a Botta detinentur, a quo deinde sanctitatem Legatorum verito dimittuntur. 297.

**Auria** (Franciscus) ad Britannia Regem ab Senatu missus, quum adeundi potestas non fieret, in Gallia subsistere jubetur. 305. Bellinsulanum ex itinere dubitantem ad submitenda auxilia confirmat. *Ibid.*

**Austriaci** repente apparent in supercilio montis, qui imminebat Velitris, & Castris Regis. 36. Instructo agmine descendunt. *Ibid.* Et a prima luce ad meridiem sub armis in conspectu hostium sunt. 37. Iphis è loco superiore omnia quæ fierent in Regiis Castris perspecta, & melior

lior semper conditio pugnandi. 41. Magis in dies appropinquant Castris hostium. 42. Eos in maximas difficultates coniiciunt. *Ibid.* Turbati clade Pistaluccii ordinibus totis Castris trepidant. 44. Calones, Lixæ, & turba puerorum ac mulierum Romam procurrunt, & speciem fugæ exhibent. 45. Potuisse eo die deleri ipsi haud negant si hostes perterritis institissent. *Ibid.* Sed inopinato eorum receptu nacti spatium se se colligendi Spinam montem recuperant, & diligenter muniunt. *Ibid.* Postero die cætera loca amissa recuperare tentantes magno cum detrimento repelluntur. 46. Dextro Regionum cornu inopinata irruptione fuso fugatoque in oppidum percurrunt, magnamque illius partem diripiunt, cædibus atque incendiis vastant. 58. Postquam Artemisium montem occupaverant a Regiis prælio restituto circumventi repelluntur, & in fugam coniiciuntur multis amissis. 61. Octingenti ferme equites peditesque ad Macram duce Gorano extremum Hispanorum agmen in transitu pontis laceffunt. 106. Ne pontem interficiant prohibere hostes frustra adnituntur. 107. Bello Borusco impliciti auxilia satis valida ad bellum Italicum submittere prohibentur. 159. Ob Pluvieram expugnatam, Pontesque ab hostibus Pado impositos, atque Vievillæ expeditionem solliciti sex cohortes Mantuæ subsidio mittunt, & se Castris continent. 180. Undique se se recipientibus Borboniis instant. 237. Stationes nonnullas nec opinantium Hispanorum in dextra Padi ripa opprimunt. 239.

Lu-

Luceria , Rhegiolo , Valterio oppidis potiuntur. 239. Quominus Gagium dum castra communiter adoriantur fluminis magnitudine , atque imbris prohibentur. 243. Demum transducto exercitu ad hostem appropinquant. *Ibid.* Præliis Hispanorum Uxolengo , & Montecclaro rejectis Ripaltam aggrediuntur. 244. Ejus vici , atque arcis descriptio. *Ibid.* In ea Castellum aquæ , quæ iacentiam usque deducta maximo hispanis esset usus. 245. Eam , Duce Berenclavio , tormentis quatunt , & ad deditionem coactam diripiunt. *Ibid.* Amisissis ferme ad Placentiam castris , summissi cl. Eugenianæ alæ Dracones prælium redintegrant atque hostes pellunt. 251. Tum Galli qui eximiam virtutem a principio præstiterant in fugam dantur. *Ibid.* Quo succellu ferociores impetum in reliquum exercitum Austriaci faciunt. *Ibid.* Acriter instant , & hostem commeatu , pabuloque prohibere conantur. 252. Pars Lambro , pars Abduæ appropinquant. 255. Omnem fere equitatum in Cisalpinam Galliam dimitunt. 269. Recepta Serravalle , & occupatis Novis bipartito dividunt copias. *Ibid.* Dum Subalpini Savonem , Finariumque contendunt ipsi Faucibus Ligusticis primo impetu potiuntur. *Ibid.* Genuæ appropinquant in Arenarium Suburbanum perveniunt. 270. Portas duas Genuensis urbis pro una , de qua convenerat , occupant. 276. Eorum Genuæ insidentium atroces minæ , atque immania verba. 288. Qui ut se Bottæ adjungerent properabant interclusi in Genuensium potestatem veniunt.

299. Qui littus ad orientem solem præsidius obtinebant discedunt, & ad Sergianiolum occupandum contendunt. 300. Sed a Petralba ei arci Præfecto prohibiti, quum nulla esset effugii spes, datis oblidibus, & abeundi potestate facta ab omni facessunt Liguria. *Ibid.* Occupato Coronatæ fano, Arenario suburbano succedunt. 330. Arcem Masoniam ac Præsidium capiunt. 340. Nondum hyeme confecta urbem Genuam obsidere iterum parant. 361. Delphini, Lunæque portubus potiri ante omnia statuunt, ut nulla Genuensibus, auxiliisque Borboniorum spes commeatus relinquatur. 362. Jam per Apuanos montes in Orientalem Ligustici litoris partem descendere properantes hyeme adhuc gravi, & jumentorum penuriâ prohibentur. *Ibid.*

**B** Albus ( Hieronymus ) missis legionariis LXXX. cum voluntariorum manu Radianam villam ab Austriacis captam, & aggere munitam recipit. 314. Præsidarii circiter CC. projectis armis se dedunt. *Ibid.*

Balestrinas Marchio in Ligures Ingaunos jubetur irrumpere a Sardinia Rege. 260. Cum legionariis Cohortibus III. & majore tumultuarius militum manu profectus Cisanum vi capit, ac diripit. *Ibid.* Qui Castrum vetus obsiderent mittit. *Ibid.* Saccarellum oppugnat, & in deditionem tandem recipit. *Ibid.* & seq. Contra fidem loco prædæ habet. 262. A Genuensibus in arcem compellitur, & oblidetur. *Castr. Bon. P. I.* Cc 262.

262. Aquæ, & omnium rerum inopia ad deditionem cogitur. *Ibid.*

Basadonnus (Gaspar) cum tumultuariorum militum manu, Legionariusque nonnullis, adiutore Augustino Pinellio, hostem, qui Pontemdecimum occupaverat, Langenium Pagum oppugnabat, cædit; oppida liberat. 304. Bella absentium Regum nutu præter imperatorum sententiam sæpe administrantur. 248.

Bellinfulani Frater, Eques Hierosolymitanus, a Fratre Ocelum versus cum XV. cohortibus proficisci jubetur. 348. Auxiliis a Fratre militis fretus Cottias Alpes transgressus, repente ad Aslietensem Collem diligenter a Subalpinis munitum convertit agmen. 354. In eas munitiones, loco etiam positas perdifficili, & auxiliis Austriacorum inductis confirmatas, cupiditate vincendi elatus, virtutisque suæ, ac militum nimis fidens irrumpere aggreditur. 355. Galli tamen quanquam audacissimè succedentes deiiciuntur. *Ibid.* Ipse signo abrepto a Signifero, & superato aggere incredibili audacia in summa munitione illud defigens dum prælium restituere conatur, interficitur. *Ibid.* Gallis acervatim cadentibus, fugatisque nox fœditissimam cædem magis quam prælium dirimit. *Ibid.*

Bellinfulanus Dux, Gallicæ militiæ Magister, apud exercitum Malibojo sufficitur. 312. Idem, & Minensis Hispanorum Dux, Austriacis Genua profectis, maxime de reliquo bello dissentient. 353. Hic Savonensem arcem expugnandam, maioremque belli vim in Cisalpinam Galliam trans-

transferendam cenſet: ille contra per alpes Cottias in Taurinos faciendam eſſe eruptionem. 353. Quibus de cauſis ita ſenſerint. *Ibid.* Præter eas cauſas quæ palam aſſerebantur, tacita Bellinſulano ſuberat cura, ut Equiti Fratri faveret. 354. Utroque Duce ſententiæ ſuæ inſiſtente ad Reges arbitrium reiicitur. *Ibid.* Quid Reges reſponderint non conſtat: verum Duces in conſilio perſeverant. *Ibid.* Qua diſſenſione fit ut eo quoque anno jaceant res Borboniorum. *Ibid.* Beilinſulanus Albintemelii arce permunita in Nicæenſem agrum exercitum reducit, magna interim auxilia Equiti Fratri ſubmittens. *Ibid.*

Belloeſius ad populandum Parmenſem agrum a Biſſienti Marchione Genuâ miſſus revocatur. 357. Succellori ejus Montelio negligentia prædantium, & locorum ignorantia haud proſpere res cedit. *Ibid.*

Bellum Italicum conſtatum inter Borbonios, atque Auſtriacos a morte Caroli VI. Cæſaris. 1. Diu anceps. *Ibid.* A Caſtruccio Bonamico perſcriptum ab receptu Auſtriacorum a Velitris initium ducit, & pace Aquisgranenſi concluditur. 81. Nihil in eo perfectum eſt, quod rerum geſtarum magnitudini reſponderit. *Ibid.* Tribus libris continetur. 82.

Benedictus XI V. P. M. XXXVII. & ſeqq. 72.

Berenclavius copias Abduam flumen tranſducit. 237. Codoneum cum Hiſpanorum præidio in itinere expugnat. *Ibid.* Effrenatæ homo ferociæ interficitur. 258.

Bernardinius (Franciscus) in Castra ad Imperatores a Senatu Lucensi mittitur. 100. Ejus liberalis ad eosdem oratio. *Ibid.* Par Imperatorum responsio. *Ibid.*

Beverinius (Bartholomæus) in Lucensi Historia Livium exprellit. I.

Bisliensis Marchio in locum Bouffertii substitutus Genuam pervenit. 353. Urbem Genuam diuturnâ rerum inopiâ laborantem recreare studens prædas ex hostico agere constituit. 357. Chovelenum per Apenninum in Montemferratum, Belloesium per Apuanos montes in Parmensem agrum jubet irrumpere. *Ibid.* Montecunio mandat uti Nadastium circa Gavium, Octaviumque agentem demoretur. *Ibid.* Et hic quidem perdiligenter mandata facit. *Ibid.*

Bofortius Comes Legatus singularis animi vir graviter vulneratur. 63.

Bonamicus (Castruccijs) ad principes antiquitatis Scriptores ita accessit, ut vix cæteri propius accedere possint. I. Suam ipse vitam describere aggressus. *Ibid.* Lucæ natus, & Petrus Josephus appellatus. V. A Frâncisco Patre literis instituendus curatur. *Ibid.* Puer propter ferociam quandam habitus est ad studia durior. *Ibid.* Ubi auctores veteres cognovit, ingenium explicavit. *Ibid.* Optimos faciliè imitabatur. *Ibid.* Avidissimus legendi. VI. Poeticen attigit. *Ibid.* In hetruscâ a Petrarca arripiebat. *Ibid.* In latinis studebat ex optimis Poëtis excerpere meliora. VII. Ciceronem imprimis admiratus, atque imitari conatus.

VII.

VII. Adolescentulus ejus libros nunquam dimittebat è manibus. *Ibid.* Pisas se contulit. VIII. In philosophia confugit ad Academicos. IX. Novitatis amatores ineptos irridebat. X. Præceptores habuit in civili jure Olmetam, in græcis latinisque Politum, in Mathematicis Grandium. *Ibid.* Domum revocatur. XI. Romam petit. *Ibid.* Orationes duas edidit. *Ibid.* De Inconstantia Carmen scribit. XII. Patavium pergit. *Ibid.* In Dominici Lazzarinii morte edidit Elegias duas. XIII. Commentarium scripsit de moribus studiisque Lazari Bonamici. *Ibid.* In Historia cognoscenda præcipuè versabatur. XIV. Mediocris homines ingenii respuebat. *Ibid.* Plurimorum in se odium concitavit. XV. Nonnullos amicitia sibi devinxit. *Ibid.* In primis Cajetanum Fortium. *Ibid.* Gloriæ cupidine ad bellicas laudes abstractus. *Ibid.* Caroli Borbonii Regis Castra sequutus. *Ibid.* Voluntarius equo meret. *Ibid.* Inter Custodes Corporis Regii relatus. XVI. Edidit Commentarium de Rebus ad Velitras Gestis. *Ibid.* Orationes habuit. *Ibid.* & seq. Præfectus Fabrùm, & Quæstor appellatus. XVII. De Bello Italico tres Libros in lucem emittit. XIX. Magnà molestiâ affectus. XX. Valetudine utitur incommodâ. XXI. In Patriam revertitur. *Ibid.* Frustra Paulio Medico docto ac diligenti usus. *Ibid.* Aquà intercute oppressus. *Ibid.* Religiosè animum expiandum, ac confirmandum curavit. *Ibid.* Elatus est. *Ibid.* Inscriptio ejus Sepulcro curata. XXII. Altera ab ipso parata. XXIV. Quo a-



nimo esset. XXV. Uxorem habuit. XXVI. Inscriptiones ad veram antiquitatis formam exaravit. *Ibid.* Carmen in I. Sætanum confecit. XXVII. Sed Commentarios conscripsisse satis superque putandum ad maximam laudem. *Ibid.*

Bonamicus (Fidelis) excellenti ingenio. II. Mente laborat. *Ibid.*

--- (Franciscus) Castrucci Pater. V.

--- (Philippus). I. Castrucci Fratris Vitam descripsit. *Ibid.* Illius Uxorem, viro demortuo, piè ac liberaliter sustentavit. XXVI. Romæ apud Benedictum XIV. P. M. degebat. XXXVIII.

Borbonii, ut ad arma atque ad suam societatem adducant Rempublicam Genuensium, Vormaciensis fœderis iniquitatem durius interpretantur. 125. Omnia pollicentur. 126. Neglecta instandi Hosti perterrita opportunitate ad Servatorem in agro Casalensi vicum, & ad Augustam Batienorum consistunt. 200. Inanibus gratulationibus tempus terunt. *Ibid.* Qui Forum Fulvii quique Alexandriam oppugnent destinantur. *Ibid.* Parte Copiarum ad oblidionem Arcis Alexandrinæ relicta, & parte in hybernis atque in præsidiis collocata, cum reliquo exercitu in Cisalpinam Galliam regrediuntur. 210. Ejus itineris diu incerta fama. *Ibid.* Dum Placentiam proficisci vulgo creduntur Ticinum contendunt. *Ibid.* Superatis imbrium, & fluminum difficultatibus illic perveniunt. *Ibid.* Inde Marchio Campofanctensis cum equitum, peditumque manu  
ad

ad Urbem Mediolanum mittitur. 211. Mediolanenſibus hybernis lætantes curas reſmittunt. 214. Ad invadenda Auſtriacorum caſtra a Placentia ſub occaſum ſolis procedunt. 249. Quo ordine inſtructi. *Ibid.* Tormentis in oppidî mœnibus, & propter viam diſpoſitis proteguntur. *Ibid.* Hoſtes haud imprudentes, & caſtra offendunt munitiſſima. *Ibid.* In his ipſum Liſteſtenium, qui ob incommodam valetudinem aliquandiu abſuerat. *Ibid.* Ea nocte Caſtella quædam hoſtium expugnant. 250. Prima luce aggeres ſuperant: Foſſas altiſſimas ſingulari audacia Galli maxime tranſgrediuntur. *Ibid.* Quampluribus tamen interfectis militibus vel ſubmerſis. *Ibid.* Parte munitionum potiuntur, atque in ea hoſtium viginti & ſex occupant tormenta. *Ibid.* Eodem tempore a media acie cohortes Hiſpanorum Caſtellum egregiè munitum repetitis conatibus expugnant. *Ibid.* Et a ſiniſtro cornu ipſe Gagiſ irumpit. 251. Re. improvîſâ fortunæ converſione inclinatâ ſe ad oppidum recipiunt. *Ibid.* Poſt adverſum prælium Caſtellarenſem cum IV. hominum millibus Placentiæ relinquunt: reliquas copias trans Padum ducunt. 252. Apud eos ſumma perturbatio: diſcordia in Ducibus, in militibus deſperatio. 253. Pravis namque conſiliis adverſa fortuna non deerat. *Ibid.* Sextum progreſſi dum proficiſci properant & impedimenta in Naves imponunt de Genuæ deſenſione maxime cogitare ſimulant. 269. Diſcedentes literis per Muniainum ſcriptis proſectionis invidiam ab ſe in Genuenſes

avertere conantur. 270. Quæ literæ jussu Senatus a Pallavicino confutantur. *Ibid.* Nihil jam de resistendo cogitantes profugiunt. 282. Varum transgressi omnia vallant ne hostibus usui sint. *Ibid.* Non hostium virtute, sed suis victi consiliis Italiâ cedunt. *Ibid.* Conversis rebus regredientem in Italiam Brounium usque ad flumen Varum insequuntur. 313. In hyberna deducuntur. *Ibid.* Bellinsulano, & Minensi ducibus dum Genua acrius oppugnatur Varum copias transducunt. 348. Nicæam, Montem-Albanum, & Villam-Francam celeriter recipiunt. *Ibid.* Albintemelii Arcem oppugnant. *Ibid.* Valido præsidio ad Nicæam, & Villam-Francam relicto in Galliam Narbonensem exercitum in hyberna deducunt. 356. Inde Bellinsulanus Lutetiam, Minensis Matritum, Philippus Civaronem, Dux Mutinensium Venetias proficiscuntur. *Ibid.* & seq. Per id tempus, colloquio Bredæ & Aquisgrani habito, de pace agi cœptum. 357. Quum Bellinsulanus, & Minensis ad exercitum rediissent, Leutronius vero locis munitis se teneret levia quædam, & secunda prælia in agro Nicæensi faciunt. 366.

Botta Præfectus Fabrûm cum XX. hominum millibus ad oppugnandam Placentiam subsistit. 255. Partem copiarum cum Gorano ad observandos hostes trans Padum mittit. *Ibid.* Primo Goranum, tum Serbellonium in proficiscentes Borbonios immittit, postremo cum omnibus copiis ipse adest. 258. Atrox prælium committitur. *Ibid.* Complures utrimque præ-

præclari Duces cæduntur, vulnerantur. 258. Novis profectus ad exercitum properat ne quis alius Genuæ deditæ gloriam, vel prædam intercipiat. 272. In Porcifera Valle tendens ingens cohortis imbribus detrimentum accipit. *Ibid.* Hujus adventus haud ingratus Genuentibus. *Ibid.* Ipsius ad Legatos Genuenses verba aspera. 273. & *seq.* Conditiones quibus dedantur graves, & illis quas Goranus attulerat duriores proponit. *Ibid.* Spatio XX. horarum ad deliberandum dato, nequicquam reclamantibus Legatis, addito irrifu in sententia manet. *Ibid.* Genuenses omnibus modis vexare non desistit. 278. Bellum adversus Neapolis Regem opibus Genuensium administrandum jactat. 279. Flecti ad preces Genuensium videtur, sed Cotechio succensente denunciat si Patriam ament de suo imperatam pecuniam conferant. 285. Ipsius ferum Legatis Reipublicæ pro Patria orantibus responsum. 288. Tormenta ad Antipolim oppugnandam ab Senatu petit. 289. Negata milites tollere atque asportare jubet. *Ibid.* Inde universæ multitudinis querimoniæ clamoresque apertiores. 290. Semel & iterum monita Senatus spernit. 293. Iræ ac minarum plenus, novis accitis copiis loca circa interiorem urbem occupat eminentiora. *Ibid.* In eis tormenta disponit, quibus urbem diruat. *Ibid.* Uti tumultuantem plebem militibus Reipublicæ a tergo adoriatur ab Senatu petit. *Ibid.* Postulatio ut impudens cum indignatione excipitur, & constantissime repudiatur. 294. Milericordia

ut

ut præferebat, Genuensium, revera ut morâ illatâ, milites evocati undique convenirent, de compositione agere instituit. 295. Conditiones omnes Brignolii Ducis admonitu Plebs respuit, nisi statim occupatæ tradantur portæ, & nulla ulterius de argento exigendo, exportandisque tormentis mentio fiat. 296. Vulneratus terga dat. 299. Per Porciferam Vallem incolarum cunctatione evadit incolumis. 300. Largitionibus etiam usus, & præterea dolo, quum palam pronuntiari jussisset pace se cum Genuensibus factâ discedere. *Ibid.* Sic raptim fauces transgreditur, & Novas mutilatum exercitum reducit. *Ibid.* Perfidie Genuenses arguit, Popularium animos tentat, veniam pollicetur. 303. Nobilitati maxime se iratum ostendit. *Ibid.* Bellum summâ vi redintegrat. *Ibid.* Fauces Ligusticas iterum transgredi jubet levis armaturæ pedites. *Ibid.* Hi omnia circum loca cædibus, & incendiis complent: Ruscinone, & Campofrigido potiuntur. *Ibid.* Longius progredi a Hieronymo Balbo prohibentur: a Mafonia Arce repelluntur, defendente Anfrano Saulio. *Ibid.*

Bouffertius Dux, Gallici exercitus Legatus, unusque è Gallicæ nobilitatis Principibus Genuam a Rege suo missus, ingenti omnium ordinum alacritate atque plausu Senatū ingreditur. 325. Ejus perliberalis ad Patres oratio, qua Genuenses veteribus Romanis æquat, ipsisque cum operam suam, tum validiora ab Rege auxilia pollicetur. *Ibid.* & seq. Ingenua, & plena animorum ad eam orationem Genuen-

nuensis Ducis responsio. 326. Spem, quam de se civitati Bouflertius dederat, re confirmat. 330. In communicandis consiliis benignus, in rebus administrandis nulli parcens labori, plebem effusis etiam largitionibus excitat. *Ibid.* Coronatæ fano Austriacos depellere una cum Josepho Duratio constituit. 331. Consilium fœda cohorta tempestas interpellat. *Ibid.* Ne prosperis rebus hosti animi crescerent, suis minuerentur recipere ex Austriacis collem, fanumque Misericordiæ statuit. 334. Ejus jussu Chovelenius Castrorum Præfectus, hostes aggreditur, & acerrimè repugnantes ad fanum se recipere cogit. *Ibid.* Accurrit subsidio Liguribus ex Geminorum Fratrum monte Comes Lannionensis. *Ibid.* Jam multis hostium captis interfectisque, in ipsum fanum Ligures irrupturi videbantur cum repente Bouflertius receptui cani jubet. *Ibid.* Etenim prælio in noctem extracto nolebat copias, partem maximam tironum, tumultuariorumque, nocturnis periculis committere. 335. In ea pugna Fajensis Marchio interficitur, Chovelenius vulneratur, Francus Grimaldus nobilis adolescens capitur. *Ibid.* Eodem die quo Genua ab obsidione liberatur Bouflertius pustularum morbo absimitur. 351. De cujus morte Civitas perinde dolet quasi ab hostibus capta esset. *Ibid.* Quare Chovelenius ultro Curiam ingressus amantissimis verbis Patres alloquitur, & Regis sui nomine benigna cuncta pollicetur. *Ibid.* Bouflertii liberis, posterisque Civitas ex S. C. datur, & ut Patricii Genuenses cen-

censeantur. 352. Tum ut Reipublicæ insigne insigni Gentilitio apponere eis liceat. *Ibid.*

Brignolius (Jo. Franciscus) Genuensium Copiis auxiliariis præficitur. 138. Per Hyemem Genuam proficiscens, collaudatur a Philippo. 209. Dux a Genuensibus creatur. 237. Neque nimis populari concitationi indulget, neque acriter repugnat. 290. Ne studium populi languesceret, neve aut belli & laboris tædium, aut metus irreperet principes plebis in curiam advocat, atque eos alloquitur. 336. Ejus verba. *Ibid.* & *sc. 7.* Extremam orationem ingenti plausu populus interpellat, & se ad omnia paratissimum confirmat. 339.

Britanni postquam navibus incendiariis ollisque suis cladem inferre Genuensi Civitati minati sunt irritò conatu discedunt. 198. & *sc. 7.* Eandem ad Finarium, sicut ad Savonem fortunam experiuntur. 199. Remopolim verò non auditis legatis, qui de pace missi erant, quatiunt, ac penè diruunt. 200. Fremunt quod sub eorum oculis, & inter suarum navium stationes, elaberentur commeatus & auxilia, quæ Genuam deferebantur. 332. Negligentiæ ob eam rem ab Austriacis falso insimulantur. 333. Non solum mare dimissis quaquaversus aphractis infestum habent, sed etiam terrestre iter submissa navi, quæ contra Nervium in anchoris consisteret, *Ibid.* Eam navim Ligures allatis noctu tormentis labefactatam in altum se recipere sublatis anchoris cogunt. *Ibid.* Soluta Genuæ obsidione tormenta, & impedimenta exercitus in naves impo-

nunt,

nunt, simulque Austriacorum nonnullos ad Regem Sardiniae mari adducendos. 350. Savonem, Vadumque Sabatium appellunt. *Ibid.*

Britannica navis bellica in Genuæ portum ingressa, portum ipsum atque Urbem habet infestam. 286.

Brounius Comes ingenio, & bellica arte summus. 53. Una cum Novato Marchione, & cum sex millibus equitum, peditumque nocte venit ad Mariæ Hortensis Fanum, ut in lævam partem Regionum Castrorum impetum faciat. 54. Ibi parumper a Novato dubitatur. *Ibid.* Ipse pergendum censet, & dat signum irruptionis. *Ibid.* Custodes Castrorum nactus incuriosè agentes impressionem dat, & Regios passim cædit fugatque. 55. Quum nondum in oppidum intrasset, mutatâ belli fortunâ receptui cani jubet. 64. Idem cum Pallavicino in Parmensem agrum irrumpere conantur. 237. Castellarenses cum Hispaniensis exercitus parte a reliquis Copiis interclusum distinent. 238. Absente Botta ad Arenarium Suburbanum Austriacis præest. 271. Escerium ad se ab Senatu missum negligerenter audit. *Ibid.* Ad Grimaldi, & Laumellini excusationes acerbe respondet. 272. Goranum se missurum affirmat, qui conditiones quibus dedantur pronunciet. *Ibid.* Ipsi Galliam invadendi Narbonensem provincia demandatur. 281. Ad Villamfrancam navi Britannica delatus Nicæam pedibus venit. 282. Provinciam sibi difficillimam impositam intelligit, in qua ille ipse summus Imperator Princeps Eugenius superiori æta-



ætate offendisset. 282. Regem Sardinia convenit, & cum eo consilia communicat. *Ibid.* Dum tormenta Genua supportentur, & copiae augeantur expectat, non dubitans quin bellum ex sententia conficiat. 283. Tum transducto Varum exercitu Antipolim oppugnare cogitat. 288. Ejus adventu, fractis Borboniorum viribus maxime in tota Provincia trepidatur. *Ibid.* Plerique fugam parant. *Ibid.* Massilia, Telonis, & ad Aquas Sextias, ubi Philippus constiterat, summus metus. *Ibid.* Lerina ac Planasia insulis Foroque Vocontio occupatis, dum Antipolim oppugnare instituit, Genuæ defectione, & Borboniorum audis iterumque conjunctis copiis deterritus, commutato consilio in Italiam redit, & Mediolanum proficiscitur. 313. Tentatis frustra Ligurum animis, medio vere cum ingenti exercitu a Tari valle progressus Genuensium finibus appropinquat. 366. Primum agmen per Apuanos montes ducendum Maguirejo tradit. *Ibid.* Alterum Clericio Marchioni, cui præcipit uti Apua movens ad Lunensem portum descendat. 367. Simul Nadaasio imperat ut si ferat occasio fauces superet Ligusticas, & in Porciferam excurrat vallem. *Ibid.* Et hic quidem fauces improvise transgreditur, sed celeriter repetere viam cogitur, ultra fauces ad Octavium usque vicum rejectus. *Ibid.* & seq. Maguirejus dejectos Apuanorum montium jugis hostes ad Oxarium usque montem propellit, & Barettium venit. *Ibid.* Clericius, capto Bruneto Oppido, omnem circa Boactum flumen regionem

nem occupat. 367. Dum ita pluribus locis vario pugnatur Marte certi de pace advenientes nuntii omnem interpellant dimicationem. 368.

**C** Ampsius Galliae Regis apud Genuenses Legatus in villam quamdam prope Augustam Taurinorum clam mittitur. 217. Ibi inter ipsum, certumque hominem a Rege Sardiniae missum conditiones quibus pax fieret conveniunt. *Ibid.* Harum conditionum summa. *Ibid.* & *seq.* Eam pacem, Hispanis quidem non incommodam toti vero Italiae salutem allaturam, eorundem Hispanorum cupiditas interpellat. *Ibid.*

Canevarius (Petrus) ad Scoffaram peropportuno ad Bisamnatem Vallem tuendam locum a Senatu mittitur. 322. Hostes ad eum locum duplici infesto agmine properantes consilio, & virtute eximia usus cedit, & in fugam dat. 328. Dum suos a præda retinere, & ad Turriam arcem occupandam ducere conatur incautiùs progressus interficitur. *Ibid.* Ipsius extrema verba, & Ligurum ex ea morte furor. *Ibid.* Cadaver in Urbem refertur mœstissima totius Civitatis comploratione. *Ibid.* Effertur quam amplissime prosequente etiam Duce Bouffertio, 329. Ejus laudes. *Ibid.* Statuam ipsi in Curia ex marmore ponendam Senatus decernit. *Ibid.*

Caravacalius Legatus Urbi Alexandriae oppugnandae præficitur. 200. Hujus urbis arcisque descriptio. 201. Urbem oppugnat. *Ibid.*

Car-

Carbo (Joannes) de Plebe homo Prætorium ingreditur, & traditis portarum clavibus, victoriam Duci, & Senatui gratulatur. 299.

Carolus Emmanuel Sardinia Rex dum Regnum suum tutari atque augere studet, omnem Italiam se tutari prædicat. 2. Cum Britannorum Rege, atque Hungariæ Regina certis conditionibus convenit apud Vormaciam. *Ibid.* Suadet, & obtestatur ne vires distrahantur Neapolitano bello. 13. Cujus, & eorum qui idem sentirent opiniones negligentius auditæ a Regina Austriaca. *Ibid.* Quæ contrariæ sententiæ adhæret. 14. Superiore bello Finarium a Carolo Sexto Cælare flagitaverat. 113. Quum non obtinuisset Borbonias partes amplexus est. *Ibid.* Eo perfecto bello non quidem Finarium, sed quædam ignobilia oppida a Genuensibus avellit. 114. Hujus belli initio in nullam partem se movet. *Ibid.* Quibus rationibus moveatur ut societatem cum Austriacis Britannisque jungat. 116. Conditiones proponit. 117. Inter has ut velint attribui sibi Finarium aliquâ causâ interpositâ. *Ibid.* His concessis sancitur Vormaciæ fœdus. 119. Suspiciatur Genuenses non patienter id laturos. 123. Munitissimo loco inter Tanarum & Padum ponit castra. 147. Bellum ducere & consilium ex tempore capere meditatur. *Ibid.* In rerum inclinatione animum non despondet. 159. Omnia ad bellum comparat. *Ibid.* Sculemburgium invitat ut ad se veniat, & secum copias jungat. 160. Hujus adventu firmatus ex castris opportunissimo loco positus omnem Borbo-

boniorum impetum se tardaturum confidit. 160. Pontes in Tanaro & Pado duos efficit, unde commeatus, & pabulatores hostium emissis copiis intercipiat. 161. Alexandria timet, & prospicit. 171. Se arcu Dertonæ opem allaturum simulat, sed appropinquantibus Gallis receptui canit. 174. In fuga postremus, in periculo princeps. 192. Ubi suos a fuga retinere non valet ad Forum Fulvii contendit, atque inde Casale. *Ibid.* Ad quod oppidum copias colligit, & castra ponit. 193. Ibique spatium ex cunctatione hostium nactus per otium suos ex fuga ac terrore recipit. 197. Castra a Casali Tridinum transfert. 206. Copiæ peditum, equitumque ab eo in speculis ad Casale relictæ, appropinquante Philippo, per oppositam portam propere in suorum Castra ad Tridinum provolant. *Ibid.* Ipse atque Austriaci in diversas trahuntur curas, hi Mediolano, Mantuæque timentes, ille Augustæ Taurinorum. 207. Huic etiam summæ Alpes a Gallis infestæ. 208. Consilio res suas, ubi vires non suppetunt, tueri cogitat. 215. Gallos potissimum respicit quibuscum de pace agat. *Ibid.* Caroli ea de re ad Regem Gallorum literæ. *Ibid.* & *seq.* Veritus ne quæ cum Gallis ageret Austriacis patefierent, qui cum novis auxiliis appropinquabant, consilia pacis dimittit. 219. Leutronium cum valida manu ad Hastam Pompejam recipiendam proficisci jubet. *Ibid.* Hic celeriter mandata facit, & Gallis opinione pacis remissius agentibus, Hastam in deditionem recipit. 220. Hinc maxima

*Cast. Bon. P. I.*                      D d                      ma

ma rerum commutatio facta. 220. Comitem Malibojum Rex jubet finibus excedere, colloquio de pace dirempto. 233. Discordia in dies magis inter Borbonios gliscente gaudet. *Ibid.* Expugnato Cafali Foro Fulvii propius imminet. 238. Malibojum longo intervallo insequitur, & Ponte in Pado ad Parpanelum facto suas cum Germanis copias conjungit. 253. Utriusque exercitus Imperator appellatur. *Ibid.* Inter eum, atque Austriacos de Placentina præda oritur dissensio. *Ibid.* Cum suo exercitu Savonem oppidum ingressus, quominus arce statim potiatur ab Augustino Adurnio prohibetur. 281. Cohortibus ibi ad oppugnationem relictis Finarium progreditur, & oppidum atque Arces recipit. *Ibid.* Albintemelium deinde expugnat. *Ibid.* Dejectis a Montealbano, ac Villafranca prædiis hostium Nicæ hyemem agere constituit. 282. Collocato in hibernis exercitu Augustam Taurinorum revertitur. 313. De Genuæ expugnatione desperans, & sibi timens, commutato repente consilio, suas revocat copias, & auxilia a Sculemburgio ex fœdere reposcit. 350. Communicato cum Brounio consilio iterum in Galliam Narbonensem facere irruptionem tentat. 356. Non quidem ut ea potiatur Provincia, sed ut ab agro Nicænsi Borbonios avvertat. *Ibid.* Consilium Regi, Austriacisque frustra cadit. Rejecti namque levibus præliis in Subalpinos, & in Cisalpinam Galliam redire coguntur. *Ibid.*

Ca-

Carolus Borbonius Neapolis ac Siciliae Rex multis sollicitatur, maximè vero fœdere Vormaciensi. 3. Quæ ad bellum usui sunt enixè parat, quanquam nihil se immiscere Italicisurbationibus initio constituerat. 4. Ad nuncium receptus Hispanorum in fines suos quid sibi agendum sit quærit in Concilio. 7. Sententia eorum qui quiescendum censent: *Ibid.* Multa in contrariam sententiam afferuntur. *Ibid.* & *seqq.* Rex Hispanos Regno, & cômmeatu non prohibendos, sed ulterius sibi non esse progrediendum decernit. 11. In qua media sententia Ducis Montallegrii præsertim consilio usus dicitur. *Ibid.* Qui bellicis consiliis adversabatur. 12. Abjecta demum omni cunctandi cogitatione, Austriacis jam non dubiis hostibus mature occurrendum statuit. 22. Copiarum partem præmittit, quæ hostem ad fines, & ad Truentum flumen demoretur. *Ibid.* Equitatum, Frumentum; Milites, Naves, Pecuniam comparat. Portum novis operibus, & Præliis firmat. 23. Urbanarum rerum imperium, & procurationem maximè Michaeli Retio Præfecto Classis commendat. *Ibid.* Multis, qui ob suspectam fidem in vinculis habebantur, solutis magnam a populo gratiam init. *Ibid.* Exemplo Philippi Fratris, & literis Philippi Patris ad bellicam laudem incitatur. 24. Iturum se ad hostem pronunciat: Reginam vero Cajetæ cum liberis interim futuram. *Ibid.* Discedentem Neapoli lacrymis prosequitur infinita hominum multitudo, comitati vero sunt Principes Regni. 25. Capuam eo

D d 2

die

die venit. 25. Transgreditur Vulturnum amnem, atque altero a Capua die Venafrum pervenit. 26. Inde & Apennini jugum viâ asperâ & confragosâ, atque ob accumulatas nives maxime difficili ad Castellum Sangri progreditur. *Ibid.* Præmissa per latiore viam parte copiarum, ut Hispanis celeriter subsidio irent, ipse modico intervallo suis auxilio futurus Sangri subissit spectans quid ab hostibus agatur. 27. Occupat præidiis ea omnia loca, quibus hostis penetraturus videbatur. 28. Austriacorum consiliis obviam iturus avertit iter a Vestinis in Cassinatem, atque retro in Campaniam contendens, a Castello Sangri discedit. 29. Venafri aliquot dies commoratur, atque inde ad Sangermanum venit. *Ibid.* De Gaglii sententia a Sangermano discedens primum Arpinum, inde Verulas mox Anagniniam venit, atque ibi ponit castra, & cum Hispaniensi exercitu conjungitur. 30. Cujus exercitus copiarum recensentur. *Ibid.* Item exercitus Neapolitani: 31. Lustrato exercitu, & donato Milite ab Anagnia profectus ad Valmontonium in agro Labicano castra locat. 32. Quatriduum ibi moratur cibariorum causa. Qua mora pulcherrima bene gerendæ rei occasio corrupta. *Ibid.* Cum omni exercitu a Valmontonio proficiscitur ad occupanda suburbana. 34. Intelligit hostem non longe abesse. 35. Ne loco ac tempore iniquis acie dimicare cogatur avertit iter a Tusculano, & Velitras occupat. *Ibid.* Nihil permotus improviso hostium adventu producit copias,  
 castr-

easque cohortatur. 36. Prælio non commisso  
 communit Castra. *Ibid.* Consilia inquit quemad-  
 modum hostes loco depellat ac reprimat. 42.  
 Animadvertit jugum monti, quod a Pistaluc-  
 cio tenebatur, impendens, nudatum esse o-  
 mni præsidio. *Ibid.* Dat negotium Gagio ejus  
 occupandi jugi, præsidiique hostium depel-  
 lendi. 43. Sermonetam communiri jubet &  
 Privernatem tractum continuis custodiis ob-  
 servari. 46. Quo factum est ut abunde com-  
 meatus in castra comportentur. 47. Aquæ  
 inopia subfossis puteis sublevatur. *Ibid.* Ejus  
 Castra a lævo latere indiligenter posita, & in-  
 custodita. 50. Subitâ irruptione hostium mise-  
 rè conversis rebus egreditur domo, indeque  
 per Hortos ad Capuccinorum tumulum, eva-  
 dit comitantibus nonnullis ex primoribus, &  
 custodibus corporis. 57. Ejus brevis adhorta-  
 tio ad milites. *Ibid.* Ad dextrum cornu profe-  
 ctus forti animo nullum scientissimi Impera-  
 toris officium prætermittit. *Ibid.* Hostibus ab  
 Oppido, & ab Artemisio monte depulsis Duci  
 Castropiniani imperat, ut Brounium se reci-  
 pientem adoriatur, dum interim Gagus in  
 infrequentia Castra imperum faciat. 65. Quod  
 consilium, dum de opportuniori itinere con-  
 sulitur, interjectâ morâ corruptum est. *Ibid.*  
 Quod ubi cognovit Rex ne frustra milites de-  
 fatigarentur jubet copias reduci in Castra. 66.  
 Duces, Militesque collaudat. Nonnullos mi-  
 litaribus honoribus, præmiisque auget. In u-  
 num vero oppidanorum, ut in proditorem in-  
 vitus animadvertit. 67. Jubet melius firmari,



& vigilantius custodiri castra. 67. Milites & equos imperat Provinciis, quæ prolixè præstant. 68. Discedentem Lobcoviczium cum universò exercitu insequitur. 70. Non tamen assequitur vel ob majorem hostium celeritatem, vel quia noluit, ut copias integras servaret. *Ibid.* Quanquam ad trajectum Tyberis parva in rescindendo ponte dimicatio fuit. *Ibid.* Romam equo invehens Pontificem Maximum salutatum venit. 72. Ab urbe proficiscitur. *Ibid.* Partem Neapolitani exercitus Gagio attribuit. Ipse cum reliquis copiis in Regnum revertitur. *Ibid.* Conjugem cum Liberis ad fines obviam habet. *Ibid.* Neapolim pervenit incredibili Civitatis lætitia. *Ibid.* Sibi Neapolitanoque Regno ab Austriacis metuens trepidat. 279. Novis Ferdinando Fratre Rege consiliis occupato, Neapolitanis copiis Veteranis distractis & diminutis, repugnare arcibus ad Regni fines munitis decernit. *Ibid.* Eum metum fortuna quædam depellit.

280. Auditis quæ Genuæ gesta erant frumento, & reliquo comœatu Genuenses juvat. 314.

Carteretius (Joannes) summus Britannorum Regis administer. 115. Ejus ad Oforium Sardiniae Regis legatum adhortatio ut Regi suo persuadeat, ut cum Austriacis Britannisque adversus Borbonios consentiat. *Ibid.* Oforii responsio quasi recusantis. *Ibid.* Inflat Carteretius. 116.

Casalis & Montis Ferrati descriptio. 206. Arcem expugnandam Galli sibi deposcunt. *Ibid.*

Qui Roccæsi Hibernici Præfecti virtute repel-

pelluntur. 207. Inde mora illata dum tormentata adducantur. *Ibid.* Arx Tormentis admotis deditur. 209.

Castellarenſis dum Guardifſallo conatur opem ferre ad Cruſtulum amnem fugatur, Parmamque citato agmine ſe recipit. 239. Parmà excedere pertinaciter recuſat donec cogitur Philippi literis. 241. Tunc paucis in præſidii ſpeciem militibus relictis ſilentio noctis proficiſcitur. *Ibid.* Primo non ſentiunt hoſtes, tum re cognita, immiſiſſique copiis ad Mulactianam turrim conſequuntur. *ibid.* Omnibus ibi vel ab hoſte obſeſſis, vel nive ac gelu oppletis viis, fame urgente in maxima omnium rerum deſperatione verſatur. *Ibid.* Summa tamen animi conſtantia, ac militum virtute viam ſibi per Apuanos montes facit. *Ibid.* Octavo die ad Spediam magna ſuorum jactura, & admiratione hoſtium evadit. 242. Cognito ſigno profectionis Placentià diſcedit, & diſjecto ponte nocte ad Gagium peruenit. 258. Literis Ferdinandi ei denunciatur, uti conſeſſim Italià excedat. 263. Ipsi virtute & conſilio commendato, contumacia obſuerat. *Ibid.* Eidem apud Elyſam auctoritas crimini data. 264.

Caſtropiniani Dux Neapolitano Exercitui Præſectus. 31. Tutelæ Velitrarum a Rege præpoſitus egregiè cuncta adminiſtrat, ſubmittens quaquā verſus ut res poſtulabat auxilia. 62. Tripartito diſiſas copias tribus in ipſo oppido locis hoſtibus opponit. *Ibid.* Ubique victor hoſtem a Velitris expellit, eaſque recipit. 64.

Dd 4

Re-

Recepto oppido ad custodiendam portam Neapolitanam relinquit Lestium Castrorum Praefectum. 64. Ipse ad Regem in dextrum cornu proficiscitur. 65.

Cecilienti Comiti Genuensium copiarum Legato, & Felici Balbo superandi per vim vallum murumque Arcis Dertonæ negotium datur. 176.

Chetardiensis Marchio, & O-Walius Hibernus Regum Borboniorum nomine ad Senatum Genuensem Legati. 136. Horum ad Patres Oratio. 137. & seq.

Chovelenius ad Montis Ferrati agrum depopulandum Genuâ profectus, quum bene ei occupato Saxello, prædisque abactis, succederet, repente fœdâ obortâ tempestate continuatisque imbribus rem infectam relinquere, & Genuam redire cogitur. 358.

Christianus Comes Ligur, magnus Scriba Mediolanensis, certam sedem Genuæ sine auctoritate Sepatus Mediolanensibus tabellariis constituit. 286.

Coraphæus Tribunus Legionis Macedonicæ Guardistallo, Brixello, & Rubiera occupatis, Regium Lepidi recipit, & Duci Mutinensium restituit. 213. Præsidia, & custodias ad Gabelum flumen ponit, & ad Mutinæ usque portas excurrit. 214.

Cotechius Quæstor a Senatu Genuensi per literas petit, ut aliquot Viros Nobiles ad se mittat, cum quibus de pecunia imperanda conveniat. 277. Joanni Baptistæ Grimaldo, & Laurentio Flisco ad id missis, edictum obtrudit,

dit, in quo multa de Reginae clementia præfatus immensam prope imperat summam.

277. Ea tribus pensionibus solvenda erat, minis additis, ni fieret, atrocioribus. 278.

Curus ( Hieronymus ) apud Regem Sardiniae Genuensium Legatus, illato bello abscedit.

139.

**D** Eodatus (Julius) Lucensis summæ spei adolescens cæditur. 259.

Dertona oppidum in summo colle antiquitus positum. 172. A Friderico Ahenobarbo dirutum. *Ibid.* A Mediolanensibus ad infimum collem restitutum. 173. Arx nunc sita ubi oppidum fuit. *Ibid.* Oppidum oppugnatur, deditur. *Ibid.* Mox arcem operibus, tormentisque Borbonii oppugnant. 174. Militum Corforum in id egregia opera. *Ibid.* Sed arcem Præfectus diligentissime tutatur. *Ibid.* Non tamen eruptione pugnatur. *Ibid.* Arx tormentis acriter pulsatur, diruitur, incenditur. 175. Præsidarii milites desperantes tumultuantur. Eos blanda Oratione Præfectus confirmat. *Ibid.* Demum cuniculis ad arcem actis, atque vim parante hoste colloquium petit. 176. Induciæ ab obsellis petuntur, & negantur ab hostibus. *Ibid.* Conditiones deditionis proponuntur, conveniunt. 177. Arx Hispanis traditur. *Ibid.* Neque vehementius oppugnari, neque diligentius defendi potuit. *Ibid.* Fame ad deditionem cogitur. 283.

E

## E

**E** Scerius Castrorum Præfectus cum Neapolitanis & Genuensibus II. hominum millibus pontem in Pado occupat a Sculemburgio constitutum, ut ipsum transitu prohibeat. 190. A Senatu Genuensi ad Austriacos mittitur. 271. Eventus prosperi sæpe Fortunæ, optima consilia semper virtuti tribuuntur. 229. Europæ totius varia de rebus ad Genuam gestis iudicia. 302.

## F

**F** Edericus Borussiae Rex, Mauritius Saxo, Joannes Gagius cum præclaris veterum Imperatoribus comparantur. 152.

Ferdinandus Philippi ex priore uxore Filius Patri in Regno succedit. 254. Sub novo Rege nova agitantur Consilia, sed nondum coalescunt. *Ibid.* Novercam ipse consolatur: Philippo Fratri omnia æque ab se fore atque a Patre fuerant parata per literas pollicetur. *Ibid.* Hæc an ex animo fecerit, an vero pro tempore a nonnullis dubitatum. *Ibid.* Ad nova consilia animum inclinatur. 264. Quibus de causis. *Ibid.* Ideo Minensem Marchionem Gallis infensum Gagio successorem dat. 265. Huic ut exercitum de Italia deducat secreto præcipit. *Ibid.*

Ferreria (Joannes) Præfectus Castrorum a Rege Carolo præmissus ad exploranda loca & consilia hostium. 36. Levi commissa pugna cum Austriacis exploratoribus, & paucis utrinque amissis ac vulneratis ad Regem se recipit. *Ibid.*

Fer-

Ferrerius Marchio in Colloquium ab Arce Der-  
tonæ procedit. 176.

Finarium Oppidum præcipua causa belli Ge-  
nuensis. 110. Illud Carrettia Gens antiquitus  
habuit. *Ibid.* Post varias vicissitudines sub im-  
perium Genuensium recidit: qui ob eam cau-  
sam quingenties HS. pendunt Cæsari. 111.  
De eo oppido Genuensibus per potentissimos  
Reges cavetur. 112.

Fori Fulvii oppugnatio tempore anni adverso  
tardatur. 203. Diligentia tamen Aramburi  
Legati, & militum labore procedit. 204. Eru-  
ptione Subalpini pugnant primo satis prospe-  
rè, sed tandem repelluntur. *Ibid.* Demum  
quum hi, omni destituti spe, Padum transve-  
cti incolumes ad suos summa calliditate eva-  
sissent, legatus oppido, & arce vacua potitur.  
205. & *seq.* Idem oppidum a Durlacensi  
Principe Trib. Mil. Regis Sardinia oppugna-  
tur. 243. Ab Ascoisquo egregiè defenditur.  
*Ibid.* Dum opem ferre Malibojus accelerat,  
secessione partis prædioriorum dedi cogi-  
tur. 244.

Fortiores videntur semper qui provocant. 30.  
Fortuna non semper prudentia comes. 97. Iner-  
tes averfatur. 131.

Franchinius, qui nefaria in Porciferanos crude-  
litis exempla ediderat, interficitur. 330.

Franciscus Atestinus Dux Mutinensium apud  
Austriacos in suspicionem venit. 2. Spoliatus  
avito Imperio ad Borbonios confugit. *Ibid.*  
Fide in Borbonios clarus. 29. Audita Hostium  
irruptione de Rege sollicitus ipsi se aggregat  
in

in itinere. 57. Ejus in adeundis periculis animi vis. *Ibid.* Cum Gagio & Hispanis, ac Neapolitanis Lobcovicium insequitur factis duobus in Tyberi pontibus. 83. Summæ rerum Imperatorio nomine præficitur. 91. Ejus de itinere ad Philippum sententia, ut recta Novæ peterentur. *Ibid.* Alii censent Bononiam statim contendendum. *Ibid.* Utramque sententiam Gagus improbat, suamque aperit. 92. Hæc in Concilio vincit. 93. Per præruptos, & constrictos gelu Apennini montes pedes Mutinensis graditur. 96. Una cum Gagio media militari viâ procedens mediæ aciei præest in transitu faucium Ligusticarum. 144. Cum eodem Gagio, & cum Brignolio Genuensium copiarum Præfecto in Castra Philippi venit. 164. Ipse, cæterique Duces cum parte copiarum ad castra hostium exploranda proficiscuntur. 170. Salæum Pagum in itinere expugnant, & nonnullos ex hostibus palantes cædunt. *Ibid.* Franciscus Lotharingus Romanorum Imperator creatur. 233. Francus de Exercitu Genuensi Protrib. Milit. Castrum vetus a Subalpinis defendit. 261.

**G** Agius Hispaniensis exercitus Imperator non expectandum Hostem, sed eum longe a finibus submovendum censet. 29. Regi penè ab Austriacis obfesso auctor creditur occupandi montis, qui ab Austriacis tenebatur. 43. Multa nocte cum millibus lectissimorum militum quatuor e castris egreditur. *Ibid.* Occupato

pato jugo, quod a tergo Monti impendebat, tam acri atque improvise impetu præsidium aggreditur, ut celeriter dejectum sit, multis hostium caelis, captisque. 43. Capto Præsidio, eminentioribus potitus jugis promovet stationes exercitus, & equites circumfundit. 44. Cognita hostium ab lævo latere irruptione Vartzianam manum subsidio mittit: ipse etiam dextro lateri timens eo properat. 59. Ibi res ad extremum deductas casum, submissis auxilio legionibus duabus, cohortibusque nonnullis, restituit. 60. Postquam hostes Roncilionem usque persecutus est subito ad Falerios Faliscorum, ac Spoletum iter convertit. 83. In Umbriam erumpere meditatur, & prior occupare Peruliam. *Ibid.* Quod oppidum cum ab hoste præoccupatum sensit inter Asilium, & Forum Flaminii castra facit, productis latius munitionibus, ut speciem majoris exercitus hostibus præberet. 84. Assequendi hostes, qui effugerant, spe dejectus Viterbii hiemare constituit. 87. Deducto quam maturrime ex hibernis exercitu modo in Flaminiam, modo in Hetruriam cogitare simulat. *Ibid.* Ad superum mare iter arripit, & ad hostem contendit. 88. Hostium castra oppugnare, & simul a tergo aggredi meditatur. 90. Quominus id agat interpellatur literis a Rege Hispaniarum acceptis. *Ibid.* Jubetur cum Philippo Regis ejusdem filio in Genuensium fines properante copias quam primum jungere. *Ibid.* De suscipiendo eo itinere advocato Concilio deliberat. 91. Pincaronium Præfectum Fa-

brum



brum cum impedimentis, tormentisque, & valido militum præsidio Bononiam præmittit. 94. Tardantem iter accelerare per literas jubet. *Ibid.* Ipse expedito agmine e conspectu hostium evolat. *Ibid.* Ad montes, qui Divi Peregrini dicuntur iter arripit. 95. A principio facile habet iter. *Ibid.* Mox adeo arduum ac difficile, ut non sine summa jumentorum & hominum vexatione media præsertim acies, montes superaverit. *Ibid.* Montis Alphonssi Arcem occupat, oppresso militum præsidio. 96. Annibali in transitu Alpium a nonnullis æquiparatur. Ab aliis carpitur. Authoris ea de re sententia. 97. Ad Lucensium fines accedit. *Ibid.* Sergianum proficiscitur, & ibi quatrimum moratur dum in flumine Macra pontem fieri curat. 101. Difficultatibus ipsius Fluminis, Pabuli, Comineatus, Viarum sollicitus. 102. Etiam periculo ab Hostibus, & paucitate suorum. *Ibid.* Ponte in Macra perfecto dat signum processionis. 105. Quæ tumescentis vi fluminis ponte interrupto in insequentem diem disfertur. 106. Agminis ordo in transducendo exercitu. *Ibid.* Rescisso a suis ponte venit Spediam, atque inde Nuncios ad Philippum mittit. 108. Præmissis III. millibus militum Segestam Tiguliorum ad occupandos aditus per Orientalem ligustici maris oram iter facit. 109. Allocutus Auriam Josephum, ab eo tum primum de Genuensium cum Borboniis fœdere cognoscit. *Ibid.* Quo fit ut alacrior iter inceptum prosequatur, instante jam remissius hoste.

109. Genuam pervenit, & ad Langenses castra facit. 135. Alienæ pecuniæ non appetens suæ parcus. 141. Ideo valde ab exploratoribus imparatus. *Ibid.* Quare quæ apud hostes gerantur, eorumque consilia parum ipsi nota: in Hispanico vero exercitu crebri errores, suspiciones, moræ. *Ibid.* Aliæ causæ, quæ diutius Gagium ad Langensium pagum demorantur. 142. Auctus Philippi & Genuensium auxiliis castra movet, & ad hostem proficiscitur. *Ibid.* Porciferæ vallis descriptio. *Ibid.* Fauces Ligusticas præsidio cohortis prior occupat, & munit diligenter. 143. Ejus cohortis parva ad fauces dimicatio lacescente Austriacorum manu, quæ in fugam coniicitur. *Ibid.* Tribus itineribus cum omni exercitu Gagus Fauces transgreditur. 144. Prælium ad Octavium Vicum, quo Austriaci terga dant amissis octingentis. 145. Octavium recipit, Gavium occupat, & communit. 146. Gavio discedere statuit, & ultra ad Philippum progredi. 147. Ejus & cæterorum Ducum ex numero & robore exercituum confidentia. *Ibid.* Gavium communit. 161. Secundum Lemurem annem iter faciens Capriatam venit, ibique facit castra. 162. In eo reprehenditur quod Hostibus conjungendi copias spatium dederit quum facile prohibere potuisset. *Ibid.* Quod Regi Sardinia, & Sculemburgio saluti fuit. 163. Boscum proficiscitur, & Castra quam proxime potest Castris Philippi confert. 164. Priorem Alexandriam oppugnandam censet. *Ibid.* Secundum eam sententiam mul-

ta

ta differit. 165. & *seq.* Profectus a Bosco castra facit ad Julianum pagum non longius a Dertona III. millibus passuum. 169. Ab Juliano progressus ad Vighitiolum consistit, duobus millibus ultra Dertonam passuum. 171. Eam urbem oppugnat. 172. Aureo vellere a Rege Hispaniarum donatur. 179. Ad Castrum novum cum exercitu progressus ibi per dies XV. moratur. *Ibid.* Dubium an recte. *Ibid.* Pontes in Pado quam plures effici jubet, ut illud flumen transgressurus. 180. Pluvieram expugnat. *Ibid.* Quod Hostes a castris non abscedunt, neque distrahuntur valde dolet. 182. Quum Philippus se ad Castrum novum contulisset omnem suum exercitum ad Iriam ducit. 183. Pontem ad Stratelliam munitionibus, tormentis, & præsidio militum firmat. *Ibid.* Partem Copiarum ad tentandum Ticinum mittit. *Ibid.* Eo capto oppido alias submittit copias. 186. Postremo ipse eodem contendere cum omni exercitu simulat. *Ibid.* Hac arte Austriacos a Castris Regis abducit. *Ibid.* Qua cognita re copias revocat, & citato itinere ad Tanarum venit. 188. Eo ut convenerat etiam Philippus & Malibojus concurrunt. *Ibid.* Ejus itineris difficultates. 189. Milites breviter cohortatur, & per medium flumen ad hostem vadit dextrum ducens cornu. 190. Simul a sinistro cornu prælium cientibus Philippo, & Malibojo, atque a media acie Aramburo Legato, hostis cæsus, fugatusque, & castris exutus. 191. & *seq.* Padi & Tanari pontes ripasque crebris stationibus obtinet.

207. Copias Ticinum Parmamque ad Vievil-  
læum , & Castellarensem submittit. *Ibid.*  
Cum XX. millibus militum Mediolano pro-  
fectus ad Ticinum amnem venit. 212. Pon-  
tem dum e regione Olegii efficere se velle si-  
mulat ad locum , qui Gula-Sicca nuncupatur  
construit. 213. Inde transducto exercitu ho-  
stes a Ticino amne longius submovet. *Ibid.*  
Itaque explicatis com meatibus Mediolanum  
redit. *Ibid.* Apud Ticinum ad Chartulianos  
castra ponit. 238. Ut ad se veniat , suadet , at-  
que imperat Castellarensi. *Ibid.* Qui aut sua  
virtute , aut gratia Hispanicæ Reginæ ferox ,  
mandata spernens a Parmensi , & Guardistal-  
lensi agro non discedit. 239. Ticino profectus  
ut Castellarensi succurrat Placentiam venit.  
240. Inde progressus subsistere ad Florentio-  
lam Trebiâ redundante , pontibusque inter-  
ruptis cogitur. *Ibid.* Refectis pontibus ad San-  
guinariam vicum pervenit , ibique non longe  
a Taro castra locat. *Ibid.* Hostium exercitum  
in adversa fluminis ripa conspiciatus , quum  
perficiendi pontis ob ingentem amnis altitu-  
dinem rapiditatemque facultas non esset , ca-  
stris se tenet. 241. Inde literis nunciisque ut  
Parmam relinquat Castellarensem monere ad-  
ditis pro imperio præceptis non intermittit.  
*Ibid.* Cum ille tandem Parmâ discessisset Pla-  
centiam revertitur , ibique castra munit. 242.  
Ejus exercitus copiis a Castellarensi , ac Mi-  
rapiscensi adductis augetur. 244. Quod equi-  
tatu & loco præstabat , & quod hostes morbis  
atque inopia vexabantur in hyemem extra-  
Castr. Bon. P. I.                      E e                      here

here bellum parat. 246. Quanquam non deerant qui consilium carperent in sententia manet, & de tota belli ratione ad Philippum Regem literas dat. 247. Pugnare iussus, re, quæ prosperè a principio cesserat, profligatà, sensim cedendo furorem hostium reprimit, seque ad urbem Placentiam recipit. 251. Eorum qui in eo prælio capti, vulnerati, aut interfecti sunt initur ratio. 252. Inter quos præclariorum Ducum nomina recensentur. *Ibid.* Militum virtus laudatur, Ducum consilium arguitur: maxime quod equitatum a pedite secluserint. *Ibid.* A Ferdinando Rege iussus Placentiam, Placentinumquè agrum relinquere, & Dertonam proficisci, summa virtute ac providentia erumpit. 257. Quominus incolumi exercitu eruptio fieret impedimento fuit unius Legati temeritas. *Ibid.* Cum mediam curaret aciem, in qua ipse Philippus & impedimenta erant, tardatur errore viæ. 259. Accelerat tamen ut suis opem ferat, & una cum Malibojo labantem restituit rem. *Ibid.* Qui eo prælio vicerint incertum. *Ibid.* Borbonii certe ire quo intenderant pergunt, & ad Iriam oppidum se recipiunt. *Ibid.* Dum exercitum ad Iriam contrahit & confirmat, indeque Dertonam progredi, atque ibi munitissimis locis castra locare cogitat, a Ferdinando Rege revocatur. 263. Imperator cum veteribus comparandus. *Ibid.* Exercitum Minensi Marchioni tradit, & in Hispaniam revertitur. *Ibid.* Ipsius post depositum Imperium, inter

ter cœnam, sermo apud Augustinum Grimaldum. 266.

Galli dissimillimo ab Hispanis ingenio. 215. Ne ab Hispanis deserti, soli confirmatis hostibus obiciantur Novas versus raptim se recipiunt. 236.

Gallorum Rex gratiam cum Ferdinando reconciliat Argentonio a Concilio remoto, revocatoque ab Exercitu Malibojo. 312. Hispanum ut opem ferat Genuensibus magnopere adhortatur. 314. Ipse pecunia auxiliisque non deest. *Ibid.* Bellinulano jubet ut Genuam millia VI. militum qua liceat celeritate mittat. *Ibid.* Ex eo numero nonnulli minores Duces, militaresque architecti cum argento Genuam advehuntur maxima omnium ordinum læritiâ. 315. Cætera auxilia multos dies tardantur. *Ibid.* Mafilia tandem, ac Telone naves solvunt, sed Britannicarum occurso aliæ disperguntur, capiuntur aliæ. *Ibid.* Nonnullæ tamen Genuam appellunt, quibus Marchio Mauriacensis, & aliquot Galli milites vehabantur. *Ibid.* Aliæ quoque licet tardius eo delatæ sunt partem Hispanorum militum adferentes. 316.

Gavii arx munitissima jussu Senatus deditur, indignante Balbo Præfeto, qui oppugnantem Piccolomineum decimum jam diem strenuè sustinuerat. 276.

Gavotti (Augustini), & Josephi Duratii insignis erga Rempublicam liberalitas. 308. Ille ad turbas in Republica coercendas, & quæstiones extra ordinem exercendas quasi Dictator

a Senatu dicitur. 331. Pœna paucos, terrore omnes afficiens intestino scelere Rempublicam liberat. *Ibid.*

Gazzola Comes in Neapolitano exercitu Præfectus Fabrum. 31. Ob Mathematices peritiam singularis præstantiæ Vir. *Ibid.* Muniendis locis editoribus, & Artemisio monte, divexandisque Spinæ montis munitionibus præficatur. 46.

Genua Urbs describitur. 317. & *seq.* Naturâ atque arte munitissima difficilem habet oppugnationem. 319. Loca circum aspera, nulla pabuli vel frumenti copia. *Ibid.*

Genuenses, irritatis animis ob Finarium in conventu Vormaciensi ademptum occulta de bello agitant consilia. 2. Iidem una spes Hispanorum in summis eorum difficultatibus. 102. Mittunt ad Hispanorum exercitum Josephum Auriam, qui benigna omnia polliceatur, & Vinsonium Tribunum militum ducem itineris. 103. Quæ causæ ad bellum eos impulerint. 109. De Vormaciensi fœdere, quo Finarium Regi Sardinia permissum, certiores fiunt per Joannem Franciscum Pallavicinium. 119. Eorum Reipublicæ antiquus, ac præfens status. 120. Dux ex literis Pallavicinii ad Senatum refert. *Ibid.* Ferociorum sententiæ arma spectantium: tum eorum qui rem componi, aut mitigari malunt. 121. Tribus viris negocium datur, ut rem Finariensem, & statum temporum considerent, atque ad Senatum referant. *Ibid.* Unius ex his ad Senatum oratio. 122. Ex eorum sententia Patres de-

decernunt, ut milites conscribantur, muniantur arces, pecunia corrogetur. 123. Interim Reipublicæ ad Reges Legati cognoscant eorum in Genuenses animum, recipiantque parem se Austriacis, Borboniisque voluntatem ostensuros. *Ibid.* Iplis omnia adversa Legati nunciant ab Austriacis, & a Sardinia Rege: egregio vero in eos animo Borbonios esse. 125. Senatus tamen cunctatur non tam gravitate negotii, quam omnium Rerum Publicarum, & præsertim suâ consuetudine. 126. Hæc quæ sit declaratur. *Ibid.* Rationes eorum quibus consilia pacis placebant. 127. & *seq.* In contrariam sententiam Oratio. 129. & *seqq.* Qua oratione commoti Patres societatem inire cum Borboniis decernunt. 133. Id per literas Hieronymo Grimaldo ad Hispaniarum Regem Legato mandant. 134. Conditiones quibus inter Borbonios & Genuenses Aranguelianum fœdus ietum est. *Ibid.* & *seq.* In adventu Hispanici exercitus ad vitandos tumultus occludunt portas. 135. Auxilia Gagio flagitanti submittere cunctantur donec Philippi, Gallorum, & ipsius Gagii exercitus jungantur. 136. Mittunt tamen victi oratione Legatorum qui a Philippo ad Senatum venerant. 138. Eorum observantia erga Reges. 139. Regum responsa ad denunciationes Genuensium. *Ibid.* Genuensium ad Borboniorum societatem accessione quanta in rebus Italia commutatio facta sit. 148. Ab ipsis antiqua Italorum virtus in lucem revocata & aucta. 152. Ad X. millium numerum nutritum



ex fœdere explendum duo millia sub Escerio Præfecto castrorum mittunt ad Gagium. 171. Ex fœdere attributam Genuensibus Serraval-  
lis arcem Brignolius recipit. 172. Genuensium in prælio virtus admirationi est ipsis Vetera-  
nis. 190. E. imiæ ipsorum laudes. 128. & seqq. Nova subsidia ad exercitum mittunt. 262. Rerum ad Placentiam, & ad Tidonium gesta-  
rum nunciis magnoperè perturbantur. 263. Ex novo ab Hispaniæ Rege suscecto Impera-  
tore, & ex inopinato Minensis receptu nova oritur perturbatio. 266. De spe vel metu opi-  
niones, sermonesque varii. *Ibid.* Probabilior spes videbatur fore ut ad Serravallem Ga-  
viumque consisterent Borbonii. *Ibid.* Hac de-  
jecti spe Genuenses ad Borbonios Dominicum Pallavicinum mittunt qui animos adderet,  
fideique admoneret. 267. Promissis Borbonio-  
rum mirificis decepti urbis defensionem ne-  
gligunt. 268. Cohortes in urbis præsidium re-  
servatas, Savonem versus ablegant. *Ibid.* De-  
mum a Sociis derelicti hostem ad Portas vi-  
dent. 271. Nullo præsidio, distracto exercitu,  
exhausto ærario, trepidant. *Ibid.* Patrum in  
Senatu variæ Sententiæ. *Ibid.* Senatu nocte  
coactò de conditionibus a Botta propositis de-  
liberant. 275. Præfectos copiarum accersunt,  
& de statu mœnium ac defensorum interro-  
gant. *Ibid.* His urbem defendi non posse af-  
firmantibus, in eas condiciones fit S. C. 276. Primam pensionem ex tribus quæ imperaban-  
tur, miserissimo usi remedio Patres ex Geor-  
gianæ mensæ pecunia solvi jubent. 278. Qua-  
tuor

tuor ex Senatoribus Viros nobilissimos Vienne-  
nam mittunt, qui iratam Reipublicæ Regi-  
nam placare curent. 283. Spe deprecationis  
adempta Genuensium calamitates augentur.  
*Ibid.* Ad conficiendam pensionem secundam  
tributo extra ordinem imperato, summa co-  
gitur perexigua. *Ibid.* Ex Georgiana mensa i-  
terum pensio solvitur. *Ibid.* Tertia statim ef-  
flagitatur magno dolore, ac gemitu populi,  
totiusque Italiæ admiratione. 284. Ditioribus  
fortunas suas pro Patriæ salute offerentibus,  
ac ut eis, oppigneratis vectigalibus, caveretur  
referente ad Concilium Majus Duce, suffra-  
gia turbantur. 285. Graviter id factum incre-  
pat Philippus Spinula. *Ibid.* Dandum esse co-  
gnoscentæ rei spatium censet Augustinus Ga-  
vottus. *Ibid.* Equior hæc sententia quam vi-  
deretur Concilium dimittitur. 286. Erat inter-  
im justitium quoddam in Urbe, nulla aucto-  
ritas Magistratibus invitis Austriacis. 287.  
Opifices & Tabernarii opus facere, merces-  
que vendere vi coguntur. *Ibid.* Multi Nobi-  
les, honestioresque ex Populo de Republica  
desperantes profugiunt. *Ibid.* Fuga decreto  
Senatus reprimitur. *Ibid.* In maxima plebis  
commotione atque tumultu Senatus per Ni-  
colaum Jovium ad Eottam monita preces-  
que. 292. Consilio parum sano contemnuntur.  
*Ibid.* Per Legatos suos orat Senatus ad-  
hortaturque Borbonios Reges ut celeriter o-  
pem ferant. 305. Muros reficit & communit.  
*Ibid.* Cives omnes, qui ferre arma possint de-  
scribi frumentumque comportandum curat.

305. & seq. In summa pecuniæ inopia Patres gravi Brignolii Ducis oratione & exemplo excitati magnam facti signatique argenti vim in publicum conferunt. 307. Virorum exemplum sequuntur Matronæ. *Ibid.* Patrum in expectatione auxiliorum sollicitudines, & ad Borbonios preces. 315. Amisso Montegio ad Mariæ Montanæ fanum Ligures se se recipiunt. 320. Senatus Montem Geminorum Fratrum diligenter communiri, & firmo præsidio teneri jubet. 322. Novem Viros nobiles ei munitioni una cum Gallis præesse jubet. *Ibid.* Parvis præliis Ligures Austriacos fundunt fugantque, ducibus Stephano Laumellino, & Paulo Gentili. 327. Levibus hisce præliis Liguribus quotidiana præliandi consuetudine animus accedit. 329. Interim sociorum auxilia parvis navibus advecta per medias Britannorum classes in portum irrepunt. *Ibid.* Ab ostio Porciferæ amnis Genuenses ad exteriorem urbis munitionem, quam Forcipem appellant, summa celeritate & haud intermisso labore aggerem perducunt. 330. Ab altera urbis parte Albarense suburbanum, & loca circum excelsiora communiunt. *Ibid.* Pecuniâ auxiliisque a Borboniis Regibus confirmantur. 331. Ad inopinatam hostium irruptionem terrentur, trepidant, Senatum habent. 343. Conclamatur ad arma, mœnia armatis complentur. *Ibid.* Bouffertius de salute urbis vehementissime sollicitus ad Portam Romanam progreditur. *Ibid.* Admirandâ quadam Genuensium fortuna fit ut tantam ad urbem

beim expugnandam opportunitatem hostis cunctando propè è manibus dimittat. 344. Nihil reliquum Genuentes ad propugnandum faciunt. 345. Hortatorem habent acerrimum Bouflertium, periculorum laborumque socios Hispanos, Gallosque. *Ibid.* Novas addunt munitiones. 346. Pontonem funibus adductum contra Sturlam cum duarum triremium præsidio collocant tormentis, mortariisque impositis. *Ibid.* His Austriacorum munitiones, & Britannicas Naves divexare incipiunt. *Ibid.* Cohorta tempestate in portum se recipiunt. *Ibid.* Maximis acceptis detrimentis plenam ex Patriæ liberatione lætitiā capere non possunt. 351. Borbonios Reges de liberata Patria certiores faciunt, eisque gratias agunt. 353.

Genuensis Plebs quum ad arma vocaretur nomina non dat. 271. Minus servitutis opinione quam belli metu perturbatur. *Ibid.* Nummorum acervos è Georgiana mensa plaustris exportantes Austriacos spectat & ingemiscit. 278. Ingentem irarum molem tacitè grassantem inopinatus casus accendit. 290. Puer singulari audacia primum jactat lapidem. 291. Fugatis qui tormentum asportabant militibus, domus Tabellariorum Mediolanensium diripitur. *Ibid.* Populus frequens arma ad fores Prætorii postulat. *Ibid.* Senatorum præclariorum verbis, & pluviam obortam paulum per noctem resedit popularis impetus. *Ibid.* Centum postridie in interiorem Urbem ingressi Pyrochitrophori fugantur. 292. Bavam atque

At-

Asseretium multitudo sibi Duces facit. 292.  
 Sepiuntur, tormentisque adductis muniuntur  
 viæ ad Thomasianam portam. *Ibid.* Plebs ab  
 hoste repellitur, qui rursus recipere se cogi-  
 tur. 293. Popularibus tegniùs excubias agen-  
 tibus Austriaci occupant domum Equitum  
 Hierosolymitanorum. 294. Multi plebeja ve-  
 ste nobiles & militares viri adjunguntur plebi,  
 cui inde animi crescunt. 295. Cognitâ in Le-  
 gatos suos Bottæ vi, simul per causam com-  
 positionis insidiari tempori Austriacos intel-  
 ligens, summa exardescens ira ad arma uni-  
 versa discurrit. 297. Multis locis pugnatur.  
 298. & *seq.* A Thomasiana Porta, & ab alte-  
 ra ad Pharum hostes repelluntur. *Ibid.* Ca-  
 piuntur, & cæduntur multi. *Ibid.* Relicto Pha-  
 ro, & Benigni munitione Austriaci se ad A-  
 renarium recipiunt. *Ibid.* Populares certum  
 locum Genuæ sedem Concilio suo deligunt.  
 301. Expulsis Austriacis liberandæ Savonensis  
 Arcis consilium capiunt. *Ibid.* In id maxime  
 auctoritate & opibus viri Nobiles nituntur.  
*Ibid.* Summa alacritate Populares proficiscun-  
 tur, sed nacti prædam ad eam in varias partes  
 dilabuntur, optimatibus nequicquam revo-  
 cantibus. *Ibid.* & *seq.* Itaque egregia oppor-  
 tunitate neglecta Savonensis Arx a Subalpinis  
 capitur. 302. Immoderata libertate insolescit  
 Plebs. 308. Omnia impune audet. *Ibid.* Nulla  
 Magistratum, nulla Legum auctoritas. *Ibid.*  
 Quibus præliis Respublica steterit. *Ibid.* Du-  
 ces suos Plebs victos in Prætorium adducit,  
 atque ut in eos Senatus animadvertat obe-  
 sta-

stat. 309. Verbis Brignolii mitissimis lenitè dilabitur, & vincti cum honore liberantur. *Ibid.* Alios sibi Duces ab Senatu petit. *Ibid.* Dantur Viri Nobiles IV. Jo. Baptista Grimaldus, Jo. Scalea, Jacobus Laumellinus, Carolus Furnarius. *Ibid.* Horum solertia, & Brignolii Ducis benignitate manet domi concordia, & commode Reipublica administratur. 310. Subita seditio a facinorosis quibusdam atque egentibus in Patres excitatur. *Ibid.* Flagitiosissimæ eorum voces. 311. Optimæ spe prædæ, & vecordi inducta mendacio sordidissimæ plebis multitudo per causam quærendorum armorum in Prætorium irrumpere conatur, constituto ante fores tormento. *Ibid.* Jacobi Laumellini oratione, & singularis exempli constantiâ deterriti dilabuntur, & ad obsequium redeunt. *Ibid.* Seditionis auctores comprehenduntur, necanturque. 312. Concilium Populi, reviviscente Senatus auctoritate consenescit. *Ibid.*

Goranus ad Tropæam interficitur. 282.

Gramondius Galliæ Regis legatus Hastam Pompejam occupat. 207.

Grinaii Barcinonensis Reginæ Neapolitanæ Draconum alæ Præfecti & paucorum ex suis egregia virtus. 55.

Grimaldus (Raynerius), & Augustinus Laumellinus post Escerium ad Austriacos ab Senatu mittuntur. 271. Horum ad Brounium Legatum oratio. *Ibid.* & seq.

Grimaldus (Jacobus), & Ambrosius Centurio alter Venetiis, alter è Gallia audito Patriæ di-

discrimine Genuam advolant. 322. Grimaldus ex Senatus auctoritate Sculemburgii denunciationi gravi & constanti oratione respondet. 324.

Grimaldus (Petrus Franciscus) ad eam quæ ad Orientem vergit oram cum Imperio missus omnia circum loca insulasque operibus, & præsidiiis firmat. 362. Sergianensem arcem, cæterasque omnes, itemque Lunensis portus fauces communit: Apuanorum montium angustias occupat, sicut & Massensis agri Oppida, ne iis hostes potirentur. *Ibid.* Ad Segestam Tigulliorum, & Clavarum castra facit. 363.

**H**EBRÆORUM natio apud populum offendit invidia divitiarum, & perversitate Religionis. 15.

Hetruria ab Austriacis, & Borboniis occultè ambita, a nemine palam petebatur. 2.

Hetruriæ procuratores de consiliis Hispanorum solliciti. 88. Populi Borboniarum partium fautores. *Ibid.*

Hibernicorum manus ad Velitras oppido exclusæ, auxilio destituta, & ab hostibus circumventa, fortissime pugnans prope deletur. 56. Cum ea Magdonelius Tribunus, & Centuriones XI. interfecti. *Ibid.*

Hispania Pisauro movent castra, & in Regnum Neapolitanum se recipiunt. 5. In quo receptu laudatur scientia rei militaris in eorum Imperatore Gagio. *Ibid.* Ut Austriacos se recipientes assequantur properant. 89. Ad Forum

rum Cornelii perveniunt, atque inde vestigiis hostium inhærentes Scultennam flumen vado transeunt. 90. Fugata ad Spilinbergium parva manu hostium, tribus millibus passuum a Mutina ponunt castra. *Ibid.* Metu, & diffidentia oblidionem Alexandrinæ arcis deserunt. 220. Relictis sarcinis, & impedimentis pedem referunt fugientibus similes. *Ibid.* Aperte a Gallis dissidentes, hisque repugnantibus Mediolanensis arcis oppugnationem urgent. 234. Tum infidelitatem sociorum veriti tormenta, ab oppugnatione arcis deducta, navibus Ticinum mittunt. 235. Eo Duces quoque proficisci cogitant. *Ibid.* Copias velle a Gallis sejungere videntur. *Ibid.*

Hispanorum auxilia quum per medias Britannorum classes evasisent Cajetam ac Neapolim peropportune appellunt. 68. Quibus, aliisque celeriter suppletur quidquid in Castris Regis deperierat. *Ibid.*

Historiam scribere præsentis temporis arduum atque periculosum. 75. Mortuorum facta sine invidia laudantur, & vituperantur sine periculo. 76. Historiæ scribendæ vera ratio est, ut in ea neque fides, neque prudentia Scriptoris desideretur. 77. In Bonamicii Historia studium partium a nemine accusatum libertas in scribendo reprehensa. 225. Eam tamen auctor neque immoderate exercuit, neque serviliter fregit. 226. Ea Principum dignitatem non lædit, sed confirmat. 227. Ea sola Principes docere audet. *Ibid.*

Hi-



- H**istorici gravis, & ornati partes quæ sint. 153.  
 Quam pauci eorum sint qui Thucydidein,  
 Cæsarem, aliosque claros scriptores imitari  
 valeant. *Ibid.* Hujus incommodi causæ. *Ibid.*  
**H**ospitalii Marchionis Galliarum Regis Legati,  
 & in exercitu Neapolitano voluntarii virtus,  
 & constantia. 57.  
**H**umana gens fastidire præsentia, longinqua  
 expetere consuevit. 88.  
**H**ungariæ Regina dolet quidem vicem Genuen-  
 sium, sed necessitatem rerum suarum excusat.  
 125. Ingenti totius Silesiæ jactura Boruscum  
 bellum componit. 233. Inde majoribus viri-  
 bus ad Italicum bellum confurgit. *Ibid.* Ac-  
 quirendi Neapolitani Regni cupiditate fla-  
 grans. 279. Una cum Britannis, & Sardinia  
 Rege, habito per Legatos ad Arenarium col-  
 loquio, statuit, depolito invadendæ Neapo-  
 lis consilio, in Narbonensem Galliam eru-  
 ptionem facere. 281. Graviter Genuæ casu  
 commota Legatum Reipublicæ jubet finibus  
 excedere, bona Genuentium publicari, obli-  
 des in carcerem condi. 303.  
**H**ungarici Equites libere vagari consueverunt  
 veteri Parthorum more. 19.  
**H**urlerius (Ambrosius) Alæ Draconum Borbo-  
 niæ Propæfectus, vir præstantis ingenii. 65.

**I**gnaviæ, ac timiditati moderationis, & pru-  
 dentia nomen quandoque prætenditur. 231.  
 Infelicitas non levissimum in Imperatore pec-  
 catum. 105.

In-

Injurias facile accipit qui segniter fert. 130.  
 Interamnensis Episcopus fatuo quodam animo  
 apud suos adversus Regias partes locutus. 49.  
 Irienses a Malibojo ingenti pecunia multan-  
 tur. 244.  
 Isnardius Marchio Caralliensis Urbi, Arcique  
 Alexandriae tuendae cum III, millibus Subal-  
 pinorum praest. 201. In arcem se recipit. 202.  
 Italicorum Principum, Populorumque justae lau-  
 des a Castruccio Bonamico in fine libri pro  
 coronide apponuntur. 375.

**L** Annionensis Comes, & Augustinus Pinel-  
 lius qui mortuo Canevario, Scoffaræ prælin-  
 mittuntur. 340. Hi arce Turrilia ab hostibus  
 metu derelicta potiuntur. *Ibid.* Ne interclu-  
 dantur Scoffaram deserunt, & sese ad Rec-  
 cum, & Margaropolim recipiunt. 346.  
 Laumellinus (Augustinus), & Marcellus Dura-  
 tius a Genuenium Senatu missi ad Bottam  
 veniunt. 273. Non adeo eum mitem ut spe-  
 raverant offendunt. *Ibid.*  
 Ledenis Marchio qui fano Mariæ Montanæ  
 præerat de receptu cogitat. 343. Consilium  
 jam probante Boutlertio supervenit casu Si-  
 crius castrorum de exercitu Genuensi Præfe-  
 ctus, isque ut acriter resistatur, fanumque o-  
 mni conatu teneatur auctor est. *Ibid.*  
 Lessius (Vielmus) Arci Alexandrinæ obsidendæ  
 præficitur. 203.  
 Leutronius Sardiniae Regis Legatus eximiae vir-  
 tutis vir Ocelum a Lautrecchio Gallo defen-  
 dit.

dit. 208. Exercitui Præfectus quum nunciatum esset adesse Borbonios, viretque eorum fama magnificaret Oneliensis tractus montes communire instituit. 348. Tum iis montibus munitionibusque non satis fidens, missis ad Sculemburgium, & Roccaesium Nunciis, in summo testatur se versari discrimine, nec posse sine eorum auxilio Borboniorum impetum sustinere. 349. Quum Albintemelii arcem circumfedisset a Borboniis depellitur. 356.

Lichtenstenius Princeps Lobcoviczio successor datur, & donec is in castra veniat exercitus Comiti Sculemburgio traditur. 105. In exercitu Austriaco novus Imperator in sua castra venit. 211. Ea inter duo flumina Agoniam, & Sessitem sita maximis alluvionum atque imbrium incommodis contumantur. 212. Ticinum amnem transire semel atque iterum prohibitus, adversis ripis perdisiliger ab hoste custoditis ad Olegium castra communit. *Ibid.* Mox ne ab Hispanis Gallisque a fronte & a tergo circumveniretur veritus relicto ibi modico præsidio Tridinum ad Sardinia Regem se recipit. *Ibid.* Novis ex Germania adventantibus copiis Mediolanensem recipere Provinciam meditatur. 233. Viglebansensem agrum tenet. 237. Omnibus ad Trebiam captis locis arctius premere Gagium, ipsamque Placentiam tormentis divexare nititur. 245. Contrà Gagio pons in Pado munitissimus, & magna equitum vis omnem abundè præbet commeatum. *Ibid.* Crebræ inde inter utrumque exercitum velitationes. 246.

Ob

Ob adversam valetudinem Licestenius ab exercitu discedit. 255.

Lobcoviczius mittit cum parte Copiarum Brounium Legatum, qui persequatur Hispanos usque ad Truentum amnem. Ipse in agro Pice-  
no subsistit. 12. Quoad sciret quid Hungariae Regina decerneret. 13. Jubetur uti confestim cum exercitu irrumpat in Neapolitanum Regnum. 15. Ejus jussu Brounius Legatus Truentum transiit, & occupat quædam loca in Vestinis. 16. Ipse ducere agmen in hostium fines instituit eo itinere quod Umbriam attingit per Anagniam ac Frusinonem. 17. Hac erupisse quondam in Regnum ajunt Carolum VIII. Galliae Regem. *Ibid.* An satius fuerit eadem transducere quàm Brounium præmiserat perpenditur. 18. Revocato Brounio, & omnibus Copiis in unum coactis, viâ Flaminiam incedit. *Ibid.* Quibus Copiis. 19. Maceratam movet, & quadridui itinere ad Forum Flaminii pervenit. *Ibid.* Tripartito divisis Copiis progressus a Foro Flaminii ad Falerios Faliscorum venit. 21. Concilium advocat. *Ibid.* In quo potius tumultuatum, quam deliberatum aliquid. 22. Timens commeatibus Romam versus contendit. 33. Hoc magis prope-  
rat quod eodem missa fuerat a Rege pars Copiarum. *Ibid.* Omnibus Copiis Tyberim transductis ad Eretum Castra ponit. *Ibid.* Dum ibi paucos dies moratur complures omnis ordinis homines Romam in Castra confluunt. *Ibid.* Horum assertionibus Austriaci in magnam spem erecti. 34. Ipse Lobcoviczius alacrior Anic-  
Castr. Bon. P. I. F f nem

nem traiecit, & ad Caii Marii Suburbanum  
 venit. 34. Romam ingreditur magno comita-  
 tu ad Pontificem salutandum, tota in adven-  
 tum ejus effusa Civitate. 35. Favore multitu-  
 dinis illo die nihil ei defuit ad Triumphum  
 præter victoriam. *Ibid.* Eodem die redit ad  
 exercitum, & a Mariano movet castra. 36.  
 Procedit ad Aricinum nemus, & validam ma-  
 num antè mittit, quæ loci naturam cogno-  
 sceret. *Ibid.* Conspicatus Regis copias, & loci  
 difficultates primus dimicandi consilium abii-  
 cit. 37. Montem quem infederat inter utraque  
 castra munit. *Ibid.* Commeatibus a Mare ac  
 Neapoli Regios intercludere conatur. *Ibid.*  
 In oppido Nemorensi Prætorium constituit.  
*Ibid.* In summam spem erectus, apud suos per  
 literas gloriatur. 42. Amisso Præsidio subita  
 rerum commutatione perturbatur. 44. Castra  
 paululum a lævo latere contrahit, & Præto-  
 rium ab oppido Nemorensi in Cynthianum  
 removet. 46. A Præfecto Britannicæ Classis  
 impetrat ut aliquot naves a classe abductas ad  
 littus Neapolitanum admoveat. 47. Item par-  
 tem copiarum jubet Comitem Sororum in Ve-  
 stinos ac Marrucinos ducere. *Ibid.* Nimirum  
 sperans aspectum navium, & copiarum ali-  
 quid turbarum movere posse. *Ibid.* Quæ spes  
 irrita fuit. *Ibid.* Valde ængitur quod sua cul-  
 pa res Austriacorum pejore jam loco esse non-  
 nulli dicerent. 49. Conandum sibi aliquid  
 censet, quo detrimentum sarciat, & aditum  
 sibi in Regnum patefaciat. 50. Regiorum Ca-  
 strorum vitium, & hostium ab ea parte indili-  
 gen-

gentiam in Concilio primorum Ducum aperit. 52. Ea irruptionem tentandam proponit, & simul ab dextera tentandum Artemisii montis jugum, probantibus omnibus qui aderant. 53. Omnia ex idoneo loco specularur. 64. Cedentibus jam suis, & in fugam versis subsidia non esse submittenda censet, ne omnes exercitus fortunas in casum daret. *Ibid.* Quamquam ingentibus detrimentis speciem victoriæ imponebat, de receptu cogitat. 68. Quibus de causis. 69. Cunctatur tamen duobus mensibus sive pudore, sive spe. *Ibid.* Legionem Pallavicinam, & Illyricorum manum Regi Sardiniae subsidio mittit. 70. Ægros & impedimenta partim in Hetruriam mari transducenda dat Andrealio, partim ad Falerios Faliscorum præmittit. *Ibid.* Pridie Kal. Novembr. silentio noctis è conspectu Velitrarum discedit. *Ibid.* Celerem fugam quærit per montes Eugubinos, minus sibi displicens quod expeditionis infelicem exitum multo ante præsenferat. 71. In Castra loco edito ac munito posita prope Viterbium die a Velitris septimo se confert. 83. Cognito hostium occupandi Perusiam consilio, motis repente a Viterbio Castris eo properat per Urbevetanum Agrum, & Gagium antecedit. 84. Paucitati suorum diffusus, hostium numerum majorem arbitratus, profectionis fugæ similis consilium capit. *Ibid.* Ut superato Apennino in Flaminiam descendat, atque ibi exercitum in hiberna collocet. 85. Mittit transversis itineribus Sororum, qui Gagium demoretur. *Ibid.* Ad nuncium

adventantium Hispanorum ab hibernis, quæ ad Forum Cornelii habebat, exercitum deducit, & magnis itineribus ad Mutinam usque progressus, ibi castra munit. 89. Eorum Castrorum descriptio. *Ibid.* Repentinam Hispanorum profectionem non sentit. 94. Rei militaris scientiam in hoste admiratur. *Ibid.* Relictis castris ad Mutinam Mediolanum contendit, in speciem ut ei Provinciæ, cui præerat consuleret, revera ut Lucam Pallavicinum qui Viennam proficiscebatur conveniret sibi que conciliaret. 104. Id tamen non obtinuit. *Ibid.*

Lovestenius Laudem Pompejam occupat, & nonnullos Hispanorum fundit fugatque. 137. Lucchesinius (Jo. Vincentius) in historiâ egregius Taciti imitator. I.

Lucenses improvise Hispanorum adventu perturbati. 97. Parem voluntatem in Austriacos, Borboniosque semper ostenderant. *Ibid.* Quibus de caulis partium apud Reges insimulati. 98. Quatuor ex Senatoribus ad eos Legatos miserant. 99. Incerto adhuc exitu legationum, adventante exercitu Civitas sollicita. *Ibid.* Id metum augebat, quod nullæ essent Ducum ad Senatum literæ. *Ibid.* Montanos armant, Sexviros ad custodiam Urbis creant. *Ibid.* Literis demum a Ducibus acceptis quietior Senatus fuit. *Ibid.* Summa diligentia curant ut commeatus, cæteraque quæ ex usu sint abunde suppetant exercitui. 100. Quo fit ut Lucenses militibus, milites Lucensibus sine

acceptissimi. 101. Eorum legati Neapoli, &  
in Hispania comiter accipiuntur. *Ibid.*  
Lunenſis portus amplitudo. 108.

## M

**M**acedonica legio veterem Macedonum  
gloriam æmulata eſt. 61.

Malibojus Marchio militiæ magiſter Gallis  
præſt. 147. Gagii Caſtra ingreſſus Genuen-  
ſium Copiarum robur atque ordinem admi-  
ratur. 164. Contra id quod Gagius ſenſerat,  
ut prior Dertona oppugnetur ſuadet accu-  
ratâ oratione. 166. & ſeq. Maliboiſ ſenten-  
tia non ſine contentione in concilio vin-  
cit. 168. Namque Gallis, Hiſpaniſque non  
idem conſiliorum propoſitum. 169. Quod e-  
gregiam rei bene gerendæ occaſionem ſuis  
conſiliis corruperit male audit apud Hiſpa-  
nos. 195. Id propriæ ne ſtudens utilitati, an  
ex vetere cum Rege Sardinæ neceſſitudine,  
an vero Argenſonio auctore fecerit incertum.  
*Ibid.* & ſeq. Eruptionem faciendam, locoque  
excedendum Gagio contradicente multis ſua-  
det. 256. Enixius poſtquam Auſtriacos Lau-  
dem Pompejam petere nunciatum eſt, perſe-  
verante nihilominus in ſua ſententia Gagio.  
*Ibid.* Ea de re utriuſque Ducis orationes. *Ibid.*  
& ſeq. Certamen dirimunt Ferdinandi literæ,  
quibus ut Dertonam adipiſci properet Gagio  
mandatur. 257.

Marianus Comes Præfeſtus Fabrûm Regis Hi-  
ſpaniarum Spinam montem occupat. 44.



Deinde, sic iussus deferit. 46. Ob podagræ dolores decumbens capitur. 59.

Marsilius Senensis, Eques Hierosolymitanus cum XL. equitibus Alæ suæ pecuniam, & impedimenta servat. 56.

Mauriacensis Gallorum Præfectus paucitati suorum diffusus, & non satis cognita locorum natura a Bolzaneto, & ab iis jugis, quibus Geminis Fratribus nomen est, præsidia deducit. 321. Omnes sub mœnibus copias constituit.

*Ibid.* Cujus exemplum qui ad Mariæ Montanæ excubabant sequuntur. *Ibid.* Querelis totius Civitatis, & Guimontii monitis commotus per Roccæpinium Trib. mil. adhibitâ urbanæ militiæ parte Montem Geminorum Fratrum celeriter recipit. *Ibid.* Eadem celeritate qui a Mariæ Montanæ fano profugerant eodem redeunt. 322.

Miles gregarius Neapolitanus præclarum edit facinus. 16.

Milites cum ad hostes itur alacres, cum de receptu fit mentio statim de fuga cogitant. 92.

Minensis Comes, susceptâ exercitus Hispaniensis post Gagium curâ Dertonam progreditur. 265. Inde, ultra Ligusticas fauces se recipere properans, castra movet frustra ut subsisteret nitente Malibojo. *Ibid.* Oblatum fortè in itinere Novatum, primum Hostium agmen ducentem, opprimere negligit spreto Maliboi consilio. *Ibid.* Contracto ad Langenses exercitu consilium tamen profectionis diligenter obtegit, & Genuensium legato omnia pollicetur. 268. Eadem a Gallis affirmantur. *Ibid.* Se

pro

pro Urbe Genua tanquam pro patria pugnatos omnes recipiunt. 268. Quum ingenti accepta clade, Fratrequē interfecto percussus Bellinfulanus ad ipsius sententiam accederet\* ut Savonem exercitus adducerentur, recusat amissam querens occasionem. 355.

Mirapiscensis Gallorum Regis legatus Cebam in maritimis alpibus peropportunum oppidum oppugnare negligit. 208.

Muniainus Philippo Borbonio a Secrētis, summa apud ipsum auctoritate. 268.

**N** Adaſtius Guardistallum, nequicquam eruptione pugnante Coraphæo Præfecto, in deditionem recipit. 239. Item Placentiam ab hoste relictam. 258.

Navarchus a Britannicæ classis Præfecto Genuam mittitur, qui per causam reddendarum publicè literarum statum Civitatis exploret. 345. Hic opiparè a Boufletio excipitur, & in viis cibariorum copiam expositam, ac populi alacritatem conspicatur. *Ibid.*

Neapolitana Civitas ultro pecuniam in usum belli confert. 68.

*in* Neapolitanum Regnum Græcorum elegantia ac virtus Romanorum immigraverunt. 78.

Nicæense colloquium indicitur; in quo de Italica pace confirmanda agitur conditionibus jam in Aquisgranensi colloquio constitutis. 371. Induciæ statim fiunt. *Ibid.* Qui nomine Principum legati huic colloquio interfuerint. 373. Iisdem conditionibus quæ in Colloquio

Aquisgranensi convenerant pax firmatur. 373.  
 Conditiones quæ ad Italiam pertinent enar-  
 rantur. *Ibid.* De bonis Genuensium, Ducisque  
 Mutinensis ab Hungariæ Regina publicatis  
 orta controversia Galliæ Regis constantiâ  
 tollitur. 374.

**O** Sorius Eques Regis Sardiniae ad Britannos  
 Legatus homo solertissimus. 115.  
 Ovalius Hibernus homo callidissimus. 270.

**P** Allavicini (Dominici) apud Minensem Co-  
 mitem, cæterosque Borboniorum Duces. O-  
 ratio. 267.  
 Pallavicinus (Lucas) ab Hungariæ Regina Man-  
 tuæ Præfectus arces subsidiis firmat. Copias,  
 Frumentum, Pabulumque contrahit. 214.  
 Pax in Aquisgranensi colloquio convenit. 368.  
 Britannorum, Gallorumque Reges præcipui  
 hujus Pacis auctores. *Ibid.* Quænam causæ  
 hos, atque alios Reges, Populosque ad eam  
 pacem impulerint. *Ibid.* & seq. Nulli ea vere  
 utilis. 369. Magis quam hominum consiliis  
 perpetuæ ac necessariæ rerum humanarum  
 inmutabilitati tribuenda. *Ibid.* Omnes, qui bel-  
 lum gesserant, Principes Aquisgranensi collo-  
 quio per legatos intersunt. *Ibid.* Horum Le-  
 gatorum nomina recensentur. *Ibid.* & seq.  
 Quare solus Neapolitanus Rex neminem pu-  
 blicè miserit. 370. Aliquot in eo colloquio  
 cum Principum, tum Legatorum inter se or-  
 tis

tis difficultatibus pacem Galli, Britannique  
perturbari non patiuntur. 370.

Philippus Borbonius Regis Hispaniarum filius  
quartum annum hærebat ad portas Italiæ. 1.  
Superatis Alpibus, trajecto Varo, pluribus  
captis oppidis, supererant ei difficultates,  
obstantibus mari Britannis; terrâ Sardinie  
Rege. *Ibid.* Copias Equitum, peditumque Ga-  
gio subsidio mittit. 136. Expugnatis in itinere  
Loano, & Onelia paulatim procedit. 141.  
Subalpinos è saltibus Montis ferrati deiicit, &  
omnem circa regionem in potestatem redigit.  
146. Ejus in bello, & in pace laudes. 156. Ab  
ea regione quæ cis Tanarum est Legati ad  
eum conveniunt, & se imperata facturos pol-  
licentur. 163. Rebus prosperis elatus longius  
procedit, & ad Serfellum Castra metatur.  
*Ibid.* In Gagii castra venit ad visendum exer-  
citus. 164. Ad ejus aspectum militum gratula-  
tio. *Ibid.* Ab Serfello profectus ad Frigariolum  
castra ponit. 169. Per Marchionem Castella-  
rensem a Novis, Gavioque tormenta accersit.  
*Ibid.* Pincaronium Præfectum Fabrum evocat,  
qui in Dertonæ oppugnatione tormentis at-  
que operibus præsit. 170. In Gagii castra suas  
copias translaturus ea perpetuâ munit fossâ.  
*Ibid.* Ut constituerat a Frigariolo profectus ad  
Julianum confedit in castris, quæ Gagus oc-  
cupaverat. 171. Dertonæ oppugnationem  
protegit. 172. Cum cæteris Ducibus de reli-  
quo post Dertonam captam bello consultat.  
177. Placet plures simul tentari Provincias,  
ut aliquâ ratione hostes è suis munitissimis

castris eliciantur vel distrahantur. 178. Arcem Dertonæ captam Philippus ingreditur, Gagium collaudat, ipsumque Phalettum Equitem Sardiniae Regis Præfectum. 179. Dertonenses bono animo esse jubet, atque Arci Præsidio imposito in sua Castra revertitur. *Ibid.* In ipsis Castris hostium Concilium advocat. 194. Contrariæ in eo Concilio inter Hispanum Gallumque Duces de reliquo bello sententiæ. *Ibid.* Vincit Galli sententia segnior ut nihil festinanter agatur. 195. Recepta per deditionem urbe Alexandria, non oppugnandam Arcem, sed obsidendam statuit. 202. Hujus pravitatem consilii rerum exitus ostendit. 203. Occimianum Philippus proficiscitur, atque inde ad Casale accedit. 206. Ticino digressus Maxentiam venit. 211. Eo Senatus Populusque Mediolanensis obviam quum processissent imperata facturos pollicentur. *Ibid.* Natali die Patris Philippus equo Mediolanum invehitur. *Ibid.* Vicinæ Civitates ad eum legatos mittunt. *Ibid.* Tres tantum menses Mediolanensi Regno lætatus. 238. Ejus extremum agmen dum Ticinum contendit ab Austriacis carpitur. *Ibid.* Patris per Gagium cognita voluntate se ad pugnam comparat. 248. Copias ex præsidiis deducit, contrahit, Malibojum repugnantem literis sua manu scriptis evocat. *Ibid.* Ejus in concilio brevis adhortatio ad Duces. *Ibid.*

Philippus Rex Hispaniæ penitus a Gallorum societate discedere cogitans Hieronymum Grimaldum Viënnam mittit. 236. Huic ut no-  
vas

vas cum Regina amicitias jungendas curet in mandatis dat. 236. Maxime ut secum Regina adversus Sardiniae Regem consentiat. *Ibid.* Legatio irrita, cum Sardiniae Regis apud Britannos gratia, tum suspicione simulationis. 237. Statuit summam rerum praelio committere. 247. Et, stimulante etiam uxore, Gagio mandat ut sine cunctatione Austriacos adoriatur. 248. Diem repente obit. 253. Ejus laudes. 254. Ejusdem uxor altera Elysa omnia ut superiore bello, ita hoc movebat, ut Philippo filio Regnum in Gallia Cisalpina quaereret. *Ibid.*

Pignatellius de exercitu Hispaniensi legatus Cordoneum haud levi certamine occupat. 243. Multi ibi hostium caesi captique, inter quos Grossius, qui eis praeerat. *Ibid.* Hac perfecta re ad Gagium in castra se recipit. *Ibid.* Legatus injussu Imperatoris hostem ad Tidonium lacescens cruentissimi praelii causa & initium fuit. 258. Laboranti succurrit Malibojus. *Ibid.* Pincetius (Michael) a Senatu Genuensi missus Sergianensem provinciam confirmat. 322. Tumultuarius militum manu collecta in Vogternium impetum facit, atque eum a provincia repellit. 323.

Pinellius (Paris) Augustini Fr., audax & gloriae cupidus adolescens cum Liguribus CL. aggreditur Austriacos monte Fascensi depellere. 347. Summae nimirum difficultatis ac periculi rem. *Ibid.* Primum hostium praesidium multis interfectis expugnat. *Ibid.* II. militum milia subsidio mittuntur ab Austriacis, qui multo majorem Ligurum manum adesse suspicant.

bantur. 347. Cum his quoque temere Pinellius congregari non dubitat, & ad eos loco præmunito subit. *Ibid.* Facili negotio Ligures funduntur, Pinellio vulnerato hostes caput abscindunt. 348. Corpus deposcenti Fratri conceditur, & maxima civium frequentia, gravique dolore funus celebratur. *Ibid.*

Pistaluccius præerat Præsidio imposito monti quem occupare Regii neglexerant. 41. Dominum quandam propter viam Romanam occupat. 43. Insequenti die in eadem domo opprimitur. 44.

Placentini Borboniis student partibus. 181. Item Parmenses. 182.

Pontifex Maximus se ab impetu belli tutum Religionem arbitratur. 3. Neutri partium studens, ab utraque plurimum accipit incommodi. *Ibid.* Ad aspectum Caroli Regis ingenti lætitia perfusus. 72. Hungariæ Reginam ut pecuniæ partem Genuensibus remittat obtestatur. 284. Quod concessum primo, postea negatur, addita hibernorum nomine immensi summa. *Ibid.*

Populares VII. Genuenses loco nati honestiore, optimeque de Patria meriti nobilitate donantur. 372. Horum nomina recensentur. *Ibid.*

Porciferani postquam acriter Piccolomineo repugnauerant ad Bolzanetum se recipiunt, ubi præsidium erat Gallorum. 320. Quanquam a Gallis deserti in tuendi Bolzaneti proposito perseverant. 321.

Portocarrerus Dux dum negligentius ad Valmontonium oppidum verlatur cum unius Cen-

Centuriæ præsidio ab Hungaricis Equitibus conciditur. 69.

Prælium ad Campum Sanctum dubio exitu. 4.

Principibus nihil magis nocet quam impune contemni posse. 331.

Puifienfis Marchio in Argenfonii locum in Concilio ab Rege Galliæ adhibetur. 312.

**R**icelienfis Dux Genuam ab Rege Galliæ qui suis præsit mittitur; cui honorificentissimè excepto statim Senatus datur. 358. Ipsius cum suo, tum Regis nomine ad Senatum verba, itemque Senatus ad eum. *Ibid.* Ea loca unde in Bisamnatem vallem irruperant Austriaci diligentissimè muniri curat. 359. Ad Campum Frigidum Vicum oppugnandum satis valida præmissa manu, ipse ad mapalia Marcaroli ut Nadaesium distineat progreditur. *Ibid.* Sed asperiora quam speraverat nactus loca validioremque hostem, aliquo accepto detrimento Campi Frigidi oppugnationem dimittit, & Genuam revertitur. 360. Per Roccapium Subalpinorum Præsidium Varagini opprimit. 393. Nadaesium Vulturem occupare conantem per Marchionem Montium magna cæde repellit. *Ibid.* Ipse majoris momenti consilium mente agit, occupandæ nimirum Savonis repentino incurfu. *Ibid.* Studiis etiam Savonensium, occultisque nunciis confirmatus, & tempore cum his, ac loco, signoque constitutis Aginnensium Ducem cum parte copiarum mari præmittit. 365. Ut celeritatem adhi-



adhibeat, & nocte Savonem perveniat imprimis monet. 365. Ipse cum cohortibus VII. per Chovelenium contractis terra progrediebatur. *Ibid.* Cum reliquo exercitu Ahumada subsequiebatur. *Ibid.* Tardius in cogendis navibus re administratà negotium perturbatur. *Ibid.* Orta jam luce Dux Aginnensium in Savonis conspectum venit *Ibid.* Eum, patefactis insidiis & excensione factà, aperta vi agere non dubitantem Riceliensis revocat, atque ipse Genuam revertitur. 366. Ipsi, liberis, posterisque, atque agnatis Civitas a Senatu Genuensi datur, ita ut Patricii essent Genuenses: itemque statua illi in Curia ponenda decernitur. 372.

Rivarolæ filii damnati Majestatis, armatis Botæ precibus solvuntur. 286.

Rocæsius Comes cum XII. Subalpinorum cohortibus ad exercitum Sculemburgii venit. 333. Genuâ discedens copiarum partem Leutronio subsidio mittit, partem ipse in fines reducit. 350.

Rovelejus Britannicæ Classis Præfectus Genuam mittit qui causam armorum ex Duce ac Senatu percunctetur, postuletque ut sibi Reipublicæ opes ac exercitus accurate indicentur. 124. Cui præcisè & ex dignitate respondent Genuenses. *Ibid.*

**S**acerdotes Genuenses, ipsi se ultro offerentes, militaria munera obeunt. 346.

Sanctacrucius Morillii Comes Tarraconensis alæ Præfectus a Rege Neapolitano Præneste explo-

plorandi causa mittitur. 33. Ad Stratelliam  
progredi, & ibi Pontem in Pado efficere jube-  
tur. 180.

Sanseverinas (Nicolaus) fortissimè pugnans vul-  
neribus confoditur, & pro occiso relinquitur.  
58. Graviter vulneratus Tribunus militum de-  
claratur. 67.

Santinius (Cæsar) a Lucensibus Duci Mutinen-  
sium obviam missus. 101.

Savallius (Alphonfus) quamvis debilitatus vul-  
neribus fortiter pugnans exemplo est militi-  
bus hispanicæ Legionis, cui Coronæ nomen  
est. 61.

Saulius (Anfranus) Liguribus Ingaunis Præfectus  
auxilia a Gallis nequicquam postulat. 261.  
Hac spe dejectus Astengium Centurionem  
cum Legionariis paucis & manu tumultuario-  
rum contra ingruentes Subalpinos mittit.  
*Ibid.* Multis locis hic bene rem gerit. 262.

Savonensis Oppidi, atque arcis descriptio. 363.  
Ultra Savonem ad Occidentem est Vadum  
Sabatium, statio tutissima navibus, in qua  
anchors jecerant Britanni. *Ibid.* In portu Sa-  
vonensi erant Triremes II. Regis Sardiniae: in  
Oppido vero constituta horrea, congesta ar-  
ma, commeatus omni generis. *Ibid.* Subalpi-  
norum, qui sub Comite Roccaasio arcem tene-  
bant, præsidium non satis firmum, idemque  
incuriosius agens. 364. Invisum etiam ob mi-  
litarem licentiam Savonensibus. *Ibid.* Hi per  
certos homines Genuam missos monent esse  
locum insidiis, muro Urbis qua ad mare ver-  
git dehiscente, atque hedera obtecto. *Ibid.*

Scu-

Sculemburgius Comes Austriaco exercitui post Lobcoviczii discessum Præfectus equites nonnullos levisque armaturæ pedites per Apuanos montes mittit, qui Hispanorum iter infestum habeant. 105. Ipse per agrum Parmensem ac Placentinum cum reliquo exercitu profectus ad Novas Genuensium oppidum castra locat. *Ibid.* Bartholomæum Laumellinum, qui Novis præerat, ad se in castra profectum, & factum Genuensium excusantem, querentemque injurias vi retinet, atque Novas oppidum occupat. 140. Eo oppido relicto, & collectis raptim copiis citato agmine ad Ripaltam retrocedit, ibique loco munito castra facit. 147. Motis a Ripalta castris ad Regem Sardiniae properat, & ad lævam castrorum partem prope Augustam Batienorum confidet. 160. Cognitis quæ Placentiæ ac Parmæ gererentur aliquot mittit copias ad dexteram Padi ripam allervandam. 182. Ipse ab Augusta Batienorum ac Regè Sardiniae non discedit. *Ibid.* Tandem Mediolano timens a Rege digreditur, ut illi Urbi opem ferat. 187. Nunciis Regis revocatur. 193. Pontem, quem in Pado fecerat, ab hoste occupatum nactus, de transitu desperat. *Ibid.* Fugam sociorum spectans secundum flumen ire pergit. *Ibid.* Castra è regione Casalis locat, ut facto ibi ponte iterum cum Rege jungatur. *Ibid.* Ejus in Genuensi administrando bello difficultates, exercitu diminuto, deficientibus ad oppugnationem tormentis, duris omnium rerum subvectionibus. 316. & seq. Tum quod

quod Rex Sardinia non admodum huic bello inservire videbatur. 316. Quibus de causis. *Ibid.* Ad eum Regem mittit Sculemburgius Blonchedium Trib. mil., qui depositis controversiis tormenta atque auxilia ab ipso impetret. *Ibid.* Genuam quacumque ratione oppugnandam constituit. 317. Auxilia atque tormenta ad Genuam oppugnandam certis interpositis conditionibus per Blonchedium impetrat. 319. Conditiones quæ fuerint. *Ibid.* Copiis in plura agmina distributis Novis noctu proficiscitur. *Ibid.* Ex equo cadens latus vehementer offendit. 320. Captis pluribus munitis, & opportunis locis Sanctandreaensem post se ne intercludatur collocat. 321. Ipse apud Turraciam Prætorium constituit. *Ibid.* Admoto exercitu denunciat per Blonchedium Senatui, uti arma ponant, & antequam advehantur tormenta imperata faciant. 323. Addit minas nullam advectis tormentis futuram deditionis conditionem. *Ibid.* Spe deditionis dejectus, acrius bellum urget. 325. Aucto Subalpinorum auxiliis exercitu collem in quo fanum est Misericordiæ occupat dejecto Genuensium præsidio. 334. In Bisamnatem vallem erumpere, & infirmiolem arbis partem, quæ ad Orientem vergit, oppugnare statuit. 340. Id a principio faciendum quare factum non sit incertum. *Ibid.* Jubet Subalpinos, & Austriacorum cohortes aliquot in Geminorum Fratrum montem, & simul in Arenarii munitiones impetum facere, ut ancipiti defensionis cura Genuenses distrahat.

341. Ipse silentio noctis cum reliquo exercitu expedito progressus ad Serram Bayarorum sub lucem venit, indeque Ligurum præsidium deiicit. *Ibid.* Tum Faucis Rattorum summum jugum occupat a perturbatis nova re Helvetiis desertum. *Ibid.* Omnibus fere Bisammati valli imminentibus occupatis montibus in Mariæ Montanæ sanum impetum facere paulisper cunctatur. 343. Incertum an metu insidiarum fecerit, seu nimium veritus difficultatem. 344. In valle Sturla subsistit, & Turrim ad mare impositis tormentis communit. *Ibid.* Inde naviculæ, quæ litus, commeatibus subvehentes Britannicasque in alto naves vitantes, legebant, territantur. 345. Subalpinis, Britannisque discedere properantibus a Genuæ oppugnatione invitatus divellitur. 350. Exploratam eripi sibi victoriam queritur. *Ibid.* Relicta Sturla, & aliquot ad Turraciam, & in Porcifera valle dies moratus, quietissime transgreditur Fauces, & in Galliam Cisalpinam redit. *Ibid.* Ibi exercitum Brounio tradens in Germaniam proficiscitur. *Ibid.*

Sevius Comes Legatus Austriacos laceßentes repellit, & pontem in Macra rescindit. 107. Præponitur sinistro lateri atque itineri in transitu Faucium Ligusticarum. 144. Mittitur cum duobus millibus hominum, & tormentis sex ad expugnandam Arcem Serravallis. 146. Id perficit die ab oppugnatione undecimo. *Ibid.*

Signiferi cujusdam exercitus Neapolitani facinus. 107.

Sil-

Silva Præfectus Castrorum copias quæ ignorantia loci deerraverant revocat. 190.

Sorous Comes Amiternum, & Interamnium, & quosdam ignobiliores vicos occupat. 48.

A Montanis peditibus primum, tum a Varga Castrorum Præfecto coercetur, postremo a Duce Vieyillæo funditur, & fugatur. *Ibid.*

Cum nongentis ferme militibus Nuceriam occupat, ut Gagiū Austriacos insequentem detineat. 85. Ab Hispanis Neapolitanisque oppugnatus mira proflus audacia diū resistit. 86. Ad deditionem compellitur. *Ibid.* Ipse conservatur, in cæteros, uti in transfugas, lege agitur. *Ibid.*

Statellatium castellum a Gallis expugnatur, & diruitur. 244.

Stuartius (Carolus Odoardus) in minori Britannia Stuartianas partes excitans acriter bellum gerit. 159.

Subalpini ob insidiarum suspicionem Savonensibus irati durissime eos habent. 366. Pecunias imperant, principes in custodiam coniiciunt. *Ibid.*

Subalpinorum legio ad Castrum Bajanum fugatur a Malibojo. 243.

Supplicatio solemnis Genuæ indicitur IV. Id. Decembr. quotannis renovanda, quo die liberata urbs ab Austriacis est. 371.

**T**Anari fluminis & Castrorum Sardiniae Regis ad hoc flumen descriptio. 188.

Tau-

Taubenius Hispanorum Præfectus accurrit auxilio suis qui ad faucem Rattorum laborare nunciantur. 341. Frustra eos confirmare hortationibus, & exemplo conatur. 342. Fortissimè pugnans gravi afficitur vulnere ex quo duodecimum post diem moritur. *Ibid.*

Tripius Tribunus Legionis Pallavicinæ pene exsanguis vulneribus, captus moritur, & honorifice effertur. 44.

Tunius Comes Episcopus Gurcensis Reginae Hungariæ ad Pont. Max. Legatus. 14. Magna pollicetur de facilitate occupandi Neapolitani Regni. 15. Româ advolat ut Lobcoviczium ad Forum Plaminii conveniat. 19. Vehementius confirmat quæ per literas inculcaverat. 20. Animadvertit Legatos, & plerisque copiarum Præfectos alieniore esse in Ducem animo. *Ibid.* Romam reversus literas ad Reginam dat. *Ibid.* Quæ severius ad Lobcoviczium scribit, ut bellum maturet, & Legatorum rationem habeat. 21.

Turrius Marchio Campofanctensis dum ad Dertonam murum incautius subit male habetur cum suis. 175.

**V** Allishermosæ Comes omnia militis ac ducis officia præstat. 65.

Velitræ in colle præcelso atque edito sitæ. 39. Ejus oppidi descriptio. *Ibid.* In eo oppido Ginnettiæ gentis Domus, in qua Rex diversabatur. *Ibid.* Ad idem oppidum Castra, & stationes Regiæ quomodo dispositæ. 40.

Ve-

Veneti armati ad fines pacem servant. 3. Italiam ardere bello vehementer dolent. *Ibid.*

*in* Viaregii litore levis inter classiarios Britannos, Genuensesque Navicularios decertatio. 360. Querelæ ex ea Genuensium, & offensiones in Lucenses ortæ. 361. Ad eas removendas Lucenses Joannem Sardinium Genuam mittunt. *Ibid.* Qui, cum causâ, tum etiam Gallici Legati officio, Genuenses Lucensibus reconciliat. *Ibid.*


Vievillæus Dux revocatur, adducitque in castra copias quas habebat. 68. Legatus dextero lateri, itinerique in transitu faucium Ligusticarum præficitur. 144. Ad occupandas Novas mittitur. 146. A Novis revocatur & primo exercitus agmini præficitur. 161. Cum valida militum manu tormentisque Placentiam, Parmam, Bobiumque versus ad distrahendos hostes mittitur. 178. Placentiam primo impetu scalis admotis capit. 181. Milites ad prædam discurrentes auctoritate & minis compescit. *Ibid.* Tum arcem ad deditionem compellit. 182. Milites, qui in præsidio erant, apud eum sacramentum dicunt. *Ibid.* Inde Parmâ a Præsidariis desertâ, & Bobio sine ullo certamine potitur. *Ibid.* Ad Gagium in castra redit, ingenti militum gratulatione. *Ibid.* Ad oppidum Ticinum accedit. 184. Per Flobertium militarem architectum si qua possit irrumpere in Urbem nocte in tempesta tentat. *Ibid.* Portam præter spem custoditam offendit. *Ibid.* Quare Hispani milites primo perturbantur: deinde a Flobertio con-



confirmati eodem usi duce per collabentes  
muri partem ascendunt. 185. In stationem  
irrupunt cæsisque custodibus portam effrin-  
gunt. *Ibid.* Resistentibus Austriacis prælium  
in ipso oppido committitur. *Ibid.* Donec ip-  
se cum omnibus copiis Vievillæus urbem  
ingreditur, & hostium partem in fugam dat,  
partem in Arcem compellit. 186. Hi postri-  
die se Arcemque dedunt. *Ibid.*

Visettius Jesuita cum Botta colloquitur. 298.  
Tela undique immissa colloquium dirimunt.  
*Ibid.*

Vogternius Instructor Exercitus a Lobcoviczio  
missus ad efficiendum in Tyberi pontem. 33.  
Collectis ex Cisalpina Gallia militibus Ser-  
gianensem provinciam invadere jubetur, ut  
undique com meatibus Genuenses interclu-  
dantur. 320. Quum intra fines ingressus ef-  
set, discedere a provincia infecta re cogi-  
tur. 323. Per Massensem & Lucensem a-  
grum ad Apenninum properat, & ea juga  
transgressus se ad Sculemburgium recipit.  
*Ibid.*



## ERRATA.

## CORRIGE.

<i>Pag.</i>	<i>Verf.</i>	
19.	30. ad	ab
132.	3. nostras	nostra
135.	18. valli	vallis
142.	2. efferrent	afferrent
143.	19. cum	eum
175.	12. exeuntes	exuentes
235.	10. colloqui	colloquii
240.	28. ad	ab
259.	2. summe	summæ
295.	25. conveniret	convenirent
303.	15. iraci	irasci
305.	33. charitate	caritate
310.	3. Rempubicam?	Rempubicam,
349.	5. eum	quum
360.	33. Naviculari	Navicularii



Vita Nova  
di M. S. (Litt)  
Latina - (B. P. P. P.)  
1970



